



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation


Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



8° p-o. juil. 1956.

Histoire

Fiche

Literat. Gall.

Tabula Roman.

№. 353.

L'HISTOIRE
DES DEUX
NOBLES, ET VAIL-
LANS CHEVALIERS

Valentin & Orson, fils de l'Empe-
reur de Grece, & neveux au
Tref-Chrestien Roy de
France Pepin.




*Contenant LXXIIII. Chapitres, lesquels par-
lent de plusieurs & diuerses matieres, tres-
plaisantes & recreatiues.*



A LYON,
Pour Iean Huguetan, au phœnix.

M. D. C. X V.





L'HISTOIRE DES DEVX NOBLES, ET

VAILLANS CHEVALIERS

Valentin & Orson, fils de
l'Empereur de
Grece.



O V s trouuons és Chroniques ancien-
nes, que le noble & vaillant Roy Pepin
espousa & print à femme Berthe, de
grand renommée: laquelle estoit sage &
prudente. En son temps souffrit pou-
uie plusieurs tribulations, car elle fut chassée & expel-
lée de la compagnie & habitation dudit Roy son mary,
par vne fauce & maudite vieille enuenuimée en mali-
ce, laquelle pour la premiere nuictée, trouua façon &
maniere de bailler vne fienne fille, au lieu de la bonne
Royne Berthe, & el'e mena & conduisit ceste trahison
pour maintenir la fille avec le Roy, au lieu de Berthe
son espouse. Et le Roy eut de celle fille, deux fils, Auf-
froy & Henry, lesquels au temps de leur regne moult
fort greuerent le pais de France, & furent de fier cou-
rage, & pleins de male volonté. Ils furent cause de met-
tre la Royne Berthe en exil, dont luy conuint maintes
douleurs & angoisses souffrir, & fut long temps la bon-
ne dame en exil, vsant & passant son temps en larmes
& gémissemens. Mais puis apres de son amere & dou-

loureuse fortune, Dieu le createur des peines & tourmens vray protecteur & deffenseur voulut la bonne dame en son aduersité misericordieusement secourir. Et en tant que Dieu le createur au moyen & à l'intercession de plusieurs barons de France, desirant le bien & vutité du royaume, la Roynie Berthe fut accordée au Roy lequel en grand pitié & hōneur la reçeut. Et apres peu de temps elle engendra vn fils, ce fut le trefredouté & trespouissant Roy Charlemagne, lequel puis apres fut debouté & dechassé du royaume par les dessusdits Auffroy & héry, ainsi que plus à plein appert en ce present liure. Mais à tant ie vous veux parler de la matiere subiecte ia deuant proposée, & par special du faict & gouuernemēt du vaillant Valentin, & son frere Orson.

Or est vray que le Roy Pepin auoit vne sœur nommée Bellissant, moult belle, plaisante, & gracieuse, en toutes choses bien apprise & endoctrinée, & l'aimoit le Roy Pepin de bonne amour. Et tant qu'il aduint que pour le bruct & bonne renommée d'elle, laquelle de grands & de petits estoit prisee & aymée pour la beauté & tresgracieux parler, maniere & contenance qu'en elle resplesdissoient plus qu'en nulle autre dame. Le Roy Alexandre Empereur de Constantinople fut esprins de son amour & embrasé trefardemment, & ne demeura pas longuement que pour celle cause vint en France, avec moult haut & grand estat, accompagné de plusieurs Comtes & Barons, qui tous estoient en grands pompes & richesses. Si ne demeura pas longuement apres sa venue, qu'il manda à tous les plus grands princes & seigneurs de sa court: & leur commanda se mettre en haut & honorable estat. & leur dist, qu'ils allasent vers le Roy Pepin demander en mariage, pour femme & espouse sa sœur Bellissant, laquelle luy fut accordce

cordee par ledict Pepin à moult grand' ioye. Si fut par
 toute la cour tant d'un costé que d'autre, feste de-
 nee pour les ioyeuses nouuelles de la bonne alliance
 de l'Empereur Alexandre, & du franc Roy Pepin qui sa
 sœur luy donna. Les nopces furent faites à grand' so-
 lennité & triumphe. Il ne faut pas demander si alors
 fut grand' largesse de toutes choses. La feste dura lon-
 guement, puis l'Empereur & ses gens prindrent congé
 de son beau frere le Roy Pepin, pour s'en aller à Con-
 stantinople avec sa sœur tresgracieuse la noble Bellis-
 sant. Le Roy fit honorablemēt habiller ses gens pour
 accompagner & conduire son beau frere l'Empereur
 de Constantinople. Chacun monta à cheual il y auoit
 grand' quantité de damoiselles, & de grandes dames
 qui accompagnoient Bellissant. Ceux qui demurerent
 plouroient piteusement pour le departement de Bel-
 lissant. Le Roy Pepin les conuoya plusieurs iournees
 tant qu'ils arriuerent à vn port ou l'Empereur monta
 sur mer. Là endroit print congé du Roy Pepin, en luy
 rendant grace plus que ie ne vous scaurois dire, de l'hô-
 neste chere & de la bonne reception qu'il luy auoit fait.
 Et entre les autres choses de sa sœur Bellissant, laquelle
 de pure & loyalle volonté luy auoit donnée pour fem-
 me. A ces mots le Roy Pepin, commença à embrasser
 Alexandre, en luy disant, beau sire & trescordial sei-
 gneur & amy au regard de ma puissance, ie ne vous ay
 pas reçu en triumphe n'en si haute & excellente ma-
 gnificence comme ie deusse : mais tant que ie cognois
 la gracieuseté de vous que de mon petit pouuoir vous
 estes content. Et à moy ne soit pas les graces & mercis :
 mais sont à vous quand tant vous m'avez voulu deco-
 rer & de vostre personne honnorer, quand ma sœur
 avez voulu prendre à femme. Et sçachez que d'icy en

quant j'ay bonne volonté & ferme propos que nous soyons bons amis ensemble. Et quand est de moy ie suis celuy qui de ma puissance, voudrois le corps & les biens mettre & abandonner pour vous servir en tous lieux & en toutes places, selon mon pouuoir. Puis s'en vint Pepin vers sa sœur Bellissant & luy dit, belle sœur, souue- nez vous du lieu dont vous estes issue, & faites en maniere que moy & vos amis, & tout le sang Royal puissions auoir de vous ioye, profit, & honneur. Vous allez en pais estrange loing de vostre nation, gouvernez vous par sages dames, & vous gardez de mauvais conseil croire, vous estes la creature du monde, que j'ay plus cher aymee. Si me seroit la mort prochaine si par vous ie n'auois toutes bonnes nouuelles. Pepin donna à sa sœur de beaux & honnestes enseignemens, & puis doucement l'embrassa & baïsa en plourant tendrement pour son departement. Et la noble dame qui le cœur eut piteux & dolent, peu de chose respondit : car de ses plaisans yeux & du cœur souspiroit grandement, tant que le parler luy estoit chose tresforte. Adonc prindrent congé dames & damoiselles, Barons & cheualiers, tant de France comme de l'Empereur. Là y eut maintes larmes plourees & maints souspirs iettez pour Bellissant. Le Roy Pepin s'en retourna en France, & l'Empereur monta sur mer, & eut bon vent & le temps à son plaisir, tant qu'en peu de temps arriuerent luy & ses gens à Constantinoble, & là fut receüe à grande solennité & triumphe, dont le reciter seroit long : mais il ne demeura pas longuement que le grand triumphe & honneur qui fut faict à la Roïne Bellissant, & la ioye que chacun mena fut menee en grands pleurs & lamentations pour la dame Bellissant : car par trahison & excusation (qui fut deceptiue) fut en exil iet-

tee, ainsi comme plus à plein vous sera recité en ce present liure.

*Comment l'Empereur de Constantinoble fut
trahy par l'Archeuesque.*

EN la cité de Constantinoble, auoit vn Archeuesque lequel sur tous l'Empereur aymoît & tenoit cher plus que nul. Il luy faisoit des biens à grand' largesse, tant auoit de fiance en luy. L'Empereur le fist gouverneur de tout son hostel, & le fist son confesseur principal, & sur tous secret, dont il eut depuis le cœur dolent, le faux ingrat & non cognoissant des grands biens & haut honneur. qu'il luy auoit fait par amour desordonnee, deshonneste, vituperable, & vilaine, embrasé fut espris de puante luxure, & de plaisir charnel, pour la clere beauté de Bellissant la gracieuse, douce, & courtoise, tant & si ardamment qu'un iour qu'il aduifa la Royne toute seule en la salle parée, vint aupres d'elle soy asseoir. Et luy estant assis commença à regarder la Royne en sousriant, dequoy la noble dame ne fit maniere ne semblant: car tant estoit desloyal l'Archeuesque priué & familier de la maison, que iamais n'eut cuidé personne nee, que faire ny penser il voulsist chose contre l'Empereur, fors que tout honneur. Or n'est-il point de pire ennemy que celuy qui est familier de la maison, quand à mal il se veut appliquer, comme bien le monstra le faux & maudit Archeuesque, lequel estant assis aupres la treshonnoree dame, il ouurit sa bouche venimeuse, puante & sale, & parla en ceste maniere, ma treschere & souueraine dame: ie suis vostre petit seruiteur & chappelain: s'il vous plaist ouyr & entendre vne chose que ie vous veux dire, laquelle en

douleur & melancholie i'ay longuement porté & enduré. Sachez ma dame redoutée que la beauté de vostre corps & plaisante figure formée, & compassée outre tout humain corps de naturelle operatiō à rauy, esprins, & embrasé mon cœur que nuict & iour ne peut penser sinon à vous tant seulement. Et qui pis est perds repos, boire & manger, maniere & contenance quand il me seruient de voz beaux yeux & clere face. Si requiers à Dieu qu'il vous doint volonté & courage de moy pour amy receuoir, & que ie vous puisse. seruir & complaire à vostre gré, plaisir, & volonté: car s'il est ainsi. que vous mē refusez pour amy ie n'ay espoir ny confort plus prochain que la mort inuoker. Helas dame, vous qui estes en toutes choses renommée douce, benigne, courtoise & debonnaire ne soyez cause de ma mort abregger: mais vueillez moy vostre amour oëtroier par tel conuenant que ie seray loyāl & secret en amours plus que ne fut iamais homme. Et qui plus est n'ayez peur ou crainte de Dieu pour ce fait offenser ou peché faire: car ie suis vicaire de Dieu en terre, si vous pourroye donner absolution & penitence facile & legere.

A ces mots depits, diaboliques, & pleins de trahisō & dedeueance, la dame prudente, sage & eloquente basement respondit. Ha faux desloyal & irregulier Archeuêque tenté & plein de diabolique volonté, comment ose tu proferer de ta bouche (qui sacree doit estre) paroles tant vilaines, deshonestes & abominables, contre le profit & maiesté Imperial, de celuy qui tant doucement t'a nourry & monté en honneur plus qu'à toy n'appartient, dont te peut venir ne mouuoir celle malediction d'estre de damnation cause, qui me dois en la sainte foy en mœurs & conditions enseigner, ainsi que l'Empereur pense & du tout se confie. la à Dieu ne plaise,

plaïse, que le sang de France dont ie suis extraicte, ny la maiesté du puissant & noble Empereur soit honnie, n'en rien deshonorée. O faux & maudit homme, regarde que tu veux faire que me veux despouiller & deuestir de tout honneur, & mettre mon corps à honte & vergoigne vituperable, & mon ame en la voye de damnation eternelle. Delaisse ta folle opinion: car à tel le fin comme de mon amour ny peux paruenir n'y atteindre. Et si plus outie tu en parles sois certain que ie le feray assauior à l'Empereur, & alors pourras bien dire que de ta vie sera fait: vaten d'icy & n'en parle plus. De telle responce fut l'Archeuesque trop courroucé, & n'osa plus auant proceder sur ceste matiere, puis que de la dame ne pouuoit auoir l'amour. Ainsi confus s'en retourna: car oncques ne fit semblant ny maniere ne signe ou il peut prendre reconfort, n'esperance de pouuoir paruenir à son entente. Grandement se repentit de sa folie, quand il fut rebouté & refusé de la dame. mais remede nullement ne trouua de sauuer son honneur fors que par trahison: car en luy mesmes pensa & eut doute que la Roynes ne declarast à l'Empereur sa male volonté & faux desloyal courage. Trop tost commença la folie & tard s'en repentit. Il aduisa souuent que ce que fol pense demeure bien souuent imparfait.

Comment l'Archeuesque refusé & rebouté de Bellisani, machina grand trahison pour son honneur garder contre la noble dame.

EN pensée & soucy trop parfait & ennuyeux fut l'Archeuesque, doutant que l'Empereur ne le fist incontinent mourir pour sa fausse trahison laquelle contre sa seigneurie il auoit commise. Si pensa en soy-
mesme

mesmes de sauuer son honneur au mieux qu'il pourroit: pour monstrier apparence de loyauté & preud'homme, vint le iour de l'Ascension deuers l'Empereur, faingnant qu'il vouloit son honneur & le tira à part luy disant ce qui s'ensuit. Treshaut Empereur il est vray ie cognois les grandes graces & benefices que vous m'auuez donné, & sçay bien que par vous ie suis en honneur monté & esleué plus qu'à moy n'appartient, & si m'auuez fait moy indigne & insuffisant, maistre & gouuerneur de toute vostre maïso, plus que nul autre de vostre cour, si ne dois pas estre en lieu ny place ou ie souffre n'édure que vostre estat soit diffamé: car ainsi me soit Dieu propice que i'aymerois plus cher deuât tous moy soubsmestre à subite mort finer mes iours, que voir & escouter langages & parolles qu'à vostre honneur & seigneurie fussent mal conuenables ne licites. Parquoy s'il vous plaist vous m'entédrez reciter vn cas, qui grandement touche vostre honneur plus que rien. Sire, il est vray que Bellissant vostre femme sœur du Roy Pepin de France, laquelle vous auiez voulu tant priser & honorer, que pour femme & espouse l'auiez prinse, ne vous tient pas foy ny loyauté comme elle doit: car pour tout vray elle ayme autre que vous. Mais tant y a que ie ne veux pas nommer celuy qui d'elle fait sa volenté: car vous sçauiez que ie suis prestre sacré, il est vray que la verité de ceste chose si m'est venue en confession. Parquoy ne la doypas reciter en maniere que ie vous nomme celuy qui tel deshonneur vous pourchasse: mais me vueillez croire que en toute la cour n'y a plus dissoluë ny deshonneste femme que la vostre que tant chere vous tenez, dont vostre corps est en danger & peril. Icelle a pourchassé nuiet & iour de vous faire mourir, afin de mieux faire à sa volenté. Et

pour

pourtant ie suis tenu de vouloir vostre profit & honneur garder , ie vous aduertis que veuillez aduiser & corriger si secrettement que faire pourrez , ou autrement ie tiens vostre honneur perdu & vostre personne deshonorée : car trop est grand' infameté entre les Princes, que vous cuidez auoir espousé la sœur du Roy de France, pour la fleur de beauté & prudence de noblesse, & vous auez espousé vne putain , qui de vostre vie est envenimée , & vostre mort desiré de iour en iour: dont suis desplaisant. Parquoy veuillez y remédier au mieux que vous pourrez pour vostre honneur garder.

Quand l'Empereur entendit le parler du traistre Archeuesque ne demandez pas s'il fut en son cœur amerement doulent & courroucé: car de tant est-il plus doulent, quand on luy en rapporte mauuaises nouvelles. L'Empereur creut de leger les paroles du faux Archeuesque : car en luy auoit sa confiance plus qu'en homme viuant. Il creut trop de leger parquoy grand inconuenient puis apres en sordit. Il n'est plus grand danger à Prince que de croire de leger. L'Empereur ne respondit rien : car il fut tant espris de courroux , & nauré au cœur profondement qu'il perdit maniere & contenance , il s'en alla parmy le palais imperial gémissant & iettant souspirs tres-angoisseux. Puis ne se tint pas à tant: mais ne peut son ire refraindre n'attrempier & s'en entra sans parler n'y faire semblant, dedans la chambre de Bellissant qui garde ne s'en donnoit , & sans dire mot à dames ny à damoiselles , cruellement & de fier courage vint prendre la noble Bellissant , & par les cheueux la print & la ietta à terre , si rudement que de sa noble face luy fist le sang saillir. Adonc se print la dame piteusement à plourer & crier en disant.

Hélas

Helas mon seigneur quelle chose vous ment de moy si outrageusement frapper, & battre: hélas en iour de ma vie ne vous fis que tout honneur & loyal service de mon corps. Ha putain dist l'Empereur ie suis trop bien informé de vostre vie. Que maudite soit l'heure & le iour que de vous premier me vint cognoissance, & derechef si fort la frappa que la noble dame perdit le parler: & eniderent les dames & damoiselles qu'elle fut morte, si firent vn cry si tresgrand, que les Barons & cheualiers de la cour l'entendirent, & vindrent en la chambre, dont les vns leuerent la noble dame, & les autres prindrent l'Empereur luy disant. Helas Sire, comment auez vous si cruel courage de vouloir defaire si noble dame, qui tant de vous est cher aimée. En elle ne fut iamais veu ny cogneu blasme ne vilenie ne vitupere: mais toute bonté & honnesteté. Pource reshonnoré & redouté Sire soyez vn peu plus attempé & moderé: car à tort & sans cause entreprenez ceste querelle contre la bonne dame. N'en parlez plus dist l'Empereur, ie cognois & sçay comme la chose va, & qui plus est par le Dieu tout puissant, ie suis delibéré totalement de la mettre à piteuse fin, & si nul d'entre vous m'en dit le contraire ie luy seray perdre la vie, possessions, & heritages. A ces mots parla vn tressage Baron & dit Redouté Sire, aduisez & considerez que vous voulez faire. Vous sçavez que la dame Bellissant est sœur du Roy de France nommé Pepin, lequel est puissant fier & de terrible courage. Croyez certainement que si vous faites à sa sœur Bellissant outrage qu'il est homme pour soy venger, par telle façon que trop de dommage pourra porter en ce pays & en pourront mourir maius hommes & vai'lans cheua'iers, & vous mesmes mis en exil & confusion dont seroit pitie.

tié. Outreplus la bonne dame est grosse d'enfant ainsi que vous voyez, si est peril à vous de la ferir ny toucher si rudement. Apres ces parolles la dame se ietta à deux genoux à terre deuant l'Empereur, en plourant & disant moult piteusement. Helas mon seigneur ayez pitié de moy : car oncques mal ne vilenie ne pensay, & si n'avez pitié de moy, vueillez à tout le moins auoir pitié & compassion de l'enfant que ie porte en mon ventre, sçachez certainement que ie suis grosse & enceinte de vostre fruiet, dont Dieu par sa grace me doint ioye de le deliurer. Helas Sire, ie vous supplie & requiers que dedans vne tour me faciez mettre & enfermer, tant que le temps sera venu que ie deliure & enfante, & apres mon enfantement faites de mon corps ce qu'il vous plaira. Dont & si piteusement parloit la noble dame, en larmoyant des yeux & du cœur soupirant : que bien auoit le cœur dur qui se sçauoit tenir de plouter : mais l'Empereur qui par le faux & maudit Archeuesque fut deceu & courroucé, au cœur n'eut oncques de sa femme compassion ne pitié : mais cruellement & fierement luy respondit. Fauce putain desordonnee, de tant que tu es grosse d'enfant ie me dois de petit eslouyr : car ie suis tant de ton gouuernement informé que ie n'y ay rien, & que desloyalement tu t'es abandonnee à autre qu'à moy. Quand ils virent que l'Empereur ne vouloit pour nulle raison son ire appaiser ny refraindre, tout par commun accord l'ont prins & mené hors de la chambre, le plus doucement qu'ils ont peu, l'ont tenu en parolles, luy remonstrent sa faute, & la dame est demeuree en la chambre, qui du sang auoit la face taincte & saile. Les dames du plus pres d'elle si luy ont apporté de l'eau clere pour soy laner. Et à celle heure entra dedans sa chambre, & quand son

escuyer nommé Blandimain la vit il commença à plourer en luy disant. Ha madame ie voy bien que fausement auez esté trahie, si requiers à Dieu que maudite soit la personne qui ce mal vous a pourchassé. Pour Dieu ma treshonoree dame, prenez en vous vn peu de reconfort, & si vous me voulez croire ie vous remeneray en France deuers le Roy Pepin vostre frere qui à vous me donna & bailla pour vous seruit en vos necessitez, laquelle chose voudrois faire de ma puissance. Croyez mon conseil & nous en retournons en vostre pays: car vous estes seurte que l'Empereur vous fera mourir briefuement à honte & deshonneur. Lors respondit la dame. Helas Blandimain mon amy, trop me seroit chose vituperable & deshoneste de m'en aller en telle maniere sans autre deliberation. On pourroit croire de legier que l'Empereur auroit raison, & que ie serois coupable du cas. Si aime plus cher mourir de mort que blasme recouurer, du fait dont ie suis innocente & sans cause accusee. Apres les choses ainsi dites, l'Empereur qui fut avec les Barons vn petit amoderé & refrigeré de son ire enuoya querir Bellissant sa femme, laquelle fut amenee par deuant luy. Quand il la vit le cœur de ducil luy trembla de ce qu'il ne l'ose pas faire mourir pour doute du Roy Pepin son frere: par rudes paroles luy dit. Fauce & desloyalle femme pour vous est mon honneur vituperé. Si iure à Dieu si ne fust pour l'amour de vostre frere le noble Roy Pepin ie vous fist ardoir, & brusler en vn grand feu: mais pour l'amour de luy sera vostre vie prolongee pour le present. Si vous fais assauoir que de ceste heure vous bannis, & expelle de mon pays & Empire, vous commandant expressement que demain vous partiez de la cité: car si plus vous y voy iamais n'auez respit que mourir

ne vous face , & si fais commandement à tous ceux de mon pays que nul ne soit tant hardy de vous accompagner fors seulement vostre escuyer Blandimain , que de France admenastes avec vous , allez là ou vous voudrez : car iamais à mon costé ne coucherez. Tantost apres le commandement de l'Empereur qui fut court & soudain , sans seiour ny dilation. La Royne Bellissant , & son escuyer Blandimain monterent à cheual & vindrent à la ville. Si fut par la cité des Seigneurs & dames & de tout le commun peuple fait si grands cris , pleurs & lamentations qu'onques ne fut ouy plus grand pitié. Chacun couroit à la porte pour commander à Dieu la belle dame qui par le faux Archeuesque est deschassée. Et au saillir de la cité si furent les cris si grands que piteuse chose estoit de l'entendre. Or s'en va Blandimain qui conduisoit & menoit Bellissant la dame. Ils ont prins le chemin pour tirer vers le pays de France. Et quand la dame fut dehors de la cité & qu'elle se vit aux champ si pauurement aornee, & comme pauvre personne infame & vilainement deschassée , alors elle considera le lignage & sang Royal dont elle estoit partie, & issue, la treshaute magnificence Imperiale ou elle auoit esté mise. Puis pensa la miserable & dolente fortune que sur elle estoit si soudainement tournée : commença à dire. Helas, helas pourquoy tarde la mort qu'elle ne vient à moy pour ma vie abbreger & mes angoisses & douleurs mettre à fin. Helas de malle heure fus nee pour telle peine souffrir, & de si haut estat cheoir en telle pauvreté: car de toutes les malheureuses ie suis la nompareille. Or sont toutes mes ioyes en tristesses tournées, mes ris en pleurs chargés : mes chants en souspirs conuertis. En lieu de robe de drap d'or dont soulois estre parée , ie fais comme

fer

femme publique , d'iniures & vituperes commise & aornee , & pour pierres precieuses grosses & de valeur inestimable, de toutes pars me conuient le demeurant de ma pauvre vie doulente semer & couvrir mes habits de grosses larmes & de dueil qui mes iours & mon vie feront finer.

O vous pastorelles & bergeres des champs considererez ma grand douleur & pleurez mon dolent exil. Or pleust à Dieu que ie fusse d'aussi basse condition & estat descendue que la plus pauvre du monde: au moins ie n'aurois nul regret de me voir en telle pauvreté. Helas pourquoy n'allume le soleil , & pourquoy me soustient la terre, ie n'ay besoing que de fontaine d'angoisse & de tristesse pour donner abondance de larmes à mes yeux : car il n'est pas en ma puissance humaine & corporelle de ma destresse languoureuse suffisamment plourer. O fauce trahyson ie te dois bien maudire : car par toy ie suis auourd'huy la plus doulente creature qui soit viuante sur terre. Helas mon frere Roy Pepin que ferez vous de ceste doulente , or vous voulüst-il mieux qu'onques sur terre n'eusse esté nee , ou que du ventre de ma mere n'eusse esté en terre boutée. En faisant ceste complaincte la dame demeura palmee sur le cheual & peu qu'elle ne tomba à terre. Incontinent son escuyer Blandimain s'approcha d'elle pour la soustenir, & luy dist. Dame prenez en vous confort & ne vueillez entrer en tel desespoir , ayez ferme fiance en Dieu & ainsi comme vous estes innocente du cas sçachez qu'il vous gardera & reconfortera. Puis cela dit , il aduisa vne moult belle fontaine à laquelle il mena la dame & au plus pres la fist asseoir pour vn peu reposer & prendre courage. Si vous laisseray à parler de la dame de Blandimain son escuyer , & parleray de l'Arche-

uesqu

Or que qui fut perséuerant à sa malice damnable & diabolique.

*Comment l'Archeuesque se mist en habit de cheualier,
& monta à cheual pour suyure la dame Bellissant,
laquelle estoit bannie prisonniere.*

Q Vand l'Archeuesque vit que la dame estoit partis il se pensa qu'il iroit apres elle & que d'elle feroit sa volonte. Il laissa rochet & aumuce, & comme irregulier & apostat à ceinte son espee & est monte à cheual & frappa des esperons: car il estoit monte à l'auantage, & tant cheuaucha qu'en peu de temps il fit grand quantite de chemin. Il demandoit à ceux qu'il rencontroit nouuelles de la dame, & on luy disoit le chemin qu'elle tenoit. Tant cheuaucha le traistre qu'il entra en une forest moult longue & large, le grand chemin print & moult s'efforça d'aller. Si n'eut gueres cheuauché qu'il apperçeut la dame avec Blandimain qu'estoit apres de la fontaine ou la dame estoit descendue pour soy refraichir & reposer: car lassée & pesée estoit: plaine de gemissemens & pleurs de la destresse tresamere qu'elle soustenoit en son cuer. Dame dist Blandimain reconfortez vous. L'archeuesque se tira vers eux & apperçeut la belle & noble dame Bellissant: mais elle ne le recogneut point de loing pource qu'il portoit habit dissimulé. Mais quand il approcha elle le cogneut bien. Lors elle dit à Blandimain. Helas Blandimain, or voy ie venir vers nous le faux homme l'Archeuesque qui de mon exil est cause. Helas i'ay trop grand peur qu'il ne me vueille faire vilennie. Dame dist Blandimain n'ayez de luy peur ny doute: car il vient pour vous faire maluy & plaisir ie mettray mon corps pour le vostre deffen-

B

dre

dre iusques à la mort. A ces mots fut venu l'Archeuesque & mist le pied à terre & salua la dame le mieux qu'il peut & dist. Treschere & honnotee dame le temps est que si vous voulez ma volonteé accomplir & croire mon conseil ie feray tant enuers l'Empereur qui vous a deschassée, qu'il sera de vous voir ioyeux & content, & serez en vostre premier estat restituee & mise en plus grand triomphe que iamais fustes. Et pourtant pensez y : car ie le fais pour vostre grand honneur & prouffir. Ha dist la dame, desloyal & cruel aduersaire de tout honneur Imperial, ie dois bien auoir cause de toy aymer & cher tenir, quand par ta fauce malice as donné à entendre que ie suis miserablement ornee & plus que ne fut oncques pauvre bergere priuee d'honneur Royal & Imperial seigneurie. Tu m'as mis à chemin & en danger d'vser & finer mes iours en douloureuse detresse: car il n'y a au monde plus doulente que ie suis. Dame dit l'Archeuesque delaissez telles parolles, par moy il ne vous peut que bien venir; car assez suis puissant pour vostre douleur & desconfort muer en ioye & ließe plus que iamais vous n'eustes. En disant ces parolles il s'enclina vers la dame & la cuida baiser, & Blandimain saillit auant qu'il le print, & luy donna si grand coup qu'il le ietta à terre & luy rompit deux dets en la bouche. L'archeuesque se leua & fut mal content & despitoux & tira son espee, & Blandimain print vn glaue qu'il portoit & se sont assaillis l'un l'autre tant que tous deux furent fort naurez. Et ainsi comme ils se combatoyent, fut eux arriua vn marchand lequel leur dist. Seigneurs delaissez en paix vostre debat & me contez le discord d'entre vous deux. Sire dist Blandimain laissez nous acheuer nostre entreprinse: car iamais paine ne seray avec luy. Las dist la dame bon marchand

marchand vueillez nous secourir: car voicy le faux prestre
 maudit qui mon honneur veut tollir à force. c'est l'Ar-
 cheuesque damné qui d'auec l'Empereur m'a fait à tort
 partir, & par son faux langage de sa compagnie expul-
 ser. Quand le marchand entendit le parler de la dame
 il en eut moult grand pitié & dist à l'Archeuesque. Sire
 laissez vostre entreprinse & ne touchez la dame: car
 vous pouuez scauoir que si l'Empereur estoit de vostre
 fait informé honteusement en lieu public vous feroit
 mourir. Tantost que l'Archeuesque entendit le mar-
 chand parler, il laissa la bataille, & s'en print à fuyr par-
 my le bois: car il fut fort courroucé de ce qu'il fut co-
 gneu. Il pensoit bien faire sa volonte de la dame: mais
 il entreprint chose parquoy à la fin la trahison fut sceüe
 & descouuerte: comme dit vous sera. Apres le desparte-
 ment de l'Archeuesque la dame demeura au bois sur
 la fontaine, triste & doulente & Blandimain qu'estoit
 auec elle nauré. Ce marchand qu'estoit demeuré dist.
 Helas dame ie voy que par le traistre Archeuesque
 vous auez esté ietee d'auec l'Empereur, or me doint
 Dieu tant viure qu'une fois le puisse accuser de ce mes-
 fait & sa mort pourchasser. Dame à Dieu vous dy que
 reconfort & patience vous doint, & Blandimain re-
 mercia doucement le marchand. Puis Blandimain mon-
 ta la dame à cheual & s'en allerent à vn hostel qui pres
 de là estoit, ou ils se tindrent sept ou huit iours pour
 guerir Blandimain. Quand il fut repesé & qu'il peut
 cheuaucher, ils se mirent à chemin vers le pays de Fran-
 ce, & commença la dame à ietter grands sospirs di-
 sant Helas Blandimain mon amy que pourra mon fre-
 re le Roy Pepin & tous les Barons dire de mon piteux
 cas, quand ils scauront que pour fait dissolu & deshon-
 neste ie suis de l'Empereur & de la courree piteuse.

ment separee, & honteusement mise aux champs, comme femme publique & desordonnee, à tout le monde abandonnee. Or suis certaine que mon frere tost croira que du fait soyé coupable, si me fera mourir à honte. Dame dist Blandimain n'ayez doute: car vostre frere est sage & prudēt, & est fourny de bō conseil pour prendre garde sur ceste matiere. Ayez fiance en Dieu, & il vous confortera, & vostre bon droit gardera. Tant cheuaucherent Blandimain & la dame qu'ils passerēt plusieurs pays sauuages & diuers royaumes, Duchez & Comtez, & arriuerent en France, ils passerent par Orleans pour aller à Paris, ou le Roy auoit accoustumē se tenir. Lors entrerent en vne forest fort grande, laquelle est à trois lieues d'Orleans, en laquelle piteuse chose aduint à la dame Bellissant comme cy apres vous sera declairé.

*Comment Bellissant enfanta deux beaux fils,
dont l'un fut appellé Valentin & l'autre Orsen, & comment elle les
perdit au bois.*

Bellissant estant dedans la forest cheuauchant laquelle estoit grosse comme ia deuāt vous à esté recité, aduint que son corps eut terminē & parfait son temps si la contraignit le mal d'enfant fort. Adonc commença à soy descendre du cheual en soy complaignant tendrement. Blandimain luy dist dame qu'avez vous qui tant vous plaignez. Helas Blandimain, dist la dame, mettez le pied à terre si me descendez bas & me couchez dessus l'herbe: & pensez diligemment d'aller querir aucune femme: car le temps est venu que ie dois enfanter, & ne puis plus attendre. Blandimain descen-

dit

dit & mist la dame au pied d'un arbre, lequel il aduifa pour mieux recognoistre la place où il la laisseroit. Il monta à cheual & cheuaucha viftement tant fort qu'il peut pour trouuer vne femme que la dame peut secourir, & Bellissant demoura sans compagnie fors que de Dieu & de la Vierge Marie, qu'il luy ayda & fist tant de secours que dedans la forest elle enfanta de deux beaux fils. Mais ils ne furent pas si tost venus sur terre que la Dame endura douloureuses peines comme vous otrez. Ainsi que la dame eut les deux enfans de son ventre deliurez & produits au monde, & qu'elle estoit dessous l'arbre couchee, vers elle vint vne grand' ourse & velue à merueilles, qu'en faisant chere horrible & effroyee, de Bellissant s'approcha & vn des deux enfans print entre ses dents, & parmy le bois fuyoit. Adonc la dame doulente & non sans cause de voix foible & lasse, commença moult piteusement à plourer & crier. Et à deux pieds & à deux mains s'en va parmy le bois apres la cruelle beste que son enfant emportoit: mais peu luy valut sa poursuite: car iamais son enfant ne verra tant que par diuin miracle luy sera rendu, tant chemina la dame parmy la forest qu'une tresgrand maladie la print & demeura palmee, & contre la terre se coucha ainsi comme femme morte.

Je vous laisseray à parler d'elle, & parleray de l'autre enfant qui seul demeura. Il aduint en celuy iour que le Roy Pepin estoit party de Paris accompagné de plusieurs grands seigneurs, Barons, Ducs, Contes, & cheualiers, pour aller à Constantinoble voir sa sœur Bellissant. Si tira vers Orleans & tant chemina qu'il entra dedans la forest où estoit sa sœur accouchee: mais rien n'en sceut pour celle fois. Or est-il vray comme de Dieu fut le plaisir que le Roy Pepin par la forest passant

aduifa deffous le haut arbre l'autre fils de Bellissant tout
 seul, qui dessus la terre gisoit si cheuaucha celle part &
 dist à ses Barons. Seigneurs par le Dieu qui tout crea i'ay
 fait icy moult belle trouue & bonne encontre. Regar-
 dez voicy vn bel enfant. Certes dirent les Barons vous
 dites verité. Or dist le Roy ie veux qu'il soit nourry à
 mes despens tant que Dieu luy donnera vie : & qu'il
 soit gardé bien soigneusement : car s'il vient en aage ie
 luy feray du bien largement. Adonc le Roy appella vn
 sien escuyer & luy bailla la charge de l'enfant, en luy
 disant. Portez cestuy enfant à Orleans & le faitez bapti-
 zer, & qu'on pensé de luy au mieux qu'il sera possible.
 Bon droit auoit Pepin si de l'enfant il estoit amoureux :
 car il estoit son neveu : mais pas ne le sçaubit. L'escuyer
 print l'enfant & le porta à Orleans. Il le fist baptizer, &
 luy donna son nom, lequel fut Valentin : car l'escuyer
 auoit ainsi nom. Il demanda vne nourrice, & fit penser
 l'enfant ainsi qu'on luy auoit baillé en charge. Le Roy
 par la forest tousiours cheuaucha : car il auoit grand de-
 sir d'estre à Constantinoble pour voir sa sœur Bellissant
 que tant aymoit. Et ainsi que par le bois passa, il ren-
 contra Blandimain qui menoit vne femme, si le co-
 gneut le Roy, Blandimain mist le pied à terre, & le sa-
 lua. Et le Roy luy dist. Blandimain beau sire dites nous
 des nouuelles. Et me dites comment se porte ma sœur
 Bellissant. Cher sire dist Blandimain, quand au regard
 des nouuelles à peine vous en sçaurois dire de bonnes
 car trop de mal vostre sœur Bellissant par la trahison
 du faux langage d'vn maudit Archeuesque, qu'elle a
 esté de l'Empereur bannie & hors de son pays chassée :
 car tant luy a donné l'Archeuesque de fauces parolles
 à entendre que si ne fussent les seigneurs qui ont vostre
 sœur doucée, l'Empereur l'eult fait ardoir & mourir

deuant

devant tous. Blandimain dist le Roy Pepin qui fut dou-
 lent, de tant ne tiens ie l'Empereur que fol qui ne la
 fait mourir. Par le Dieu tout puissant si la tenois, de la
 mort iamais n'auroit respic. Or auant seigneurs dit Pe-
 pin, nostre voyage est fait retournons à Paris: car plus
 outre ne veux aller, ie sçay trop de nouuelles de ma
 sœur, sans plus en demander n'enquerre. Il s'en retour-
 na à Paris menant grand desconfort, & commença à
 dire. He vray Dieu tant souuent est l'homme deceu par
 femme. Or suis ie bien venu au rebours & contraire de
 mon intention, moy qui de ma sœur pensois vne fois
 en ma vie auoir toute ioye & plaisir. Et Alexandre
 l'Empereur estre à moy secourir & tenir cher, & par
 elle ie suis grandement diffamé & mis à trop grand des-
 honneur. En celle melancholie cheuaucha le Roy Pe-
 pin longuement, tant qu'il arriua à Orleans. Adonc
 Blandimain qui cogneut bien le courage de Pepin, &
 qui par doute de la dame plus ne luy declara. Si s'en re-
 tourna vers l'arbre là ou il l'auoit laissée: mais il ne la
 trouua point, dont fut moult esplaisant. Si descendit
 & lia son cheual & commença à chercher par le bois,
 & tant chemina qu'il la trouua sur la terre, qui de plou-
 rer estoit, si laissée pour son enfant qu'elle ne pouuoit
 parler qu'à trop grand' peine. Et Blandimain l'embras-
 sa & mit sur ses pieds, puis luy demanda. Helas dame
 qui vous peut auoir icy amence. Ha Blandimain mon
 amy dist la dame, tousiours croist ma douloureuse
 fortune. Vray est que quand vous me laissastes dessous
 le haut arbre, si vint à moy vne ourse qu'vn de mes
 enfans print & emporta, & me mit apres dedans le bois
 pour luy cuider oster: mais ie n'ay sçay retourner audit
 arbre, ou i'ay laissé mon autre enfant. Dame dist Blan-
 dimain, ie viens du pied de l'arbre: mais ie n'ay point

trouué d'enfant, & si ay bien regardé de toutes parts. Quand la dame ouyt dire de telles parolles à Blandimain, plus que deuant mena doleur. Et detechef se pasma, & Blandimain la leua qui de grand' pitié à ptourer se print, & vers l'arbre la mena ou l'enfant auoit laissé. Et quand elle ne le trouua, elle ietta si grands souspirs & si piteux cris qu'il sembloit que le cœur de son ventre deust partir. Helas dist elle, or n'est il au monde plus doulente ne plus desconfortee femme que ie suis: car de tout suys vuydee de ioye, de plaisir & ließe, & suis pleine de douleur, comblee de misere & de tristesse, intolerable de toutes tribulations, aggrauee & entre routes les desolees la plus desconfortee. Helas Empereur vous estes cause de ma mort aduancee à tort & sans cause, par mauuais conseil croire, de vostre compagnie m'avez priuee: car sur mon ame oncques iout de ma vie de mon corps ne fis faute. Or ay ie perdu par vous voz propres enfans legitimes de sang Royal issus, par lesquels i'esperois vne fois estre vengée. Vienne la mort à moy pour ma langueur mettre à fin: car trop plus m'est la mort agreable qu'ainsi plus languir & viure en tel martire. Quand Blandimain vit la dame si trefamerement desconfortee: le plus doucement qu'il peut la print à reconforter, & la fist porter en vn petit village, & la fist bien penser, baigner & garder tant qu'elle fut bien guerie, saine & en bon point, & que de ses gemissemens & pleurs elle fust vn peu appaisée: car il n'est si grād dueil qu'en temps on ne mette en oubly. Adonc blandimain commença à dire & compter à la dame comment il auoit trouué le Roy son frere, lequel estoit iré & courroucé encontre elle, si luy dist. Dame par Dieu i'ay grand doute que de vers le Roy vostre frere vous ne soyez mal venue: car aussi tost qu'il

a sçou

à sçeu que l'Empereur vous à deietté d'auec luy, il a monstré semblant d'estre contre vous courroucé, ainsi que celuy qui trop de legier veut croire que la faute soit de vous. Ha Dieu dist la dame, or m'est aduenue la chose que plus ie doutois, bien puis à ceste heure dire que de toutes pars me suyuent & enuironnent douleurs & angouilles, quand d'auec l'Empereur mô espoux suis sans cause dechassée, iamaïs à Paris ie ne retourneray: mais m'en iray en estrange contree, si loing que iamaïs nul n'aura de mon fait cognoissance ny ne sçaura quelle ie suis. Si mô frere me tenoit il me feroit mourir: il vaut mieux son ire & sa fureur eiter que la mort attendre. Et blandimain luy dist. Dame ne plourez: car vous estes seure que iamaïs ne vous laisseray iusqu'à la mort, ie suis deliberé de viure & de mourir avec vous & de vous tenir compaignie ou vostre plaisir sera d'aller. blandimain (dist la dame) allons à nostre aduerture ie vous remercie de vostre bon vouloir: car du tout en vous ie me fie. Ainsi se sont mis à chemin la dame & blandimain qui tous deux ne sont pas loyeux: mais chargez d'angouilles. Le laissétay à parler d'eux, & parle ay de l'ourse qui emportoit l'enfant parmy le bois.

*Comment l'Ourse emporta vn des enfans
de Bellissant en sa fosse avec ses
petits orsons.*

L'Ourse qui auoit prins vn des enfans de bellissant, pas ne le deuoura: mais le porta en sa terriere, en vne fosse profonde & obscure, qu'estoit sans clarté, en laquelle auoit quatre orsons forts & puissans. L'ourse ietta l'enfant parmy les orsons pour manger: mais Dieu

qui iamaïs ses amys n'oublie, monstra euident miracle: car les orsons nul mal ne luy firent: mais de leurs pates veluës commencerent à le peigner doucement. Quand l'ourse vit que ses petits orsons ne le vouloyent deuor-
 rer elle fut fort amoureuse de l'enfant, tant que parmy ses orsons le garda & allaicta vn an entier. Si fut l'enfant pour cause de la nutrition de l'ourse tout velu, ainsi comme vne beste sauuage, & se print à cheminer parmy le bois, & deuint grand en peu de temps, & commença à frapper les autres bestes de la forest, tant que toutes le doutoyent & fuyoyent deuant luy: car si terrible estoit, qu'il ne craignoit rien. En tel estat menant vie de beste fut l'enfant l'espace de quinze ans, tant qu'il deuint grand & puissant que nul par la forest n'osoit passer. Bestes & hommes il abbatoit & mettoit à mort, mangeoit la chair crue ainsi comme les autres bestes, & vivoit de vie bestiale & non pas humaine, il fut appellé Orson à cause de l'ourse qui le nourrit & allaicta. le poil laige auoit comme vn ours, tant fist de mal parmy les bois, & tant fut redouté que nul tant fut hardy & vaillant ne passoit parmy la forest qu'il ne doutast l'homme sauuage. Si fort acrut le bruit de luy que ceux du pays d'enuiron à force & puissance le chasserent pour le prendre: mais rien ne valut chose que contre luy fut faite: car il ne doutoit nuls glaives: mais tout rompoit & mettoit en pieces. Or estoit-il dedans la forest menant vie de bestes sauuages sans nul drap vestir & sans parolle dire. Et sa mere Bellisant qui bien le cuidoit auoir perdu s'en va toute desconfortee par le pays à l'aduenture. Et le bô Blandimain tousiours la conduit le mieux qu'il peut. La dame tousiours auoit regret à ses deux enfans, & de bô cœur la Dieu & la vierge Marie prioit que ses deux fils luy pleust sauuer. Par plusieurs

lieux passèrent Blandimain & Bellissant la dame, & tant firent par mer & par terre qu'ils arriuerent au port de Portugal, sur lequel auoit vn chasteau. Et en ce luy chasteau demouroit vn Geant si grand & puissant que nul cheual tant fut fort ne le pouuoit soustenir. Il auoit nom Ferragus. Or aduint qu'il saillit hors du chasteau & vint dessus le port, pour tribut demander aux passans ainsi que de coustume auoit de prendre sur chacune nauire. Il entra dedans le batteau ou estoit Bellissant qu'estoit fort garnie de plusieurs marchandises. Et tantost qu'il aduisa Bellissant qui tant estoit belle, il la print par la main & la mena à son chasteau deuers sa femme: car il estoit marié à vne dame tresplaisante & belle. Blandimain alla apres la dame que le Geant Ferragus menoiten grand honneur & sans luy vouloir faire vilennie en nulle façon. Il la presenta à sa femme qui volontiers la receut, & eut grand' ioye de sa venue pour la gracieuse contenance qu'elle voyoit en Bellissant. Le Geant commanda à sa femme que Bellissant fust chèrement tenuë comme son corps, & Blandimain son esduyet pareillement. Et fut à grand ioye au chasteau receuë: car bien estoit apprise en mœurs & en science: & bien scauoit parler & soy honnestement gouverner entre grands & petits. Quand de ses enfans auoit souuenance tendrement plouroit en son cœur: mais tousiours Blandimain la reconfortoit & la femme du Geant, & dessus toute personne au plus pres d'elle la tenoit: car elle l'aymoit de grand' amour & sans elle ne pouuoit boire ny manger. Long temps fut au chasteau de Ferragus. Si vous laisseray à parler de Bellissant & parleray de l'Empereur & du faux Archeuesque.

Comment par le conseil de l'Archeuesque furent esleues nouvelles coustumes en Constantinoble, & comment la trahison fut cogneue.

Alexandre l'Empereur apres qu'il eut dechassée & deboutée vituperablement la femme bellissant de sa compagnie, il fist plusieurs durs & piteux regrets pour elle & s'en repentit en son courage: mais l'Archeuesque maudit de Dieu, toujours l'entretenoit en sa folle opinion, & l'Empereur le croyoit. Et tant luy donna l'Empereur de puissance & autorité sur tous les autres, que ce qui commandoit estoit fait. Tant eut de gouuernemēt & de seigneurie qu'il mit sus & esleua en la cité de Constantinoble coustumes & vsages contre raison. Or aduint qu'en la cité auoit vne foire, laquelle on tenoit le quinziésme iour de Septembre, & de plusieurs pays venoyent les marchands à celle foire. Et quand le iour fut venu qu'on la deuoit tenir, la ville fut toute plaine de marchands de diuerses contrees & pays. Là fist l'Empereur garder la foire (comme de coustume estoit) & bailla la garde à l'Archeuesque qui pour l'accompagner fist armer deux cens compagnons lesquels partirent de la ville pour garder la foire. En icelle foire fut present le marchand, dont j'ay fait mention deuant, c'est assauoir, celui qui trouua Blandimain & l'Archeuesque qui se combatroyent, & bien le recogneut l'Archeuesque: mais nul semblant ne fist: car trop doutoit que sa fauceté ne fust cogneue, moult volontiers il l'eut fait mourir: mais il n'auoit pas la puissance sans trop grand esclandre. Ce iour le marchand qui fut bien garny de draps d'or & de soye, vendit & deliura plus que nul des autres, parquoy à la fin de la foire l'Ar-

che

cheuesque enuoya deuers le marchand vn sergent pour demâder le tribut en quey il estoit tenu pour la vëditio de sa marchandise. Sire marchad dist le sergent il vous faut payer dix deniers pour liure de ce qu'auëz vendu. Or va dist le marchand que mal puisse aduenir à celuy qui telle coustume à mis, c'est le faux Archeuesque que Dieu maudie: car long tēps à que mourir deust honteusement, Le sergent frappa le marchand en la teste, tant que le sang en sortit, & quand le marchand se sentit blessé, il tira son espee & tua le sergent. A cause de ce bruit fut la ville troublee. L'archeuesque en eut les nouvelles, qui sans dilation le marchand voulut faire mourir. Le marchand demanda le droit de la loy, qui fust ouy en ses deffenses: il luy fut oëtroyé. L'Archeuesque le fist mener deuant l'Empereur, lequel commanda au iuge de soy mettre en chaire de iustice, laquelle chose le iuge fist incontinent. L'Archeuesque fit par vn aduocat rigoureusement proposer contre le marchand, en l'accusant d'vn meurtre qu'il auoit fait, & de la grand' iniure qu'il auoit dite cōtre la reuerence de l'Archeuesque. Quand le propos fut fait contre le marchand à deux genoux se iccta deuant la maieſté de l'Empereur & luy dist. Treshaut & redouté Empereur plaise à vostre benigne grace me donner audience par deuant tous vos Barons, se vous diray chose qu'est de grand' importance, & dont vostre honneur Imperial est chargé. Marchand dist l'Empereur, licence ie vous donne, dites ce que voudrez. Sire dist le marchand mandez que les portes de vostre palais soyent de toutes pars closes afin que nulle ne puisse de ce lieu partir. L'Empereur creut le marchand, & dist hautement. Seigneurs, Barons & cheualiers, qui desirez & deuez aimer l'honneur & prouffit du triomphant Empire entendez à mon parler, le

le temps est venu que la trahison du maudit Archeuesque que que vous voyez icy doit estre cogneuë & declaree publiquement. Lors dist le marchand. Sire Empereur croyez que par ce maudit Archeuesque (à qui tant de biens & honneurs auez fait) vostre bonne femme auez deiettee & mis en exil : & lay auez fait pauvre nourriture : car vn iour il requist la noble dame Bellissant de deshonneur, laquelle le refusa comme sage & prudente. Et quand le traistre entendit que la dame iamais ne feroit à sa volonteé, pour doute que son peché ne fust descouuert, il a tant fait par fauces parolles, qu'il vous a donné à entendre, qu'elle à son corps abandonnee à d'autre qu'à vous, laquelle chose sans vostre magnificence comme traistre & desloyal à menty. Et se pour la grande approbation de cestuy cas voir, me demandez comment ie le scay & qui la verité ma declaree, ie vous dir sire, qu'un iour passé bien tost apres que vostre femme fut de vostre pays bannie, en cheuauchant parmy un bois, ie trouuay cestuy prebstre irregulier & apostat, qu'estoit en armes & en habit dissimulé, outre Dieu & l'ordonnance de sa vacation, & en celuy bois auoit assailly fierement Blandimain, qui conduisoit & gardoit la noble dame Bellissant vostre femme. Et quand ie vis le debat, ie dis. Seigneurs delaissez le debat & faites paix. Et la dame qui fort piteusement plouroit, me dist, marchand mon amy vueillez moy secourir contre ce faux Archeuesque, qui à force veut mon honneur tollir. Il est cause que ie suis de l'Empereur & de sa contrée deschassée & mise en exil. Vistement frappay mon cheual pour les separer, & incontinent il se mist en fuite par le bois, quand il vit qu'il fut cogneu. Helas haut Empereur i'ay maintes fois pensé en mon courage de vous declarer ceste matiere : mais parler ie ne vous en osois.

pois. Informez-vous du cas, & si vous trouuez du contraire faites moy mourir. Quand l'Empereur ouyt le marchand il commença à soupirer & à plorer à grosses larmes. Puis dist à l'Archeuesque. Ha faux & desloyal seruant peu ie te dois aymer & cher tenir. Ie me suis parforcé toute ma vie à toy bien faire & mettre en honneur, & tu me rends mauuais guerdon. Ainsi me soit Dieu amy, que mon courage me disoit tousiours que ie serois par toy deceu & trahy. Helas la chose que plus ie doutois m'est aduenüe. Tu m'as de tous les princes le plus diffamé. Las ie te dois bien hayr, quand par toy ay perduë la chose que plus i'aymois. Ha dist l'Archeuesque, ia ne soyez par moy courroucé: car oncques de ce fait ne fus coupable: mais innocent en sois, & tel me veux tenir. Tu mens dit le marchand: car de la trahison tu ne te peux excuser. Et si tu dis le contraire ie veux combattre en vn champ pour ceste querelle soustenir, & offre mon corps estre liuré à mort, si deuant la nuit fermee, ne te rends deuant tous faux traistre tout mort ou vaincu, ou tu confesseras le cas. Et affin que nul ne pense que mon courage ne s'accorde aux dits, ie te liure mon gage, & penie de toy defendre. Quand l'Empereur Alexandre vit que le gage fut ietté, il dit à l'Archeuesque. Or est maintenant lo temps que selon iustice & droict, vous pensez & advisez de combattre au marchand, ou de la loyauté dire & verité cognoistre. Ha sire dist l'Archeuesque vous deuez sçauoir que de faire bataille & champ d'armes ie doy estre excusé: car ie suis prelat & prestre sacré: parquoy il ne m'appartient de moy combattre, ou autrement en ce faisant ie serois en l'indignation de nostre Seigneur, & aussi fasserois sainte Eglise, par ma foy dist l'Empereur en ceste querelle n'a point d'excusa-

tion:

tion:mais conuient que vous combatiez au marchand lequel de trahison vous accuse,& si faire ne le voulez, ie vous tiens pour coupable du fait. De telles parolles fut l'Archeuesque moult effrayé: car il vit & cogneut que combattre luy failloit, si dist à l'Empereur. Tres-redouté sire, quand il vous plaira que de mon corps ie monstre & prouue que ie suis innocent de cestuy cas, c'est bien raison que ie le face, combien que c'est contre mon estat. Or pensa bien & se cuida excuser l'Archeuesque de la bataille entreprendre: mais petit luy valut son parler & ses excusations: car l'Empereur commanda que l'Archeuesque fust gardé, tellement qu'il le peut auoir à sa volonté toutes les fois qu'il luy plairoit, & aussi fit prendre le marchand & commanda qu'on pensast de luy bien honnestement, puis assambla l'Empereur son conseil, & fut le iour terminé: le champ & les lices faites. En laquelle bataille Dieu qu'est vray iuste, monstra euidentement par deuant tous que trahison & barat doyuent tousiours retourner à leur maistre comme vous pourrez ouyr.

*Comment l'Empereur Alexandre par le conseil des sages
ennoya querir le Roy Pepin, pour sçauoir la
verité du marchand & de l'Archeuesque.*

A Pres que la iournée fut terminée & le champ fut commandé à preparer & les lices faire, il vint nouuelles à l'Empereur que le Roy Pepin estoit à Rome venu pour donner ayde au Pape, alencontre des infideles & ennemis de nostre foy Chrestienne. Il fut aduisé par le conseil qu'on deuoit mander le Roy Pepin pour estre present au iour de la bataille, pour plus honneste excusation de l'Empereur. Et affin qu'il cogneust

gneust que par fauce trahison auoit esté la femme separée de sa compagnie, ou qu'à bon droict & iuste querelle il l'auoit deiettee. Cestuy conseil fut trouué bon. Incontinent furent lettres enuoyees au Roy Pepin, qu'alors estoit à Rome contre les infideles. Tant a exploicté le messager qui les lettres portoit, que deuant le Roy Pepin est arriué. Il luy rendit le salut, & luy dist. Tresredouté Chrestien & excellent Roy, ie vous presente ses lettres de par le puissant Empereur nostre maistre, plaise vous de regarder le contenu d'icelles, & sur ce plaise à vostre maiesté Royale de m'en donner responce. Le Roy Pepin a tantost ouuertes & regardees les lettres. Et apres qu'il les eut regardees, il dist hautement deuant tous. Seigneurs par le Dieu tout puissant voicy nouuelles de grand' admiration, l'Empereur me mande que ma seur Bellissant que donnee luy auois en mariage a esté de par luy à tort & sans cause mise en exil par vn Archeuesque faux & traistre qui luy a donné à entendre vne mensonge : lequel de son son cas fort detestable est accusé par vn marchand qui sur ceste querelle veut viure & mourir, en combatant l'Archeuesque deuant tous en champ de bataille. Et que ce soit certain ledict marchand comme hardy de son cas poursuyuit à l'aide de Dieu à bonne equité soy confiant il a ierté & liuré son gage contre l'Archeuesque. Or est il ain si que le iour qu'ils se doyuent combattre que de ma seur que tant i'aymois ie pourrois cognoistre s'elle a commise la faute, dont elle est accusée, & s'il est ain si que l'Empereur iniustement luy ait fait ce deshonneur, ie iure par mon serment Royal que de luy ie prendray vengeance : car la grand faute qu'il a faite ne pourroit estre réparée. Adonc commanda le Roy Pepin que chacun de sa court fut prest pour aller

aller au iour de la bataille, chacun se prepara. Pepin partit de Rome à grand compagnie & tant à cheuauché qu'il est venu sur la mer, & monterent sur les galeres, & ont tant fait qu'ils sont venus arriuer à Constantinoble. Et quand l'Empereur sceut la venuë du Roy Pepin, il commanda qu'on sonnast les cloches, & que par toute la cité on demenast ioye si grand' comme faire se pourroit. Chacun fist le mieux qu'il peut. L'Empereur monta à cheual, & s'accoustra moult triumpamment avec moult belle compagnie: il saillit hors de la cité pour aller alencontre: mais tantost qu'il vit le Roy Pepin, & qu'il luy souuint de Bellissant, il commença à plourer & soupirer si piteusemēt que parler il ne peut sinon en iettant grosses larmes, & faisoit grandes lamentations de cœur & de bouche trop angoiseusemēt. Et le Roy Pepin qu'auoit le courage fier & orgueilleux pour le plourer rien ne luy chaud. Il ne fist semblant que pour son plourer eust pitié ne compassion: mais luy dist en ceste maniere. Empereur laissez le plourer & ne vous deconfortez pour tant si ma sœur auez perduë: car qui pert vne putain, il ne doit faire esmoy, & puis que ma sœur est telle n'ayez peur d'elle, soucy ny desplaisance. Ha sire, dist l'Empereur pour Dieu ne vueillez dire de vostre sœur telles parolles: car ie croy seurement qu'en elle est toute loyauté & prend'homme, & qu'à tort & sans cause ie l'ay de moy dechassée. Par ma foy dist Pepin de tant vous doit-on plus blasmer, & peut chacun cognoistre la grande sapience qu'en vous deust estre, quand par vn seul mal donné à entendre vous auez si diligemmēt creu, que par vous ma sœur est comme putain publique vituperablemēt d'auec vous deschassée. Scachez que ie suis bien petit tenu d'aymer celuy qui tel blâme & deshonneur a fait à ma person-

ne &

ne & à tout le sang Royal de France. Quand l'Empereur entêdit & cogneut le courage du Roy Pepin, il fut fort desplaissant & courroucé en son cœur, & respondit doucement. Helas sire Roy Pepin, ne vous vueillez mouuoir en ire : mais modetez vostre courage : car s'il plaist à Dieu le tout puissant, la verité sera cognüe. Empereur dist Pepin, trop auez attendu: car on dit communement que trop tard est fermé l'estable quand le cheual est perdu, or s'en est aliee ma sœur en exil pauvre esgaree ie ne sçay quelle part dont bien me doit le cœur douloir quand il faut que par vous ie la perde: car ie suis certain que iamais ne la verray. Helas on se doit bien garder de faire si hatif iugement: car on a tost fait vne male besongne, dont on se repent apres tout à loisir, & vous sçauiez que renommee est chose chere: car quand on la pert soit à tort ou à droict, on l'a tard recouré. Peu auez prisé l'honneur de ma personne, quand sans nulle deliberation, n'auoir consideration que plusieurs telles choses souuent se font par enuie. Et disant ses parolles l'Empereur & Pepin entererent dedans Constantinoble en moult grand honneur. Puis quand ils furent dedans la cité l'Empereur voulut loger le Roy Pepin, & ses gens dedas son palais honorablement: mais Pepin ny voulut entrer: mais fist loger & tenir ses gens tous ensemble aupres de luy, & ne voulut receuoir de l'Empereur dons ne presens quelconques, combien qu'assez luy fist presenter tant viures que ioiaux & riches paremens. Moult fut le Roy Pepin en grand pensée de sa sœur Bellissant: car tous ceux de la cité luy affermoient que c'estoit la meilleure dame que iamais fut trouuee, & que par trahison & iniuste querelle auoit esté bannie & accusee.

Comment le marchand & l'Archeuesque se combattirent pour sçauoir la verité de la Royne Bellissant.

TOut ainsi que le iour fut venu que le marchand & l'Archeuesque se deuoyent combattre l'Empereur les fist venir deuant luy, & leur commanda que la chose encommencee fust par eux parfaite. Les cheualiers de la nation de l'Archeuesque l'allerent armer, il fut richement en pompes habillé, & l'Empereur commanda qu'on accoustrast aussi bien le marchand comme son propre corps, & le fist l'Empereur cheualier deuant qu'il fust armé, & luy donna l'accollée en luy promettant donner villes & chasteaux & grandes richesses, si par luy l'Archeuesque pouuoit estre vaincu & desconfit. Et quand ils furent armez & leurs blasons en leurs cols pendus : on amena leurs cheuaux & monterent dessus pour aller au champ. Lors commanda l'Empereur aux cheualiers & aux sergens, qu'ils accompagnassent l'Archeuesque iusques au lieu, & que de luy ils se donnassent garde, afin qu'il ne peust fuyr : car subtil estoit & cauteleux. Le marchand fut à cheual moult bien accoustre, lequel cheuaucha vers le champ, & premier entra dedans ledit champ, que l'Archeuesque. Tout chacun de la cité de Constantinoble alloient apres luy, requerant à nostre Seigneur qu'il luy fust adiuteur. Il ne demeura pas long temps que l'Archeuesque entra au champ moult fort & hautement accompagné : car il estoit moult riche & de noble nation. La fut le Roy Pepin qui moult volontiers & de bon cœur regarda le marchand, disant. Mon amy, Dieu te doint grace d'auoir victoire contre ton aduersaire :

car

car par la foy de mon corps si tu peux de luy auoir victoire , & que la verité soit cogneuë , ie te guer-
donneray si hautement que de ma cour te feray pre-
mier & le plus grand. Sire ie vous remercie, dist le mar-
chand , du bon vouloit qu'en vers moy auez : scachez
de certain que j'ay fiance en Dieu & à la Vierge Marie,
qui me garderont le bon droict que j'ay en ceste que-
relle, en telle maniere que ie demonstreray deuant tous
la trahison de ce maudix Archeuesque. Et le Roy dist,
Dieu t'en doint la grace, à qui ie te recommande. A ces
mots le marchand se partit du Roy Pepin , pour aller
l'Archeuesque assaillir , si vint vn heraut qui tous deux
les fist deuant la compagnie iurer & faire le serment
accoustumé, & puis on fist le champ vider , & tout le
peuple de dedäs saillir, fors que les deux combatäs. Or
sont sur les rengs si vindrent d'une part & d'autre ceux
qui la charge en auoyent leur presenter les lances , &
frapperent des esperons & coururent l'un contre l'aut-
re & se rencontrerent, que des coups qu'ils donnerent
les lances rompirent , & fut le coup si grand que tous
deux sur leurs cheuaux passerent outre , & quand ils
forent au bout du champ, ils retournerent l'un sur l'aut-
re incontinent leurs espees es mains , & se ioignerent
ensemble & si grands coups se donnerent que de leurs
escus qu'ils portoyent font voler & choir les pieces par
terre. Quand l'Archeuesque vit que le marchand si ru-
dement l'assailloit , il pensa en luy que tant bien se
tiendroît que la nuit fut venuë , & que telle chose
estoit à la loy, que quand vn appelloit l'autre du champ
de bataille , il conuenoit qu'il eust vaincu deuant soleil
couché , ou il seroit pendu , & pource se pensa l'Ar-
cheuesque de soy fermement tenir. Et le marchand
qui la coustume scauoit, de tant plus s'efforçoit de faire

fortes armes contre l'Archeuesque qui le suyuoit de pres, & si fort le frappa à force de coups que d'un qu'il luy bailla luy abbatit vne oreille, & vne grand partie de son haubergeon qu'estoit de fin acier. Tant fut le coup grand & merueilleux que le marchand ne peut son espee retenir: mais luy cheut bas. Et quand l'Archeuesque vit que le marchand fut sans baston il frappa son cheual d'estoc, en telle maniere qu'il luy creua vn œil. Et lors s'efforça le cheual qui se sentit fort nauré & tant courut & saillit parmy le champ, que le marchand ierra bas, tant luy fut fortune contraire qu'il demeura pendu par le pied à l'estrier de la selle, & le cheual qui point n'arresta, le traina tant & si rudement que tous ceux de l'assemblée doulens & desplaisans en estoient, & disoient que du marchand estoit fait. Et quand le Roy li le vit au danger en quoy il estoit, il se print à plourer moult piteusement, en disant bassement. Helas marchand or voy-ie bien clairement que de tes iours il n'en y a plus en ce monde. Helas or puis ie bien cognoistre que ma sœur est coupable de l'occasion dont elle a esté chargée, & que Dieu veut monstrier epidemement qu'à bon droit l'Empereur de sa compagnie l'a iettée, & s'elle eut esté de dessus les saints fons en terre portée & enseuelie, bien eust esté heureuse & de bonne heure née: car par elle est le noble sang de France à deshonneur liuré, & ainsi me soit Dieu amy, que si ie la tenois ie la ferois mourir de mort vilaine & angouisseuse: moult de diuers souspirs fit le Roy Pepin, & l'Archeuesque en toute sa puissance faire son cheual vers le marchand aller ne peut, ny de luy approcher, qui bien sembloit chose miraculeuse. Or fut le marchand tant trainé par le champ, de son cheual en telle maniere que le cheual cheut à terre. Et quand le cheual du

mar

marchand fut bas, le marchand se leua moult hastiue-
ment, qui preux & hardy fut. Et quand l'Archeuesque
apperçeut le marchand qu'estoit releué il vint courant
à luy, & luy donna deux ou trois coups si merueilleux
que moult fut le marchand estourdy, si se tira arriere
pour prendre son alaine, & puis s'auança subtillement
& de contrage frappa l'Archeuesque en telle maniere
qu'à terre luy fist son espee cheoir, & outre son harnois
le naura tellement que le sang luy fist en bas courir.
L'Archeuesque mist son cœur & sa force de soy venger
& broche son cheual pour courir au marchand: mais il
fut subtil & tira vn grand cousteau pointu & le ietta
contre le cheual de l'Archeuesque & le frappa au corps
si rudement que le cheual commença à regripper &
saillir, dont l'Archeuesque fut en trop grand danger de
cheoir bas, & au saillir du champ il perdit son escu, &
le marchand le ietta hors des lices, afin qu'il ne s'en
peust plus ayder. Et quand il eut ce fait il s'en alla frap-
per son cheual de son espee parmy le ventre, tant qu'il
abbatit par terre, & le cheual de l'Archeuesque: lequel
incontinent se releua: mais le marchand fut diligēt, qui
si grand coup luy donna que tout plat l'abbatit à terre
& puis saillit sur luy, & luy osta le heaume pour luy
coupper la gorge. Et quand l'Archeuesque se vit en ce
dāger plain fut de trahison: & dist au marchand. Las amy,
ie te prie que de moy vueilles auoir pitié que me don-
nez temps que ie me puisse confesser, afin que mon
ame ne puisse estre en danger: car à toy me rends com-
me vaincu & coupable. Quand le marchand l'enten-
dit parler il fut courtois & debonnaire, & se fia au beau
parler de l'Archeuesque & le laissa leuer. Et quand le
faux prestre fut sur les pieds il n'eut desir ny volonte
de soy confesser. Tantost à prins & saisi le marchand &

le tombe par terre & viftement faute deffus difant par moult grand ire. Marchand iamaiz ne m'efchapperas que mourir ne te face deuant tout le monde mauuaifement ou tu feras ce que ie te commanderay, ha dist le bon marchand (qui se vit trahy) Archeuefque ie cognois que ie fuis en vofre merci, & que de moy pouuez faire à vofre plaifir, fi vous prie que me dites quelle chose vous voulez que ie face & ie l'accompliray, s'il vo^e plaift de me fauer la vie. Marchad dist l'Archeuefque voicy que tu feras. le veux que deuant l'Empereur & le Roy Pepin, tu refmoigne en public qu'à tort & fans caufe tu m'as de ce fait accusé fauement & par enuie, & que de ce fait me descharges & prédras la charge, par tel conuenant que fi faire tu le veux ie te iure & promets te garder par deners l'Empereur & le Roy Pepin. Et outre plus ie te iure en foy de gentilleffe & l'ordre de preftre, de te donner en mariage vne mienne niece que f'ay moult riche, belle, & gracieufe, fi pourras bien dire que iamaiz en ton lignage plus heureux ne plus riche ne fut trouué. Et pourtant aduife fi tu le veux en telle maniere, & choifis de viure ou de mourir: car par nulle autre maniere efchapper tu ne pourras fans perdre vie, incontinent que le marchand entendit l'Archeuefque ainfi parler il fut moult penfif & doulet & non fans caufe, il reclama en foy mefme Dieu que fon bon droit luy vouffiffe garder & prefervier de mort. Puis dist à l'Archeuefque en telle maniere: sire Archeuefque vofre raifon eft bonne & fuis prest de vous obeyr en moy fiant que foy & loyauté me tiendrez. Ouy dist l'Archeuefque ie ne vous feray faute. Or de par Dieu dist le marchand allons deners l'Empereur & les barons, fi vous desaccuseray de la tresgrand' iniure que contre vous ay propofee. C'est bien dit, or vous
rele

releuez sus & viendrez avec moy. A ces paroles le marchand se leua sus. Et quand il fut leué il se recorda de l'Archeuesque qui trahil' auoit, se faignant de soy confesser comme deuant à esté fait mention, il print en luy courage & se pensa de luy iouer de pareil tour : car on dit volontiers que trahyson est telle qu'elle retourne tousiours à son maistre. Lors print l'Archeuesque de si grand courage que biē tost desliours luy l'abbatit & puis luy dist. Archeuesque vous m'avez apprins de iouier de ce ieu & pensez de vous confesser à moy: car autre confesseur n'aurez que moy. Or pensa le faux Archeuesque par plusieurs fictions & paroles faire tant que du marchand se peut desfaire, mais iamaïs le marchand plus en luy ne se confia ny ne luy donna plus de temps n'espace de se releuer: mais tantost & à grand diligence luy creua les deux yeux & tant de coups luy donna que de soy reuenger n'eut force ne pouuoir. Et quand le marchand vit qu'il estoit à son pouuoir & liberal arbitre subiect & soubmis: & que de luy plus ne se doutoit à terre le laissa, & se leua & appella les gardes du champ & leur dist. Seigneurs icy pouuez cognoistre si i'ay fait mon deuoir de l'Archeuesque & s'il est vaincu. Vous voyez que ie l'ay mis en tel point que quand bon me semblera ie le puis occire, & pourtant ie vous prie que fassiez venir l'Empereur Alexandre par deçà & le Roy Pepin, affin que deuant leurs hautes magnificences & triomphantes seigneuries l'Archeuesque confesse par deuant tous à droicte querelle estre par moy accusé, & sans cause auoir prins contre moy la deffence. Lors alerent les gardes du champ querir l'Empereur & le Roy Pepin, lesquels vindrent & plusieurs Barons avec eux, au lieu ou estoit l'Archeuesque dolent & confondu. Si luy print à demander l'Empereur la verité du fait.

& du faux Archeuesque deuant tous recogneut le cas, & leur conta la maniere comment à tort contre la noble dame Bellissant, auoit parlé sans nulle cause, son exil par fallace & trahison pourchassé. Pésez que maintes larmes piteuses de dueil angoisseux alors ietta l'Empereur, car tant furent les cris & lamentations doulentes que l'abondance des larmes de ses yeux descendoient de toutes pars, & sa face arrousoient en telle maniere, que tous ceux qui le veoyent si grand dueil demener, estoient contrains à plourer pour la pitié, & si l'Empereur demena grand dueil ne demandez pas si le Roy Pepin estoit alors en grand desconfort. Helas ce n'estoit pas sans cause que si grand dueil menoyent quand ils virent que par trop leger croire, & par faulxe trahison, perdue auoit Bellissant sœur du Roy, & de l'Empereur espouse. Et fut entre l'Empereur & le Roy des deux pars ioye assemblee, pource que le Roy cogneut de sa sœur la loyauté. Douleur & desplaisance pour l'Empereur, qui du fait se trouua coupable pourtant qu'alors cogneut qu'à tort l'auoit dechassée d'auec luy, & apres toutes les lamentations la confession de l'Archeuesque ouye & sa trahison : l'Empereur assemble son conseil pour aduiser & iuger de quelle mort l'Archeuesque mourroit. Si fut deliberé qu'il seroit bouilly en huyle tout vif ainsi fut fait. Le iugement fait chacun se retira en son repaire, & quand le Roy Pepin fut en son logis : l'Empereur doulent & souspirant vint par deuers luy & se mist à genoux puis luy dist en plourant. Helas Sire trop ay enuers vous commis crime detestable, or voy-ie clairement ma faute miserable, & cognois que par ma folie & legere croyance j'ay esté cause de mettre vostre sœur en exil & à perdition, de laquelle chose ie vous requiers pardon & deuant

uât vous ie me presente comane coupable vostre grace attendant & en recognoissant ma faute. Et pour satisfaction & amende ie rends & remets du tout en vos mains le Royaume de Grece qui iustement & de bon droit à moy appartient : cal maintenant plus ie ne requiers auoir le nom d'Empereur ne de Roy , tant que sur terre seray en vie: mais veux comme seruant de tout à vous obeyr: car bien l'ay deseruy. Quand le Roy Pepin entendit le bon vouloir & grand' humilité de l'Empereur , de luy print pitié & luy pardonna deuant tous les Barons. Et apres leur paix faite par vn commun accord delibererent entre eux d'enuoyer par tous pays messagers pour la noble dame Bellissant chercher & querir. Apres lesquelles choses Pepin print congé de l'Empereur pour retourner en France.

*Comment le Roy Pepin print congé de l'Empereur pour
s'en retourner de Constantinoble en France,
& comment il alla à Rome contre
les Sarrazins.*

A Pres les choses dessusdites le Roy Pepin partit de Constantinoble, & tant cheuaucha qu'il arriva en France & s'en alla à Orleans pour soy rafraischir, car volontiers estoit audit lieu pour le deduit des forests qui sont à l'enuiron. Si commanda que pour sa bienvenue on fist table ronde & ainsi fut fait. Et quand vint à l'heure de disner le chevalier qui Valentin auoit nourry, le print par la main & le presenta deuant le Roy en luy disant. Sire voicy le pauvre orphelin que vous trouuastes en la forest d'Orleans: & lequel me baillastes pour nourrir. Or l'ay-ie nourry iusques à ceste heure presente non pas à mes despens: mais aux vostres. Si
vous

vous supplie cher Sire , que de l'enfant vueillez auoir memoire : car il deuiendra tost grand , parquoy temps est d'y penser. Et quand Pepin eut ouy le cheualier parler, il appella l'efant Valentin & le print par la main, si le vit tant sage & bien aprins en mœurs & conditions qu'à celle heure, luy donna toutes les coupes, taces, pots, & gobelets, & autres richesses & vaissailles, qui pour lors estoient apprestees à la cour seruir. Puis dist le Roy deuant tous en Cour, qui veut que Valentin soit chie semēt gardé. Et pour la grand beauté & honneur de sa persone, le Roy voulut que le ieune enfāt Valentin, qui n'auoit lors q̄ douze ans fust mis & nourry avec sa fille Esglantine, qui tant estoit belle, sage, & bien apprinse que tout le monde en disoit bien & honneur. Les deux enfans furent nourris ensemble, & s'aymerent bien l'un l'autre d'amour iuste, en telle maniere qu'ils ne scauoient auoir lieffe l'un sans l'autre, & principalement Esglantine fille du Roy, voyant & considerant la prudence de Valentin, fut tant d'amours esprise en honneur, & bien que sans luy ne pouoit auoir soulas ny recreation. Valentin deuint grand & de belle stature, en toutes choses bien aprins. Il ayma fort cheuaux & armes, & volontiers se trouuoit en ioustes : & là ou il se trouuoit il emportoit le prix & honneur. Lors le Roy voyant sa vaillance & bonne volonté il luy donna cheuaux & harnois, terres, rentes : & aussi grandes possessions, & demeura long temps que de luy fut grand bruit par la cour, dont plusieurs eurent sur luy maintes fois enuie, & souuent luy disoyent en reproche que ce n'estoit qu'un trouué, & un pauvre sans cognoissance de nul de ses parens, pour Dieu nourry & esleué : desquelles parolles Valentin plouroit souvent. Et quand la belle Esglantine le voyoit courroucé elle plouroit tendre

tendrement, & de toute sa puissance le reconfortoit. Et Valentin en la cour du Roy Pepin entre les Barons, Cheualiers, Dames, & Damoiselles si bien se gouuernoit, que nul de luy ne sçauoit dire que tout bien. Et son frere Orson est dedans la forest, velu & couuert de poil ainsi comme vn ours, menant vie de beste sauage comme deuant est mention faite, & comme en cestuy chapitre vous sera declaré. Sachez que tost après la venue du Roy Pepin, luy estant à Orleans, vint vn messager enuoyé de par le Pape, lequel secours & confort luy demandoit contre les Payens, & ennemis de la foy Chrestienne, qu'auoyent prins Rome. Et quand le Roy Pepin entendit que les Sarrazins estoient dedans Rome, il fist toute diligence de son armee apprestier, de laquelle Valentin fut chef & principal gouverneur. Quand Esglantine sçeut que Valentin s'en alloit, moult fut dolente, comme celle qui l'aimoit & tenoit cher entre tous les autres. Adonc le manda Eglantine secretemēt pour parler à luy. Et quand il fut venu elle dist en soupirant tendrement. Helas Valentin or voy-ie bien que vous n'aurez plus ioye ne consolation quand despartir vous faut, pour aller en bataille. Helas vous estes ma seule amour, mō confort & refuge de ma plaisance, or pleust à Dieu, que ie n'eusse parent ny amy en ce monde qui me gardast de faire ma volonté: car ainsi me vueille Dieu aider, que iamais autre que vous n'aurois en mariage, si seriez Roy de France, & ie serois Royne. Ha ma dame dist Valentin, laissez vostre imagination, & n'ayez le cœur si ardent dessus moy, vous sçavez que ie suis pauvre, donné pour Dieu, nourry à la Cour de vostre pere: & ne suis de nulle maniere homme pour vous, n'y la plus pauvre damoiselle qui soit avec vous, pensez autre part, & faites que vous

mon

monstriez de quel lieu vous estes extraicte. Et à Dieu vous dy, qui vous vueille auoir en sa garde. A ces mots se partit Valentin, & laissa Esclantine dolente pour son departement. Le Roy & tout son ost fust prest pour monter à cheual, & partirent d'Orleans pour aller à Rome. Et lors le Roy Pepin appella les Seigneurs de sa Cour, & leur dist. Vous sçavez que tout le monde fait bruit d'un homme sauvage, lequel est en ceste forest, parquoy j'ay grande volonte de le voir prendre deuant que voise plus outre. A ces parolles se consentirent les Seigneurs de la Cour. La chasse fut ordonnee & entrerent au bois. Ils prindrent plusieurs bestes sauvages: mais de trouver Orson, chacun auoir peur, fors que Valentin qu'estoit son frere, qui desiroit auoir à luy bataille. Tant allerent parmy le bois, que le Roy Pepin vint arriuer deuant la fosse obscure, ou se tenoit Orson. Et quand il vit le Roy il saillit hors subitement & courut contre luy. Si le print & saisit des ongles qu'il auoit moult grandes, & le ietta à terre durement. Le Roy cuida mourir & cria haut en demandant secours: si vint vers luy un vaillant cheualier, & quand il vit le sauvage qui vouloit estrangler le Roy il tira son espee pour luy courir sus. Et quand Orson vit l'espee nue flamboyer & reluire, il laissa le Roy & courut au cheualier, & le print & ferra par si grand courage qu'homme & cheual il ietta à terre, lors le cheual se releua sus, qu'eut peur & s'enfuit parmy le bois, & Orson tint le cheualier lequel avec ses ongles aigues l'estrangla, & piteusement mist par pieces. Et quand le Roy vint à ses gens qui par le bois estoient, auxquels il racompta le danger la ou il auoit esté, & la morte piteuse du cheualier de laquelle furent moult esbahis tous ceux qui là estoient. Adonc se sont mis ensemble & sont allez vers la fosse d'Orson

pour le cuidoer prendre & tuer. Ils ont bien trouué le cheualier : mais Orson n'ont point veu : car à Dieu ne plaisoit pas qu'il fust conquis fors que de son frere Valentin, lequel print Orson comme vous orrez. Quand le Roy vit que le sauage ne pouuoit auoir ny prendre, il laissa pour ceste fois, & se mist en chemin pour son voyage parfaire à Rome, les batailles furent arrangees & l'Oriflan de France baillé à vn vaillant cheualier qu'auoit nom Millon d'Angier, sage & prudent, & de tres-bonne conduicte. Là furent Geruais & Sanson son frere, qui vaillans cheualiers estoient, & plusieurs autres Ducs, Contes & Barons. Or ont tant cheuauché qu'ils ont passé le pays de Sauoye, de Lombardie, & les Italies, puis sont venus à Rome, & ont demandé la bataille & la maniere & le fait des Sarrazins, & on leur a compté comment vn Admiral riche & puissant & de fier courage auoit la cité de Romme prinse & plusieurs Chrestiens mis à mort & destruits, & auoit deffait & gasté toutes les Eglises & deffait tous les temples des idoles. Et qu'il contraignoit le Pape, Cardinaux, Archeuesques & Euesques, à seruir & officier à la mode de leur loy maudite & tresdamnable. Et quand le Roy Pepin entendit les nouuelles en son courage fut moult triste, doulent, & desplaisant, à cause de la grand pitie & douloureuse misere & destresse en quoy les pauvres Chrestiens estoient detenuz & molestez tres-aprement, le plus legerement qu'il peust fist tant que de Rome s'approcha. Il fist toutes ses gens assembler & fist ses gensdarmes mettre honnestement en point : & puis ordonna ses batailles moult honorablement : car bien le scauoit faire, il auoit du tout courage de la Chrestienté defendre, comme apres est declaré plus au long. Apres que le Roy Pepin eut assiégué la cité de Ro-

me, il appella les Barons & Cheualiers, & leur dist: Seigneurs vous sçavez que ce chien Admiral infidele & ennemy de nostre foy à mis plusieurs & vaillans Chrestiens à mort, & vituperé l'Eglise de Rome, où nostre Seigneur Iesus Christ estoit tant dignement seruy & honoré, lesquelles choses nous doyent commouoir à pitié & larmes. Et pourtant ie suis deliberé à l'aide de Iesus nostre createur, de combattre & expellir les Payens & Sarrazins hors de la cité de Rome & de tous les pays. Si aduisez entre vous, lequel veut entreprendre la charge d'aller porter à l'Admiral Payen, de par moy vne lettre de deffiance: car ie luy veux liurer & bailler iournee, & combattre pour nostre sainte foy exaucer, soustenir, & deffendre iusques à la mort. Quand le Roy Pepin eut parlé, nul ne se tira auant pour donner responce. De ce fait nul ne l'osa entreprendre fors l'enfant Valentin, qui deuant le Roy se presenta, & parla deuant tous en disant. Sire, s'il plaist à vostre maiesté ie veux entreprendre le message, & parleray deuant tous les Payens & leur fier Admiral, en telle maniere, qu'à l'aide de Dieu & de sa douce mere, vous cognoistrez que j'auray fait vostre message à vostre profit & à mon honneur. Du grand vouloir & du vaillant courage de Valentin fut le Roy tresioyeux, & tous ceux de la Coar. Adonc fist venir le Roy vn secretaire auquel il fist escrire lettres de deffiance, puis les bailla à Valentin pour porter à l'Admiral, & Valentin monta à cheual & print congé du Roy, & aussi de tous ceux de la cour: puis se mist en en chemin, en la garde de Dieu soy recommandant, & s'en est venu à Rome. Il ne faut pas demander s'il fut volontiers regardé: car si beau se contenoit à cheual & en armes, que nul ne le voyoit que grand plaisir ny print. Il s'en alla vers

le palais où estoit l'Admiral. Valentin entra dedans & vint deuant l'Admiral, & le salua en telle maniere. Iesus qui nasquit de la vierge Marie, & qui pour nous tous souffrit mort & passion, vueille garder de mal & deffendre le haut & puissant Roy Pepin & Mahomet te vueille secourir ainsi que ie voudrois. Quand Valentin eut ainsi parlé, l'Admiral se leua, & comme vn orgueilleux dist. Messager retourne t'en, & dy au Roy Pepin, qui de Iesus tient la loy, qu'il croye en Mahomet & sa creance, & renonce du tout, delaisse & mette bas la sienne, ou sache de certain que ie suis deliberé de le faire mourir & tout son pays destruire. Or t'en va messager : car d'ouyr tes nouvelles mon cœur ne le peut souffrir. Grand folie a entrepris, que si fierement es entré en mon palais, pour telle chose deuant ma haute maiesté dire. Saches que si ie scauois que par orgueil ou presumption eusse ceste chose entreprise, tu ne retournerois iamais au Roy Pepin. Quand Valentin entendit le fier courage de l'Admiral, il fut fort douteux & non sans cause : car la mort luy estoit prochaine, si de Dieu n'eust esté consolé : mais tant de Dieu fut inspiré qu'il donna responce salutaire, tant pour la vie de l'ame, & comme sage & bien aduisé & apprins de responce donner, parla en telle maniere. Helas tres haut & puissant Admiral, ne vueillez penser ny premediter, que par orgueil ie sois venu deuant vostre magnificence : car Sire, si vous scauiez la maniere & le fait comment ie suis venu, vous seriez esmerueillé. L'Admiral dist. Dy nous comment tu es venu & tout ton cas : car ainsi me soit Mahomet en ayde que ie ne prendray que plaisir & consolation à ouyr ton entreprinse reciter & ton courage multiplier en bien. Lors parla Valentin. Sire Admiral il est vray & certain que par fauce & des-

loyallè enuie i'ay esté accusé deuers le Roy Pepin : & luy ont dit que de grand peur & grand' crainte que i'auois de ne mettre & de me trouuer aux armes ie voulois retourner en France, pour laquelle chose le Roy est contre moy courroucé, & plein d'ire, vn matin me fist prendre pour me faire couper la teste. Et quand ie me vis en celuy grand danger pour sauuer ma vie incontinent ie me ventay deuant tous les Barons, Cheualiers, Princes & Seigneurs d'une grand' & merueilleuse folie: car ie iuray deuant tous ceux de la Cour, que ie viendrois deuers vous, & tous Barons deffier de par le Roy Pepin. Et outre plus ie me vantay qu'au despartir, ie vous demanderois trois coups de lance sur vostre corps qui tant est vaillant & bien renommé pour los & bruit acquerir. Pource ie vous supplie que ceste chose m'accordiez : car autrement deuant le Roy Pepin n'oserois retourner, que mourir ne me fist. L'Admiral dist par Mahomet le tout puissant vous n'en serez point escōduy, ie vous octroye de ceste heure la iouste. Et affin que les François qui ceste cité ont assiegee puissent voir vostre vaillance, ie feray hors de la ville les ioustes appareiller & ordonner. Grand mercy dist Valentin, qu'à terre se ietta pour baiser les pieds de l'Admiral, en signe de recognoissance d'humilité & obeissance: mais on dit en commun prouerbe qu'on deschausse souuent le soulier de celuy, dont on voudroit auoir couppé le pied. Valentin estoit renommé au palais de l'Admiral & requeroit tousiours Dieu, qu'il luy donnast puissance de tant faire qu'il peust sçauoir & cognoistre de quel lieu il estoit venu, & qu'estoit son pere & sa mere, & ainsi qu'il estoit en grand' pensee l'Admiral luy dist. Beau sire vous me semblez moult pensif & pensant. Il est vray dit Valentin & non sans cause : car i'ay trop grand'

grand doute d'estre par vous en la iouste occis & mis à mort. Le vous prie qu'il vous plaise de moy faire venir vn prestre, qui de mes pechez me puisse donner absolution. Adonc commanda l'Admiral qu'on fist venir vn prestre, Quand il fut venu il le bailla à Valentin, en luy disant. Or tenez & vous confessez: de toutes vos confessions ie ne donnerois vn bouton. Valentin print le prestre par la main & le tira à part. Et quand ils furent ensemble Valentin luy dist. Helas sire vous estes prestre, & devez entre les autres auoir volonte & courage de nostre sainte foy garder, si vueillez ouyr & entendre ce que ie vous diray. Il est vray, & vous le scauez que ie me doy auourd'huy combattre avec le faux Admiral, qui est tant ennemy de nostre foy. Or scay-ie bien que Payens & Sarrazins sauront hors de la cite pour voir la iouste, qui hors des murs est terminee, si vous diray que vous ferez, vous direz secretement aux Chrestiens qui par la cite sont: qu'ils ne faille nul dehors: mais se tiennent en armes sans bruit, & quand les Payens seront dehors ils prendront les gardes des portes en telle maniere que quand les maudits Sarrazins voudront entrer dedans la cite que vous leurs clouez les portes. Et dites aux Chrestiens qu'ils mandent au Roy Pepin ces nouuelles, & qu'ils facent tenir ses gens en armes, à fin que quand il verra le point & l'heure qu'il vienne courir sur les Payens, & ceux de la ville sortiront d'autre part & par telle maniere seront auourd'huy vaincus & desconfits. Et quand Valentin eut ce dist au prestre il se confessa, & apres sa confession le prestre se partit & s'en alla & à Dieu le commanda. Lors l'Admiral fit mener Valentin en sa chambre pour dîner & prendre refection: & commanda qu'il fust seruy honnestement, tout ainsi que sa person-

ne. Valentin fut à table assis avec plusieurs grans Seigneurs & Barons de l'Admiral, moult bien se sceut contenir honnestement deuant tous les autres. Et quand le disner fut fait & les tables leuees l'Admiral appella vn sien neveu qui auoit nom Salatas. Il luy commanda qu'il fist armer Valentin si bien & d'aussi bons harnois que sa personne. Et commanda & donna en charge à son neveu qu'on deburast à Valentin le meilleur cheual qn'en sa Court pourroit estre trouué & choisi. Et quand l'Admiral eut ainsi parlé à son neveu, il entra en la sale parée & là fut armé par plusieurs vaillans Cheualiers Payés & cognoissans des armes, & Salatas print Valentin & le mena en vne belle salle parée, & puis fist apporter plusieurs harnois & des meilleurs qu'il peut trouuer, & fist armer Valentin comme l'Admiral son oncle luy auoit commandé. Et quand il fut bien armé & bien accoustre il monta dessus vn bon destrier habilement. L'Admiral saillit en place moult triomphant, ment accoustre. Ils chevaucherent tous deux ensemble vers la maistresse porte de Rome: car vers celle part le Roy Pepin auoit mis le siege, & quand ils furent entrez au champ, Valentin print vn escu & le pendit à son col, ou y auoit vn champ d'argent, auquel auoit vn serf esdenté de sable & auprès de celuy serf vn arbte. Lesquelles armes estoient signifiante qu'il auoit esté trouué en la forest, & les luy auoit donnez. Le Roy Pepin, & vindrent les François sur les reings dont moult furent ioyeux. Si fut le cry si grand par la cité de Rome, que tous les Payens saillirent hors pour aller voir les ioustes, & les Chrestiens qui estoient dedans se mirent tous en armes le plus secretement qu'ils peurent, & prindrent toutes les gardes des portes en telle maniere que nul ne peust entrer dedans, & le Roy Pepin aduert

ty de

ty de ce cas, tenoit les gens tous en armes pour le vaillant & preux Valentin secourir à son besoing. Si fut l'heure venue que la iouste deuoit commencer, si s'esloignerent l'un de l'autre & coucherent leurs lances, & piquerent leurs destriers l'un contre l'autre, si impetueusement que les lances & heaumes rompirent. Si retournerent arriere pour la seconde lance: & Valentin est venu contre l'Admiral & le recorra & feri par telle maniere, que tout outre le corps la lance luy passa, lors l'Admiral cheut mort par terre dedans le chāp en jettant vn grand cry & quād les Payens virent l'Admiral mort & desconfit ils couroyent sur Valentin pour le mettre à mort: mais Valentin en grand hardiesse frappa son cheual, & de l'espee d'armes fist si grand vaillance que tous les Payens passa, & plusieurs a nauté & occis, & lors fut le Roy Pepin en son ost qui en la bataille entra, lequel fut si durement assailli des Payens que dedans le pré fut à terre mis & abatu: mais Valentin si vint là qui luy fist tel secours: que sur son cheual le monta. Et quand il fut remonté il dit à Valentin. Enfant vous avez ma vie sauuee, s'il plaist à Dieu il vous sera rendu. Lors commença grand cry d'un costé & d'autre, & fut la bataille forte & fiere tant que les Payens furent contraincts a eux retraire, les Chrestiens qui estoient en la cité faillirent dessus, qui virent les estendars & bannieres du Roy Pepin, plantez & mis sur ses murs, dont Payens & Sarrazins furent esbahis. Ils furent assaillis tant de l'ost du Roy, que de ceux de la cité, qui honteusement & miserablement finerent leurs iours en icelle bataille, ou demeurā sur le champ deux mille Payens, & tout pour l'entreprise & vaillance de Valentin, qui tant vigoureusement se porta, que trois fois en celuy iour preserua & garda de mourir le Roy, & en celle vaillance faisant eue

quatre cheuaux occis dessous luy. Par ainsi par sa prouësse fut la cité prinse dont grand' ioye & liesse fut par toute Chrestienté, & principalement en la cité de Rome, & es parties prochaines chacun cria mont-ioye au Roy Pepin de France, en telle maniere acquist pris que par la voix du peuple & par le Pape Clement fut Empereur couronné. Moul't bien gouuerna & augmenta l'Eglise en son temps. Il fist à tous iustice & raison, & tant que chacun disoit bien de luy, en ce temps estoit Pape de Rome Clement quatriesme de ce nom, qui Empereur consacra le noble Roy Pepin.

Comment Ausfroy & Henry, eurent enuie sur Valentin à cause que le Roy Pepin l'aymoit.

A Pres que le Roy Pepin par la grace de Dieu, & par la puïssance des armes, eut chassé les infidelles de la foy, hors des parties Romaines, il vint à Orleans, & là trouua la Royne Berthe sa femme, & son ieune fils Charlot, & sa fille Esglantine, qui à grand' ioye le receurent, lesquels furent moul't ioyeux de ce que Valentin estoit en santé reueu. Si ne seiourna pas longuement Esglantine, qu'elle ne manda Valentin, lequel vint volontiers. Lors quand la belle le vit, doucement le salua en disant, Valentin mon doux amy bien soyez venu, vous estes digne d'estre cher tenu & honoré: car on dit que par dessus tous les autres, vous avez acquis triomphe & victoire, dessus les payens qui Rome tenoient en leur subiection. A madame dit Valentin, à Dieu en sont les louanges, chacun dit ce qu'il veut: mais quant à moy ie n'ay fait chose qu'on ne doie pour promesse tenir, & outre plus le Roy vostre pere m'a fait tant de biens & d'honneurs, que jamais en ma vie rendre ne luy pourroye pour seruice que ie luy face, en disant

tant ces parolles, Auffroy & Henry ardans & esprins d'enuie, sont entrez en la chambre d'Esglantine, & quand Auffroy & Henry furent entrez ils luy dirent. Valentin que venez vous icy faire en la chambre de nostre sœur, qui rien ne vous appartient, trop vous mōstrez fol & hardy d'entrer en sa chambre royalle : car vous n'estes sinon vn trompeur, & ne sçait nul qui vous estes, ne de quel lieu vous estes venu. Si vous gardez de plus vous trouuer avec elle que mal ne vous en vienne. Valentin dist à Auffroy, de vostre sœur n'ayez nulle doute, car en nul iour de ma vie vers elle ne pensay fors que bien & honneur. Pourtant que ie suis pauvre & qu'on ne sçait qui ie suis, si ne voudroy- ie faire ne penser chose qui fut contre la maiesté royalle, & à fin que doute vous n'ayez & q̄ vostre sœur Esglantine par moy n'ait aucun blasme, de ceste heure ie vous promets de non jamais entrer en sa chambre. A ces mots partit Valentin de la chambre, & Esglantine demoura toute seule plourant & soupirant tendrement. Valentin monta au palais pour le Roy seruir qui à la table estoit ia assis. Là furent Auffroy & Henry, & Millon d'Angier, qui tous avec Valentin seruoient le Roy à la table, & quand il fut leué de table, il appella Valentin & dist deuant tous Seigneurs, voicy Valentin lequel m'a bien & loyalement seruy & secouru en mes necessitez, à fin que chacun de vous le puisse sçauoir, & pour les bons & agreables seruices qu'il m'a fait en attendant de mieux auoir, ie luy donne la Conté de Clermont en Auuergne. Sire dist Valentin Dieu le vous vueille rendre : car plus me faictes de biens que ne vous ay desseruy. De telles parolles ouyr, furent Auffroy & Henry forts dolents, si dirent l'un à l'autre. Cestuy trouué que Dieu maudie, est en grace du Roy, en telle maniere que

si n'y mettons remede , il sera vne fois cause de nostre grand dommage : car le Roy n'a enfans que nous & le petit Chatlot duquel nous pourrons bien faire à nostre volonté apres la mort de nostre pere : mais il est chose certaine que Valentin le supportera & sera à l'encontre de nous si nous faut bien aduiser la maniere de le mettre en indignation du Roy Pepin , & pourchasser sa mort : car autrement venger ne nous en pourrôs & alors pourrions du tout à nostre volonté gouverner le Royaume sans nul contredit , & adonc parla Auffroy & dist. Frere i'ay trouué la maniere comment nous le trahyrions & deceurons. Nous dirons & ferons entendre au Roy nostre pere qu'il a violé nostre sœur, & que nous l'auons trouué avec elle couché tout nud , & quand le Roy scaura ses nouvelles ie suis tout certain que mourir le fera honteusement. C'est bien dit, dist Henry, or soit la chose menée à fin, si en serons vgez, en ce point demeurèrent en pensant & imaginant tousiours contre Valétin, mauuaistié & trahyson : car de sa mort ont plus d'enuie que nul autre chose, & Valétin sert le Roy si bié a sô gré q le Roy sur to^r autres desir de le voir & auoir en sa compagnie : car tous les iours de bien en mieux se maintenoit en priant Dieu qu'il luy voulsist dōner cognoissance du lieu dō il estoit venu, & Orson son frere est dedans la forest, qui tant est redouté que nul n'ose pour doute de luy le bois passer. Les complaints vindrent au Roy de iour en iour grandes & merueilleuses de toutes pars. Si aduint vn iour qu'un paure hōme vint au Roy tout nauré & sanglant & luy dist. Sire ie me plains à vous du sauuage, car ainsi comme ie passoye le boys moy & ma femme en pourtant pour la prouision de nostre vie pain, chair, & fromage, & autres viures : le sauuage est venu qui tout nous a osté & mangé, & qui

plus

plus est, il a prins ma femme & en a fait deux fois à sa volonté. Or me dis, dit le Roy, dequoy te desplaist il plus ou d'auoir perdu tes viures ou de ta femme? Par ma foy dit le bon homme de ma femme suis trop plus desplaissant. Tu as droit dit le Roy, or t'en va en ma Cour & mets a pris ta perte: car rendue te sera. Après appella le Roy ses Barons pour prendre aduis sur le fait d'Orson. Si aduiserent pareux que le Roy feroit crier par tout enuiron que celuy qui luy pourroit rendre mort ou vif, l'homme sauvage, il auroit mille mares d'argent vaillant. Si fut le conseil tenu & le cry publié, ils vindrent de plusieurs parts tant nobles comme de toutes manieres de gens pour prendre Orson & le pris conquerir. Le Roy Pepin estant en son palais avec plusieurs nobles Barons & grands Seigneurs, qui de ceste matiere parloyent entr'eux. Entre lesquels Seigneurs & Barons, Auffroy ennemy mortel de Valentin, commença à dire ainsi. Site voicy Valentin que vous avez nourry & mis en grand honneur qui a requis nostre sœur Esglantine d'amour desordonnée. Et pource que ie suis bien informé de cestuy cas, ie luy confesse que pour voir ce qu'il sçait faire, & pour monstrier sa vaillance qu'il voise conquerir le sauvage qui tant est craint & redouté, & vous luy donnerez Esglantine, si sera de tous points sa volonté accomplie. Auffroy dit le Roy, ton parler n'est point gracieux, tu es plain d'enuie iacoit ce que Valentin soit pauvre & de bas lieu venu, & que ie l'aye trouué parmy la forêt, ie le trouue bon; humble & debonnaire: car mieux semble gentil & de noble courage que tu ne fais. Laisse à parler de luy: car les bonnes mœurs & condition qui en luy se monstre qu'il est extrait de noble lieu, & pour le bien que i'ay trouué en luy ie veux & me plaist qu'il aille à son plaisir avec ma

fille, car de noble cœur il ne peut venir que tout honneur, & tant en luy me fie qu'il ne voudroit penser contre mon honneur, chose qui ne soit licite & honneste, & quand Auffroy ouyt le Roy qui si fort le reprenoit en supplantant Valentin, il fut en son cœur desplaisant: mais semblant n'en faisoit. Lors parla Valentin qui bien entendit les parolles d'Auffroy, & dit Auffroy à tort & sans cause, auez de moy parlé, sans ce qu'en rien vous aye mesfait, & par maniere de refusion voulez que ie voise cōbattre le sauage, à fin que ie puisse mourir, & que de moy soyez vengé: mais ie fais sermēt à Dieu, que iamais n'arrestteray en place q̄ n'aye trouué le sauage, & quād ie l'auray trouué à luy cōbatray en telle maniere, q̄ mort ou vis deuāt to⁹ l'ameneray, ou i'y fieray mes iours, & s'il aduiēt que Dieu me donne la puissance de le cōquerir, iamais ne me verra nul en ceste cōtree tant que i'auray trouué le pere qui m'engendra, à fin que ie puisse sçauoir, & cognoistre si ie suis bastard ou legitime & pourquoy ie fus laissé au bois. Quād le Roy entendit l'ētreprise de Valētin, il fut desplaisāt: car de le perdre il auoit pl⁹ peur que de nul de tous les autres de la Cour. Et le maudit Auffroy & Héry qui le font ceste chose entreprendre. Puis appella Valentin. Mon enfant aduisez que vous voulez faire: car de combattre le sauage me semble pour vous impossible, vous sçauiez que par luy sont morts plusieurs vaillans hommes, & ont delaisié ceste entrepr̄ise, aucuns nobles champions, & pour ce ne soyez si hastif que pour le parler d'eux vous perdez la vie: car trop est cruelle chose à attendre telle beste qui est sans raison, pour Dieu mon enfant souffrez & endurez les parolles des enuieux: car belle vertu est pouuoir endurer & souffrir sauec lāgue parler. Ha Sire, dit Valētin pour Dieu pardonnez moy: car iamais ce propos ne change

changeray : on m'appelle en reproche trouué , dont ie suis moult dolent, quand ie ne puis sçauoir qui ie suis, ne de quel lieu. Ie prens congé de vous , & à Dieu vous dy, car demain au plus matin ie pense de prendre la voye pour mettre à fin mon entreprinse. Apres ses parolles dictes le noble Valentin se partit du Roy Pepin, & le lendemain il alla à la messe, puis mōta à cheval pour aller conquēster le sauuage : il ne faut point demander si la belle Esclantine mena grand ducil, & ietta souspirs toute la nuict. Quand le matin fut venu elle appella vne damoiselle qui estoit d'elle prochaine & luy dit. Allez vers Valentin & luy dictes que ie luy mande deuant qu'il desparte, qu'il vienne parler à moy , & que pour nul qui viue il n'aye doute d'entrer dedans ma chambre. Car sur toutes choses ie desire & est ma volonté qu'il prenne congé de moy deuant qu'il parte. Lors alla la damoiselle deuers Valentin & luy fit le message ainsi que par Esclantine luy estoit enchargé. Quand Valentin entendit les nouuelles il dit à la damoiselle. Ma dame ie sçay & cognois que toute l'amour qui est en ma Dame Esclantine & moy , est loyalle & de bonne equité, & tant sçay d'elle qu'elle ne voudroit penser chose que l'honneur d'elle peust en aucune maniere amoindrir. Ainsi me soit Dieu en tesmoignage que de ma part enuers elle ne pensay que bien & honneur : mais enuie est de telle nature que iamais n'a repos , & plustost sont les enuieux de leur nature, enclins & abandonnez à dire & exercer leur malice contre loyauté & preud'homme : & contre ceux qui selon Dieu veulent & pretendent viure quand ils veulent acquerir grand honneur. Or me preut il en ceste maniere : car ie sçay de certain qu'Auffroy & Henry les freres de ma noble Dame Esclantine , ont grand volonté de ma mort pour

pourchasser. Parquoy madamoiselle s'il vous plaist vous irez par deuers ma Dame Esglantine & luy direz qu'il ne luy desplaist si d'elle ie ne prens congé & qu'elle ait fiance en Dieu : car c'est celuy qui fait iustice , & garde le droit à ceux qui à tort souffrent iniures & sans cause sont blaîmez. Apres ceste responce s'en retourna la damoiselle moult doulente de ce que Valentin monta à cheual pour son voyage parfaire.

*Comment Valentin conquist Orson son frere
dedans la forest d'Orleans.*

Valentin monta à cheual, & seul s'en va, fors qu'un escuyer qu'avec luy mena , & se partit d'Orleans & tant cheuaucha qu'il arriua en la forest ; en laquelle estoit Orson le sauage : quand il fût apres du bois il dist à son escuyer qu'il luy baillast son heaume & print congé de luy disant. Demeurez icy & ne venez plus avec moy. Car telle est mon entreprise & ainsi l'ay iuré & promis , que tout seul entreray dedans le bois pour le sauage combattre , priez Dieu pour moy que secourir me vueille. Et si le corps y demeure ie vous reconstitue mon ame. Et ce dit Valentin entra dedans le bois & l'escuyer demeura plourant tédrement. Valentin chercha tant & cheuaucha parmi le bois pour le sauage trouuer : mais d'un iour entier n'en peut auoir nouvelles. Et quand le iour fut passé & la nuit commença à approcher, il descendit de dessus son cheual ; & l'estacha au pied d'un arbre , puis print du pain & du vin qu'avec luy portoit , & vn peu se repent. Et quand il eut mangé que la nuit fut venue & le iour du tout failly, lors pour doute de la nuit monta dessus vn arbre & demeura là toute la nuit. Et quand le iour fut

venu

venu il regarda autour de luy & vit son frere Orson, qui par le bois couroit comme vne beste sauuage lequel aduisa le cheual de Valentin, & tira par deuers luy. Et quand il le vit si beau & si plaissant, de ses mains velues fort le peigna, en luy faisant feste: car iamais n'auoit accoustumé de telle beste voir. Et quand le cheual sentit & apperceut le sauuage qui de toutes pars le gratoit & touchoit, il commença incontinent à ruer & regipper, des pieds moult durement, & Valentin qui sur l'arbre estoit, regardoit les manieres du sauuage, qui moult fut terrible de regard, & fort à douter & craindre, lors reclama Dieu, & la Vierge Marie deuotement, requerant de tout son cœur, que du sauuage le voulsissent preseruer, & encontre luy donner victoire. Or tournoya tât Orson autour du cheual de Valentin, que le cheual qui fut fier le commença à frapper & le cuida mordre, quand Orson l'aperceut, il l'embrassa le cheual pour le bouter à bas & à luy combattre. Quand Valentin vit que le sauuage vouloit son cheual tuer, il s'escria & dist hautement. Sauuage laisse mon cheual & attens: car à moy auras bataille. Lors il laissa le cheual & leua ses yeux & regarda contremont l'arbre. Quand il a veu Valentin, il luy a fait signe de la teste & des mains, que par pieces le mettra, & adonc Valentin qui fut fort esmerueillé de le voir, a fait le signe de la croix, & s'est recommandé à Dieu, puis tira son espee & faillit en bas vers Orson. Quand Orson vit l'espee dont Valentin le cuida ferir, il se retira arriere, & du coup se garda, puis vint à Valentin, & à force de bras à terre le ietta, & dessous luy le mist, de quoy Valentin fut fort esbahy & desconforté: car il cuida bien en celle place mourir & finir ses iours: car il sentoit Orson le sauuage tant puissant qu'il eschapper d. luy n'auoit nulle esperance.

esperance. Ha vray Dieu, dist-il, ayez pitié de moy, & ne souffrez ma vie par cestuy sauuaige estre si piteusement finée. Par plusieurs fois Valentin cuida tourner Orson deffous luy: mais il n'eust point la puissance. Et quand il vit que par puissance de corps il ne le pouuoit gagner il tira vn cousteau fore-pointu dequoy il frappa Orson au costé dextre, tellement que le sang en saillit en grand'abondance. Adonc se leua Orson qui nauré estoit, & de la douleur qu'il eut comme tout enragé, ietta vn cry si grand que le bois il fist tout retentir: puis reuint à Valentin, & si fierement avec ses ongles aigues & tranchans à luy se print en telle manière que derechef à terre le ietta. Si se combattirent tant & si merueilleusement les deux freres, que forte chose fut de racompter les batailles. Et adonc Orson le sauuaige, si rudement & de telle façon print le Cheualier Valentin, que de son col luy arracha l'escu & le blason. Et quand il eust osté moult fort le regarda pour la beauté des couleurs qu'il n'auoit point accoustumé de voir, puis le ietta contre terre & retourna à Valentin: & aux ongles & dents si fierement le serre, que harnois & haubergeon debrisa & rompit, & de ses ongles & pattes le frappa iusques à la chair nuë, tellement que le sang en sortoit en grand'abondance. Quand Valentin se sentit nauré, moult fort doulent, si commença de cœur & de courage à reclamer Dieu, disant. Helas dist il, vray Dieu en toy est ma seule esperance, mon seul refuge, & mon confort, si te prie humblement que de moy vueilles auoir pitié. Et ainsi que par ta digne puissance, tu gardas & sauuas Daniel d'entre les Lyons, vueille moy garder de cest homme sauuaige. Et quand Valentin eut fait sa priere, il va deuers Orson à tout son espee pour le frapper: mais Orson saillit arriere, & vauers vn petit arbre,

arbre, leque il ploya & rompit, & en fist vn baston moult merueilleux, & vint à Valentin, & tel coup luy donna, que sur vn genouil le fist tomber. valentin se releua comme preux & hardy, si commencerent entr'eux tresiere bataille, & moult auoyent les deux freres grand' voulonté & courage de l'un l'autre destruire: mais ils ne cognoissoyent pas qu'ils estoient freres, ny le cas de leur fortune. Orson fut si cruel & fort, qu'il eust plusieurs fois tué valentin si n'eust esté son espee que sur toutes autres choses doutoit, pour cause du cousteau, dont valentin l'auoit frappé. Tant & si longuement ensemble se combattoyent par plusieurs manieres, que tous deux demeurèrent lassez & fort trauaillez. Adonc pria valentin Orson, & luy commença à dire. Helas homme sauuage pourquoy ne vous rendez vous à moy, vous vivez au bois tout ainsi comme vne pauvre beste, & n'avez cognoissance de Dieu n'y de sa mere: parquoy vostre ame est en grand danger, venez vous en avec moy & ferez que sage ie vous feray baptiser, & la sainte foy vous apprendray, & si vous donneray assez chair, poisson: & de pain, & vin à boire & à manger, vesture & chaussure vous donneray, & userez vos iours honnestement, ainsi que tout homme naturel doit faire. Quand Orson ouyt parler valentin, il entendit & apperceut bien par ses parolles & signes, que valentin desiroit son bien. Alors parla valentin de Dieu, & selon le cours nature qui ne peut mentir, Orson se ietta à deux genoux & tendit les mains deuers son frere valentin, luy faisant signe que pardon luy vueille faire, & du tout luy veut obeyr & complaire pour le temps aduenir, & luy monstra par signes que iamais iour de sa vie ne luy faudra, de son corps ny de ses biens. Si ne faut pas demander si valentin fut io-

yeux quand il vit le sauuage par luy conquis & mis en subiection, & en demena grand' liesse & non sans cause : car plus auoit conquis & mis en sa subiection, & en demena grand' liesse & non sans cause : car plus auoit conquis d'honneur & de prouesse que nul cheualier de son temps n'eust osé entreprendre tant fut preux & hardy. Il a prins Orson par la main, & luy a monstré signe qu'il chemine deuant luy iusques hors du bois. Et Orson a prins sa course deuant valentin, & tantost ont esté hors de la forest. Lors Valentin a prins vne des fangles de son cheual, & pour doute de danger à parmy le corps estroictement lié Orson le sauuage, affin que luy n'autre ne peust endommager. Et quand il l'eut bien lié il monta à cheual & print Orson & l'emmena avec luy comme vne beste liée, le tenant sans que iamais Orson luy fist quelque mal ny semblant qu'estoit chose miraculeuse.

Comment Valentin conquist Orson en la forest, & l'emmena au Roy Pepin à Orleans.

A Vec l'aide de Dieu tant a fait Valentin qu'il a vaincu & conquis Orson le sauuage, il est monté à cheual pour aller à Orleans, & est tant allé qu'il est entré en vn grand village : mais aussi tost que les gens du lieu ont veu le sauuage que Valentin menoit, ils ont commencé à fuir & entrer és maisons, & de la grand peur qu'ils eurent ils fermerent leurs portes en telle maniere que nul n'y peut entrer. Valentin leur cria que du sauuage ils n'eussent doute, & que hardiment ouurent leurs portes : car ils vouloyent loger : mais pour rien qu'il peust dire nul ne luy voulut de sa maison faire ouerture, lors leur cria le noble valentin, par le Dieu tout

tout puissant si vous ne me donnez logis pour la nuict
 passer & prendre repos, sçachez que ie dessieray le sau-
 uage & le laisseray aller, ie suis certain que tantost lo-
 gis aura trouué à mon plaisir. Moult de fois requis Va-
 lentin que logis peut auoir: mais chacun auoit telle
 doute du sauage que nul n'osoit sa porte ouurir. Et
 quand valentin vit que nul ne le vouloit loger, il deslia
 Orson, puis luy a fait signe qu'il frappe contre la
 porte d'une grand maison, en laquelle on tenoit hos-
 tel. Incontinēt Orson print vne grosse piece de bois,
 & par si grand force a frappé encontre la porte, qu'au
 tiers-coup il la bonta par terre, & puis sont entrez de-
 dans. Et quand ceux de la maison virent que le sauua-
 ge auoit rompu la porte, ils s'enfuirent par la porte de
 derriere que nul ne demeura dedans. Et Valentin alla
 deuers l'estable, & logea son cheval, puis a prins Or-
 son & sont allez en la cuisine, ou ils ont trouué chap-
 pons & plusieurs viandes, qu'en vne broche estoient
 aupres du feu. Lors Valentin a fait signe à Orson qu'il
 tournast la broche: car la viande n'estoit pas cuite: mais
 Orson aussi tost qu'il apperceut la viande, incontinēt il
 mist la main à la broche, & de la viande qui estoit enti-
 re vne grand partie & la mangea, & ne demanda pas
 si elle estoit bien ou mal cuite: car il la mangea com-
 me vn loup fait sa proye. Et puis il adresa vne chaudi-
 ere pleine d'eau vifement borta la teste dedans & en-
 bent comme vn cheual fait à la riuiere, & Valentin luy
 fist signe qu'il laissast boire de l'eau, & qu'il luy donne-
 ra du vin. Puis a prins vn grand pot & a mené Orson
 en la cave, & quād il eut tiré du vin vn plain pot il luy
 bailla & Orson leua le pot & commença à goustier du
 vin & fort bon le trouue & friant. Si beut si largement
 que sans reprendre haleine tout le pot vuida, puis ietta

le pot à terre & fait signe à valétin qu'il tire d'autre vin & valétin leua le pot, & print grand plaisir à voir & regarder les contenance d'Orson. Quand valentin eut émply le pot de bõ vin, Orson aduise vne grad' chaudiere, si à prins le pot & à mis le vin dedans : puis l'a porté au cheval de valétin, & quand valentin le vit, il luy fist signe qu'il ne beuuoit que de l'eau, & Orsõ luy mōstre que le vin vaut mieux que l'eau. Plusieurs choses faisoit Orson parmy la maison qui trop longues sctoyent à raconpter. La nuict fut venue que temps fut d'aller coucher. valentin se reput & fist repaistre Orson qui le vin n'espargna: mais tant en beut qu'il fut yure, puis se coucha pres du feu & commença à rêfler & à dormir merueilleusemēt. Et valétin le regarde en disant, vray Dieu tout puissant que c'est peu de chose d'un hōme endormy, & qui par trop boire pert le sens & l'entendement. Or voy-ie c'est homme sauuage qui n'a maintenāt force ny vertu & pourroit estre tué deuant qu'il fust esueillé. Et quand il eut ce dit pour plus esproouuer la hardiesse d'Orson, il le bōuta d'un pied si fort qu'il s'esueillat puis luy fist signe qu'il y auoit gens entour la maison, adōc se leua Orson cōme tout effrayé, & print vn gros tison qu'au feu estoit & courut vers la porte, & tel coup donna contre la porte que tout en retentit, & valentin se print à soubzrire, parquoy Orson cogneut bien que valentin faisoit ce pour l'essayer, si luy a fait signe valétin qu'il se voisse reposer & que bien le gardera, & Orson se recōuche deuant le feu son baston entre ses bras. valentin fut toute la nuict pres de luy, qui point ne dormit pour doute qu'il ne fust assailly : car tant fut le bruit grad' que chacun laissa sa maison & se retirerēt en l'Eglise, & toute la nuict sonnerent les cloches pour le peuple assembler, & à grand nombre & puissance d'ar-

mes toute la nuit pour Orson firent le guet. Ainsi passa la nuit tant que le jour fut venu. Et quand Valentin vit que le jour estoit clair il monta à cheval & à lié Orson, & s'est mis à chemin vers la ville d'Orléans. Et tant a fait qu'à un lundy il est arrivé dedans la ville. Et quand il fut apperçeu menant Orson le sauvage, ils ont fait si grand cry que parmy la cité d'Orléans ne fut oncques li grâd bruit. Chacun court en sa maison & ferment leurs portes, & allement aux fenestres pour regarder Orson. Les nouvelles vindrent au Roy Pepin, que Valentin estoit arrivé & qu'il auoit conquis le sauvage & avec luy le memoir, desquelles nouvelles fut le Roy Pepin grandement esmerueillé. Et en faisant le signe de la croix dit en ceste maniere. Hélas valentin mon enfant de bonne heure tu fus né. Benit soit le pere qui t'engendra & la mere qui te bailla, car ie cognois que de Dieu tu es aymé & que par toy il nous monstre miracle evident. En le peuple est d'autre part aux fenestres qui crie à haute voix. Vite entre tous les autres le noble & vaillant Valentin, car tu m'es n'y à plus preux ne plus hardy. Il est bien digne d'honneur & de grâd loüage auoir quâd par sa prouesse & vaillance il a cestuy homme sauvage eûquis, qui jamais n'osa de nous estre assailli. De luy porter honneur & reuerence chacun y est tenu car par luy sçavez de luy & à seureté mis de la chose que plus nous redouions. Valentin chevaucha parmy la ville d'Orléans tant qu'il vint deuant la porte du palais, & quand les portiers le virent venir ils coururent fermer les portes pour doute du sauvage, lors leur dist Valentin ne vous dâtez de rien : mais allez deuers le Roy & luy dites que sur ma vie du sauvage ie l'assens. Et aussi tous les Seigneurs & Barons & de toute la Court, & qu'en nulle maniere ils n'ayent crainte ne doute de luy car ie suis certainement

afferé & aussi il est vray qu'à nul qui soit vivant soit
 petit ou grand ne portera aucun dommage. les messa-
 giers sont montez au palais & on dit au Roy Pepin, les
 nouvelles qu'il prenoit sur la charge du sauuage Orson.
 Adonc comanda le Roy Pepin qu'on le fist entrer. Va-
 lentin entra dedans & print Orson par la main, & mōta
 en haut & entra en la sale ou le Roy Pepin estoit ac-
 compagné de tous les nobles Barons de la Cour: lors
 parla Valentin à Pepin en ceste maniere. Sire voicy le
 sauuage que i ay conquis ie vous requiers que baptisez
 le faciez si appēdra la foy & la creance de la loy Chre-
 stienne, car tel est mon desir & ainsi luy ay promis. Bie
 me plaist dist le Roy, ie veux qu'ainsi soit fait, lors il
 commanda à vn prestre qu'il le baptisast. Et furent
 ses parrains le noble Roy Pepin, & le duc Milā d'An-
 gier, Sanfon, & Geruais moult vaillans cheualiers &
 Valentin aussi. Quand Orson fut baptisé le Roy s'assit
 à table pour dīner, & Valētin le sert de couper deuant
 luy, & quand il fut assis il commanda qu'on fist Orson
 entrer dedans la sale pour voir ses contēnances. Ors
 entra dedans & vint deuant le Roy qui moult fort le
 regarda. il aduisa la viande qui deuant luy estoit & print
 dedans le plat ce qu'il peut emporter & commença à
 manger vītemēt & à gēner roiceaux; & quand il eut
 mangé il regarda d'autre part vn serouent le quel por-
 toit dedās vn plat vn paō pour le Roy seruir, lors y cou-
 rut Ors & au seruiteur l'osta, & puis assisa terre par-
 my la sale & comença à mēger, & quand Valentin l'a-
 perçut il luy monstra signe que mal se gouernoit
 dont Orson fut honteux: le Roy commanda qu'on
 le laissast faire: car il prenoit grand plaisir à ses con-
 tēnances, & quand Orson eut bien mangé, il aduisa vn
 pot qui estoit plein de vin, si le print & d'un trait sout le
 bent:

beut, puis va ietter le pot par terre & commença à secourir la teste dont le Roy & tous les Barons, qui là estoient commencerent moult à tire, & quand la nuit fut venue ils allerent coucher, & on auoit appresté vn liect pour Orson: mais il n'en voulut point.

Comment Auffroy & Henry pour leur enuie prirent conseil pour tuer Valentin en la chambre d'Esclantine.

IOyeuse fut Esclantine de ce que le noble cheualier Valentin auoit le sauuage conquis. Si luy manda par vne damoiselle qu'il luy amenast Orson le sauuage. Lors Valentin appella Orson, & le print par la main & le mena en sa chambre d'Esclantine, en laquelle auoit plusieurs dames & damoiselles, qui volentiers regardoyent Orson. Et Orson en riant se ietta dessus vn liect & regardoit les dames en faisant plusieurs signes qui aux dames estoient moult plaisans: mais point desplaisans. Si appellerent Valentin & luy demanderent que s'estoit que le sauuage leur monstroir par les signes. Et Valentin leur dist. Mes Dames sachez de verité que le sauuage monstre par les signes que moult volentiers voudroit baisier & accoller les damoiselles qu'icy sont, dont elles commencerent toutes à rire & regarder l'vne sur l'autre. Et ainsi qu'ensemble se deuifoyent & s'esbatoient en la chambre d'Esclantine pour la venue du sauuage. Auffroy vint deuers Henry & luy dit: Beau frere trop mal va nostre fait, car vous voyez que ce gaïçon meschant trouué Valentin, de iour en iour monte & accroist en honneur entre les princes & Dames, & entre les autres choses le Roy en est plus amoureux qu'il n'est de l'vn de nous, laquelle chose est & peut estre en grand

grâd abaillemēt de nostre honneur. Auffroy dist Henry vous dictes verité & parles comme sage, & quand à moy ie ne fais point de doute que par luy vne fois nous ne foyons desprisez si longuement il regnera. frere dist Auffroy entédez ce que ie vous diray. valentin est maintenant en la chambre de nostre seur Esclatine, laquelle chose nous luy auons des longs temps desiré, si aurons bonne excusation de le prendre & mouoir guerre & debat contre luy: parquoy si croire me voulez nous irons en la châtre & par nous seras mis à mort, & puis nous iurerons au Roy qu'auec nostre seur d'auons trouué faisant d'elle à sa volonté. Ainsi parlerent les deux faux traistres & desloyaux, & ainsi comme les iuis par leur enuie machinerent la mort de nostre Seigneur à tort & sans cause. Tout ainsi firent Auffroy & Henry à valentin, qui estoit obeyssant à tous, & de sa bouche oncques vilain mot ne faillit. Et apres qu'ils eurent fait & acheué leur entreprisse maudite, ils allerent en la chambre d'Esclatine. Et aussi tost qu'Auffroy fut entré il à dit à valentin. Mauuais & desloyal homme, br. cognoissons-nous que ta folie & outrageuse volonté ne te veut point restaindre ne retirer, Mais en perseuerant en ta malice & folle opiniō, en pourchassāt de iour en iour le deshonneur de nostre Pere le Roy Pepin, par nostre fauce & desloyalle seur Esclatine, de laquelle vous faictes à vostre plaisir & volonté tout ainsi que d'une femme malheureuse & dissolue, parquoy c'est bien droit & raison que mal vous en vienne. Et puis que le Roy de ce faire ne tient conte, ceste vengeance de vous nous prenons. En disant ces parolles Auffroy à leué la main & frappa valentin, tellement que par la bouche luy a fait le sang clair saillir, puis Henry s'est approché qui d'un glaiue trenchant & agu à cuidé

valentin

Valentin frapper moult butrageusement. Et quand Orson a veu ce, il est failli auant & à baillé si grand coup à Auffroy, que de sa main velue à terre l'abbatit puis est couru vers Henry, & tellement entre ses mains l'a estraint, que ce n'eussent esté les dames qu'Orson appaisèrent, iamaïs de vie n'eust eu respit. Lors se leua le cry en la chambre si grand que grand' partie des Seigneurs & Barons vindrent en la chambre. Et quand ils ont apperceu qu'Orson si mal menoit les fils du Roy, ils l'ont voulu frapper de glaives & d'espees & tout cōtre luy se sōt misen deffence pour le vouloir tuer & mettre à mort. Adōc valentin pour Orson deffendre, & secourir, tira son espee & si a iurē que s'il y a plus hōme qu'Orson touche ne frappe quoy qu'il en doïue aduenir la vie luy otera. Puis fist signe à Orson que plus il ne frappast, & incōtinēt Orson se retira sās nul outrage faire, & Auffroy & Henry sont allez vers le Roy Pepin leur pere, doulens & courroucez, puis luy a dit Auffroy. Ha Sire, mal fut oncques né valentin que si chier vous tenez: car ceans a amenē le sauuage, par qui moy & mō frere auōs esté en danger & peril de mort. Sire trop mal ferez si vous le laissez plus viure: car dommage & deshōneur vous portera de brief. Pour Dieu faictes qu'il soit noyé ou pendu: car rien ne vaut la garde de sa cōpagnie. Quand le Roy Pepin ouyt & entēdit les nouuelles que ses fils luy dirent moult doulent en fut, & a dit qu'il fera Orson le sauuage en vne tour enfermer en tellemaniere q̄ iamaïs sortir n'ē pourra fors par conge. Le Roy Pepin fit venir valētin pour demāder de ce cas, & valētin luy cōpta l'entreprinse telle qu'elle auoit esté faicte par Auffroy & Henry. Sire dist valentin, iestoye en la chābre de Madame vostre fille, en la cōpagnie de Dames & Dampiselles, qui fort desirōyēt à voir Orson, &

principalement à ma Dame. Esglantine l'auoye admené, si ne sçay pourquoy n'a quel tiltre messeigneurs Auffroy & Henry sont en la chambre entrez, en me disant que de vostre fille vouloye faire à mon plaisir & que de pieça le sçauoyent bien. Et en me disant fieres & outrageuses parolles Auffroy hauça la main & par male volô-
té me frappa: & Héry de sô espee m'a cuidé la vie oster. Or son voyant que mon corps estoit en danger est allé deuers eux. & tous deux les à ruez par terre, en telle maniere que par celle cause le bruit & le cry en est tel que vous le voyez: est-il vray dist Pepin ainsi que vous le dites. Ouy Sire, dist Valentin sur peine de ma vie, autre chose ny autre cause ie ny sçay, & par Dieu dist Pepin, Orson à fait son deuoir & ce qu'il deuoit faire, & vous Auffroy & Héry vous estes enuieux & de malle volonté pleins. Je voy & cognois claiement que de toute vostre puissance vous querez de iour en iour nuire à Valentin, bien estes de mauuaise nature de pourchasser son mal, quand vous voyez que ie l'ayme, & que loyalement me sert. Je vous deffens de luy mal vouloir, & le laissez à tât: car de luy ne me veux pour nul autre deffaire: & si suis certain que mon deshonneur iamais ne voudrois pourchasser. Ainsi se departirent Auffroy & Héry qui moult furent doulens & desplaisans. Valentin demeura en la sale avec tous les autres Seigneurs & Barons de la Cour, & Orson s'en va parmy le palais. Il entre en la cuisine & vit la viande que le cuisinier appareilloit pour souper, si s'est approché de luy, & a prins deux chappens tous ctuz & les va manger comme vn chien. Et quand le cuisinier vit ce, il print vn peteil & en frappa Orson si grand coup que tout ployer le fit. Adonc se baissa Orson, & print le cuisinier & le jetta en la place, & tant de coups luy donna qu'à peu qu'il ne fut mort.

Les

Les nouuelles vindrent au Roy qu'Orson tuoit le cuisinier, & que nul n'osoit de luy approcher, dont le Roy fut courroucé, si fist venir Orson & luy fist signe qu'il le feroit pendre : mais Orson tantost alla querir le pereit & monstra comment le cuisinier l'auoit frappé. Et quand Pepin cogneut le cas il pardonna tout à Orson, & commanda que nul ne le touchast plus. Et valentin luy monstra la maniere de seoy gouverner parmy le palais pour le temps aduenir, & en print totalement la charge, & si bien l'enseigna que de puis il ne fist nul mal ny desplaisir que premier ne luy en fust fait. En ce point demourerent longuement avec le Roy Pepin leur oncle : mais ne le sçauoyent.

*Comment le Duc Sauary enuoya deuers le Roy Pepin.
pour auoir secours contre le Verd cheualier qu'a
force vouloit auoir sa fille Fezonne.*

EN celuy temps qu'Orson & valentin estoient ensemble en la Cour du Roy Pepin, de par le Duc Sauary fut enuoyé vn messager au Roy, lequel apres qu'il eut fait toute reuerence parla en ceste maniere. Frâc Roy puissant & sur tous redoubté, le bon Duc Sauary duquel ie suis seruiteur par deuers vous m'enuoye, vous requerant qu'il vous plaise le secourir contre vn faux Payen qui l'a assiegé, & se nomme le Verd cheualier qui par force d'armes, & maugré son courage veut auoir sa fille, q'est la plus belle qui puisse estre. Et si a trois freres moult hardis & puissâs, c'est assauoir, Garin, Anselme, & Garin le plus ieune. Seigneurs dist le Roy, volontiers secourrons le bon Duc & si luy aiderons au besoing de toute nostre puissance, Sire dist le messager Dieu vous en sache gré car vous serez aumosne, ie vo' remercie cẽ fois pour mō maistre. En disant ces parolles vint dedans le palais vn autre lequel apres toute reue-

rence d'humilité au Roy faite luy a dit , excellent & fût tous redouté Prince veuillez à toute diligence vostre ost assembler & voz gensdarmes enuoyer vers la cité de Lyon: car des Allemagnes sont issus & saillis plus de cés mille combatans qui vostre royaume veulent tout destruire & mettre à subiection. Quand le Roy eut toutes les nouvelles entédues, il fut moult esbahy ; & fist venir l'Archeuesque de Reins, le Duc Millon d'Angier, Gervais & Sâson. Puis leur a dit le cas du messager & cōseil leur demanda assauoir quelle part il deuoit aller : ou deuers Aquitaine le bon duc secourin ou s'il deuoit aller deuers Lyō son pays garder. A laquelle chose respondit le Duc Millon Angier en ceste maniere. Sire sur ceste maniere vous deuez estre cōseillé : car plus prest vous est vostre cheuue que vostre robbe. Vous ne deuez pas deffendre le pays d'autrui pour le vostre laisser destruire. parquoy sâs autre conseil auoir vous irez à Lyon pour garder & deffendre vostre pays. Quand aurez chassé voz ennemis & expellez de vostre royaume , adōc pourrez seuremēt aller secourir le bon Duc Sauary, qui vous demande secours. Le cōseil creut & accepta , au messager du bon Duc Sauary dist , que pour le present de moy ne peut auoir secours: car mentir me faut mō ost est sans sejour vers Lyon. Je suis desplaisant que ie ne le puis secourir à son besoing : & pōurtant vous luy direz qu'il se tienne tousiours ferme contre le Verd cheualier ; que moy ayant fait mōtreprinse grand secours luy enuoyeray, & si grand nombre de gens qu'il sera bien content. Sire dist le messager, trop mal luy vient que venir vous ne pouvez: car il en a grand besoing. Mais puis qu'il ne peut estre autrement fait , ie vous remercie de vostre bon vouloir, & au cōgé de vostre haute maiesté ie me depart de vous. Et à ces mots le messager s'en alla vers Aquitaine,

taine , & compta les nouvelles de l'empeschement du Roy Pepin , & quand le Duc Sauary sceut qu'aide ne pouuoit auoir du Roy Pepin , il en fust moult desplaisant: car le Verd cheualier grand' guerre luy faisoit , & de trop pres l'auoit assiegé. Vous deuez scauoir qu'iceluy Verd cheualier, estoit frere de Ferragus le Geat, qui Bellissant la dame faisoit garder en sa maison , laquelle estoit mere à Valentin & au sauage Orson , ainsi que vous auez deuant ouy declarer. Or fut le Duc Sauary dedans Aquitaine moult pensif & doulent pour le Verd cheualier qui telle guerre luy faisoit pour sa fille. Il a fait crier que tous ceux de son ost soyent en point & en armes : car demain au matin il veut saillir hors contre le Verd cheualier pour les Payens combattre. Chacun se mist en point & firent deuoir d'eux armer, & quand le iour fut clair les clairons & trompettes sonneret & gensdarmes de toutes parts tant à pied qu'à cheval se sont mis à chemin pour saillir hors de la ville. Grād haste auoit le Duc Sauary du Verd cheualier r'assaillir , mais tel se euide aduancer qu'aucunes fois fait son dommage. Et ainsi en aduint au Duc , comme , il sera dist , le bon Duc saillit hors d'Aquitaine en grand' compagnie. & quand il fut au champ il sonna trompettes & clairons , comme vaillant champion ses ennemis assaillit, & vint frapper sur eux. Et Sarrazins & Payens qui grand nombre estoient, ont couru aux armes & commēça vne merueilleuse bataille. Et le Verd cheualier frappa a tout sa hache d'armes qui premier qu'il s'arrestast tua deux cheualiers. Lors le Duc Sauary est deuers luy venu, & se sont moult fierement assaillis l'un l'autre. Vaillant estoit le bon Duc mais pourtāt du Verd cheualier combattre entreprenoit grand' folie: car telle estoit la predestination du Verd cheualier , & par force

estoit

estoit predestiné, que iamais ne seroit conquis, ne vaincu, sinon par homme qui fust fils de Roy & qui n'eust iamais esté de femme nourry & aisé: si ne se pensoit pas que iamais tel homme peust estre trouué. Mais tel enfant est sur terre vivant, qui le combattra & vaincra, c'est Orson le sauvage comme vous orrez. Ensemble se combattirent longuement Saury & le Verd cheualier: mais trop entra auant le bon Duc: car quand il se cuida retirer pour aller viste à son ost tant fut des Payens poursuivy, & de toutes parts si serré; que fortune le contraignoit d'estre par terre rüé, parquoy il fut detenu prisonnier de ses ennemis, & le peindront les Payens & le menerent au Verd cheualier, qui telle ioye en mena que pour nul tresor ne l'eust voulu laisser aller. Et le bon Duc en son cœur reclama Dieu & la vierge Marie. Quand les Chrestiens sceurent que le Duc estoit prins, doulens & esbahis sont en Aquitaine retournez. Lors commença le peuple à grand dueil demener & faire grand regrets & lamentations pour leur bon duc qu'ils aimoyent tant. La furent les trois fils Garin, Anselme. Et Garin le ieune, qui pour son pere faisoient grand dueil: mais sur tous passoit la plainte & lamentation de Fezôre, laquelle les cheveux doronpoit, qui tant estoient plus luisans que le fin or, de ses yeux iettoit grosses larmes en disant: Helas de mal heure ie suis née, quand il faut que pour moy tant de vaillans vassaux & nobles cheualiers, ont telle douleur à souffrir, & si piteusement finent leurs iours. Et qui plus est mon cœur a chose trop amere à souffrir & à porter, c'est du bon Duc mon pere qu'est pour l'amour de moy entre les mains de ses ennemis mortels, & piteusement prins, doit mourir luy cōuiédra par douleur angoisseuse & piteuse detresse. Helas mon trescher pere trop cherement m'aueu

aimée

siñee, quand mon amour vous est vendue si chere que pour moy la mort vous est donnee. Si fort se cōplaignoït Fezonne en plourant, qu'elle à courage & volente de soy tuer. Ainsi ploure & sospire la belle. Et le verd chevalier est en son pavillō, qui faisoit venir devant luy le bon Duc, & luy a dit fierement. Or vois tu clairement que tu es en ma subiection, & que i'ay puissance de te faire mourir & de sauver ta vie. Le te diray que tu feras, donne moy ta fille Fezonne à femme & en ce faisant ta vie sauveras, & la meneray en la verde montagne ou richement couronner la feray. Sarmazin, dist le Duc ie te diray ma volente. Sachez que ma fille iamaïs ne s'amas si baptizer tu ne te fais, & que de nostre Seigneur Iesus preigne la loy & creance. Sauary, dist le verd chevalier, de telle chose ne parle iamaïs: car iour de ma vie en ton Dieu ie ne croiray: & si te dy plus que si mon conseil tu ne veux croire, que ie te feray mourir & de finer ta vie villainement. Et si ie te dis que ie feray Aquitaine ardoir, & mettre à execution & tous les hommes & femmes & petits enfans feray a tous mettre à mort. Payen, dist Sauary, Dieu me vueille par sa grace contre toy & ta malice & cruelle volente deffendre & garder: car en luy ie me fie & en luy est ma seule esperance. Longuement furent en parlant de ceste maniere, le verd chevalier & le Duc Sauary, qu'en Dieu reclamant au cœur sospire tendement. Et le verd chevalier le regarda. Et quand il eut veu les grandes lamentations qu'il faisoit & les piteux pleurs qu'il iettoit, il luy a dit. Franc Duc laissez le plourer: car tant suis espris & ardemment embrassé de l'amour de vostre fille que pour l'amour d'elle ie n'ay vouloir ny courage de vous oster la vie mais ie suis du tout deliberé de vous donner eogé par tel conuenat, que si dedans six mois vous m'admenez

m'admenez cheualier qui par puissance d'armes me puisse conquerir, ie quitteray vostre fille, & m'en retour neray en mon pays, avec toute mon armee, sans rien de vostre terre gaster, ny destruire. Et s'il aduient que dedés ledit terme, ie ne sois conquis & vaincu, i'auray vostre fille pour femme & espouse, & à mon pays sans autre guerre faire l'emmeneray. Pourtant firent entr'eux la paix, & les treues crier, l'espace de six mois. Et apres le cry fait le cheualier Verd donna congé au Duc Samary, & sur la foy de Iesus Christ, luy iura les dessusdites treues tenir & loyument garder. L'appointement par eux dessus deuisé, & au cas du deffaut luy donner sa fille sans nulle excusacion ou contradiction. Puis vint à Aquitaine & fit par tout sçauoir & publier la forme de l'appointement, & quand il eut fait les treues par six mois crier, il manda son conseil, & leur déclara la maniere qu'il auoit fait avec le Verd cheualier. Si ont aduisé & delibéré entr'eux que le Duc enuoyast messagers par tout le pays d'environ pour cercher & querir cheualier, qui par sa promesse & puissâce, puisse le Verd cheualier combattre. En apres le conseil ainsi prins, le Duc fit venir plusieurs messagers de toutes nations Chrestiennes, & leur a baillé lettres esquelles estoit contenu la grād' beaulté de la fille, & l'extreprise du verd cheualier, & si mandoit le Duc en ses lettres que celui qui pourroit le verd cheualier conquerir, il luy donnera fille. Les lettres furent baillées à douze messagers qu'eurent la charge de les porter par tout le pays, iusques à douze royaumes Chrestiens.

Comment plusieurs cheualiers vindrent en Aquitaine pour cuider auoir la belle Eszanne.

EN celuy temps durans les treues, le Roy Pepin estoit allé contre ses ennemis, deuers Lyon, accompagné

pagné de quatre mille hommes, tant fist qu'il chassa & mist à desconfiture vn Roy nommé Lampatris, lequel encontre les Payens & Sarrazins conduisoit grand puissance. Celay Lampatris estoit Roy des isles d'Olande & de Frise, & avec se il tenoit le palais de Mone-marche, qu'estoit vne ville mout forte & puissante, en laquelle se retirerent les Payens pour la doute du Roy Pepin. Et quand ils furent tous enclos en ladite ville & forteresse, il les assiegea en telle maniere qu'il les assama, & tant fit qu'ils se rendirent du tout à sa volonte. Quand il eut la ville prinse, il fit les Payens baptiser & croire en Iesus Christ. Et donna la ville au mareschal de France qu'estoit appelle Guy. Apres ces choses le Roy Pepin à tout son ost retourna en France & arriva à Paris, & eut tantost nouuelles du Duc Sarnay, comment il auoit prins treues au verd cheualier. Et quand il sceut la maniere comme & la condition de leur appointement. Il dist deuant tous les Barons en riant. Seigneurs qui vouldra auoir belle amie, il est temps de se monstrier vaillant, celuy qui pourra combatre le verd cheualier par faits d'armes, il aura en mariage la belle Fezopne, fille du Duc Sarnay, & si aura avec elle de sa terre & seigneurie la moitié & qu'il soit vray voicy les lettres, tenez & regardez entre vous le contenu d'icelles. Chacun regarda ces lettres volotiers: mais il ny eut si hardy ne si vaillant qui l'entreprinse vouldist faire fors que valentin qui deuant tous dist au Roy Pepin. Trescher Sire, s'il plaist à vostre maieste, de me doner coge & licence qu'en Aquitaine i'esproue mo corps cote le verd cheualier.

Sire donnez moy congé de partir de France: car i'ay moult grand desir de laiser le pays, & tant cheualcheray que i'amaïs n'auray repos, tant que i'aye nouuelles de ma mere qui me portera: car tresfort, il me desplait

que longuement i'ay demeuré sans sçavoir que ie suis. Valentin dist le Roy, ne vous chaille qui vous soyiez : car allez suis puissant pour vous donner des biens largement, & vous monter en honneur & tous ceux de ma Cour, & aussi chez vous tiens comme si vous estiez de mon propre sang. Sire dist Valentin pour Dieu soit, & me pardonnez car de long temps ie l'ay voulu. Quand le Roy vit que valentin estoit du tout deliberé d'aller en Aquitaine, il luy donna congé par tel conuenant qui luy fist promettre qu'il retourneroit vers luy apres qu'au verd cheualier se seroit combattu, & si Dieu luy donne santé & vie. valentin luy promist. Et partant il print congé pour aller en Aquitaine, adóc fut Esglantine doulente plus que iamais & pleine de pleurs & de gemissemens angousseux. Elle manda valentin lequel vint deuers elle, puis luy a dit la belle en plourant tendrement. Je voy bien que de vous iamais n'auray ioye ne consolation, & que vous estes deliberé de laisser le pays de France. Hélas or pleust à Dieu que ce fust mon honneur de m'en aller avec vous : car ainsi me vueille Dieu secourir se iamais i'ay à espoux autre que vous : mais puis qu'il est ainsi que de ma volonté ie ne puis user, que mon liberal arbitre est par autre puissance gardé, & qu'il est force que le corps demeure par deça mon cœur & volonté à vous seront : à iamais sans nulle autre intention fors que d'amour iuste & solitaire ie vous aimeray. Et à fin qu'à vos necessitez vous puisse secourir à vostre indigence, quand vous aurez necessité voicy la clef de mon tresor que ie vous presente, prenez or & argent à vostre volonté : car allez y a dequoy. Madame dist valentin, d'or & d'argent ie n'ay enuie fors seulement que trop me tarde que ie ne sçay qui ie suis, & sachez que d'une chose ie suis fort esmerueillé,

esmerueillé, c'est que ie porte vne croix sur l'espaule, tout ainsi iaine que le fin or, ie ne sçay dont tel signe peut venir pourtant suis deliberé de n'arrestter iamais tant que de ma natiuité ie puisse auoir cognoissance. A Dieu vous dy ma dame & pour moy plus ne plorez, car par la foy de mon corps si Dieu veut que ie soye du lieu venu, que ie puisse aucunement estre digne en valeur ou lignage de vostre extraction. Iamais ie n'auray à femme n'espouse autre que vous, & aussi si ie trouue que ie ne soye pas digne de vous auoir femme n'espouse, par faueur d'hauteur de lignage ie ne voudroye estre vostre amy : car au temps aduenir les enuieux demanderoient qui sont ses parens freres & cousins, de celuy malheureux abusé qui a tant le Roy abusé, qui luy a doné sa fille pour femme & espouse. Et pourtant ie desire sçauoir sur toutes choses de quel estat ie suis, & à ses mots se despartit Valentin & laissa Esclantine en la chambre plourant piteusement. Et lors commença à considerer qu'amour de femme est forte chose & merueilleuse: car bien voyoit que si luy plaisoit qu'Esclantine la fille du Roy s'en iroit avec luy à sa volété, mais le sens & la raison qui estoit en luy dominerent en tout temps de ne faire chose vilaine dequoy il peust auoir iamais deshonneur ne reproche. A tant laissa Esclantine & se mist à chemin. Et quand il vint à partir il fut conuoyé de plusieurs nobles & grans Barons de la Cour, dont Auffroy & Henry furent moult ioyeux à rebours, & pour leurs fauces enuies dequoy de long temps ils estoient pleins, ils machinerent & aduiserent que sur le chemin ils feroient, Valentin & Orson qu'il menoit avec luy mourir, & leurs vies finer honneusement, affin qu'il fussent vengez de la chose dont ils desiroient plus au monde.

Comment Auffroy & Henry firent guetter Valentin & Orson, sur le chemin pour les faire mourir.

QUand Valentin & Orson furent partis de la Cour pour aller en Aquitaine, ennée deceuable & maudicte trahyson entra plus que deuant es cœurs & courages des deux faux & maudis traistres, les deux fils du Roy Auffroy & Henry, en telle maniere que pour paruenir à leur fauce entreprinse, ils parlerent à vn cousin germain qu'ils auoyent, & tant firent que par entr'eux fut aduisé & deliberé que trente hommes puissans & vaillans guetteroyent & si mettoyent garde sur l'enfant Valentin & Orson, en telle maniere que là où ils seroyent trouué sans nulle remission ils fussent destruits & mis à mort. Apres ce conseil ils firent assembler trente hommes de plus redontez qui peut finer, puis les enuoya & fit aller en armes & en point dedans vne forest bien large, par laquelle Valentin & Orson deuoyent passer. Si ne demoura pas longuement que Valentin & Orson, qui couroit à pied deuant luy plus qu'un cheual, entrerent en la forest. Adonc les apperceut Grigar & ses gens qui estoient en embusche. Et quand Grigar vit Valentin il saillit contre luy son espee ticee pour le tuer. Et tel coup a donné au noble cheualier que parmy le harnois a la chair entamee, tant que sang en saillist, puis luy a dit Valentin icy mourir vous couiendra, car trop auez vescu. Et quand Valentin vit qu'il estoit nauré & de toutes parz assailli de ses ennemis à Dieu se recô-mâda & à la glorieuse Vierge Marie, puis leur dist. Messieurs ma mort auez iurée, & voy bien maintenant que par vous à grand tort & sans cause mourir me coui-
uient,

nient, mais si Dieu plaist en cestuy iour ie vous vendray
ma mort tant & si chierement que iamaiz tous ensemble
vous ne retournerez. Et adonc tira son espee &
de telle maniere frappa le premier qu'il luy fendit
la teste iusques aux espaulles & cheut mort. Puis alla
aux autres par si grand courage, que deuant qu'il arre-
stast ny que de luy osassent approcher, il en mist cinq
ou six a mort parmy le bois. Et Orson saute auant tout
effroyé a tout ses grandes mains velues, frappe & des-
chire tous ceux qu'il trouue parmy la voye en telle ma-
niere que de ses ongles les deschire, & de ses dents les
mort & estrangle. Il les iette par terre l'un sur l'autre.
Puis passe par dessus en les frappât & meurtrissât moult
laidement. Valentin est d'autre part qui tient l'espee
toute nue, dont si vaillamment se combat que nul n'ose
des deux freres approcher. Grigar cria tout haut Valen-
tin rendez vous: car icy mourir vous faut. Lors l'enfant
Valentin a Dieu se recommanda qui le voulust garder de
mal & a son besoing secourir. Il tire a Grigar & recom-
mença la bataille. de Grigar & de ses gens fiere fut la ba-
taille encontre Valentin & Orson, lesquels moult fie-
rement & en grand' resistance & a force de leurs
corps contre leurs ennemis se deffendirent, tant que les
plus hardis & puissans furent morts en la place, mais
combien qu'en Valentin & Orson eust de grans prouës-
ses & vaillances monstrees, non pourtant par le grand
nombre des autres, qui trente estoient fort & puissans,
le bon Valentin fut de si pres estraint que fortune le cō-
traignit a estre par ses ennemis prins. Et quand ils l'eurent
pris ils l'ont lié estroittement & rudement l'ont
mené, dont Orson commença a courir apres, en criant
& hurlant comme beste mue, & si treshorriblement
que tout le bois faisoit retentir, mais rien ny vallut sa

poursuite : car Valentin fut mené hastiuement parmy le bois si que d'Orson ne peut estre veu. Lors commanda Grigar qu'on suyist Orson tant que mort ou vif l'on le prenne : mais pour neant vont apres : car de si grand puissance court & saute parmy le bois que nul tât soit hardy de luy n'ose approcher, & ainsi eschappa Orson des traistres. Ils menerent Valentin iusques en vn chasteau qui estoit en celle forest, lequel est moult fort & puissant. De celuy chasteau en estoit gouuerneur vn Baron robeur de gens qui estoit parent de Grigar. Et portoyent tous ensemble leur butin les faux enuieux, mais rien n'en scauoit le Roy Pepin, qui fermement ne cuidoit que nul ne fust au pays de plus grand preud'homme. Quand Valentin fust au chasteau entré, ils l'ont prins rudement & mené dedās vne tour obscure & tenebreuse, & au plus parfond d'une grand' fosse en prison l'ont bouté. Et quand Valentin fut en la tour enclos, si se print piteusement à plourer, en priant & reclamant Dieu & la Vierge Marie, qu'ils luy donnassent grace de ce lieu eschapper. Helas dist Valentin, or suis venu à la chose que plus ie doutoye, c'est à scauoir, es mains de mes ennemis qui de iour en iour desirent ma mort. Si requiers à Dieu deuotement que de cestuy danger me vueille secourir. Helas bon Roy Pepin, iamais iour de ma vie ne vous verray & de ma mort rien n'en scaurez, car en ceste fosse obscure & orde me conuendra mourir. A Dieu Orson, à Dieu soyés-tu : car pour l'amour de moy tu as la mort soufferte. Et si tu m'aimoys d'amour parfaite, aussi faisoys-ie toy autant & plus que si tu eusse esté mon propre frere. Helas ma pauvre mere que i'ay tant desirée voir, iamais de vous n'auray cognoissance dont trop mon pauvre cœur soupire, & suis plus doulent quand il me faut mourir sans sca-
uoir.

uoit que ie suis , mais puis qu'il plaist à Dieu que telle-
ment mourir ie doyue, ie luy recommande mô ame. En
telle maniere se complaint Valentin, dedans la chartre
obscuré, & ses ennemis sont parmy le chasteau qui en-
tr'eux de son fait tiennent conseil , & aucuns ont dit.
Seigneurs le plus expedient remede qui soit , c'est de
faire mourir Valentin sans autre deliberatiô. Seigneurs
dist Grigar , de telle chose ie ne suis pas consentant:
mais suis d'opinion que nous gardions Valentin en la
prisô lequel ne nous peut eschapper: & que nous alliôs
vers Auffroy & Henry leur dire & racôpter le fait de
ceste entreprinse , si nous scaurons donner conseil sur
ceste matiere. A celuy conseil s'accorderêt tous & fu-
rêt deliberez d'aller à Paris où estoit pour lors le Roy
Pepin: Grigar apres ce côseil, print le chemin pour aller
à Paris, & Orson estoit dedans le bois piteux, & plou-
rât, qui toute celle nuit auoit esté au pied d'un arbre,
& quâd le iour fut venu il se mist en chemin, & s'est de
libéré que iamais n'arrestera qu'il n'ait fait assauoir au
Roy Pepin la maniere de la trahison , & cômment Valé-
tin a esté prins & emmené. Ils a prins son chemin &
plustost qu'un cheual est à Paris couru: mais premier y
arriua le traistre Grigar, & ainsi qu'il fut au palais entré
il alla vers Auffroy & là côpta cômment Valentin estoit
pris & emprisonné dont il fut moult ioyeux, mais fort
luy desplaist quâd on luy dist qu'Orsô estoit eschappé
nonobstât il se côfortoit de ce qu'Orson ne scauroit re-
tourner à Paris, & outreplus de ce que point ne parloit,
& qu'il ne scauroit pas racômpter la maniere de l'en-
treprinse: mais leur intention fut bien tournée en re-
bours: car Orson ne seiourna pas longuement que tan-
tost à Paris arriua, & à celuy mesme iour qu'il fut arri-
ué les deux traistres auoyent prins conseil entr'eux que

Grigar deuoit lendemain retourner au chasteau pour faire Valentin mourir sans nulle remission. De bonne heure arriva Orson à ce iour lequel tout aussi tost qu'il fut au palais entré il monta contremont & sans sejour ne delation entra dedans la sale parée en laquelle estoit Pepin le bõ Roy, qui pour celle heure estoit à table assis pour dîner, accompagné de plusieurs cheualiers. Quand Pepin vit Orson bien cuida que Valentin fut retourné. Orson alloit par la sale piteusement criant & battant sa forcelle, pour laquelle chose le Roy, & tous les autres l'ont fort regardé. Et quand Orson vit les cheualiers à la table assis, il regarda moult horriblement en faisant hydeux signes. Lors il aduina & cogneut entre les autres Grigar, qui tenoit la teste enclinee contre la table, de peur qu'il ne fut cogneü. Quand Orson le vit il courut celle part, & si grand coup donna à Grigar qu'une oreille luy aualla à bas puis frappa de teches par dessus le visage si tresfort & puissamment que les dents luy rompit, & vn ceil luy creua, dont Grigar se print à crier moult haut tant que tous ceux de la salle ont le debat & la noise apperceu. Et Orson retourne arriere que si grand coup luy donna qu'à terre l'abatit, & jettà bas la table & tout ce qui estoit dessus, dequoy toute la compaignie fut troublée. Et eust esté mis à mort Grigar par Orson, n'eust esté vn vaillant Prince qui là estoit des mains d'Orson le jettà. Puis a dit tout haut. Helas Sire Roy vous voyez, le piteux cas en quoy Orson le sauage a mis cestuy bõ cheualier, pour Sire, faites que la vie luy soit ostee: car trop est chose perilleuse de tel homme garder. Seigneurs dist le Roy sur ceste matiere conuient adviser par bon conseil: car ie vous promets & ainsi le croy, qu'Orson sans aucune grand cause n'a pas frappé Grigar faites le venir deuant moy

moy, si sçauray son intention & la cause du debat. Orson fut admené deuant le Roy. Il luy demanda pourquoy il auoit fait cestuy outrage. Et Orson luy fist signe que le traistre Grigar si auoit meurtry faussement valentin en la forest : puis va monstrant signes merueilleux, que de ceste chose il se vouloit combattre cõtre Grigar, par loy de champion, pour luy faire confesser sa maudite entreprinse & damnable trahison. Puis à tiré son chapperon & par moult grand outrage la iette à Grigar par maniere de gage & deffiance, & quand le Rõy vit ce il appella les seigneurs or auez vous veu comme cestuy homme sauvage, par deuant tous à iette & liuré gage de bataille à Grigar, & comment il se veut à luy combattre, parquoy veuillez à moy tous dessus cestuy affaire, voz vo'ontez & opinions dire, & ce qu'en est de faire, car trop suis esmeruillé en mō cœur de ce qu'Orson le sauvage entre tous les autres chevaliers de ma cour à frappé Grigar par si grand fureur. Seigneurs dites en vostre opinion : car trop me doute de fauceté de quelque part quelle doie venir, & quand à moy ie serois d'opinion que la bataille fust entre les deux iuges. Quand le Roy eut parlé en telle maniere & façon, les Barons furent d'accord & d'opinion que Grigar & Orson pour ceste querelle se combattissent, lors fut la bataille ordonnée, & fist le Roy admener Grigar deuant luy, & dist qu'Orson combattre luy conuenoit. Quand Grigar sçeut & entendit que contre Orson luy conuenoit combattre, trop fut doulent & non sans cause : car venu estoit le temps que la trahison qui tant a esté couuerte & celee, sera deuant tous publiee & manifestement declairee. Grigar regarda Auffroy de semblance mal asseüree & de cœur effrayé. Lors Henry l'appella, & luy dist. Grigar ne

vous doutez de rien : car ie vous promets & fait au-
 uoir que nous ferons vostre paix vers le Roy nostre pe-
 re , en telle maniere que de vostre personne n'aurez
 dommage ne villennies : mais vous iurerez de mon dire
 iamais ne confesser le cas , pour chose qu'il vous puisse
 aduenir. Helas dist Grigar trop mal va de mon cas , ie
 voy bien que pour vous la mort me faut souffrir. Et
 quād il eut ce dit , il alla vers le Roy disant. Sire , ie vous
 requiers vn don c'est que de vostre grace vous plaise
 qu'à hōme sauuage ne combatte point : car vous sçavez
 Sire , que ce n'est pas hōme contre hōme que cheualier
 puisse auoir n'acquerir hōneur , & aussi se n'est hōme
 naturel : mais est beste irraisonnable & sans nul espoir
 de mercy. Grigar , dist le Roy , d'excusatio n'y a il point ,
 la bataille est iugée par le conseil de toute la Cour , rai-
 son vous y cōdāne , & droict veut qu'ainsi soit. De celle
 responce fit Grigar moult fort pēlīf doulēt & descōfor-
 tē , lors luy a dit. Auffroy n'ayez doute : car si bon droict
 vous atiez , Dieu vous fera ayde , & vous fera deffense
 en ceste querelle. Et quād est de ma part ie vous feray
 armer bien & suffisammēt comme au cas appartient.
 Quand Orson entendit que cōbatre se deuoit , il deme-
 na grand icōre , moule grands signes faisoit au Roy que
 Valentin estoit mort & destruit , desquels signes le Roy
 Pepin tresfoit s'esmeruilloit , tousiours estoit Orson
 prest de frapper Grigar le traistre : mais le Roy Pepin
 le fist tenir deuers luy , en luy faisant signes que plus ne
 le frappe , tāt qu'il soit au chāp , puis dist à Grigar , or vo-
 allez armer , & pensez de faire vostre fait. Ha Sire ie
 vous ay lōguement seruy , & de toute ma puissance me
 suis parforcé de vous en toutes choses obeir tāt en ba-
 taille que dehors , mauuais fatalaire me rēdez , quād cōtra
 vn hōme sauuage ou n'a sens ne raison me voulez faire

cōbattre, Grigar, dist le Roy, si bon droit auez de rien ne vous deuez esmouuoir: car ie vous promets que biē armé serez, Orson sera mis au champ tout nud sans armure. Vous serez à cheual, & il sera à pied sans nul glaue porter: parquoy vous n'aurez cause de reculer à vostre bon droit deffendre. ie ne sçay comment il vous en prendra: mais bien mōstrez semblāt qu'en vous y a à dire, faites vostre deuoir: & gardez vostre droit: car autre chose vous n'aurez de moy, la chose est consommee & conclusiō faite & prinse de mō conseil. Et apres que Grigar eut prins plusieurs excusatiōs & oppositiōs de foy cōbattre cōtre Orsō, & que par cōseil fut delibéré de faire bataille. Le Roy cōmanda le chāp estre fait deuant son palais. Et quand il fust prest, Orson qu'estoit attendāt entra dedans pour attendre Grigar qui fut armé par Auffroy & Hensy, qui tout au mieux qu'ils peurent l'amenerent. Quand il fut armé il print cōgé d'eux disant. Seigneurs ie vois mourir pour vous, male fut pour moy la iournee quād i'entreprins telle chose. Taisez vous, dist Henry, & ne vous donnez nul esmoy: car ie vous ay promis & tenir le vous veux, que si vous estes par Orson vaincu nous ferons vostre paix au Roy nostre pere, tellemēt que vostre personne n'aura dommage. Et si mal vous venoit pour ce fait poursuyuir plustost en mourroyent cent mille hommes que faulseté fust faite de nostre part, soyez tousiours secret & ne reconnoissez rien de toute l'entreprinse qu'a esté faite, or fut armé Grigar, & monta à cheual, & il tira vers le champ, le quel estoit ordonné deuant le palais, ainsi que le Roy Pepin auoit dit.

Comment apres que le champ fut fait, le Roy Pepin vint aux fenestres de son palais pour voir Orson, & Grigar combattre l'un contre l'autre.

ET quand l'heure fut de combattre, le Roy vint aux fenestres pour la bataille voir, & quand la cour fut assemblee & les iuges ordonnez pour iuger de la bataille, on commanda aux parties de faire leur deuoir, lors entra Grigar au champ fier & orgueilleux, monté à l'auantage, dont à la fin mal luy en print, si picqua son cheual & tira vers Orson, en luy disant paillard te m'as trop outragé de m'auoir osté vn œil par ton cruel outrage: mais ie te monstreray qu'à tort tu m'as assailliy. Et quand Orson l'a veu venir l'a bien entendu, & a estendu ses bras & montré ses ongles & ses dents, rechignant moult laidement. Lors Grigar baissa sa lance & toucha le cheual vers Orson. Quand Orson vit la lance approcher, il fit vn saut arriere, & Grigar qui son coup faillit, coucha sa lance & la ficha contre terre. Quand Orson vit ce, il retourna contre Grigar & empoigna sa lance, & si fort la tira qu'il la luy osta des poings. Et quand il la tint tellement l'e frappa, qu'il luy fist perdre l'ouyr & l'entendement, quand Grigar fut frappé il toucha le cheual des esperons, en fuyant parmy le chāp & Orson courut apres en rechignant des dets despitueusement & en faisant signe au Roy que Grigar luy redra, & quād Grigar apperceut le grād dāgier en quoy il estoit en soupirāt dist à par luy. Ha Auffroy & Héry, or est ma fin venue icy: & mourray pour vous, ie l'auois bien dit, mal est la chose cōmēcée & mal finera, en ce point Grigar & Orson, en nulle maniere ne se peuvent naurer. Quand Orson veit ce, il ietta sa lance bas, & vint contre Grigar, & de si pres le serre, que son che-
ual

ual à prins par le col, & tant de tours l'a demené qu'à terre le fir tresbucher, & quand Grigar sentit son cheual tomber, il voulut saillir de la selle, & au saillir perdit son escu: car il volla bas: & Orson vistement l'a saisi, puis dessoubz luy la bouté & est allé au cheual, & dessus est monté en faisant signes merueilleux, en cheuauchant apres Grigar, qui parmy le champ fuyoit. De voir les manieres d'Orson, chacun estoit esbahy. Et fut le Roy Pepin sort de ce cas esbahy. & dist deuant tous. Par le Dieu tout puissant seigneurs ie m'esbahis moult de ce fait, & ne sçay que penser à quelle fin ceste chose veut venir, certes quoy qu'il en soit: mon opinion est que trahison de quelque part y a moult grāde. Le Roy fut pensif dessus ceste entreprinse, & Orson à cheual estoit monté pour Grigar poursuyuir, il est descendu du cheual & est venu à Grigar, tel coup luy dōna qu'il l'abbatit par terre, & puis tantost luy à donné vn coup si grand que le bras & l'espaule luy aualla à bas, & puis luy dōna vn autre coup parmy le corps si merueilleux que l'eschine luy couppa & rompit. Et Grigar s'escria si hautement que tout le monde l'entendit, en demandāt vn prestre pour ses pechez confesser & auoir absolution. Et quand les gardes du champ l'ont entendu vn moult noble chevalier qui de ce faire auoit la charge, vint à luy & demanda quelle chose il demandoit. Lors luy dist Grigar, Sire faites descendre le Roy Pepin car ie veux deuant tout le monde dire & confesser la fauceté de mon cas. Adonc la chose fut signifiée au Roy Pepin clerement.

Comment

Comment Grigar apres ce qu'il fut conquis & vaincu par Orson, confessa deuant le Roy Pepin la trahison d'Auffroy & Henry, faite contre le noble Valentin.

GRigar voyât le Roy deuant soy luy a crié mercy, disant. Helas Sire, trop ay failli contre vostre haute magnificence: mais à ce m'a contrainct Auffroy & Henry son frere: car pour complaire à leurs volonteiz ie me suis parforcé de Valentin prendre & mettre à mort cruelle, & si ay tant fait diligence qu'en vne forest l'ay prins & tenu si pres qu'il est contrainct à tenir prisõ, tât que par entre nous soit deliberé de quelle mort deura mourir. Quand le Roy entêdit la verité de ceste chose il commanda que Grigar fut pendu: puis monta à cheual pour aller vers la prison en laquelle estoit Valentin. Et quand Orson apperceut que le Roy fut au chemin auec quatre Dacx & quatre Côtes, desquels estoit accompagné, il va deuant en montrant le lieu ou Valentin fut prins moult droict les mena, & alloit plus qu'un cheual ne pouuoit aller. Et tant faisoit de manieres sauages que toute la compagnie faisoit rire. Et dist bien souuent le Roy. Seigneurs moult est grand'chose de cest homme sauage qui tant ayme Valentin. Sachez que ces manieres m'esmeuent à luy faire du biẽ. Tort l'aimoit le Roy & bien le deuoit par raison: car il estoit son neueu, dont rien ne le sçauoit & encorẽ pas ne le sçaura, tant que par Esclarmonde la sœur du Roy Ferragus, qui Bellissant gardoit, la chose fut cognüe. Car icelle Esclarmonde auoit vn chasteau, & dedans auoit vne teste d'ærain, qui par n'igromance luy disoit tout ce qu'auenir luy deuoit. Et estoit celle

le teste de art composee, que iamais ne deuoit finir tant que le plus preux & vaillant du monde entrera dedans le chasteau: car adonc deuoit celle teste perdre s'õ parler & toute sa puissance. Or viendra celuy qui à fin le mettra, se sera le noble Valentin qui la belle Esclarmonde prendra comme plus à plein vous seia dir.

Si laisseray à parler de ceste matiere, & retourneray à Pepin, qui va vers la forest pour Valentin sauuer & preseruer de mort. Il a tant fait qu'il est entré en la forest & va suyuant Orson qu'au chasteau le meine: mais quand ils furent au chasteau ceux qui le Roy cogneurent, les portes yont fermer: & aux portiers fut commandé sur peine de la vie que nul du chasteau ne luy fist ouuerture. Et quand le Roy vit qu'au chasteau ne pouuoit entrer, il comãda que le chasteau fut assailly. Si ne demeura pas longuemẽt que les fossez furent remplis de bois. & approcherent des meurs & à forces d'armes dedãs le chasteau entrerẽt. Ils prindrẽt les traistres, & estroictemẽt si les lierent, puis apres allerẽt aux basses prisons ou Valentin estoit en moult grand poureté detenu. Ils l'ont ietté hors & l'õt au Roy Pepin admené. Et quãd Valentin vit le Roy Pepin, il se mist à genoux en luy rendãt graces du grãd dãgier & peril dõt il l'auoit mis hors. Lors le prindrẽt les Barõs & Seigneurs en luy faisant honneur & grãd feste. Et luy cõterent le cas cõment il en alloit, & cõment Orson s'estoit pour luy contre Grigar combattu en champ de bataille. Et quand Valentin ouyt ses nouuelles il embrassa Orson moult doucement, & aussi Orson luy. Si ne faut pas demander si la ioye d'entreux fut grande. Et apres cela fait, le Roy commanda que les traistres fussent admenez au bois, & que là fussent à vn arbre pendus & estranglez, sans nulle remission. Puis parla Pepin

à Valen

à valentin, & luy dist. Valentin mon amy, puis que Dieu a donné celle grace d'estre de voz ennemis deliuré, ie vous conseille qu'avec moy retourniez, si ferez comme saige & bien aduisé. Sire, dist Valentin, ie ne retourneray tant que ie saiche au vray qui ie suis, & de quels gens extraict. le m'enuois en Aquitaine vers le verd cheualier: car ainsi l'ay iuré & promis. le prens congé de vous, comme pauvre seruant qui tousiours vendrois vous obeyr, & vostre maiesté servir de ma petite puissance. A ces mots se despartirent le Roy Pepin & valentin.

Si laisseray à parler du Roy & parleray de valentin & Orson, qui s'en vont en Aquitaine, pour combattre le verd cheualier, qui homme ne doute: car ainsi cōme, deuant vous ay dit, iamaïs ne sera vaincu que par vn fils de Roy, qui iamaïs de femme n'ait esté nourry n'y allaieté. Ainsi s'en vont ensēble valētin & Orson vers le pays d'Aquitaine tout le monde couroit pour voir Orsō le sauuaige qui nud & velu estoit cōme vn Outs. Chacun de luy se rioit, mais il n'en tenoit conte. Valentin luy fist faire vn iaceran de fin acier, de telle façon que le chapperō: & tout tenoit ensemble. Et quād Orson l'eust vestu moult luy sembla sauuaige, & volontiers l'eut despoüllé, mais trop craignoit valentin: car tout ce qu'il luy commandoit sans contredit faisoit. Quand Orson fut vestu du iaceran d'acier, bien fort le regarda & tenoit fort orgueilleuse contenance. Or il aduint ainsi qu'ils passoyent leur chemin que le noble Valentin aduisa vn tresbeau eueyer qui parla cheuauchoit, lequel tēdrement plouroit & souspiroit. Quand Valentin le vit il luy dist. Amy, qui vous meut à plorer auez vous mauuais gens trouué. où si auez peur des bestes sauuaiges: car de ma puissance vous donneray
con

confort & aide. Helas dit l'escuyer, de tout ce n'ay doute, mais sçachez que la chose qui plus m'esmeut à me plaindre, c'est mō maistre que j'ay perdu, le plus vaillant cheualier qui iamais fust sur la terre. Adōc Valētin luy respondir. Comment l'avez vous perdu. Sire dist l'escuyer, il estoit allé en Aquitaine pour le Verd cheualier combattre pour auoir la plus belle qui fust au monde, c'est la gracieuse Fezonne, qui tant a le cœur gracieux: mais iamais nul ne l'aura si le Verd cheualier ne rend confus & vaincu par champ de bataille. Or y sont plusieurs cheualiers & vaillans champions morts, & quād il les a conquis il les fait pendre à vn arbre qui est emmy la place, auquel arbre en y a plusieurs pēdus iusque au nōbre de xxxij. De nul ne prend mercy tant est de mauuais courage. Vierge Marie dist Valētin, ie croy que c'est vn diable quand telles choses fait: mais s'il plaist à Dieu j'iray en Aquitaine, & esprouueray sō corps contre le mien: car j'ay tant ouy faire de mētion de la belle Fezonne que si brief ie ne meurs par armes ie sçauray la verité. Ha Sire, dist l'escuyer, pour Dieu n'y allez pas car de combattre à luy vostre peine perdrez: vous estes tant beau cheualier iamais ie ne vistel ne perdez pas la vie pour ce diable combattre: car tāt de fort & vaillans cheualiers luy ay veu mettre à mort, que de vous j'ay grand' doute si contre luy en bataille entrez. Escuyer mon amy en Aquitaine iray, & sçauray du Verd cheualier la verité, & s'il a mauuaise cause contre luy me combattray: mais premier si ie puis à la belle Fezonne ie parleray & par son conseil vseray. Et quand Orson l'entendit il monstra signe à Valentin qu'il estoit amoureux de la noble & belle Fezonne, qui tant estoit benigne pour monstres qu'il est amoureux du Verd cheualier combattre & aymera la belle Fe-

zonne

zonne: & quand Valentin le vit de ioye c'est print à rire. Ainsi vont les deux freres cheminant par le pays pour venir en Aquitaine. Si ont tant cheuauché qu'ils sont approché de la cité. Valentin la vit de moult loing: car elle estoit fort haute. Lors appella vn homme qui passoit & luy demanda. Mon amy dictes moy quelle cité c'est la deuant nous. Sire dist-il, c'est Aquitaine. Or me dictes dist Valentin, ou se tient le Verd cheualier. Sire dist il vers la cité, ie croy que vous allez cōbatre à luy. Ouy dit Valentin. Helas Sire, vous entreprenez grād folie: car iamais de luy vous n'aurez victoire. Mōtez sur ceste petite motte, & regardez vn haut arbre auquel y a tant de pendus plus de quarante, qui ont esté mis à mort. Il n'y a plus que quinze iours d'attente, que le Duc d'Aquitaine sera contrainct de luy donner sa fille, la plus belle du monde, dont sera dommarge. Amy dist Valentin, Dieu luy aydera. Ainsi que Valentin à cestuy homme parloit, vn ancien homme en habit de pelerin, qui vers eux arriua mal vestu, & auoit vne grande barbe toute chenue & blanche, qui bien auoit quatre vingts ans d'age. C'estoit Blandimain l'escuyer de Bellissant qui au chasteau le mena, ou estoit le gētil Ferragus cōme mention vous en a esté faicte par deuant. Valentin salua le pelerin, puis luy demanda d'où il venoit. Et il luy respondit. Sire ie viens de Constantinoble: mais ie n'ay peu entrer dedans la cité pour vn Payen Soudan, qui tient la ville assiegee. Certes ie n'ay peu mon message faire & m'en retourne. Pelerin dist Valentin dy moy du Verd cheualier s'il y va point finement. Nenny dist le pelerin de ce ie vous fais bien certain; & si vous donne conseil de celuy combattre ne vous entremettez point: car si cent vous estiez tous vous feroit mourir. A Dieu ie vous commande; car il m'en

m'en faut aller. Dictes moy ou vous allez. Sire dist il à Valétin, ie vois droit à Paris: car au Roy Pepin de Frâce, me conuiét aller faire vn message, de par vne sœur qu'il a laquelle de lōg tēps fut bannie de Cōstātinoble à tort & sans cause. Or est la bonne dame en la maison d'un geant, qui bien doucement la garde, lequel veut aller en France, pour ceste quetelle sçauoir si Pepin y cōsent, car tant cognoist la dame que pour elle se veut en vn chāp de bataille contre l'Empereur de Grece cōbattre, qui desloyallemēt & faussement la dechassée & deboutée. Amy luy a dit Valentin. le te prie qu'au nō de Dieu tout puissant, que tu retournes en Aquitaine avec nous. Et quand ie seray combatu au verd cheualier. Si Dieu mon createur me donne victoite contre luy, ie retourneray avec vous en France, & pour l'honneur du Roy Pepin i'entreprendray le champ: car à luy ie suis plustenu qu'à nul homme qui viue. C'est celuy qui m'a esté pere & m'a nourry, tant que pour faire son vouloir & commandement ie doy bien auoir courage & volenté. Sire dist Blandimain, i'amaies de ce ne consentiroye. Ie vois faire mon message pour la treshonnoree & sage dame Bellissant: car baillé m'en a la charge, & loyaument ie la veux seruir. A Dieu soyez vous qui de mal & peril vous vueille deffendre. Blandimain se partit & vers Paris son chemin print, & valétin le regarde fort. Helas ce n'estoit pas sans cause. Il auoit bon droit si son cœur luy attiroit: car c'est eeloy qui lōguemēt & loyaument à saué & gardé sa mere mais de tout ce rien ne sçauoit. Ils prindrent leur chemin & tant sont allez qu'aupres de la cité sont arriuez. valentin for regarda la ville qui moult estoit plaissante. Puis aduifa valentin vne fontaine & yalla, puis descendit de son cheual à bas, & se coucha dessous vn arbre qui estoit au-

pres pour soy reffraischir: car grand' chaut auoit, vn peu se reposa & dormit, & Orson le gardoit. Et quand il fust reposé & esueillé il se leua sur ses pieds pour monter à cheual, mais il vit arriuer vn cheualier fier & orgueilleux, qui pour son grand orgueil estoit appellé l'orgueilleux cheualier: car tant fier estoit que iamais iour de sa vie, n'auoit aucun salué, & si estoit d'vne condition telle que celuy qui ne le saluoit à luy auoit bataille, dont plusieurs en auoit faict mourir. Il vint vers la fontaine & mist le pied à terre, & valentin le regarde, qui nul mot ne luy dit, puis aduisa Orson qui asseurement le regardoit. L'orgueilleux cheualier en eut despit, si s'approcha d'Orson, & ayât le bras leué, il luy donna vn tel coup qu'il luy fist saillir le sang par la bouche. Et quand Orson se sêtit frappé il à le cheualier serré entre ses bras si rudement que deüssous luy l'a abbatu à terre, puis print vn cousteau qui pendoit à la ceincture du cheualier, & l'en frappa au corps tant que le sang sortoit en fort grand'abondance. Et le cheualier qui frappé se sentit moult hautement s'escria. Lors s'approcha valentin, & osta le cheualier d'entre les mains d'Orson & luy dist. Beau sire tort auez de frapper ce pauvre homme qui ne peut parler. Et l'orgueilleux cheualier dist à valentin, ribaut pourquoy ne me salues-tu. Adonc tira vn glaive pour le ferir, & valentin tira son espee & si grand coup luy donna qu'à terre l'abbatit mort, & puis luy a dit. Je vous apprendray à saluer les gens. Quand le cheualier orgueilleux fut mort les gens doulens & espouuantez se prindrent tous à fuyr vers la cite d'Aquitaine, & sont entrez dedans & ont compté les nouvelles de leur maistre l'orgueilleux qui estoit mort. Desquelles nouvelles fut fort courroucé & desplaisant le Duc d'Aquitaine: car il estoit son cousin. valentin ouyt le bruit que

que les gens demenoient pour la mort du cheualier orgueilleux, qui sur la fontaine auoit esté mis à mort. Si monta à cheual & entra dedans la cité, & quand il fut dedans il se logea en la maison d'un moult riche bourgeois. Tantoist eut nouvelles le Duc d'Aquitaine, que ceux qui son cousin auoyent occis estoient dedans la ville logez. Il commanda qu'on les luy amenast. Quand il eut commandé les messagers sont partis incontinent pour valentin & Orson aller queris, lesquels deuers luy sont venus. Lors parla le Duc en ceste maniere. Amis dictes moy qui vous estes & si estes Cheualiers ou nō: & de quel pays vous estes, & a quel Prince vous seruez? Sire dist valentin, cheualier, ie suis seruant au bon Roy Pepin, qui France tient. Cheualier dist le Duc mon cousin auez occis & mis à mort. Il est vray dist le noble valentin, ie ne dis pas du contraire, & quand il eust esté de mō propre lignage autant en eusse ie fait, car orgueilleux estoit & de fier courage, il ne daignoit parler aux grāds n'aussi aux petits, & par son fier courage à mō compaignon seru tant qu'à terre l'a fait iresbucher, dont quand i'ay ce veu i'ay tiré mon espee, & tel coup luy ay donné qu'à terre ie l'ay mis à mort. Ie suis un estranger qui en ceste cité suis venu pour le Verd cheualier combattre, & pour la belle Fezonne qui est tant renommee, vous en auez fait faire les voix que tous cheualiers viennent: si me semble de droit & iuste equité que par tout vostre pays on doit aller en seureté parmy le chemin, & quand le Duc d'Aquitaine ouyt valentin qui si bien parla, il dist. Cheualier bien respondue, si mon cousin est mort, c'est par son orgueil & fier courage, de sa mort suis doulent: mais remede n'ya le cas ie vous pardonne & veur estre pardonné: mais au surplus de vostre entreprise du verd cheualier, vous vie-

irez en mon palais & verrez la belle, pour laquelle vous estes venu ceste part, avec elle trouueriez quatorze chevaliers d'estrange terre, venuz tout de nouveau; qui pour l'amour d'elle au verd cheualier se veulent combattre, allez y & saluez ma fille comme il est de coustume, car ainsi est ordonné que tous chevaliers qui pour l'amour d'elle viennent de pardeça, deuant que faire bataille au verd cheualier a elle se presentent, & en signe d'amour ils prennent vn anneau d'or d'elle. Sire dist valentin, ie suis prest de faire ainsi que l'ordonance dit. Et d'autre part ie fois vostre petit seruiteur comme celuy qui du tout à vos bons commandemens vouldroye obeyr de toute ma puissance. Lors môra le Duc au chasteau & valentin & Orson l'accompagnerent moult honnorablemēt, ils entrerent en la chambre ou les chevaliers estoient, qui la belle Fezōne accompagnoyēt. Et quand valentin la vit il alla deuers elle en grand reuerence: & le salut luy donna disant deuant tous hautement. Dame de qui le bruit & le renom de beauté corporelle sur tous les dons de nature fait les cœurs des humains contens, & repaist par vn ouyr racompter & de qui le regard & belle contenance, toute fleur de noble cheualerie resplendissant: celuy Dieu qui tout peut vous vueille garder de vilain reproche, & vous vueille du verd cheualier preserver & deffendre: pas n'est digne de vostre corps toucher ma chiere & tres-honnoree dame plaise vous sçauoir que Pepin Roy de France, par deuers vous nous enuoye, & si vous fait present du plus vaillant homme qui soit sur terre, dame regardez le: car il ne doute hōme, & si n'a peur de glaue tant soit agu ou trenchant: s'il sçauoit parler en tout le monde ne sçauoit son pareil trouuer, si pouuez estre seure & croire fermement que le verd cheualier, contre

luy ne pourra résister, mais le réduira cōfus & vaincu aussi tost qu'à luy se combattra. Sire dist la pucelle au puissant Roy de France, ie rends cens mille mercis, & à vous qui avez tant de peine prise pour moy : mais dites moy ie vous en prie, pourquoy ne vestez vous autrement & n'habiliez honnestement cestuy vaillant homme, que vers moy admenez. Car il est à merveilles bien fait & ses membres à bien formé, droit & hardy semblant & croy que s'il estoit baigné & estuë, la chair seroit blanche & tendre. Dame dist valentin, iamaïs ne porta robebe tāt que l'autre iour pour voir sa contenance ie luy fis faire de iaceran lequel il a vestu : car c'est la première robebe que iamaïs il porta, & sachez que tout nud & sans nulle autre vesture vint à Paris, dont il est natif, la chair si est dure & forte, il ne craint vent ne pluie ne froidure. Toujours en disant des parolles la belle Fezonne regardoit fort Orson, & ainsi que Dieu vout qu'amour & nature si adonast elle fut moult fort esprise d'Orson, & pointie au cœur tresardemment entre les autres que iamaïs avoit veu, de luy fut esprise d'amours plus que de nul autre, & combien qu'il ne fust pas polly ne mignonnement vestu, n'abillé, comme plusieurs autres. Toutefois on dit communement qu'il n'est nulles laides amours quand on s'aime. Lors quand Valentin eut ainsi parlé à la pucelle, Belle quand est de moy, ie vous diray mon cas, sachez que pour l'amour de vous à force d'armes vaillamment conquerre, suis venu, en ceste partie que i'ay fait serment que iamaïs en France ne retourneray, tāt qu'au Verd chevalier ie me fois combattu & esprouvé mon corps, car sachez que pour l'amour de vous la mort ie veux endurer, ou le verd chevalier vaincu & descōfit ie vous admeneray. Holas, Sire dist Fezonne, pour moy n'ayez courage de vo-

stre vie mettre à l'adventure : car qui mieux ayme autre que soy en chose en quoy la vie pend telle amour ne me semble pas iuste : mais desordonnee. Las trop de vaillans gens & nobles cheualiers sont mis à mort pour moy, dont est dommage trop grand de ma longue demeure. Damo dist valentin, de ce me pardonnez : car ainsi ie l'ay entrepris, cheualier dist la belle, bien vous en puisse prendre : lors tira deux anneaux d'or, dont l'un donna à valentin, & l'autre à Orson : puis sont allez à la table avec les autres quatorze cheualiers, ou honnestement furent seruis. Mais entre tous les autres qu'à la table estoient, la belle Fezonne dessus tous iettoit son regard sur Orson. Et il l'a regardoit par vn desir d'amour embrasé & esprins d'un ardent & gracieux appetit. Or aduint ainsi que les cheualiers à la table se seoyent. Le verd cheualier si vint frapper à la porte pour voir la belle Fezonne dont tant fort esprins estoit : car il auoyent fuir ensemble le Duc d'Aquitaine & luy, que par vn chascun iour vne fois il pouoit venir & entrer au chasteau sans nul contredit, pour la belle Fezonne voir à son gré. Quand il fut entré il s'escria tout hautement disant. Duc d'Aquitaine auez vous champion qui pour la belle Fezonne à mon corps se vueille employer. Ouy dist le Duc, encores seize, qui pour leur promesse monstrer contre vous sont venus de plusieurs pays en ceste terre. Or dist le verd cheualier faites que visitmēt ie les voye, & que sans nul delay entre dedans vostre sale pour la belle Fezonne regarder. Entrez dist le Duc : car licence en auez. Le verd cheualier entra en la salle & regarda les cheualiers qui là estoient. Et quand il les eut regardez il leur dist en ceste maniere. Seigneurs beuez & mägez faites bone chere : car demain sera vostre dernier iour venu, & sachez que tous pédre ie vous feray

feray au plus haut de mô arbre. Lors l'entendit valétin, qui trop fut mal content & luy respondit. Cheualier de celle chose dire, vous pouuez garder: car aujourd'huy est venu qui contre vous se combättra plus roidement que les autres, vous en auez plusieurs autres a mort liurez. Mais celuy est venu qui vous vaincra par champ de bataille. Or entédoit Orsô q de luy on parloit, & cogneut que le verd cheualier estoit celuy par qui la iouste estoit commencee, & que c'estoit celuy par qui tant de cheualiers auoyēt la mort prise, si le regarda moult fort & puis saillit hors de la table. Et en estraignant les dets print le verd cheualier parmy les rains & le chargea dessus son col, ainsi cōme il eust fait vn petit enfant. Et quād il l'eut chargé il regarda vn myr, & ietta le verd cheualier contre si rudement que trestous ceux de la place cuidoyent qu'il eust le col rompu. Et quāt il l'eut ainsi rué il s'e retourna asséoir à la table parmy les cōpagnōs, & en riant leur monstra signe qu'il portoit sur son col tels trois hommes cōme le verd cheualier. Adōc se prindrent tous les cheualiers de la sale à rire moult fort & dire l'vn a l'autre. Or est venu celuy par qui le verd cheualier sera à descōfiture mis. Et Fezōne perdra trop quād il ne sçait parler, car biē est digne d'auoir hōneur entre tous les preux & vaillās. Quāt Fezonne eut biē regardé les manieres & contenāces d'Orson, elle fut au cœur frappee du dart d'amour par le plaisir de Dieu, qui des cœurs des deux de grace enlumina en telle façō que du tout à luy son courage dōna, & tousiours si auoit dessus Orson son regard, & l'ayma si trefardammēt que tous les autres elle oubliā, pour celuy auoir pour amy. Et ce n'estoit pas sans cause s'elle estoit de son amour esprinse: car si vaillamment auoit le verd cheualier serré qu'à celle heure il l'eust tué & occis deuant tous

s'il eust voulu: mais combien que sur luy eust assez de puissances s'il l'eust voulu faire: mais nul mal pour l'heure ne luy voulut faire. Non pourtant le Verd cheualier reputa ce fait par trop grand outrage, & dist tout haut deuant toute la compagnie. Seigneur cestuy homme sauuage m'a trahy & deceu: car à moy il est venu sans parler ne dire mot aucunement. Je vous promets & fais assauoir que demain au plus matin ie suis homme pour luy. Et afin que tous les autres y preignent exemple, en despit & pour son outrage ie feray vn gibet lequel au plus haut de tous les autres qui par moy ont esté vaincu, ie le feray pendre & estrangler. Or son aperceut bié que le Verd cheualier estoit de luy mal content & qu'il le menassoit, si se leua sus & commença à barbouster tresfort, faisant signe que le lendemain à luy vouloit auoir bataille, & en signifiace il print son chaperon, & en signe de gage le ietta au Verd cheualier, adonc parla Valentin au Verd cheualier, disant. Sire voyez le gage que le sauuage vous iette, si auez pouuoir sur luy pésiez de le leuer. Lors le cheualier fut d'orgueil & de despit si espris que nul mot ne respondit. Et le Duc d'Aquitaine qu'estoit présent luy dist. Franc cheualier il y aura dure bataille entre vous & cestuy sauuage, si me doute fort qu'à luy vous n'ayez moult fort à faire, & si iâc vous pouuez faire que sur luy acqueriez victoire, bien vous pourrez vanter que de tous cheualiers vous estes le plus preux & hardy, & que de nul ne deuez auoir crainte ne doute. Et qu'il soit vray bien il vous a monstré deuant tous qu'il est hardy de cœur & de courage. Le verd cheualier dist. Demain pourrez cognoistre sa puissance: car jamais en sa vie de chascun ne retournera que pendre ne le face, au plus haut de tous les autres. Cela dit il s'en alla reposer en son pauillō, & les

Les autres Seigneurs & Cheualiers demeurèrent en la salle avec la belle Fezonne qui grand ioye menerēt, & disoyēt l'un à l'autre que venu estoit le iour que le Verd cheualier trouueroit son maistre: grand bruit fut par la cité, d'Orsō le sauage, chacun desire de le voir en telle maniere, que si tresgrande multitude de gēs vindrēt au palais, que pour la presse qu'estoit, le Duc d'Aquitaine commanda à fermer les portes. Quand Orson ouyt le bruit il mōta aux creneaux & saillit aux fenestres pour regarder le peuple, lors si l'apperçeut le peuple & le monstrerent l'un à l'autre, en parlāt & deuilsāt de luy en plusieurs façons & manieres. Or fut la nuit venue qui fut temps de soupper, chacun fut assis. Et quād le Duc fut louē de table, vn peu apres vindrent esbatemēs, puis allerent chacū en sa chābre. Et quād Valentin fut couché il fist signe à Orson qu'aupres de luy se couchast: mais Orson n'en fist compte, & se coucha à terre tout plat & estendu ainsi que de tout tēps auoit en la forest apprins, & ainsi passa la nuit. Quand le iour fut venu valentin & Orson furent dedans la salle deuant Fezōne la belle, & avec elle auoit quatorze cheualiers qu'e Aquitaine estoiet venus pour l'amour d'elle. Là onst tenu cōseil ensēble du verd Cheualier cōbattre: car à celuy iour luy auoit promis le duc d'Aquitaine que chāpion luy liuroit. Si parla entre les autres vn cheualier moult noble & de noble sang, & dist en ceste maniere: Seigneurs si vous plaist à tous ie suis deliberē de faire cōtre le verd cheualier le premier champ de bataille. Ceste requeste luy fut accordee par tous les cheualiers. Il s'en alla armer il auoit nō Galerant, & estoit du pays de France. Quand il fut armé il vint deuant la plaisante Personne, & d'elle print congé moult ioyeusement en grand reuerēce. Es celle qui de tout hōn eur estoit gar-

nie & en tout bien apprinse, congé luy octroya, en disant. Franc cheualier ie prie à Dieu de Paradis & la benoïste Vierge Marie, qu'il vous vueillēt conduire & de dommage preseruer, en telle maniere qu'à ioye & honneur puiſſiez deuers moy retourner. Quand il eut prins congé de la belle Fezonne, il monta à cheual & s'en alla vers la tente du verd cheualier. De si loing qu'il le vit il frappa des esperons & de fier courage courut au cheualier Galerant, & si grand coup luy donna que de son cheual à terre l'abbattit, & puis de son cheual descendit & son heaume luy osta de sa teste, parquoy Galerant qui douta la mort, se rendit en la mercy du Verd cheualier : mais peu luy proffita : car sans nulle pitié le charnois luy osta, & le pendit au haut de l'arbre ainsi que des autres auoit fait par deuant. Pour la mort de celuy Galerant fut grand bruit par toute la cité d'Aquitaine : car beau cheualier estoit, & moult loué & prisé de ses compagnons. Or cogneut bien Orson que le Verd cheualier auoit mis à mort Galerant. Il fait signe des mains qu'il le veut aller combattre à ceste heute presente, sans nul seroir faire : mais Valentin luy fait signe qu'il se retire : car premier y vouloit aller. A tant se teust Orson : car il craignoit tousiours Valentin. Lors le noble & preux Valentin s'arma, & puis s'en alla vers la belle Fezonne pour prendre congé d'elle. Si ne faut point demander s'elle l'auoit souspirs couders dedans son noble cœur. Helas dist la belle & plaisante Dame, mon Dieu vueillez defendre & preseruer celuy tant noble & gracieux cheualier, qui pour l'amour de moy va sa vie mettre en danger. Fort regretta Fezonne le gracieux Valentin : mais fut tous en son courage Orson & elle auoit bien cause : car pour elle espouser Dieu l'auoit mis sur terre, apres se print cōgé de la Dame & de toute la cheualerie,

galerie, Valentin monta à cheual pour aller combattre le verd cheualier: mais ainsi qu'il se mist au chemin à luy vint vn cheualier qui de l'amour de Fezonne estoit embrasé & luy dist. Sire ayez vn peu de patience laissez moy aller le premier. Amy dist Valentin, ie te donne congé va au nom de Iesus, que puissiance & victoire te donne de celuy conquerir. Le cheualier auoit nō Thyris, & estoit natif de Sauoye: mais tant auoit en son cas grād pitié que pour soy mettre a l'aduenture auoit tout le sien despendu, si que plus rien n'auoit. Il print congé des Seigneurs: puis monta à cheual, & sans nul sejour faire il cheuaucha iusques au paillon du Verd cheualier. Et quand il vit Thyris de Sauoye, il saillit hors de sa tête moult fier & orgueilleux. Et Thyris luy a escrié haut. Sire verd cheualier or montez à cheual & pensez de vous deffendre car de Dieu ie vous deffie, qui tout le monde a fait, & pour nous souffrit mort. Le verd cheualier qui Thyris entēdit, appella pour son cheual auoir vn de ses seruiteurs, puis mit le pied à l'estrier & est sailly dessus. Il a mis l'escu verd & a prins sa lance: puis se sont esloignez l'vn de l'autre: & ont tellement rencontré l'vn l'autre que le verd cheualier outre le corps de Thyris sa lance passa & à terre l'abbatis. Et incontinent le verd cheualier descendit & print vne corde puis tira le cheualier Thyris & au col la corde luy mist & le pendit avec les autres, dont Sarrazins menerent grand' ioye. Quand Valentin vit que Thyris fut mort & à l'arbre pendu, doulent fut de sa mort & au cœur desplaisant. Il fist le signe de la croix deuant luy & à Dieu se recommanda en disant sur toutes choses tant faire que de son pere & de sa mere il peust auoir cognoissance. Et quand il eut à Dieu sa priere faite, il frappa des esperons alla en la tente du Verd cheualier, qui pour la semblance

d'Orsonbié le recogneut & de luy se doubta plus que de nul autre iamaiz n'auoit fait. Il appella valentin & luy dist, cheualier entendez que ie vous diray. voyez vous la deuât en c'est arbre vn verd blasé allez le moy querir & le m'apportez & ie le desferuiray. Sire dist valentin, assez auez de valets auge que moy, faites qu'ils vous seruent: car par moy vous n'aurez le blason. Par ma foy dist le verd cheualier, le blason m'apporterez, ou ie vous certifie que iamaiz à mon corpa n'aurez bataille. Quand valentin vit que pour le blason apporter le verd cheualier si vouloit prendre excusation de ne combattre, incontinent comme hardy & vaillant cheualier cheuaucha vers l'arbre ou le blason pendoit: mais il perdit sa peinte: car il ne le peut oster, dont il fut moult doulent. Lors vint au verd cheualier & luy dist fierement. va querir ton blason: car auoir ne le puis que maudit soit qui si fort l'a attaché, & pédy soit celuy qui m'y a enuoyé. Amy dist le verd cheualier ie te diray pourquoy ie t'y ay enuoyé. Saches de certain que cestuy escu iadis vint de faërie, & par vno faëe m'a esté doné, or a il telle vertu que iamaiz nultât soit vaillant & fort du lieu ou il est attaché oster ne le pourra, fors celuy par qui ie dois estre conquis & vaincu, parquoy ie t'ay enuoyé celle part: car de toy auoye doné: mais maintenant en suis seur, quand le blason tu n'as pou auoir n'a moy apporter, poutant retourne toy du lieu d'où tu es venu & tu sauueras ta vie: car tât me sèbles beau cheualier, que de ta mort ie n'ay nulle enuie, de laquelle eschapper ne pourras si tu prés à moy bataille. Et affin que tu ne penses pas que ie te die ces parolles par faimrise ou folle abuson, saches que de nultant soit victorieux, ne seray vaincu sinon d'un home qui sera fil de Roy & qui aura esté nourry sans estre de femme alai-

&é,

Eté, parquoy tu peux cognoistre si tu es tel ou non. De ces nouuelles ouyr fut Valentin fort doulent & pensif. Helas dist-il, Sire Dieu tout puissant trop mal va de mon cas si de vostre benigne grace ie n'ay secours & cōfort, car bié sçay que ie ne suis pas tel que cestuy payen dit, mais puis que i'ay tant fait qu'icy suis arriué & venu pour ceste entreprinse faire, iamais ne retourneray que ie ne soye mon corps combatu contre celuy qui tāt de vaillans hōmes a fait mourir. Lors appella Valentin le Verd cheualier & luy dit. Beau cheualier ie voy & cognois que pas ne suis celuy par qui devez estre conquis: mais non pountāt quel que ie soye iamais d'icy ne partiray tant que contre vostre corps ie me soye combatu. Par Mahom dist le Payen, folie trop grāde te meine, & semble que par trahison tu me vueille vaincre & cōquerir: mais tost te monstreray que ton outrecuidance te tournera à dommage vilain & hōteux. Lors a prins son cheual & vistement est sailli dessus, & appella vn sien valet qui auoit nom Gobert & luy cōmanda qu'il luy apportast vne boyte en laquelle dedans auoit du baume de nostre Seigneur Iesus Christ, lequel oignement ainsi que nous trouuons par escrit, est de si grand vertu qu'il n'est playe mortelle ne si dangereuse quand elle en est oincte, que tantost ne soit guerie. Iceluy oignement auoit le Payen de long temps avec luy gardé, & en plusieurs dangers l'auoit souuent deffendu. Apres qu'il eut ce fait il frappa des esperons la lance sur la cuisse, & sont venus l'vn contre l'autre, & si fieremēt se sont rencontrez, que les lances des deux parties furent mis par pieces. Les cheuaux passerent outre. Et quand vint au retour ils tirerent leurs espees pour l'vn l'autre assaillir. Valentin fut preux & hardy, & diligent des armes, tāt que de son espee au cheualier verd

bailla

bailla vn coup si grand que son harmois luy tailla & rompit, tant que du corps luy fist le sang aual courir à grand randon. Et quand le verd cheualier se sentit feru & nauré il leua haut son bras & de son espee frappa Valentin sur la cuisse si grand coup, que de la chair luy ietta bas vn gros morceau, & puis luy dist vous pouuez cognoistre si de l'espee ie scay iouer, assez ie vous auoye dit deuant que de mes mains vous conuiendroit finer voz iours: se contre moy le chāp entreprēdre vous vouliez. Trop à tāt venistes deuers moy, & tard vous en retourneriez: car i'ay esperāce que tātost ie vous prendray & attacheray a la plus haute branche qui soit en celuy arbre pour le lieu reparer, & pour tenir compagnie aux autres malheureux, qui par leur orgueil & follic ont la mort enduree. Payen, dist valentin, de ce ne te faut trop vanter, car encores ne m'as tu pas pense de toy deffēdre: car à moy auras à faire. Et en disant ses parolles ont les deux cheualiers derechef leur bataille recommencēce. valentin frappa le Payen si grand coup, que de son escu luy abbatit vn grand quartier. Et le verd cheualier frappa sur valentin, par si grand' force & roideur que dessus son heaume son espee rompit, & du grand coup qu'il donna à valentin il fut estourdi, en telle maniere que de son cheual il cheut à bas contre terre, mais tant fust de courage vaillant que tantost se releua. Et quand le Payē vit qu'il se releuoit il tira grād cousteau pointu & le ietta cōtre valentin: mais il vit le cousteau venir & du coup se garda. Lors le Verd cheualier qui se trouua sans glaue, tourna le cheual pour baston recouurer, & valentin fut apres qui de son espee couppa vn des pieds du cheual, tellement que Payen & cheual à terre chemēt. En quant il fut à terre vistement se leua & vint à valētin à force de bras ont l'un l'autre serré. Si ne faut

faut pas demander se chacun deux monstra & employa sa puissance. Et pour briefue parolle faire tant fut la guerre des deux cheualiers fiere merueilleuse que l'un & l'autre furent moult fort naurez:mais tât y auoit que combien que Valentin par sa puissance d'armes donnast plusieurs coups au Payen, rien ne luy proffita, car du baume qu'il portoit tantost estoit sain & guery comme deuant. En ce point se combattirent longuement tant que le iour leur faillit, & moult trauaillez se sentirent & non sans cause. Doulent fut le Payen que Valentin n'auoit peu desconfire. Et iacoit qu'il fust moult las si n'en monstroir-il pas le semblant:mais dist à Valentin. Cheualier dorefnauant il conuiendra la bataille cesser: car ie voy que vous estes trauaillé moult fort las, & d'autre part la nuit s'approche & decline le iour, si me seroit petit d'honneurquād en ce point ie vous conquerroye, retournez à Aquitaine ceste nuit vous reposer: car bien vanter vous pouuez deuant toutes gens, que iamais à mon corps plus vaillant que vous ne iousta: mais demain au matin retournez en ce champ, & vous pourrez bien dire à Dieu à tous voz amis: car eschapper de mort vous ne pourrez. Valentin fut ioyeux de laisser le Payen: car lassé estoit & fort nauré, si alla vers son cheual lequel en vn verd pré estoit entré, il le print par le frein & monta dessus pour retourner en Aquitaine, & quand ceux de la cité virent qu'il estoit retourné, ils menerent grād feste, le Duc & les Barons saillirent à la porte qui Valentin receurent moult honorablement: entre lesquels fut Orson, qui en faisoit grand chere & doucement l'embrassa: quand il fut au palais le Duc luy demanda des nouuelles du Verd cheualier. Sire dist Valentin, il est en son repaire dedans l'on verd pauillon ou il repose. Tant est puissant & fort que

ie

ie ne cuide pas que nul qui soit viuant le puisse conquerir si Dieu par sa grace ny monstre eident miracle. valentin dist le bõ Duc bien auez besõgné: car oncques nul n'en retourna qu'il ne mourust à hôte par les mains du verd cheualier. Bien auez monstré que sur tous les autres vous estes cheualier plein de grãd prouësse. Frãc Duc dist Valentin, de ma prouësse contre luy ie ne me puis encores vâter: car demain au matin doit estre entre luy & moy nouuelle bataille. Dieu me soit en ayde & confort: car sans luy nul ne peut contre le Verd cheualier par force corporielle auoir victoire. Apres ces parolles Valentin fut desarmé, puis alla en la chambre de la belle Fezonne, si ne faut pas demander s'elle fut ioyeuse de sa venue, & qu'il estoit sain retourné, chascun de luy tenoit grand conte pour sa prouësse & vaillance. Quand vint au soupper le Duc tant d'honneur luy voulut faire, qu'à sa table au plus pres de luy le fist mettre comme sa personne. Le souppé se passa en deuissant de plusieurs choses. Apres Valentin se retraict prenant congé du Duc: & des autres Barons: puis entra en vue chambre secrette pour ses playes medeciner: car il estoit fort nauré, & quand il fut medeciné il se mist au liët pour prendre repos. Et le Verd cheualier est en son pauillon, qui de son baume se fait oindre ses playes, desquelles il fut incontinent guery.

Comment Valentin par la grace de Dieu s'aduisa d'envoyer le lendemain Orson pour combattre le Verd cheualier.

Toute ceste nuit fut l'enfant valentin en son liët, qui sans prendre repos de cœur: tendrement soufpiroit en disant piteuses parolles bassement à par luy. Helas vray Dieu tant puissant, or voy ie bien maintenant

nant que de mon entreprinse iamais n'en viendray à fin, si par vostre grace & sainte bonté de moy n'auiez pitié, en me dōnant secours & reconfort contre ce faux Payen, qui a ma mort iuree. Helas i'auoye entrepris & estoit mon intētion, que iamais en nul iour mon corps n'auroit repos iusques à ce que ie puisse scauoir de quel pere ie fus engendré, & de quelle mere ie fus porté & enfanté sur terre: mais ie cognois bien ce que l'homme propose n'est pas chose parfaicte ne de leger acheuee, pour moy le puis- ie bien dire: car quād i'entrepris le champ de bataille contre le Verd cheualier, trop me fut fortune contraire, puis qu'il est tel que iamais ne peut estre vaincu, sinon d'un cheualier qui soit fils de Roy, & qui en telle maniere ayt esté nourry au temps de sa ieunesse, que de nulle femme n'ait esté alaité. Or ne suis ie pas celuy qui si digne puisse estre, que d'estre fils de Roy: & qui en telle maniere aye esté nourry au tēps de ma ieunesse: parquoy autre remede ne voy fors que de requerir le Sauueur du monde, que de ce danger me vueille preseruer & garder & mettre hors sās definir mes iours si piteusēmēt. En ceste cōtēplatiō moult grāde fut valentin toute la nuit sans prendre repos, fors que de sa fortune plourer & douter son aduenture. Et quand il eut par tout pensé par diuine operation, il s'aduisa d'Orson le sauage lequel auoit en la forest cōquis, si se pēsa que par celuy il pourroit estre secouru: car ie croy biē que de fēme iamais ne fut alaité: & que par aduenture pouuoit estre aduenue qu'une Royne en la forest l'auoit enfanté. Et ces choses considerant la nuit print fin & le iour esclairecit: ainsi se leua Valentin chargé de pensee enuieuse, & de melancolie plain il vint deuers Orson & par euidēs signes luy monstra qu'il vestit ses armeures & qu'il prit son cheual

pour aller en son lieu combattre le Verd cheualier. De ces nouuelles fut Orson moult fort ioyeux, en saillât & menant grand'ioye parmy la salle. Si fist signe que iamais le Verd cheualier de ses mains n'eschappera. Et en ces signes faisant il môstra vne massüe de bois, grosse & pesante, si la mist dessus son col & en branlant la teste, il faisoit signe des bras & des mains que nul autre harnois contre le faux Payen il ne vouloit porter, ne de cheual ne de lance, ne d'aubert, ou harnois quelcôques pour combattre le geant. Ainsi dist le noble & vaillant Valentin cela ne ferez vous pas: car ie veux que de mes propres armeures vous soyez tresbien armé, portant le blason qui du Roy Pepin me fut donné. Et si cheuaucherez le destrier que i'admenay de France. Au vouloir de Valentin se consentit & accorda Orson: car sur toutes choses vouloit obeyr à Valentin & à ses commandemens, comme son subiect & seruiteur. Lors commanda Valentin qu'on luy apportast son harnois, & qu'Orson fut armé tout en telle maniere comme son propre corps estoit quand il alla pour combattre le verd cheualier. Tout fut fait & accôply: car le Duc d'Aquitaine qui present fut de sa propre main, ayda a armer le sauuage des armeures de Valentin avec plusieurs Barons qui là estoient, & quâd Orson fut armé il fut moult fort regardé des Seigneurs & Barons qui la estoient: car moult bien il ressembloit vn hôme preux, & hardi cheualier de grand'beauté plein: il estoit haut & bié formé, en tous ses mēbres compassé, par droicte mesure. Il regardoit le harnois qui autour de luy reluisoit, & puis faisoit signe des bras, que deuant qu'il soit mdy entre ses mains il est anglera le Verd cheualier, deuant tous ses gens sans en auoir pitié ne mercy. Des mines & gestes que faisoit Orson, commençient à rire tous ceux

de la compagnie. Et quand Orson eut prins congé du Duc d'Aquitaine, il embrassa Valentin & print congé de luy en-faisant signe que de rien il n'eust douté & que deuant son retour mort ou vif le Verd cheualier luy admenera. Et Valentin en plourant a Dieu le commanda luy priant que victoire il peust auoir. Deuant qu'il partist il alla prendre congé de la belle Fezōne, laquelle estoit en vne grand'sale accompagnée de plusieurs dames & damoyelles. Il courut vers elle & la voulut baiser dequoy la dame & plusieurs autres se prindrent à rire moult fort: car il luy faisoit signe que pour son amour s'en alloit combattre le verd cheualier. Et Fezōne en souzriant luy a fait signe qu'il se porte vaillāmēt, & qu'au retour de la bataille sō amour elle luy dōnera. Ainsi partit Orson & monta à cheual, lequel moult noblement fut accompagné par le Duc d'Aquitaine & de plusieurs Barōs & Cheualiers iusques dehors la porte. Et quād ils furēt dehors de la ville chascū s'en retourna en priāt Dieu qu'il luy voulüst dōner victoire. Le bruit fut parmy la cité que le sauuaige alloit cōbattre le Verd cheualier, de laquelle chose chacun fut fort esmerueillé pour la bataille des deux chāpiōs. Or s'en va Orsō cheuauchāt vestu & armé des propres armes de Valentin, parquoy le Verd cheualier ia ne le cognoistra. Il n'a pas longuemēt demeuré qu'il est venu au pavillō du Verd cheualier. Et sans dire antre chose est venu hardiment, & du fer de sa lance est venu toucher en signifiant qu'il luy baille deffiāce, dont le Verd cheualier eut despit en son courage, Et iura son Dieu, que son grād ougieil luy feroit humilier deuant que le iour passāt. Il fut tātōt armé & puis mōta à cheual & print sa lance qu'estoit droite & forte, & est entré au champ pour conquerir Orson. Et Orson s'esloigna de luy & ont baillé les

lances

lances, & tellement ont rencontré l'un l'autre que che-
vaux & hommes des deux pars à terre sont verséz. Et
quand ils furent bas, tous deux se releuerent, & tirerent
leurs espees pour assaillir l'un l'autre rigoureusement.
Le verd cheualier qui moult estoit fort orgueilleux &
plain d'ire premier frappa Orson, vn si grād coup & si
merueilleux, que son heaume sur le cercle d'or luy
couppa, & de son escu luy abbatit vn grād quartier, en
telle façon & maniere que l'espee qui fut pesante luy
cheut à terre, & parmy le harnois outrepassa, tellement
que de celuy coup Orson fut durement nauré. Et quād
Orson vit son sang, il fut plus fier qu'un leopard, & or-
gueilleux comme vn lyon. Il tourne les yeux & bransle
la teste, & de l'espee fourbie a donné vn si grād coup sur
le heaume du Geant que iusques à la teste le toucha:
& des cheueux & de la peau à terre ietta vne grād par-
tie, & de celuy coup outre le heaume passa, & fut nauré
au bras, tant que le sang à grand rādon cōmença à cou-
rir: mais le Verd cheualier n'en fist cōpte: car il print du
baume, & tantost qu'il a touché la playe elle fut guerie.
& aussi saine que deuant, de quoy Orson fut moult es-
bahy, & bien pensa que glaive ne pourroit son corps
auoir quand si tost estoit guerie la playe qui tant estoit
grande & profonde. Sur cela fut subtil Orson & aduisé,
il ietta son espee, cousteaux & harnois à terre & puis
est couru cōtre le verd cheualier, & à force de bras tel-
lement l'a serré & tenu que deffous luy à terre l'a ietté.
Et quād il le tint deffous luy, il luy osta le heaume qu'il
portoit pour luy coupper la teste. Là fut le verd cheua-
lier en telle subiection mis, qu'il fut contraint de soy
rendre à Orson & mercy luy crier: mais Orson qui
rien n'entendoit de son crier n'en fist compte en nulle
maniere, & tant estroit le tenoit que sans nulle re-
mission

mission à celle heure luy eust osté la vie si n'eüst esté valentin qui vit & cogneut les mines & gestes du sauvage, & à force de cheval deuers eux courut. Et quād il fut arriué il fist signe à Orson qu'il ne le tuaist. Alors se tira Orson arriere quand il entédit valentin: mais toujours tenoit le Verd cheualier en subiection auquel valentin parla. Cheualier à ceste heure vous pouuez cognoistre que vous n'avez puissâce de vous reuēcher, ne de mort vous garder contre cestuy homme, parquoy force vous est de mort endurer & deffiner voz iours hôteusemēt: car ainsi que les autres cheualiers ont esté par vous desconfits, & en celuy arbre pendus: tout ainsi vous serez vituperablement occis, & au plus haut de tous les autres attaché. Helas dist le cheualier verd, vous me semblez bien estre homme de grand'courtoisie & de noblesse garny, & semble bien à vous voir que de fraîche & loyalle gentillesse vous soyez extraict, par laquelle chose ie vous prie qu'il vous plaise de moy auoir pitié & ma vie sauuer. Payen, dist valentin, ce ne feray-ie pas fors que par tel conuenant que vous renoncerez la loy Payēne, & des faux Dieux que vous adorez en prenant la loy & créace de Iesus Christ, le Dieu tout puissant, & en receuant le saint baptême sans lequel nul ne peut auoir gloire perdurable. Et quād vous auez cela fait, vous irez en France, au Roy Pepin, & loy direz que valētin & Orsō vous enuoyēt par deuers luy cōme cheualier vaincu, & par eux conquis. Si ayez regard sur ce fait en moy dōnant responce sur vostre intention, qui soit seure & certaine. Amy dit il, de ceste heure ie renonce à tous mes faux dieux, ie prens le demeurāt de ma vie pour maistre & Seigneur le Dieu auquel auez créace & en celle foy veux viure & mourir, & si vous promets que deuers le Roy Pepin, comme

vostre

vostre subiect & prisonnier le plustost que pourray de par vous ie me rendray, & deuant sa maiesté Royale humblement de par vous me presenteray. Quand le Verd cheualier eut fait le serment & promis les choses dessusdites accôplir. Valentin fist signe qu'il le laissast leuer, & Orson qui fut bien aduisé luy osta ses armures affin qu'il ne luy peut faire dômage, & quand le cheualier Verd fut sur les pieds leué il parla à Valérin, disant. Sire cheualier il me semble que vous estes celuy qui le iour pafsé eustes bataille auec moy, & deuyez auourd'huy retourner & celuy qui m'a conquis, est celuy qu'au palais du Duc Sauary à terre me ietta. Il est vray dist Valentin, c'est bié cogneu à vous la chose est veritable mentir ne vous faut. Or vous diray dist le Verd cheualier, vne chose de laquelle ie vous prie que vous accôplissez, enuoyez cestuy cheualier qui m'a conquis par deuers ce haut arbre, & s'il peut. oster l'escu & le blason lequel est pédu, ie pourray bien cognoistre que c'est celuy par qui ie dois estre cōquis & vaincu: car de nul autre ie ne puis en nul champ de bataille estre conquis. Adonc Valentin fist signe à Orson, qu'il allast deuers l'arbre pour querir l'escu qui pendu estoit. Orson tira ceste part, & tout aussi tost qu'il approcha de l'escu il estendit sō bras & l'escu luy saillit en la main, lequel il porta au Verd cheualier, & quād il yit qu'Orsō auoit apporté l'escu, & que de l'arbre l'auoit destaché sans y auoir fait force ne violence, il recogneut que c'estoit celuy qu'estoit predestiné a le cōbattre & cōquester, il se ietta à terre & luy voulut baïser les pieds: mais Orsō qui fut sage & bien apprins par les signes de Valentin ne le voulut souffrir, mais le print par le bras & le releua sus. Melas dist le Verd cheualier, bien vous dois porter hōneur & reuerence plus qu'à hōme qui soit viuāt

au mode: car ie sçay & cognois claiement que de tous preux, & vaillās cheualiers vous deuez emporter l'honneur & le bruit. Et entre les autres ie vous afferme & fais assauoir que celuy qui m'a cōquis, est le plus preux vaillant & hardi qui soit en tout le monde, & si deuez fermement croire qu'il est fils de Roy & de Roïne, & si est tel que iamais de femme ne fut nourry n'alaié. Et qui soit verité par ma sœur Esclarmode ie le vous puis prouuer: car elle a vne teste d'airain, laquelle luy dit & declare les aduentures & fortunes qu'à elle & à tous ceux de sa generatiō peuuēt aduenir, dōt celle teste aura duree iusques à ce que le plus preux du mode entrera en sa chābre en quoy elle repose, & quand il y sera entré de celle heure perdra sa force & vertu, & celuy doit auoir ma sœur Esclarmode, qui tāt est belle & plaisante pour femme & espouse. Pourtant noble cheualier allez celle part: car i'ay desir que celle vous ayez pour fême, cōme le plus preux & hardi de tout le mode: car tel vous peut-on bien reclamer & nommer. Et affin de meilleure cognoissāce auoir par deuers elle portez luy cest anneau, lequel au departir elle me dōna, & ie m'en iray deuers le Roy Pepin en Frāce. ainsi que promis vo^y ay me rēdre prisonnier & ma foy acquiter, & au retour de luy au chasteau de ma sœur vers vous ie me rendray & d'oresnauant ensēble serons si vōus plaist loyaux & parfaits amis: car iamais de vōstre compagnie ne veux despartir, quād Valentin ouyt que le Verd cheualier auoit vne sœur qui tant estoit belle & par le vouloir de Dieu tout puisāt & par inclinatiō de naturelle amour, il fut d'elle frappé au cœur & esprins de sa beauté & amoureux, si a voüé à Dieu que iamais n'arrestera tant qu'il puisse voir la belle, de qui la beauté est renommee. Et apres ces choses le Verd cheualier qui

de la verde montagne estoit Roy couronné:& sous luy tenoit plusieurs grands pays,& fist crier parmy son oït que tous Payés qu'à son mādernēt estoyēt venoz pour le servir deuāt Aquitaine , de ceste heure s'en retournaissent en leur pays , sans greuer n'endōmager la terre du Duc en ~~une~~ maniere. Ainsi departirent Payens menans grands pleurs,pour la prise du verd cheualier. Valētin & Orson le menerent en Aquitaine. Si nē faut pas demāder le grand bruit soulas & la grād ließe que parmy la cité d'Aquitaine fut faite:car croyez certainement que iamais n'eurent telle ioye. Le Duc & ses Barons saillirent deuant les portes en moult grand honneur & triomphe alencontre d'Orson,qui le Verd cheualier auoit conquis & vaincu. Et quand le Verd cheualier fut deuant le Duc d'Aquitaine , & deuant toute la cheualerie il leur a dit. Seigneurs bien deuez porter honneur à cestuy cheualier , lequel par force d'armes m'a conquis & vaincu. Sachez certainement que cestuy est fils de Roy & de Roïne, & iamais en sa vie de femme ne fut alaité:car s'il n'estoit ainsi iamais de moy conquerir n'eust eu force ne puissance:car ainsi estoit dit par la teste d'ærain que ma sœur Esclarmōde tient en sa chambre.Certes dist le Duc d'Aquitaine assez bien vous en peut croire car il a bien monsté alencontre de vous la grand'vaillance & prouesse qu'est en luy.Et puis qu'en luy ie cognois la noble hardiesse & vaillant conrage qu'en luy est , ie luy veux porter honneur & reuerence de toute ma puissance. Et disāt ces parolles le Duc d'Aquitaine avec toute sa court, & le Verd cheualier lequel Orson menoit prisonnier, sont entrez en la ville & montez au palais. Et quād ils furent dedans le Duc demāda sa fille Fezonne,puis luy a dit. Ma fille voicy le Verd cheualier , lequel pour
vostre

vostre corps cōquerir & auoir vostre amour, à longuement tenu la plus-part de ma terre en sa subiection. Et combien qu'il ne soit pas de nostre creance, toutesfois fortune m'estoit contraire, & dessus mon vouloir maistresse, en telle maniere que forte & lōgue attente d'autrui secours auoyent mon cœur contraint à telles choses accorder: mais Dieu qu'est vray iuge sur ce fait à voulu remedier, en telle maniere que de mō ennemy ie suis végé, & venu au dessus par cestuy cheualier lequel par Valentin pour vostre corps secourir, au congé & licence du noble Roy Pepin deça vous la enuoyé. Or pouuez vous cognoistre que dessus tous les autres il est preux, hardi & vaillant. Et si croy que pour vous cōquerir Dieu le vous l'a trāsmis. Parquoy ma fille seule esperance en qui gist le seul espoir & confort de ma vie, aduisez & prenez regard & cōsideration dessus ce cas: car se seroit ma volonté que celuy eussiez pour mary & espoux si vostre consentemēt & volōté estoit au mien accordāt: car nul autre sa volonté ne doit contraindre, d'euitier en mariage ne prēdre partie qui ne luy soit agreable. Monseigneur dist la noble pucelle, qui moult fut bien endoctrinee & pourueüe de responce. Vous sçauiez que vous estes mō pere & ie suis vostre fille, ce n'est pas raison ne droict, que moy (qui suis selon Dieu & nature à vous subiecte) ie face ma volonté en quelque chose: mais suis prestē & appareillē à faire du tout à vostre volonté & deliberation: & si autrement ie voulois faire ie ne monsterois pas que ie fusse vostre fille naturelle: car vous sçauiez bien que vous auez promis de me dōner en mariage à celuy qui par force d'armes le Verd cheualier pourroit cōquerir. Or est venu celuy par qui la chose est accomplie du tout, en tout & lequel a accompli & parfait le cōtenu de vostre cry que vous auez

fait faire, parquoy bié raisõ est que celuy me soit donné à loyal espoux. Fille dist le Duc moult hõnestemét auez parlé, & bien me plaist vostre responce. Il faut sçauoir du chevalier, si vous vouldroit prendre pour femme: & s'il en est contentie luy donneray pour le mariage de vous la moitié d'Aquitaine. Là fut present Valentin, qui par signes demanda à Orson sa volonté & intention. Et il luy a fait signe que iamais autre il ne veut auoir que la belle Fezonne. Ainsi furent les deux parties d'accord, de laquelle chose ceux qui le sçeurent en furent moult ioyeux. Le Duc fist tãtost venir vn Euesque pour Orson & la belle Fezõne fiâcer, & leur faire promettre de l'vn l'autre espouser, & leur presenter en nostre mere sainte Eglise, à fin qu'au tẽps aduenir ils puissent viure & demeurer l'vn avec l'autre en loyal mariage. Pour ceste heure n'espouserët l'vn l'autre: mais furët les promesses & les paches ainsi cõme est de coustume faire en tel cast il ne faut pas demander quel bruit ny quelle feste, & de la grãd' triomphe & excellẽte ioyeuseté: ne tous esbats qui parmy Aquitaine furent faits: car le racõpter seroit lóg: mais cõbien qu'Orson eust iuré & promis de prendre la belle Fezonne, si ne l'espousera-il pas ne iamais à son costé ne couchera iusques à ce que par le vouloir de Dieu il sçaura parler bon langage, & que Valentin ait conquis la belle Esclarmonde: desquelles choses ie veux faire mention cy apres au mieux que ie pourray.

Comment l'Ange s'apparut à Valentin, & du commandement qu'il luy fist.

A Pres qu'Orson eut iuré & promis à la belle Fezonne, en celuy iour fut demené grand' feste par tout le pays d'environ: car de l'assemblée furent ioyeux

ioyeux tous les Seigneurs de la terre. En ioie & soulas passa le iour la nuit fut venue que temps fut de prendre repos. Le Duc d'Aquitaine se retira en sa chambre pour reposer. Et chacun s'en alla en son ordonnance aux chambres ainsi comme il estoit ordonné. Valentin & Orson s'en allerent en vne belle chambre qui leur estoit apprestee. Et en vn bon liect reposerent celle nuit. Quand vint vers la minuit par le vouloir de Dieu tout puissant vn ange s'apparut à Valentin lequel luy dist. Valentin saches que par moy Dieu te mède, que demain au matin tu partes de ceste terre, & meine avec toy Orson par lequel le Verd cheualier à esté conquis, & sans sejourner ne dilation faire, va au chasteau de Ferranus, & là tu trouueras la belle Esclarmode par laquelle tu sçauras de quelle lignee tu es issu & de quel pere tu es engendré, & de quelle mere tu fus né & enfanté. Et si te commande au nō de Dieu, que deuant que ton compagnon espouse la belle Fezonne tu faces cestuy voyage. De ceste vision fut le noble Valentin en grand' pensee, & en grand soucy passa la nuit tant que le iour fut clair sans prendre repos. Quand le iour fut venu il fist lever Orson, & allerent au palais en la salle ou le Verd cheualier estoit avec les autres Barons & cheualiers en attendant le Duc d'Aquitaine. Si ne demoura pas longuement qu'il entra dedans la salle. Et tantost qu'il y fut le Verd cheualier luy a fait la reuerence en grand' humilité disant. Frac Duc il est vray que dedas le temps entre vous & moy assigné i'ay esté conquis & vaincu, pour laquelle chose ie n'ay action ne droit de rien demander à vostre fille: mais de celle heure la quitte, & vostre pays veulx laisser en paix ainsi cōme i'ay promis, & pour mō serment acquitter. Je vous prie & requiers que me faciez donner le saint sacrement de baptisme, afin que

que ie puisse estre à Dieu tout puissant plus agreable. Cheualier dist le Duc bien auez parlé, & à vostre requeste veax du tout obeyr, car à ceste heure presente vous serez baptisé. Le noble Duc commanda qu'on fist venir vn prestre pour baptiser le Verd cheualier. Quand il fut sur les fons pour le baptisme receuoir Valentin qui fust present dist deuant tous. Seigneurs qu'icy estes assés-blez, s'il plaist au vaillant Duc de me donner vn don, c'est que ie luy prie que cestuy cheualier soit nommé Pepin: car c'est le propre nom du noble & vaillant Roy de France, qui moult doucemét m'a nourry, & qui dessus tous princes est le plus vaillant & preux, parquoy ie desire que cestuy Cheualier en porte le nom. A la demande de Valentin se consentirent & acorderent tous ceux qui en la presence estoient, & à la requeste de Valentin fut le Verd cheualier appelé Pepin, lequel nom il porta de celle heure iusques à la fin de ses iours. Et apres qu'il fut baptisé le Duc d'Aquitaine fist venir Valentin & Orson, pour espouser sa fille la belle Fezonne: mais Valentin luy dit par maniere d'excusation, comment luy & Orson auoyent voué d'aller en Hierusalem premierement & deuât que nulle autre chose fissent, apres que le Verd cheualier auoyent conquis. Et sous vmbre de ceste excusation le Duc leur donna congé & licence, par ainsi qu'Orson iurast & promist de retourner en Aquitaine, apres que son voyage auroit accompli & parfaict, & au plustost qu'il retourneroit sa fille Fezonne il prendroit en mariage pour femme & espouse. Et quand le vaillât & puissant Duc Sauary, entendit le veu & la promesse que Valentin & Orson disoyent auoir fait, d'aller en Hierusalem moult volontiers leur ostroya. Et le Verd cheualier à celle heure print congé du Duc d'Aquitaine pour aller en France vers le Roy Pepin

pin se rendre & sa foy tenir. Et Valentin deuât son despartement luy demanda l'anneau qu'il luy auoit promis, lequel il deuoit porter à sa sœur Esclarmonde, lors le Verd cheualier le luy bailla en disant. Franc cheualier gardez bien cestuy anneau: car la pierre qui dedans est enchassée est de telle vertu, que celuy qui dessus luy la porte ne peut estre noyé: ne par faux iugement condâné. Valentin print l'anneau & le mit en son doigt, & puis prindrent cōgé luy & Orson pour faire leur voyage, & le Verd cheualier print congé pour aller en France: ainsi se despartirent les quatre cheualiers de la cité d'Aquitaine, & prindrent leur chemin chacun vers sa partie. Orson & Valentin monterent sur la mer & à force de voilles tantost ils eurent grand chemin fait; car la mer leur fut douce & eurent le vent agreable. Ils demanderent aux mariniets le chemin pour tirer vers le chasteau de Ferragus le geant, & les mariniets leurs enseignerent: car ils cognoisloyent bien qu'a passer ce passage estoit de coustume, que tous marchans deuoyent tribut. Or sont Valentin & Orson dessus la mer, qui desiroyent moult fort à trouuer le chasteau de Ferragus: & le Verd cheualier cheuauche parmy les champs, qui deuers le pays de France à sa voye addressée pour se rendre au Roy: mais premier qu'il arriuaist deuât le Roy Pepin Blādimain l'escuyer de Bellissant la Roïne, duquel i'ay deuant faite mentiō, qui par valētin en habit de pelerin fut rencontré, salua le Roy Pepin en grād hōneur & reuerēce. Et quand le Roy Pepin le vit en tel habit & la barbe ainsi flourie, il luy demanda s'il venoit du sainct sepulchre, ou de quel voyage il estoit pelerin. Frāc Roy dist Blandimain, pelerin ne suis ie pas, mais pour mon entreprinse plus seurement parfaire me suis mis en habit de pelerin, & sachez que ie suis messa-

ger

ger d'une haute & puissante Dame, qui par trahison a esté de son pays deietée & piteusement mise en exil. Helas Sire, celle Dame dont ie vous parle est vostre sœur. C'est assavoir Bellissant la franche dame, laquelle à tort par Alexandre l'Empereur de Grece, a esté vituperablement deschassée, & qui en pauvreté & misere par deffaut de secours piteusement languit: bien auez le cœur dur quand pour sa deliurance vous ne vous voulez autrement employer: car vous estes le plus puissant Roy qui soit en toute Chrestienté. Et pourtât Sire, veuillez à ce besoing môstrer vostre puissâce & vaillâce contre le faux maudit Empereur, qui sâs nulle cause à la noble dame Belissant vostre sœur, deshonneur a fait. ou autrement on ne vous doit pas tenir pour loyal frere. Quand le Roy Pepin ouyt parler de sa sœur Bellissant, moult tendremét se print de cœur à soupirer & moult fort la regretta: car bié auoit vingt ans passéz que d'elle n'auoit eue nouvelles. Amy dist le Roy dictes moy ou est ma sœur, car j'ay grâd desir de sçauoir de son fait cômét elle se porte. Sire dist Blandimain i'en sçay bié la verité: mais pour rien ne le vous diroye: car ie luy ay promis, que le lieu ou elle est pas ne le declareray: mais de son fait vous estes douteux, & vous pensez qu'elle soit coupable du fait dont elle est priuee & dechassée, ie vous admeneray deuant vostre presence tel homme qui pour sa querelle contre tout se veut combattre, & s'il est vaincu il veut estre pendu honteusement & la Dame s'oblige de souffrir piteuse mort. Helas dist le Roy de la loyauté de ma sœur ie suis informé, & ie ne requiers jamais auoir autre experience, que de celle du faux Archeuesque, qui par le bon marchand a esté vaincu. Et qui par deuant tous sa trahyson a cōfessé manifestemét. Je sçay bien que ma sœur à tort a esté mise en exil. Je l'ay

l'ay long temps fait chercher : mais en nulle maniere d'elle n'ay peu auoir nouuelle ne cognoissance. Et qui plus au cœur me touche c'est que ma sœur, que tant cherement i'aymoye au tēps de sa douloureuse fortune, qu'elle fut deschassée par l'Empereur de Grece, à qui ie l'auoye donnée estoit grosse & enceinte d'enfant. Las or ne sçay quel enfant elle à peu enfanter, n'aussi en quelle maniere de ce danger elle peut estre eschappée: car ie cognois & sçay qu'elle n'a pas eu à son besoing telle ayde ne cōfort cōme il appartenoit. Sire dist Blādimain, pour parler de ceste matiere sachez que ma Dame vostre sœur, en la forest d'Orleans sentit le mal d'enfant. Et quand le mal l'eut prinse elle m'enuoya en vn village qui pres de là estoit, pour luy aller querir vne femme qui secours & ayde luy peust faire. Lors ie fis la plus grāde diligēce qu'il me fut possible: mais ie ne peux si tost retourner que la noble Dame auoit enfanté deux beaux enfans massés, desquels vne ourse sauuage furieusemēt comme beste enragée, vn des enfans emporta parmy le bois, en telle maniere que la Roynie Bellissant de son pouuoir & puissance le cuida sauuer & secourir, mais elle ne sçeut qu'il deuint. Elle qui tant pour son enfant auoit souffert de peine & de douleur, que ie la trouuay parmy le bois dessus l'herbe couche piteusement aornée, qui mieux sembloit morte que viue. Je la leuay entre mes bras de toute ma puissance & la reconfortay. Et quand elle fut reuenue & qu'elle peūt parler, en soupirant moult tendrement elle me compta la maniere comment elle auoit perdu son enfant par la beste sauuage: & comment elle auoit laissé l'autre dessous vn arbre. Et quand i'entendy ces parolles ie la menay dessous l'arbre ou ie l'auoye laissée: & là fut sa douleur doublee & sa douloureuse destresse acréüe, a cause
quelle

quelle ne trouua l'enfant qu'elle auoit laissé, & autres nouuelles ie n'en sçay, & si vous doutez de celle chose pour plus grãd' cognoissance en auoir, sachez que ie suis Blandimain, & suis celuy que tout seul fut baillé pour accompagner ma dame Bellissant, quãd par l'Empereur fut enuoyee en exil. Helas Blãdimain dist le Roy vostre parler me donne tristesse & desplaissance, quand de ma sœur ne puis sçauoir le lieu ou elle demeure, ne de ses deux enfans auoir certaine cognoissance: mais puis qu'autre chose n'en puis sçauoir, dictes moy s'il y a long temps que ma sœur de ses deux enfans emmy la forest enfanta. Sire dist Blandimain ce fut à celuy iour propre que vous me trouuaistes dedans la forest d'Orleans & que ie vous dis les piteuses nouuelles de l'exil, & vituperable blasme de ma souveraine dame Bellissant vostre sœur, & quand le Roy Pepin entendit les parolles de Blandimain, il fut moult pensif en son courage, & ainsi qu'il estoit en ce pensement il luy souuint de valentin, lequel à celuy iour il auoit trouué dedãs la forest, & d'Orson qui par luy en iceluy bois auoit esté conquis. Pour ceste chose fut en malancholie grãde, & quãd il eut tout cõsideré, il cogneut par les dires de Blãdimain qu'ils estoient fils de sa sœur Bellissant. Il mãda la Royne Berthe sa femme, & plusieurs autres Seigneurs & Dames de sa Cour, pour leur dire & declarer les nouuelles que Blãdimain luy auoit apportees. Helas dist il Seigneurs i'ay tenu & nourry longuement en ma maison ainsi que pauvres enfans, & impoutueuz, ceux qui sont fils de Roy & de Royne & mes propres neveux, c'est valentin lequel en la forest d'orleãs ie trouuay qui par ma sœur Bellissant au temps de sa fortune & aduersité en celuy bois fut enfanté. Et vous fais asauoir que Orson le sauvage qui par luy a esté conquis, ainsi
comme

comme ie puis entendre est son propre frere naturel, & tous deux sont enfans de l'Empereur de Grece. De ces nouuelles fut la Royne Berthe moult ioyeuse, & aussi tous les Seigneurs Barons & Cheualiers de la Cour. Là furent presens les deux ennemis mortels de Valentin. C'estoyent Auffroy & Henry, qui de semblables menstroyent chere moult ioyeuse: mais au cœur & courage estoyent tristes & doulés, car sur toutes choses desiroyēt la mort de Valētin, pource & affin que Charlot leur petit frere ils puissent faire à leur volōté desordonnee, auquel furent moult contraires comme orrez cy apres. Or fix Blandimain moult fort esmeruillē quand il ouyt parler le Roy Pepin du fait des deux enfāz & luy demāda. Sire sçavez vous en quelle terre les deux enfans de quoy vous faictes mention pourroyent estre trouuez. Amy dist le Roy, i'e ay nourry vn en ma maison moult longuement en telle maniere qu'il est deuenu grand, hardy & puissant. & si a cōquis l'autre qui en la forest d'Orleans comme beste sauvage viuoit & faisoit au pays d'environ moult grand dommage. Et quand il l'eut conquis apres qu'ils eurent long temps esté ensemble en ma Cour, de moy se sont despartis & ont prins congé pour aller en Aquitaine cōbattre contre vn vail-lāt & hardi champion, qui le verd cheualier se fait appeller, & depuis leur despartemēt oncques nouuelles ie n'en ay peu auoir. Sire dist Blandimain selon ce que vous dictes ie vous dy bien qu'au plus pres d'Aquitaine, i'ay trouué les deux enfāz que vous me deuisez, dōc ie suis moult desplaisant qui ne pleut à Dieu que les puisse cognoistre: car de toutes mes douleurs i'eusse eu alors allegement. De ceste matiere deuiserent bien longuement. Et apres ces choses, le Roy commanda que Blandimain fust festoyé & seruy honorable-

ment

ment en toutes choses que mestier luy faisoient. Lors fut print Blandimain par les officiers du palais, & fut mené entre les barons & cheualiers de la cour qui en grand honneur & reuerence le receurent & festoyèrent. Or aduint que celuy iour le verd cheualier dont j'ay fait mention, arriva à la cour du Roy Pepin, qu'à Paris estoit. Et tantost qu'il fut descédu il alla en la salle royalle, en laquelle le Roy Pepin estoit, avec les barons & cheualiers moult notablement accôpaigné, il salua le Roy, & grande reuerence luy fist. Et quand le Roy le vit vestu des armes verdes, il fut tout esmerueillé, si luy demanda deuant tous les barons & cheualiers dites nous que vous estes, & aussi quelle chose deuers nous vous admeine, & pouiquoy vous portez telles armes verdes. Noble & honoré Roy, dit le verd cheualier, sachez que de Sarrazine (me, ie suis extraict & natif, & de pere Sarrazin suis engendré, & de mere Payenne ay esté enfanté. Si est vray que pour auoir à femme & épouse la fille du Duc d'Aquitaine nommee Fezonné la belle, j'ay vn an entier tenu le pays & la terre du Duc en ma subiection. Et fait qu'à la fin ie luy ay donné six mois de treues, par tel conuenant que s'il me bailloit cheualier qui par armes me peust conquerir & vaincre le tēps durā, ie ferois partir mō ost dehors son pays, & au cas que vaincu ie ne fusse, il estoit tenu de me dōner sa fille la belle Fezōne, pour fēme & épouse. Or ay esté deuāt la cité d'Aquitaine moult longuemēt en attēdāt tous les iours que fusse combatu, si sont venus à moy plusieurs vaillans cheualiers de diuers pays, & diuerses contrees & regions, lesquels ay tous mis à mort & pendu à vn arbre fors scēlement deux vaillans cheualiers. dōt l'vn a nō Valētin, & l'autre Orsō. Iceluy Valentin par vn iour entier à moy print bataille, & tāt

fismes

firmes d'armes ensemble que la nuit nous contraignit à despartir, ainsi cōme trauaillez & lasséz. Et quād vint le lendemain au matin, que le champ deust estre recōmencé par tous deux, son cōpagnon Orson de son propre harnois vestu, & qui ses armes portoit, entra dedās le champ pour moy combattre, & cuidois ben que ce fust Valentin. Et quād celuy Orson fut dedans le chāp, moult fierement & orgueilleusement il me fit signe de deffiance. Lors ie saillis hors cōtre luy: mais peu me valut ma force: car ie ne demouray pas longuement que par luy ie fus cōquis & vaincu, & si m'eust osté là vie si n'eust esté Valentin, lequel nous accourut qui me fit promettre de baptesme receuoir, & de croire en Iesus-Christ, & si me fit iurer que m'en viédrois iétre à vous comme vaincu, & soumettant ma vie à vostre cōmandement & ordōnance, & pourtant en Aquitaine ma foy & mon serment de par le cheualier Valentin, à vous ie me viens iétre cōme & celuy qui de moy pourcez faire vostre volonté, & qui apres Dieu appartient de ma mort approcher ou de ma vie prolonger. Non pōurrāt Sire, tresredouté, ie me réds deuant vostre maiesté Royale, en demādant & esperāt vostre misericorde en l'hōneur d'iceluy Dieu, de qui i'ay prins la creance: car sçachez que ie suis Chrestien, & croy en Iesus-Christ d'oiésnauāt, & veux croire de ferme & loyalle foy, & quand ie fus sur les saincts fons baptisé en l'honneur de vostre haute & puissāte renōmee ie fus appellé Pepin, & fuz ainsi nommé. Quand le Roy entendit les parolles du Verd cheualier, il luy a respondu doucement deuant tous les Barons & cheualiers. Bien soyez venu deuers nous, car de vostre venue sommes ioyeux plus que de nulle autre chose. Faites bonne chere pour l'ameur de celuy qui vers nous vous a enuoyé, ie vous donne

assurance, & si vous dy deuant tous que deuant brief temps en mô royaume, ie vous donneray grâdes terres & posselliôs, quâd à mô seruice vous plaita demourer: mais dites moy ou sont les cheualiers lesquels vous ont cõquis. Sire, dist le Verd cheualier, ils sõt en Aquitaine avec le Duc Sautary, & par dessus tous les autres les ay-me & tiët chers. Par les nouuelles de Blandimain & le Verd cheualier, eut le Roy Pepin nouuelles de sa sœur, & de ses deux neueux, lesquels elle enfâta dedans la forest d'Orleãs. Si a promis à Dieu qu'il s'ẽ ira en Grece, pour dire à l'Empereur les nouuelles, & pour faire sa sœur querir, en telle maniere que trouuee elle puisse e- stre: car sur toutes creatures il desiroit tresardamment à voir sa sœur Bellissant. Quand il luy souuenoit du grâd tort & iniure qu'il luy auoit esté faite, des yeux tendre- mēt plouroit, & au cœur en estoit fort trille & doulẽt.

Comment le bon Roy Pepin partit de France pour s'en aller vers l'Empereur de Grece porter nouuelles de sa sœur Bellissant, & comment deuant son retour fist guerre au Soudan qu'auoit assie- gé Constantinoble.

EN celuy temps que le Roy Pepin eut nouuelles de sa sœur Bellissant, sans grand seiour & sans dilation mist son ost sur les champs, & en grand' puissance partit de la cité de Paris, pour aller à Constantinoble vers l'Empereur de Grece, porter nouuelles de sa fẽme Bel- lissant, comme deuant auez ouy. Le Roy Pepin fit grâd diligence, telle qu'en brief à Rome arriua. Là fut receu du Pape à grand honneur: car de la foy Chrestienne sur tous princes estoit de ffenseur & propice, au palais apostolique disna celuy iour avec le Pape, qui luy com-
pta

pta nouuelles du Soudan, qui la cité de Constantinoble auoit assiegé, & ainsi que de ceste maniere ensemble deuifoyent arriuer vn chevalier de Grece, lequel apres qu'il eut salué le Pape, le Roy, & tous les assistans, en moult grand reuerence il luy à dit. Saint pere qu'estes Dieu en terre, sachez que Sarrazins à grand force & puissance d'armes ont assiegé & mis en subiection la terre & le pays de Constantinoble. Si vous mande l'Empereur de Grece, par moy, que pour la foy Chrestienne garder & conseruer ainsi que faire le deuez, vous luy enuoyez par delà secours & confort, ou autrement vous serez cause de laisser le pais perdre, & la foy de Iesus Christ diminuer: car sãs vostre aide & secours en ce grand besoing remedier n'y peut. Quand le Pape ouyt les nouuelles il fut moult desplaisât: mais le Roy Pepin qui là estoit present, le reconforta grandemēt en luy disant. S Pere, prenez en vous couraige & reuifort: car si bailler me voulez vostre gent Romaine, iusques au nombre suffisant, ie les conduiray & meneray deuers Constantinoble, avec mō armee, & iāt feray à l'aide de Dieu pour la foy Chrestienne, que le Soudan & son armee le mettray à confusion: car de nulle autre chose ie n'ay si grand desir, que pour la foy de Dieu soustenir contre les Payens. Quand le Pape ouyt ainsi parler le Roy Pepin, & qu'il cogneust son couraige, le remercia de tout son cœur & luy dist. Franc Roy très Chretien, de Dieu foyes ta benist: car de tous les autres Roys, tu'es le plus puissant en fait & couraige, & puis que telle chose tu veux entreprendre, du pays Romain venir feray gens à si grand nombre pour vous accompagner, que seulement pour z arriuer en Grece contre les infidelles & ennemis de la foy Chrestienne. Le Pape en celuy temps de tout le pays Romain si grand

peuple assembla : & fist erier la croisee , cest assauoir que tout homme qui voudroit aller en ceste bataille, en l'honneur de la passion de Iesus-Christ, porteroit vne croix, & du Pape prendra la benediction , & auront pardõ de tous leurs pechez, en la cité de Rome, en peu de temps s'assembla grand' multitude de peuple , pour passer oultre la mer avecques le Roy Pepin. Et le Pape au despartir leur donna sa benediction , & absolution de tous leurs pechez. Ainsi print congé le Roy Pepin du Pape & des Cardinaux , en soy recommandant aux prieres de nostre mere sainte Eglise. Et avec tiéte mil, le Romains, & tous ceux de son ost móta dessus la mer. Et tant luy fut le temps agreable que dedans peu de iours vindiõt arriuer au pays de Constantinoble , & la virer que le Soudan Noradin l'auoit de toutes pars enclose & assiegee. Et le Soudan auoit avec luy amené vingt Roys, lesquels estoient pour destruire Chrestienté, & avec deux cent mille Payens qu'auoyent la mer passee, & tant estoit ce Soudan pour sa force craint & redouté , que l'Empereur de Grece acompagné de plusieurs Chrestiens, tant nobles cõme autres le retirent dedans Constantinoble, pour la crainte & doute qu'ils auoyent de ces maudits Payens & infideles, & tellement l'Empereur & les Chrestiens garderent Constantinoble que nullement ne fut prinse. Tousiours le noble Empereur en son courage regrettoit sa femme Bellissant, & luy souuenoit du vitupere auquel il l'auoit liuree à tort & sans raison. A toutes lamentations piteusement sa faulte cognoissoit : & pensoit qu'elle fust du monde trespassée car biẽ y auoit vingt ans qu'il n'en auoit ouy nouvelles en nulle maniere, & nonobstãt que plusieurs messagers auoit enuoyé en plusieurs cõtres & diuerses natiõs, en son courage pẽsoit que iamais d'elle n'auoit nulle co-

gnoissance ny nouvelles, dōit auoit le cœur desplaisant & triste: mais tātost viendra le temps qu'il en aura nouvelles de par le Roy Pepin, lequel à deux lieues de Cōstantinoble est arriué, & à fait tendre ses tentes & aussi ses pavillons parmy les chāps, & a fait les gens mettre par moult belle ordonnance. Adonc furēt les coureurs & cheuaucheurs de l'ost de Noradin le Soudan, fort espouuātés & en grād diligēce vers son pavillon retournerent, & ont dit ainsi comme gens effrayez & pleins de grād peur. Sire Soudan, soyez certain qu'aujourd'huy sur ceste terre sont arriuez Romains à plus de deux cēs mille cōbattans, pour nous de ce pays chasser & expeller à honte & cōfusion. Parquoy bien aduiser il faut sur ce fait: car la chose est douteuse, & y a peril tresgrand. Taisez vous dist le Soudā, & de ce n'ayez point de doute: car il n'est pas possible que du pays de Rome soyent tant de gens cōme vous dites. Assez sommes pouuans pour les attēdre tous en bataille rēgee: car i'ay encōres esperance que dedans brief tēps, ie mettray en ma subiection & obeissance tous les pays de Romanie & celui de Frāce. Il cōmanda qu'incontinent tout son ost fust assemblē, en telle maniere qu'à toutes heures fulsēt prests pour bataille receuoir. A celpy commandement subēt Payens & Sarrazins obeissans, & de toutes pars s'assemblerent & arresterēt en vn champ grād & large pour atchēdre les Chrestiens. Et quād vint le lēdemain au matin que le iour fut clair, le Roy & toute son armee furēt prest en ce point de Payēs assaillir. Adōc mādā le Roy Pepin secrettement par vne lettre close en la cité à l'Empereur de Grece, comme il estoit venu le secourir, & qu'à toute diligence par la cité ses gens face mettre en point, & qu'ils saillēt sur les champs contre les Sarrazins: car à ce iour dēs François & des Romains

ils seroyent secourus. L'Empereur fut moult fort ioyeux de la venue du noble Roy Pepin, & selon le mandement de la lettre fist son ost mestre en point & les gés d'armes armer, puis sont faillis hors de la cité de Constantinoble pour aller contre les Payens & Sarrazins qui bataille attendoyent. Et tantost qu'ils furent sur les champs ils apperceurēt les estandars bānieres & enseignes, & l'ost du Roy Pepin qui de celle part venoit à si grād nōbre de clairons & trōpettes, qui si grand bruyēt menoyent que c'estoit merueille. Bien virent les Payēs que cōtre eux venoit grād'puissāce de gens. Le Soudan appella deux Sarrazins des vaillans, & leur commanda qu'ils allassent secretemēt regarder & nōbrer l'ost des Chrestiens qui les venoyent assailir. Et quand ils auroyent ce fait, ils retournaissent vers luy dire les nouvelles. Les deux Sarrazins qu'auoyent nō l'un Clarion & l'autre vandū, monterent à cheval & cheuaucherēt vers l'ost du Roy Pepin: mais ils n'eurent pas cheuauché loūguement que le verd cheualier, les vit sus vne petite montaigne, & incontīnēt qui les apperceut, il cognout bien qu'ils estoient Sarrazins. Lors frappa son cheval, & tost s'en alla deuers eux, sa lance sur sa cuisse, & son heaume preux cheualier, & quand les deux Sarrazins le virent approcher peurant qu'il estoit seul, ils eurent hōte de fuir pour luy, & dirent par Mahō ce seroit grand hōneur si cestuy Chrestien de nous deux eschappoit. Lors ont couché leurs lāces & cōtre le Verd cheualier s'ōt venus à puissāce, en telle maniere que le harnois & le cheval de l'un des Sarrazins cheut à terre; & si n'eust esté Vandū, qui secourut son cōpagnon, le Verd cheualier l'eust occis: mais il s'est prins au Verd cheualier, & cependant Clarion se leua, qui nauté fut durement & monta à cheval, & print la fuyte & laissa Vandū, qui

qui secouru l'auoit sans nul semblant. Vandu est demouré qui au Verd cheualier fierement s'est combattu: mais peu luy a valu sa force: car le verd cheualier luy a donné tel coup, qui luy a rompu la cuisse & luy a osté la vie, & demeura dessus la terre mort & son compagnon s'en retourna, qui moult fort estoit nauté. Bien vit le Roy Pepin la vaillance du Verd cheualier, & aussi firent les autres Barons de quoy moult le priserent. A celle heure fit le Roy Pepin dresser ses estendars & bannieres. Puis à fait sonner trompettes & clairons, & de grand puissance d'armes & hardis courages, ont assailli l'armée du Soudan Noradin. Adonc fut de toutes pars le cry si grand & si terrible que nul ne le scauroit estimer, Sarrazins & Chrestiens vn l'autre assaillir: par grand puissance, maints traits ont tiré & maintes lances brisées, & d'une part & d'autre plusieurs ont esté à mort furez. La fin Millon d'Angler le quel entre autres vit le Roy d'Aquila, qui faisoit grand destruction de Chrestiens & plusieurs occis. En aussi tost qu'il l'aduisa il alla deuers luy & d'une hache d'armes iusques au menton la teste luy fendit, & à deux ou trois Payens à ceste heure la vie tollut, & tant fit vaillantes armes que le Soudan Noradin, qui tantost l'aperceut cria hautement à ses gés qu'ils assaillissent Millon d'Angler, qui de Sarrazins si grand meurre faisoit. Au commandement du Soudan fut Millon d'Angler de toutes pars assailli, par Payens & Sarrazins en telle subjection mis, que à son cheual ils couperent vne cuisse, par quoy il fut cōtraint de cheoir à terre, & en cest endroit fut mort & occis si n'eust esté le verd cheualier, qui malgré Sarrazins se bōuta en la presse, & tant en abbatit & rua par terre qu'il approcha de Millon d'Angler, & luy fit telle ayde qui luy bailla vn cheual & le mōta dessus. A ceste heure si, & le Verd

cheualier & Millon d'Angler, si grand' vaillance d'armes contre les Payens, que trop seroit forte chose de leurs grandes prouesses raconter : car nul qui deuant eux le trouuoit iamais ne s'en retournoit. Grande fut la bataille & moult dura. Pepin & ses gens ce iour firent de Payens moult grande destruction & en abbatirent plusieurs : mais nonobstât leur grâdes vaillâces le champ eussent perdu se n'eust esté l'Empereur de Grece, qui à tout son ost vaillamment accompagné de l'autre part les Payens tant & si fierement assaillit que grand nombre à celle fois moururent. Bien cogneut le Roy que l'Empereur faisoit d'armes moult grand deuoir. Il reprist force & courage, & ces gens r'alia, puis entra en la bataille plus ardamment que deuant, & ainsi firent les Payens de deux parts assaillis fort rigoureusement. Et tantost que le Roy Pepin approcha de l'Empereur il luy a dit. Franc Prince, or vous montrez vaillant, car au iourd'huy par moy de vostre femme Bellissant auez nouvelles. A ces parolles fut l'Empereur ioyeux & doubla son courage, & augmenta sa force trop plus forte que deuant il crie Constantinoble, à ses gens promer grâs dōs & grâdes richesses, mais qu'ils soyent fort vaillans. A ces mots est entré dedans la bataille d'un courage si merueilleux, que trop estoit hardy celui qui l'auoit. Et Pepin d'autre part & le verd cheualier, qui entrèrent parmy les Payens en frappant dessus eux coups si merueilleux, que par tout ou ils passoyent ils faisoient le chemin large par la grand' prouesse du Verd cheualier. Bien le cuida cognoistre le Soudan Noradin, qui les armes regarda : car il estoit du haut lignage pourtant qu'il estoit frere de Ferragus : mais pourtant que le Verd cheualier estoit Payen, iamais il ne se fust douté qu'il fust venu celle part. Or furent Payens & Sarrazins

razins de celie heure mis en necessité que iamais ils n'esperoyent auoir de mort respit, mais prindrent tous la fuite. Et lors le Roy d'Esclauonnie, qui du Soudan faisoit l'arriere garde, accompagné de cinquante mille hommes d'armes, saillit dessus les Chrestiens en menant si grand cry qu'il sembloit que tout deust fondre, & quand l'Empereur & le Roy Pepin, apperceurent leur venue ils virent & considererent bien que leurs gens estoient trauaillees, & les gens du Roy d'Esclauonnie estoient frais & nouueaux, pourquoy fut delibéré entre eux de ne les attendre pour celle heure, & apres le conseil prins, firent sonner trompettes & clairons pour eux retirer dedans Constantinoble, l'Empereur & le Roy Pepin à tout leur armee. Quand le Soudan vit que les Chrestiens estoient entrez & recueillis dedans Constantinoble, il fist assieger la cite fort de pres, & tant il y eut grand nombre de Payens par toute la terre, que l'Empereur & le Roy Pepin de dedans Constantinoble estoient en telle maniere qu'à saillir dehors ne leur estoit possible, en ce point demeurerent long temps en grand subiection de leurs ennemis, qui de si pres les tenoyent en desirant leur mort & pourchassant la destruction de la foy Chrestienne. Si vous laisseray à parler de ceste maniere, & vous parleray de Valentin & d'Orson, qui pour l'amour d'Esclarmonde sont entrez en la mer ainsi que deuant auez ouy.

Comment Valentin & Orson, arriuerent au chasteau ou estoit la belle Esclarmonde, & comment par la teste d'airain ils eurent cognoissance de leur generation.

A Pres que Valentin & Orson eurent long temps demouré dessus la mer, ils aduiserent vne isle en

en laquelle auoit vn chasteau bien fort & puissant, & de grand'beauté plain. Iceluy chasteau estoit tout conuert de leon fort clair & reluyfant. Et pour sa grand'beauté bien se pensa Valentin que c'estoit le chasteau; ou le verd cheualier l'auoit enuoyé pour sa sœur Esclarmonde trouuer. Il alla tout aussi tost celle part, & descendit promptement à terre vers vn des ports de l'isle. Et quand il fut descendu, il s'enquist & demanda à qui estoit celuy chasteau, qui tant beau estoit, & entre tous les autres fort bien poly & aorné. Et il luy fut respondu que cestuy chasteau si estoit en la garde de la belle Esclarmonde sœur du Geant Ferragus, & par vn Sarrazin bien riche, auoit esté edifié, lequel Sarrazin entre les autres noblesses & excellences qui sont en iceluy chasteau, fist faire & composer vne chambre moult belle, & sur toute riche, de laquelle chambre les richesses vous seront cy apres declarees. Et outreplus fut dit à Valentin que dans celle chambre il y auoit vn moult riche pilier sur lequel auoit vne teste d'airain, laquelle iadis auoit esté par vne façe fort subtillement & par art de nigromance faicte & composée. Laquelle teste estoit de telle nature qu'elle rendoit responce de toutes choses qu'on luy demandoit. Et quand valentin entendit la declaration du chasteau, en son cœur fut moult Joyeux car bien se pensa que c'estoit le lieu ou le verd cheualier luy auoit dit qu'il trouuerait sa sœur Esclarmonde, qui sur toutes autres de sens & de beauté, estoit des grands & des petits renommée. Plus ouïe n'en demanda pour celle heure, mais se mist en chemin luy & Orson pour aller en cestuy chasteau. & sôt venus deuant la porte pour entrer dedans, mais ils ont trouué dix hommes forts & hardis, qui de iour & de nuict auoyent de coustume de garder la porte. Et quand ils virerent

Valen

Valentin & Orson qui dedans vouloyent entrer ils leur dirent. Seigneurs retirez vous arriere: car dedans cestuy chasteau, ny entre nul tant soit de haut lieu venu, sans le congé & licence d'une pucelle à qui la garde en appartient, qui sur toutes celles du monde est de beauté garnie. Amy dist Valentin allez vers la pucelle, & luy demandez si de sa benigne grace luy plaist me donner entree en son chasteau. Lors le portier monta au dongeon du chasteau & entra en la chambre ou la belle Escarmode estoit. Puis à mis le genouil à terre, & luy a dit madame deuât la porte de vostre chasteau, à deux hommes qui dedâs veullent entrer. & semblent gens de moult fier courage, & de grand orgueil pleins, & semble à leur maniere qu'ils soyent gens de mauuais courage & affaire, & contraires à nostre loy. Or dictes vostre volonteé & respondes aux gardes de la porte, qui demers vous m'enuoyent, s'il vous plaist de les laisser entrer dedans ou non. Amy, dist la pucelle, descendez en bas, & i'iray aux cieneaux pour voir quelles gens se sont & faites bien garder les portes, car ie veux à eux parler. Le portier descédit en bas, & dist à ses compagnons que la porte fust bien gardee tât que la Dame fut aux fenestres pour la responce donner. Lors Escarmonde qui fut sage & bien aprise, sur vn drap de fin or batu mist ses bras sur vne fenestre, & puis dit à Valentin: Qui estes vous qui par si grâd' hardiessé voulez entrer dedâs mon chasteau sans licence demander. Dame, dist valentin, qui hardiment parla, ie suis vn Cheualier qui passe mon chemin: si voudrois ie bien, s'il vous plaisoit, parler à la teste d'airain qui à chacun donne responce. Cheualier, dist la Dame, ainsi n'y pouuez vous pas parler, si de l'un de mes freres ne m'apportez certaines enseignes: c'est du Roy Ferragus ou du verd Cheualier qui de Tartarie

rie a la domination, & si de l'un des deux m'apportez enseignes ou certification, ie vous laisseray entrer au chasteau à vostre plaisir & volonté. Et sçachez que de nulle autre maniere n'y pouuez vous entrer, fors seulement par vn poinct que ie vous diray: c'est que vous preniez cōgé du chastelain de ceste place, lequel ie vous donneray par tel conuenant, que deuant que vous y entriez vous iousterez à luy cinq ou six coups de lance. Si vous aduisez lequel vous aymez le mieux, ou d'aller querir certaines enseignes de l'un de mes freres comme ie vous ay dit. Dame dist valétin, faictes amener vostre chastelain: car i'ayme plus cher contre luy combattre & par chāp de bataille gaigner, & desferuir d'entrer en vostre chasteau que ie ne fais par prieres, requestes, ou flatteries. Ainsi parla Valentin à la belle Esclarmonde, qui tāt fut de courage vaillant & hardy, que nonobstāt qu'il portast enseignes du Verd cheualier, certaines par l'anneau d'or, il ayma mieux la iouste pour son corps espro- uer, que l'anneau monstrier lequel à la belle Esclarmode deuoit presenter. Et quand la Dame vit la voloné & hardi courage dequoy il estoit plein, de celle heure elle fut de son amour esprinse, par vn ardent desir qui au cœur la toucha. Elle monta en la chambre ou estoit la teste d'airain, & luy demanda qui est celuy cheualier qui a si grand courage d'entrer en ce chasteau. Dame dist la teste. Du cheualier ne de son estat par moy rien n'en sçaurez iofques à ce que deuant moy vous l'aurez amené. Pour celle responce fut la belle Esclarmonde pour l'amour de Valentin en grand soucy. Et quand elle eut consideré par e'le le maintien & le beau parler de Valentin, elle fut embrasée de son amour plus que de nul que iamais elle eut veu. Vray Dieu qui peut estre celuy cheualier: car dessus tous viuantz il est di-
gne

gne d'estre aymé, moult est plaisant & de beauté corporelle tous les autres passe, & si la teste d'airain faisoit à mon vouloir, i'amaïs autre que luy ne piédroye. Quand la belle Esclarmonde eut toutes ces choses dites, & pensee en son courage, elle manda le chastelain & luy dit les nouvelles du cheualier, qui dedans le chasteau veut entrer. Par mon Dieu dist le chastelain, de grand folie il s'entremet: car il n'y entrera ia sans son corps contre le mien esprouuer. Et s'il est si hardy de prendre à moy bataille, ie luy monstreray clerement deuât tous que pour vostre amour auoir est trop tard arriué. Chastelain dist la dame, puis que d'entrer au chasteau congé ne luy donnez, allez vous tost armer, car ie vous fais asfauoir que de luy aurez bataille, & si ay bien grãd doute que trop tard ne vous repentez. Si vous conselleroye que vostre corps ne vueillez mettre en dangier. Dame dist le chastelain qui moult fut orgueilleux laissez en paix telles parolles, car deuant que i'amaïs il entre s'õ corps l'acheptera. A ces mots se despartit le Chastelain qui s'en alla armer, & monta à cheual, & quand il fut monté il saillit hors de la porte vne lance en son poing moult grosse, & la dame estoit aux fenestres pour regarder la bataille des deux vaillans champions qui sont dedans le champ entrez pour assaillir l'un l'autre. Et quand valentin à veu le Chastelain, de fier courage contre luy est venu, il à baissé sa lance & frappé des esperons. Lors ce sont récontrez l'un l'autre, si bié adroict que leurs deux lances sont volees par pieces, puis apres incontinent ont reprins nouvelles lances, & si fierement sont l'un sur l'autre arriuez que cheuaux & champions sont par terre tombez, mais le cheual de Valentin qui fut fort & puissant, sans son maistre descendre sur ses pieds se releua. Et quand le noble

eue na

cheualier valentin fut releué il dist dist au Chastelain moult doucement. Or vous releuez & montez à cheual tout à vostre aise : car ia de moy vous n'aurez bataille iusques à tant que vous soyez à cheual : car peu me seroit de vaillance si en ce point vous combatois. Le chastelain fut moult ioyeux & pris moult la gracieuseté de valentin. Si monta dessus son cheual & puis a print vne lance & est venu cōtre valentin, moult despitueusement : mais le noble valentin qui sceut de sa lance bien iouer, si grand coup luy donna qu'il luy osta le heaume de la teste, & ietta bas à terre cheual & chastelain. Et quand il se vit à terre abbattu en si grand danger, dist à valentin. Cheualier ie ne sçay dōt vous estes ne de quel pays, mais oncques en iour de ma vie plus vaillant ne trouuay. Je me veux tendre à vous & vous laisseray entrer parmy le chasteau, qui tant est beau & somptueux par tel cōuenant, que sans mon cōgé & licence en maniere, qui soit, vous ne parlerez à la dame Escarmonde. Par ma foy dist Valentin, de grand' folie estes, plein de dire telles parolles : car tout pour l'amour, d'elle ay ie la mer passée & suis venu en ceste part, & combien que iamais ie ne la vis, si suis ie d'elle amoureux plus que de nulle autre dame, & vous fais assauoir que iamais d'icy ne partiray tant que i'aye parlé à elle, & à la teste d'airain à mon plaisir. Ainsi que Valentin & le chastelain ensemble deuisoyent, la belle Escarmonde qu'estoit aux fenestres de sa franchise & courtoisie, fut moult esmerueillee : helas dist elle à ses pucelles qu'auec elle estoient. Regardez comme cestuy chastelain est fol & mal heureux, de soy combattre contre vn si vaillant cheualier, qui pieça l'eust occis, si par sa franchise ne l'eust deporté. Filles, par le Dieu tout puissant ie m'esmerueille moult qui peut estre cestuy qui tant a grand desir

desir d'entrer en mon fort & puissant chasteau. En moult grand pensee fut la noble dame Esclarmonde, en son courage disoit qu'une fois elle auroit cestuy cheualier pour amy: car de tant plus elle le voyoit de tant plus estoit son amour en luy enracinee, quand Valentin vit le grand orgueil du chasteelain & sa grand'outrageance, il si appa des esperors & si grand coup luy donna parmy le corps que tout outre le foye & le poumon passa & l'abbatit mort par terre, dont la belle & gracieuse dame Esclarmonde fut moult fort joyeuse. Adonc elle comanda aux portiers qu'ils ouvrissent les portes & que Valentin luy fust amené en la salle parée. Les portiers ont fait le commandement de la dame Esclarmonde, & devers elle ont amené le noble Valentin & Orfon son frere. Et quand la belle Esclarmonde vit Valentin, elle alla alencontre de luy & luy dist. Cheualier bien soyez venu: car oncques plus vaillant ne plus hardy courage en mon chasteau ne vis entrer, bien monstrez par voz faits que de grād gentillesse soyez extrait & descendu. Dame, dist Valentin, sachez que de mon propre nom suis appelle Valentin, & suis vn pauvre aduenturier, qui de ma generation ne de mon lignage ie n'eux oncques cognoissance, & si ne vis oncques le pere par qui ie fus engendré, ne la mere qui m'a porté, & aussi ne fist mō compaignon que vous voyez icy: car en vn bois fut nourry comme vne beste sauvage, ou ie le conquestay à l'espee moult vaillāment. Sachez que i'amaies iour de sa vie ne parla plus que vous voyez. Or ay ie tant de chemin fait qu'à mon aduenture en desirant de mon cœur que de mes amis ie puisse auoir aucune cognoissance que vostre grand'beauté m'a fait la mer passer & venir en ceste part, en disant ses parolles Valentin tira l'anneau que luy auoit baillé le Verd che-

K.

uallie

ualier, & en l'ouzziant doucement la bailla à la belle Esclarmode, laquelle inconrinem le cogneut bien. Et adonc elle dist à Valentin, chevalier beau sire, si vous m'eussiez montré l'âneau quād devant mes portes arrivaistes sans la iouste attendre, & vostre corps mettre en danger de ceste heure fussiez entré en mon Chasteau sans contredit: mais vous avez montré la grand' noblesse qu'est en vous, quād avez mieux aimé par vostre hardiesse au chasteau entrer & deuers moy venir; que de nul autre querir, tātost apres que Valentin & la belle Esclarmode eurent ainsi parlé, les tables furent dressées & fut la pucelle assise. Et Valentin fut devant qui ne print souldas ne plaisir fors seulement a celle qui devant luy fust assise. Helas vray Dieu, dist Valentin en sō courage, veuillez oster & delivrer mō cœur briefvement de ceste douloureuse destresse, que pour l'amour de ceste Dame ie suis au cœur si profondement attaint, que jamais en iour de mon vivant en telle melancholie ne fus. He Dieu elle est tāt de grand' beauté garnie, & de grand' bonté pleine. Les yeux vers en riant arrestez & ralis, le front clair & poly, & la face vermeille & tous les autres membres de son corps, par droicte mesure & raison naturellemēt cōposez. Or suis-je pour son amour si ardamment esprins, que mieux me seroit la mort agreable que de faillir à ceste chose parfaite & accōplir. En ceste maniere se plaignoit le chevalier Valétin, pour l'amour de la belle Esclarmode: Et elle d'autre part en regardāt le chevalier, souventesfois pour sa beauté en chāgeāt & muāt couleur, perdoit maniere & cōtenāce. En ceste grand' melācolie tout le plus hōnestemēt qu'ils peurent leurs contenances entretenir, passerent le chevalier & la dame durāt le dīner, & quand les tables furent ostées, Esclarmode print Valentin par la main, & luy

luy à dit, amy tant auez fait, que vous viendrez en ma chambre secrette, en laquelle vous verrez la teste d'arain, laquelle de vostre lignage vous dira nouuelles bonnes & trescertaines. Or vous en venez avec moy & amenez vostre cōpagnon: car i'ay moult grād ioye d'ouyr la responce laquelle par la teste d'arain vous sera donnee. Le noble Valentin fut ioyeux quand il ouyt la noble Dame ainsi parler. Ils issirent hors de la sale, & s'en allerent deuers la chambre ou la teste d'arain estoit moult richemēt aornee. Et si tost qu'ils furent à la porte pour vouloir entrer dedans, ils trouuerent en l'vne des pars vn merueilleux espouuātāble & fort horrible villain moult grand & bossa, qui sur son col portoit vne massue de fer qu'estoit moult pesante: lequel villain sebloit bien à voir estre rebelle & plein de grād outrage. Et d'autre part y auoit vn Lyon moult grand, fier & orgueilleux. Ces deux estoient en tout temps & donner pour deffendre & garder que nul n'entrast en la chābre sans le congé de la Dame, & sans combattre au villain & au lyon. Et quand Valentin apperceut le villain & le lyon, qui se dresserent contre eux pour la porte deffendre. Il demanda à la belle Esclarmonde que telle chose vouloit dire ne signifier. Certes dist Esclarmonde, ces deux que vous voyez icy sont pour garder la porte, & ny peut entrer nul qui ne se cōbatte, parquoy plusieurs en sont morts sans plus outrepasser. Et au regard du lyon, il est de telle nature que iamaiz à fils de Roy il ne fera mal n'outrage. Belle dist Valentin, ie ne sçay qu'il en aduendra: mais à l'aduenture me mettray en la garde de Dieu, moy confiant combattray le Lyon. Il s'approcha de la beste orgueilleuse, & à force de bras l'embrassa par le corps: mais tout aussi tost que le Lyon sentit & odora le corps de Valentin, il le

laissa aller, & luy fut courtois & doux, sans luy faire nul outrage. Et Orson fut de l'autre part, qui le vilain assail-
lit, & deuant qu'il eut leué la massüe de fer, il le print
parmy le corps si rudement que contre le mur le ietta,
puis luy osta sa massüe, & si grand coup luy en donna
qui l'abbatit à terre, par telle façon que si n'eust esté la
belle Esclarmonde, il eust tué & occis le villain en la
place, & ainsi fut le villain vaincu & le lyon fut con-
quis par les deux cheualiers, puis fut la porte ouuerte,
& entrerent dedans la chambre qui de toutes richesses
mondaines fut parée: car elle estoit peinte de fin or &
d'asur, par dedans semée & ornée de rubis & saphirs
sans autres paremens: par tout la tapisserie de drap de
fin or fut tendue, couuertes de toutes pars d'esmerau-
des & diamans, grosses perles: & de toutes autres pier-
res precieuses. En celle châtre auoit quatre pilliers de
iaspes, riches & merueilleux, & de subtil ouurage édif-
iez, desquels les deux premiers estoient iaunes plus que
fin or. Le tiers plus verd qu'herbe en may. Le quart
plus rouge que charbon enflambé. En ces pilliers auoit
vne armoire plus riche que dire ne pourrois, en laquel-
le la teste d'airain estoit sur vn riche pillier moult ri-
chement encluse. Valentin ouurit l'armoire & regarda
la teste en la comirant que de son fait & estat luy voul-
sit la verité dire. Adonc parla la teste si hautement & si
clairement que chacun l'entendit, en luy disant. Che-
ualier de grand renommee, ie te dy que tu as nō valen-
tin, le plus hardy, preux & vaillant qu'onques en nul
iour du monde ceans entraist, & si es celuy a qui la belle
Esclarmonde a esté donnée & doit estre, ne iamais autre
que toy n'aura. Tu es fils de l'Empereur de Grece, & de
la dame Bellissant sœur du Roy Pepin, qui par luy à tort
fut de sa terre deschaſſée, ta mere est en Portugal au
chasteau

chasteau de Ferragus, lequel par l'espace de vingt ans la garde. Le Roy Pepin est ton oncle, & cestuy compaignon que tu meines avec toy est ton propre frere naturel, vous deux fustes enfantez de la gracieuse Royne Bellissant, en la forest d'Orleans, en pitié & en destresse douloureuse. Et quand la Royne vous eut sur terre mis, ton compaignon luy fust par vne ourse faunage emporté: & par elle a esté nourry au bois, sans ayde ne confort de femme naturelle. Et tu fus celuy iour en la forest par le Roy Pepin trouué & emporté, lequel sans auoir de toy cognoissance moult doucemēt t'a fait nourrir & esleuer, & si te dy que tō frere qu'icy est present iamaiz ne parlera, iusques à tant que tu luy ayes fait coupper vn filet lequel il a dessous la langue. Et quand tu luy auras fait coupper il parlera aussi clairement que tous & pourra estre ouy. Or pense de biē faire comme tu as commencé & tout bien t'en viēdra: car puis que tu es entré en ceste chambre mon temps est achené, ne iamaiz à creature ne donneray responce. Quand la teste d'arain eut ses paroles dites, elle s'éclinna bas & perdit le parler. Et oncques depuis par elle ne fut parole proposée. Adonc Valentin qui de ioye fut transi, vint à Orson & en plourant moult tendrement le baisa en la bouche. Et Orson d'autre part l'ébrassa & accolla en iettant grand sospirs & gemissemens, helas dist Escarmonde à Valentin. Franc cheualier courtois bien doy estre ioyeux de vostre venue: car par vous ie suis hors de soucy & de moult gries martyre, auquel par plus de dix ans i'ay passé mō temps languissant en doulleur, & en attendant celuy à qui ie deuois estre donnée, or estes vous celuy ie le vois clairement: car par nul autre la teste d'arain ne deuoit perdre son parler. Et puis qu'il est ainsi que par vostre venue a sa raison &

loquence finée. Je me donne & abandonne à vous comme à mon parfaict & tresloyal amy, & celuy à qui ie dois par droicte raison estre ostroyee & donnee. Et dorresnavant ie vous iure & promets de cœur, de corps, & de biès & de ma pauvre puissance vous loyaument & de bon courage servir & à vostre plaisir faire. Belle, dist le noble Valentin de vostre bon vouloir treshumblement ie vous remercie. C'est bien droict & raison que sur toutes choses du monde ie vous ayme & tiène chèrement des devant Aquitaine vous me fustes d'once par le Verd chevalier vostre noble frere, lequel à l'aide de moy & de mon frere Orlon fut conquis & vaincu, & quand il sera vostre plaisir de prendre la foy & la creance que le Verd chevalier a prinse. C'est assavoir la loy de Iesus Christ, sans laquelle nul ne peut avoir perdurable saluation. Sire, dist la pucelle, telle chose ie veux bien faire: car de tout mon courage suis prest & appareillée de tousiours vous complaire, & à vos commandemens obeyr plus qu'à nul homme vivant. A celui iour parmy le palais des petits & des grands ioye fut demenee, & disoyent l'un à l'autre que le chevalier estoit venu à qui la belle Escarmonde doit estre donnee & par qui la teste avoit la parole perdue: si grand fut la renommee du chevalier Valentin, que par tout le pays d'enuiron le peuple en fut resioy: mais la grand' ioye & liesse de Valentin & d'Escarmonde par la trahison & mauuaistié de Ferragus fust tantost muec en pleurs, ainsi que vous diray icy

apres.

Comment

*Comment le bon Roy Pepin parti de France pour s'en
aller vers l'Empereur de Grece, porter nouvelles
de sa sœur Bellissant. Et comment deuant
son retour, fist guerre au Soudan.
qui auoit assiégué Con-
stantinoble.*

AV chasteau de plaifance de la belle dame Esclarmonde, il y auoit vn nain qu'elle auoit nourry dès son enfance, & gardé & mis à l'escole, iceluy nain auoit nom Pacolet, de grand & subtil engin estoit plein, lequel a l'escole de Tolette tant auoit apprins de l'art de nigromance, que par dessus tous autres estoit parfait: en telle maniere que par enchâtemēt, il fit vn petit cheual de bois, & en la teste d'iceluy auoit fait artificiellement vne cheuille qui estoit tellement assise, que toutesfoia qu'il montoit sur le cheual pour aller en quelque part il tournoit la cheuille deuers le lieu ou il vouloit aller, & tātost se trouuoit en la place sans mal: car le cheual estoit de telle façon qu'il alloit par l'air plus soudainement que nul oyseau ne sçauroit voller. Celuy Pacolet qui au chasteau d'Esclarmode auoit esté nourry, tout le iour regarda les manieres & façons du noble Valentin. Adonc se pensa qu'il iroit en Portugal & cōteroit à Ferragus l'entreprinse de Valentin, & la maniere de sa vnuē. Il est allé à son cheual de bois, & a monté dessus: puis a tourné la cheuille par deuers Portugal: & aussitost le cheual est monté en l'air, & tāt est allé que celle mesme nuit il est arriué en Portugal, & au Roy Ferragus a cōpté les nouuelles, quād Ferragus entendit parler Pacolet au cœur fut moult triste & doulent de Valentin, qui deuoit auoir sa sœur Esclarmonde qui a vn cheualier Chrestien son cœur & son amour auoit

donnee, dont trop amerement fut au cœur doulent & iura son Dieu qu'il en prendroit vengeance: mais deuât Pacolet ne monstra pas sa fureur ne la volonté de son courage: car homme qui trahyt tient tousiours sa bouche secrette pour mieux paruenir à son intentiō. Ainsi fist Ferragus, qui dit à Pacolet l'enchanteur. Amy retourne à ma sœur Esclarmonde, & dy au cheualier qui en mariage la doit prédre que ie suis de sa venue moult ioyeux, & que dedans brief temps i'ity voir ma sœur pour ses nopces faire, accompagnée de nobles Barons riches & puissans & luy donneray de ma terre si largement qu'elle en sera bien contente. Sire dist Pacolet ie feray volontiers le message, tel que vous le m'auiez dict & declairé. Lors vint à son cheual & monta dessus, puis tourna la chetulle & se leua en l'air, & si legerement cheuaucha qu'il arriua au chasteau d'Esclarmonde, & quand il fut venu il salua la Dame fort courtoisement, puis luy a dit, ma Dame ie viés de Portugal, & ay veu vostre frere Ferragus lequel sur toutes choses est fort ioyeux du vaillant cheualier Valentin, que pour mary vous deuez auoir & sachez que sans grand seiour faire, il vous viendra voir à moult belle compagnie, pour faire le mariage de vous & du cheualier Valentin. Ma Pacolet dist la Dame, ie ne scay qu'il en aduiendra, mais ie doute trop en mon courage & en mon cœur que mon frere n'y pense quelque trahyson car iamais il n'aymera cheualier de France n'homme qui de Iesus-Christienne la creâce, & d'autre part ie suis desplaisant que ie ne scauoye ton allee, si te fusses enquis d'une Chrestienne, qui de long temps a demeuré avec la femme de mon frere Ferragus. Dame dist Pacolet, tantost i'y seray retourné, & demain deuant midy en scaurez les nouuelles. Par Dieu dist Valentin, ce ne pouuez vous
faire

faire futs que par l'art de l'ennemy. Valentin dist Esclarmonde, laissez-le besongner & faire son mestier : car tant est bien apprins de son art, que plus de cent lieues fera pour vn iour. Quand Valentin entendit que Pacolet sçauoit de tel art iouer moult fut esmerueillé, & fort longuement pensa à luy mesmes dont cela luy pouuoit venir. Et tantost il appellx Orson, & le fist venir deuant Esclarmonde, & à celle heure luy osterent & couperent le filet qu'il auoit dessous la langue, & apres qu'il fut hors, il se print à parler fort bien plaisamment, & à celle heure leur dist, & racompta comment il auoit long temps esté en la forest nourry de l'ourse sauvage. Si cogneurent bien que la teste d'airain leur auoit dit leur fait, & de leur nation la verité certaine. En parolles furent moult longuemé & par la grand' partie de la nuict Esclarmonde escoutoit moult volontiers parler Orson, qui plusieurs nouvelles racomptoit. Et quand vint le lendemain au matin Pacolet se trouua dedans la salle par deuant le cheualier Valentin & luy dit. Sire ie viens de Portugal, & ay veu vostre mere laquelle si est Chrestienne & croit en Dieu Iesus Christ. Amy dist Valentin, tu sois le tresbien venu : car c'est la chose que plus ie desire que d'elle ouyr parler, & si n'ay de rien si grand desir, que de la voir & cognoistre : car tout le temps de ma vie en peine & en douleur ie l'ay quise & cherchée. Amy dist Esclarmonde, prenez en vous bon reconfort : car si mon frere ne vient en ceste part vous & moy nous en irons en Portugal, & vostre mere verrez que tant auez desirée. Dame dist Pacolet, sachez de certain que vostre frere le Roy Ferragus en briefue espace de temps viendra par deuers vous : car ain si ie luy ay ouy dire & promettre. Helas dist la plaisante Dame, trop suis en mon cœur doubteuse, que mon frere Ferra-

gus ne face chose parquoy nostre ioyeuse entreprise ne soit tournée en dur descomfort. Et ay songé vn songe merueilleux & fort me donne de foy & de crainte, la nuit prochaine me deuoye reposer ie songeay que i'estoye en vne merueilleuse eau profonde, en laquelle ie fusse noyée si n'eust esté vne face qui hors de l'eau me tira. Et puis me fut aduis que ie vis vn griffon issir d'une nuee, lequel de ses ongles aigues & poignans, me print & emporta si loing que ie ne scauoye quelle part i'estoye arriuee. Ha m'ame dist Valentin pour vostre songe ne prenez pas melancholie: car qui vouldroit en songe croire trop auroit à souffrir. Il est vray dist la noble dame Esclarmonde mais garder ne m'en puis: à ces mots la belle dame Esclarmonde & Valentin entrerent en vn verger lequel de toutes herbes & fleurs estoit bien garny. En cestuy verger furent longuement parlans de leurs amours secretes & loyales. Or aduint en celoy iour que le faux geant Ferragus de trahison plein, si est arriué au chasteau de la belle Esclarmonde. Et quand la dame sceut qu'il fut arriué, elle s'en alla par deuers luy faire reuerence, & il luy dist doucement. Ma sœur soy toutes creatures vivantes, i'auoye grand desir de vous voir. Or me dictes ie vous en prie, qui est le cheualier qui vous doit espouser. Beau frere icy le pouvez voir. Adonc s'approcha Valentin, & se saluerent en grande reuerence. Cheualier dist Ferragus, bien soyez venu par deça pour ma sœur en mariage prendre: car tout ainsi que mon frere le Verd cheualier lequel par deça vous a enuoyé (apres que par vous a esté conquis & qu'il a prins de Iesus Christ la creance) a faict tout ainsi ay ie ma volonte & singulier desir de recevoir baptisme & prendre vostre creance. Site dist Valentin de vostre vouloir soit Iesus remercié: car pour

le sauvement de vostre ame faire, & gloire eternelle acquerir, c'est le droict & principal chemin. Helas Valentin pensoit bien que le traistre Ferragus, de courage deuoit estre enclin à telles parolles dire: car sous douces & humbles parolles de feinte loyauté, trahyson mortelle luy pourchassoit. Et quand le geant Ferragus eut ainsi parlé, Valentin luy dist. Sire on m'a dit & racompré que dedans vostre maison, depuis l'espace de vingt ans ou enuiron, vous tenez vne Chrestienne laquelle ie desire de veoir de tout mon cœur: car c'est ma mere & a nom Bellissant sœur du Roy Pepin & femme à l'Empereur de Grece. Par mahom dist Ferragus vous dictes verité, mais affin que d'elle vous soyés mieux informé vous viendrez en Portugal & verrez la Dame, & quand vous aurez parlé à elle, vous pourrez sçauoir & cognoistre si elle est telle que vous demandez. Grand mercy dist Valentin: car si tel plaisir me faictes de ma pauvre puissance ie le dessepiray. Alors laissa Ferragus a parler pour sa trahyson parfaire & accôplir alla en la chambre de sa sœur Esclarmonde & par maniere, de bone amour luy a dit. Ma sœur & ma seule esperance, ie desire sur toutes choses vostre honneur & auancement, & suis en mon cœur moult ioyeux de ce que vous auez trouué si puissant & vaillant cheualier pour mary & espoux, & pour la grand' vaillance ie veux que vous & luy venez avec moy en Portugal, affin que de toute ma puissance ie puisse en triomphe excellent & magnifique faire le iour de vos nopces ainsi comme il appartient. Et quand Ferragus eut parlé en telle maniere à la sœur Esclarmonde, il fist ses navires & galeres appareiller, & ses gens monter sur la mer. Puis demanda Valentin, lequel fut moult ioyeux d'aller en Portugal avec s'amie Esclarmonde: car bien pensoit que le geant Ferragus le menast par de là

delà pour leur faire honneur : car il luy auoit promis de se faire Chrestien & tous ceux de sa Cour , parquoy Valentin fut trahy & Orson son frere : car tout aussi tost que le maudit Sarrazin fut sur la mer monté , & qu'il eut dedans son bateau Valentin & Orson en sa subiection, il pensa que iamais ne luy eschapperoyent sans la mort recevoir. Mais à l'entree de la mer beau semblant leur monstra, & par fauces parolles & promesses deceuables les fist avec luy venir : mais quand vint vers la minuiet que les deux cheualiers estoient allez reposer, le traistre Ferragus fist secrettement en trahyson dedans leur liêt les prendre & lier estroictement , & leur fist les yeux bander, ainsi comme gens qui par faute criminelle publicquement sont à mort condamnez. Et quand la belle Esclarmonde vit son amy Valentin prins & lié , elle mena si grand dueil que trop auoit dur eœur qui de plourer se tenoit. Helas dist elle cheualier Valentin, nostre ioye & nostre soulas est en peu de temps tourné en dueil & en tristesse : trop auez mon amour cherement achetee, quand il faut que pour moy deuez la mort souffrir, mieux aimasse que pour vous iamais ie n'eusse esté nee : car en peine & en travail vous m'auez cōquestee & en dueil & en tristesse ie vous seray offerte : trop est la mort chere quand il faut pour symer loyalement que vous enduriez mort sans l'auoir deserny, las ie doy bien au cœr soupirer & des yeux tendrement plourer, quād il faut que pour mon amour le plus noble & vaillant du monde , soit à mort honteusement lié. Ha mon frere Ferragus trop mal vous ouurez : car de tout le monde vous auez trahi & decen le plus vaillant cheualier. Iamais iour de ma vie n'auray ioye au cœr : mais tout au plustost que ie pourray de mort il ne me chaut, quelle ma vie soit & mes iours abregeray

& mettray à fin, si vous fais assauoir que si les deux cheualiers vous faites mourir, vne fois en aurez reproche villainement, & pourtant laissez les à tant. Car à leur mort pourchasser ne pouuez auoir profit, & si la mort leur voulez liurer faictes moy dedans la mer premiere ietter : car tant ne pourroye viure que ie veisse deuant mes yeux, tant vaillâs & preux cheualiers sans auoir fait offence estre mortellement punis. Tant fut la dame Esclarmonde au cœur profondement atteincte & naturee, que des l'heure elle se fust des deux mains à mort liuree & en la mer pour se noyer ietee. Adonc Ferragus son frere la fist par ses Barons garder & tenir, & si commanda qu'on la gardast en telle maniere, qu'un sent mot ne peut dire aux prisonniers, ainsi demoura Esclarmonde en pleurs & souspirs piteux. Et Valentin & Orson, furent des Sarrazins tenus & estoictement liez ils reclamèrent Dieu deuotement, que d'iceluy danger & peril ils puissent eschapper. Helas dist Valentin, or m'est bien fortune contraire & à mon besoing peruerse & desloyalle, or ay-ie toute ma vie en peine & en travail vſce ma ieunesse, pour querir & trouuer du lieu cognoissance dont ie suis extraict, & du pere & mere lesquels au monde m'ont mis, & maintenant quand ie suis pres de ma douleur finir & conuertir en ioye, & que de ma chere mere que tant ie desiroye, & esperoye d'auoir nouuelles prochainement & certaine cognoissance, & en cuidant estre asseuré de mon entreprinſe parfaire, mais en ces lieux desloyaux ie suis malheureusemēt tenu, & cheu entre les mains de mes ennemis, qui de ma vie sont enuieux & ma mort desirent. Helas beau frere Orson, bien est nostre pensèe & nostre intention en peu de temps changee & renuerſee : car iamais ne verrons parens ny amis. En ce point se plaignoyent Valen-

tin

tin & Orson, & les Sarrazins demenoient feste & ioye, & tant nagerent sur mer qu'ils arriuerent en Portugal au chasteau de Ferragus, & aussi tost que la Royne Bellissant ouyt dire que Ferragus, auoit amené deux Chrestiens prisonniers, elle saillit hors de la chambre pour les aller voir. Quand elle vit Valentin & Orson, lesquels pas ne cognoissoit elle leur demanda. Enfans de quel pays estes vous, & en quelle terre fustes vous nez. Dame, dist Valentin, nous sommes du pays de France, au plus pres de Paris. Tantost que Ferragus vit la Royne Bellissant qu'aux enfans parloit, il luy a dit fierement dame delaissez moy ce langage & vous en allez en vostre chambre: car iamais ils ne verront homme de leur langage, ie les foray moutir dedans ma chartre obscure de mort villaine, s'ils ne croient en Mahom mon dieu tout puissant. Il appella le chartrier, & luy commanda que les deux prisonniers fussent boutez au plus profond de la chartre, & au plus obscur, & qu'on ne leur donnast à boire n'à manger fors du pain & de l'eau. Là furent les maudits Sarrazins qui de gros bastons & de poings frappoyent sur les deux enfans sans en auoir pitié non plus que de chiens, & en vne fosse pleine d'ordure les ietterent & deualerent. Quand ils furent en prison ils se mirent à genoux criant à Dieu mercy, & en luy priant que de leurs pechez il leur voulsit faire pardon: car iamais ne se pensoyēt de ce lieu saillir. Et apres que Ferragus eut ainsi fait emprisonner Valentin & Orson il monta dessus en son palais, & fist amener deuant luy la belle Esclarmonde, qui tant pieusement pleuroit que des larmes qui de ses yeux descendoient, estoit toute sa face couuerte & arrousee. Ma sœur dist Ferragus, delaissez vostre plourer & changez vostre courage: car par Mahom mon dieu trop auez longue-

ment

ment creu la teste d'airain, quand vous voulez espouser & prendre en mariage vn estrange, & hors de nostre ecreance, trop auez cœur variable & volonté de femme; quand voulez aymer celuy qui de vostre frere le Verd cheualier c'est monstre ennemy mortel, bien vous appartient d'auoir hōme plus digne & de plus haut lignage. Et si croire me voulez & ma volonté faire, ie vous donneray pour mary le puissant Roy Trompart, par lequel vous pourrez estre en tout temps de haute vie & richement hōnorée. Et pōurtant oubliez les deux Chrestiens François, & n'y ayez plus de fiance: car mourir ie les feray & pēdre par le col. Frere dist Esclarmonde, obēyr me conuient à vostre cōmādemēt: car il se faut desporter & passer legerement de la chose qu'on ne peut auoir: la force cōtraincte, droit n'a point de vertu: car necessité fait souuēt mauuais marché prēdre. Apres ces parolles Ferragus se despartit, & la Roïne la femme entra dedās la salle, laquelle en moult grand hōneur & reuerence à reçu la belle Esclarmonde, en luy disant. Ma sœur biē soyez venuee ceās: car de vous voir i'auois grād desir & volonté. Dame dist Esclarmonde cent fois vous remercie: mais sachez que ie suis moult doulente & desplaisante de deux cheualiers Chrestiens, lesquels mon frere Ferragus sous ombre d'assurance & loyauté à fait passer la mer & puis les à bonté en vne châtre obscure & villaine, & par grand despit leur à la mort iurée, s'ils ne veulent leur loy renoncet. Helas ma chere sœur, il est vray que des deux cheualiers i'e deuois auoir vn en mariage, qui dessus tous les hommes viuans est le plus beau, le plus vaillant & plus hardy, & qui par force d'armes a mon amour conquise, si me vueillez conseil-
 ler dame, ie vous en prie: car i'en ay bon mestier, & me monstrez la chrestienne laquelle vous auez en ce-
 ste

ste maison si longuement gardee. Belle seur, dist la Royne, icy la pouuez voir. Lors parla Bellissant en disant. Dame, que vous plaist-il, dites vostre volôté: car j'ay grand desir de vous ouyr parler. Helas! dame, ie vous apporte nouuelles, desquelles moult serez ioyeuse, & tantost apres dolente & desplaisante. Sçachez de certain que de vostre estat & de vostre vie ie cognois la verité certaine: car vous estes seur au Roy Pepin, & femme à l'Empereur de Grece, lequel à tort, & sans raison, de son royaume vous a bannie & dechassée, & tantost apres en vne forest moult large vous enfantastes deux fils, d'un l'un fut osté d'une ourse sauvage, & l'autre vous ne sçavez comment il fut perdu. Or sont vos enfans encores en vie, & ie sçay le lieu ou trouuer vous les pourrez. A ces mors la Royne Bellissant cheut à terre pâmée de ioye & de pitié qu'elle eut, & Esclarmonde la leua doucement entre ses bras. Et quand elle fut releuée elle demanda à la pucelle comment elle pourroit telles nouuelles sçauoir. Adonc luy compta Esclarmonde le fait & la maniere comment le Roy Ferragus son frere, par fauce & maudite trahyson, les auoit mis & detenuit en prison. Et quand Bellissant entendit que ses deux enfans estoient en prison, ne demandez pas s'elle demena grand dueil: car tant piteusement se print à plover, que la femme de Ferragus est entrée en la salle, qui leur a demandé pourquoy elle demenoit si grand dueil. Et la belle Esclarmonde luy compta de point en point la cause & raison. Or dame, dist la femme de Ferragus, appaisez vous & ne faites de celle chose nul semblant: car si le Roy Ferragus le sçauoit, plustost pourroit la chose empirer qu'amender. Ainsi que les trois dames de ceste chose parloyêt, l'échâteur Pacolet entra dedans la salle (lequel n'estoit pas veu par la mer

auec

avec Ferragus : mais estoit venu par l'air avec son che-
ual de bois.) Et quād Esclarmode le vit dedans la sale,
piteusement se print à dire. Helas Pacolet mon amy
quel plaisir t'ay-ie fait, que si honteusement m'as vou-
lu oster & toillir mon soulas, & ma ioye. Las ie t'ay si
doucelement nourry & tenu à l'escolle; ie t'ay fait appré-
dre tout le bien & la science que j'ay peu, dequoy tu
m'as bien mal guerdonnee, quand de mon frere Ferra-
gus tu ne m'as voulu dire ne declarer la cruelle entre-
prinse, bien me disoit le cœur que dolente en serois,
& bien cause y auoit : & bien penser y deuois quād sās
mon congé & ma licence tu allas en Portugal porter
les nouuelles. Dame, dist Pacolet, contre moy ne foyez
courroucee: car par le Dieu en qui ie croy, de vostre
frere Ferragus point ne scaurois la trahison, ne de son
courage rien ne m'auoit dit, fors que pour vostre bien
& honneur, & pour vous faire espouser au noble che-
ualier Valentin. Il vous deuoit venir voir à tout, moult
belle compagnie, mais puis qu'il est ainsi que par trahi-
son il a voulu ouurer, ie vous promets par ma loy que
i'y mettray remede si bien qu'en brief vous en ferez
vengee, & si vous iure que vous & valentin de ceste
henre vous seruiray loyalement tout le temps de ma
vie. Amy dist Bellissant si tu pouuois tant faire que mes
deux enfans hors de prison tu puisses mettre & ietter,
iamais iour de ma vie ne te voudrois faillir, & te pro-
metz qu'ils sont assez puissans pour bien te payer &
guerdonner de ta peine. Dame, dist Pacolet, foyez io-
yeuse & prenez en vous reconfort: car en peu de temps
i'y besongneray & ouureray si subtilement de mon art,
que de ma personne vous ferez bien contente.

*Comment Pacolet, par son sort deliura Valentin &
Orson des prisons de Ferragus, & les mist hors
de sa terre avec leur mere Bellissant
& Esclarmonde.*

PAr Pacolet l'enchanteur, la belle Esclarmonde & la Roynne Bellissant, furent de leur grand dueil recomfortees, & fit grand diligence. Quand le Roy Ferragus & ceux de sa court, qui de dancier & de iouer furēt fort trauaillees, si s'en allerent dormir & reposer. Or Pacolet ne dormir pas: mais fut moult esueillé, & appliqua son sort de son mestier: puis s'en vint en vne tour, dont les portes estoient de fin acier, grosses & espaisles, & fermement fertees: mais tout aussi tost qu'il en eut só fort ietté, les portes se sont ouuertes, & les serrures rompues: puis Pacolet est entré iusques à l'huis de la fosse, ou estoient les enfans, & tout aussi tost qu'il à touché l'huis, il à esté ouuert & rōpu comme l'autre porte. Et quand les enfans qui en la fosse estoient en grand destresse, ouyrent les portes, à iointes mains & à deux genoux à terre se mirent & deuotement à Dieu mecryerent: car bien cuidoyent que le Geant Ferragus luy enuoyast querir à celle heure pour les faire mourir. Valentin se print à plourer tendrement, & Orson luy dist: Prenez en vous recomfort & patience, il nous conuiēt mourir & deffiner noz iours ie le voy clairement: mais puis qu'ainsi est que remede ne voy, ie me pense venger deuant que ie meure du premier qui la main mettra à moy. Lors Orson print vne grosse barre qn'au plus pres de luy estoit. Et quand Pacolet les aduifa il leur dist ainsi. Seigneurs pour moy n'ayez nulle doute: car pour vostre deliorance ie suis icy venu. Venez tost apres moy: car deuant que le iour soit clair ie vous monstre-

ray la mere, qui vous a porté. Moult fut ioyeux valentin quand il doyut Pacolet ainsi parler. Mais Orson qui fierement regarda, ne si voulut fier. Et quand Pacolet vit Orson qui si fierement le regardoit, il se recula de luy de la grand' peur & crainte qu'il eut. Mais Valentin le reconforta moult doucement & de son frere luy donna assurance. Adonc Pacolet les mena & conduisit iusques à la chambre ou estoient les dames dolentes & explourées. Les portes estoient closes : mais bien les sceut ouvrir : puis sont entrez dedans la maison ou Pacolet a ietté son sort, que tous ceux de la maison a fait dormir si fort que de leur venue n'a sceut nulles nouvelles. Et quand ils furent dans la chambre entrez : les dames qui là estoient, coururent deuant la Roïne Bellissant que les enfans regarda sans qu'elle sceust un mot dire à, terre cheut pasmee, & la belle Esclarmonde a dit à Valentin piteusement. Helas chevalier c'est vostre mere, qui pour l'amour de vous à terre s'est pasmee, adonc valentin l'embrassa & la leva, & Orson doucement entre ses bras l'acolla en disant. Douce mere, helas, parlez à moy. Lors la baïsa qui mot ne sceut dire, & de pitié furent les trois tellement au cœur frappez, qu'à terre cheurent pasmez moult longuement. Pour leur pitié ploura tendrement Esclarmonde. Et quand la dame Bellissant & les enfans furent releuez, la mere leur dist en plourant. Helas enfans pour vostre amour, j'ay souffert & enduré plus de peine, d'angoisse, & de douleur, que jamais pauvre femme pourroit soustenir. Et de tous mes regrets vous estes le seul souuenir, & puis que Dieu vous a par sa diuine grace & puissance en telle maniere sauuez, qu'une fois en ma vie ie vous voy entre mes bras, de toutes mes douleurs ie suis recóforté. Mais

dites

dites moy & me declarez cōment, & par quelle maniere depuis le temps que ie vous enfantay, vous auez esté nourris & gouuernez, & en quel pays & de quel gens vous auez estez entremis: car d'en sçauoir la verité i'ay moult grand desir, & grād'volonté en mō cœur. Adonc Valentin regardāt sa mere la Roynes Bellissant, en piteuses parolles il luy a dit & racōpté de leur fait, & gouuernement la verité. Et comment au bois ils furent trouuez, en luy declarant les fortunes & perilleuses aduentures ausquelles ils auoyent esté tout le tēps de leur vie, iusques à l'heure presente. Et quand Valentin eut la parolle finée, la Roynes Bellissant qui cogneut clairement qu'ils estoient ses propres enfans, fut d'amour si naturelle si profondement esprinse que plus que deuant en grand'abondance de larmes iettāt à terre fut pāsmee. Lors Pacolet qu'en la chambre estoit leur a dit hautement. Dame laissez se plourer & pensez de partir de ce lieu: car il est temps de nous en aller hors de Portugal, si du Roy Ferragus & de sa subiectiō voulez estre deliuree. Helas dist Escclarmonde mon amy Valentin, bien vous doit souuenir maintenant du serment & de la promesse que m'auez faite. Tenez moy conuenant & me prenez à femme ainsi que m'auez promis. Dame, dist Valentin, de ma loyauté n'ayez doute: car ce que de bō cœur vous ay promis vueil loyallēmēt tenir. Mais pour le present plus me touche au cœur amour naturelle de ma mere, que i'ay tant quise que toutes les autres plaissances du monde. Non pourtant, ma mye ne vous doutez: car iamais ie n'espere ne ie n'ay volonté d'auoir autre que vous pour femme & pour espouse. Sur ces paroiles vint Orson, & dist à Pacolet que la chambre de Ferragus allast tantost ouurer, & que de ses deux mains il occi-

roit

roit & prendroit de luy vengeance. Orson dist Pacolet, à cela ne vous veuX faillir, or venez avec moy & vous portez vaillant: car tout à vostre volonté en la châtre de Ferragus ie vous feray entrer. Seigneurs dist la belle Escarmode laissez vostre folle entreprinse. Car iamais en iour de ma vie la mort de mon frere ie ne voudrois consentir. Et si vous dy bien seuremēt que quand vous l'aurez fait mourir vous auriez perdu l'amour & l'acointance de mon frere le Verd cheualier, lequel en plusieurs choses vous peut ayder & secourir. Par ma foy dist Valentin vous diētes verité, & plus sagement que nous vous parlez: car de la mort de vostre frere ne deuez estre coupable. A celle heure partirent de la cité & Pacolet alla deuant qui les portes leur ouurit, si doucement que nul n'en sceut nouuelle. Puis les mena hors de la cité & tout droict les conduict & dressa, tāt qu'ils arriuerent sur le port de la mer, & monterent sur vne galere que pour les receuoit estoit preste & appareillee. Ils eurent vent à gré & fut la mer paisible & douce, tant que tantost arriuerent au chasteau d'Escarmode. Et adonc prindrent terre pour eux reffraischir. Mais le noble cheualier valentin comme sage, & aussi que de Ferragus il se doutoit tousiours dedans le chasteau n'a pas voulu longuement demourer: mais est retourné vers le port & a dit aux mariniers que leurs galeres fussent prestes, & que de ce lieu ils vouloyēt partir, & puis est retourné au chasteau sans faire nul semblāt. Puis a dit à sa mere Bellissāt & à la pucelle Escarmode, qu'il vouloit aller en Grece deuers Constantinoble, pour voir son pere l'Empereur Alexandre, qui a tort & sans cause sa mere auoit d'auec luy bannie. A sa volonté furent obeissantes les deux dames, & aussi furent Orson & Pacolet. Adonc monterent sur la

mer

mer pour parfaire & accóplir leur voyage. Le iour fut clair & s'approcha l'heure que le charrier du chasteau de Ferragus auoit de coustume d'aller voir ses prisonniers. Il alla vers la grosse tour, & porta pain & eau pour leur donner a boire & a mager. Quand il fut aux portes de la prison qui toutes ouuertes estoient : Il vit, que les prisonniers s'en estoient allez. Lors retourna haultuémēt deuers le Roy Ferragus, & luy a dit en grād effroy. Sire mercy ie vous demande, car en ceste nuict, i'ay perdu les deux cheualiers Chrestíes, que vous m'auiez donnez en garde. Et disant ces parolles il vint là vn autre messager, qui deuant tous haultemēt dist, puissant Roy Ferragus trop grād meschef est en ceste nuict aduenu ceans; car vous avez perdue vostre Chrestienne, que tant longuement & si cherement avez gardee & nourrie en vostre maison. Et que plus est la chose qui plus vous doit desplaire, c'est qu'elle emmene avec elle vostre belle sœur Escclarmonde que si cherement teniez. Quand Ferragus entendit ces nouvelles, comme enragé se print à crier, & ses habits destrompre furieusement. Et en grand'ire fist les gens armer & saillir hors des portes. Lors a prins vne massüe grande & pesante, & deuant tous les autres est sailli hors des portes sans cheual: car tāt estoit grād & pesant qu'à peine pouuoit il trouuer cheual qui le peut porter. La geste auoit grosse & les cheueux noirs & roides, ainsi que porcs sauages, & les bras gros mossu, & les espaules larges, de iambes & de corps portoit stature de treize pieds de long, quand il fut hors de la ville il appella ses gés pour l'accompagner, & se mist en chemin pour trouuer qui emmeine la sœur, & à tous ceux qu'il trouuoit parmy le chemin, en demandoit nouvelles: mais nul ne luy en scauoit rié dire: car Racolet scauoit tant bien iouër de

de son art quand il vouloit, que par là ou il passoit faisoit dormir les gens. Et quand Ferragus vit qu'il n'en pouuoit auoir nouvelles. Il a iuré Mahom que le chasteau de sa sœur Esclarmonde assiegera; car bié il se pésa de les trouuer dedás. Lors fist telle diligence qu'à l'aube du iour le lendemain au matin au chasteau de sa sœur Esclarmode, arriua pour trouuer Valétiñ & Orson avec les dames, qui outre sō courage de sō chasteau estoýēt eschappees: mais auant il ouyt qu'ils estoýent partis du lieu & mōtez sur la mer, il fut enragé & plein d'ire. Et a iuré ses dieux qu'il trouuera Esclarmonde & ceux de sa cōpagnie, ou toute la Chrestienté aura moult à souffrir.

*Comment le Roy Ferragus pour auoir vengeance de
Valentin & de sa sœur Esclarmonde, fist
assembler tous ceux de sa terre: Et
comment il descendit en
Aquitaine.*

Q Vand Ferragus le geant vit qu'il ne peut trouuer Valentin & Orson, lesquels sa sœur & leur mere luy auoyent osté & emmené hors de sa terre, il a iuré & promis à ses dieux, qu'il en prendra vengeance dessus les Chrestiens. Et pour ceste cause manda par toute sa terre, que ceux qui estoýent tenus de luy faire obeyssance sans dilation, fussent en armes appareillez à cōparoir deuant luy, pour monter dessus la mer pour aller contre les Chrestiens. Le cry fut tantost fait par toute la terre de Ferragus, & par ses heraux messagers fut de gens d'armes grand multitude assemblez, & moult grand nombre à son ost amassa. Ils monterent sur la mer & mirent les voilles au vent qui leur fut bon. Et quand ils furent sur la mer montez, le Roy Ferragus

commanda aux gouuerneurs des nauires qu'ils tirassent vers la cité d'Aquitaine: car il pensoit bien en ce lieu trouuer ceux par qui il estoit party. Ainsi firent les patrons, & tant firent de chemin qu'ils vindrent arriues sur la terre d'Aquitaine. Valentin & Orson qui sur la mer estoient, ainsi comme deuant auez oüy, entreront dedans la cité d'Aquitaine & sans faire mention de leur estat à nul homme vivant, ainsi comme gens passans à l'hostel d'un riche bourgeois se logerent, & vouloit bien aller Valentin au palais du Duc Sauary: mais Orson qui de grand'curiosité s'aduisa, dist à son frere Valentin en ceste maniere, frere ie me suis aduisé en pensant à par moy, que la nature & volonté d'une femme est legere & variable & tantost changée. Et pour ceste cause ie suis deliberé que nulle mention ne soit faicte de nostre venue, iusques à tant que ie puisse cognoistre par aucun signe euidet de la belle Fezonne, qui tant me reclamoit son cher amy, s'elle aura chagé son courage. Frere dist Valentin, vous ne dictes que bien & si faire le pouvez ce sera subtilement ouuré. Adoné s'abilla Orson en habit de chevalier qui quiert ses aduētures, & prit avec luy pour esleuer le petit Pacolet, puis alla vers le palais & entra en la salle du duc d'Aquitaine, par la licence des gardes. Quand il fut deuant luy il le salua, & luy fist la reuerēce telle qui luy appartenoit. Pour telle chose il estoit sage & bien appris. Et quand il eut salué le regarda fort & luy sembla Orson: mais pourtant qui parloit il ne le cogneut point & plus n'y pensa: mais luy dit chevalier dictes moy qui vous meine. Franc Duc dist Orson ie suis vn cheualier aduenteux, qui volontiers trouueroye maniere de m'adventurer pour bon & loyal service de mon corps faire. Cheualier dist le Duc vous estes grand & beau & me semble

que

que vous deuez estre en armes vaillât & hardy. Et pour-
tant se vous me voulez seruir, ie vous-donneray tels
gages que vous serez content. Et pourrez tant faire à
mon gré & plaisir deuant que de moy despartez, que sur
tout vostre lignage ie vous feray riche & en grand hon-
neur, grand mercy dist Orson ie le desseruiray & tant
feray que vous pourrez cognoistre la loyauté de moy en
ma pauvre puissance. Cheualier dist le Duc, de ma
Cour ie vous retiens & pour la grand' fiance que i'ay en
vostre seruite, cent liures parisis deuant que plus outre
me seruiez ie vous feray deliurer, tant fut Orson sage &
bien apprint en maniere & contenance que pour la
proude & sagesse de luy, en son palais, à dîner le retint
auec ses cheualiers. Et quand il fut à table tant fut sa
maniere fort plaisante, & contenance à tous agreable,
que des cheualiers fut bien regardé & sur toutes choses
des dames & damoiselles fut aduisé, là fut la belle Fezō-
ne laquelle estoit sa femme iuree, qui pour la grand'
beauté de luy fut en grand' melancholie: mais iamais ne se
pensast que ce fut Orson: car chargé estoit d'habit & de
langage, en ceste maniere disna Orson en la Cour du
Duc Saury, & quand vint apres dîner le Duc appella
son tresorier, & luy fist deliurer cent liures parisis com-
me promis luy auoit, & Orson print congé de luy pour
celle heure, en le remerciant de sa noble largesse en luy
promettant la foy de loyallment le seruire en sa necessi-
té, & puis s'en retourna au logis où les nobles dames
estoyent qui l'attendoient, & quand il fut deuerselles
venu, il leur dit & racōta cōment le Duc d'Aquitaine
en grand honneur pour souldoyer l'auoit retenu, & à ses
gages, dont moult se prindrent à rire & demener grand
ioye. Or aduint en celle sepmaine que le Duc d'Aqui-
taine eut certaines nouuelles du Roy Ferragus, qui

pour luy faire la guerre estoit descendu. Il manda tous ses subiects: Barons & Cheualiers qui pour le secourir tantost fussent venus tous prests & appareillez de faire bataille. Besoing en dist, puis des chairs & des bleds fut la cité garnie & remplie en moult grand'abondance, & fist les gens d'armes de tous les pays venir & assembler pour son pays deffence, & la cité d'Aquitaine garder contre le Roy Ferragus, lequel en celle sepmaine mist son siege deuant Aquitaine, au propre champ où le Verd Cheualier son frere auoit son pavillon assis quand par Orson fut vaincu. Grād & large à mouvelles fut le siege des Payens & Sarrazins, & moult grand domage porterent en la terre d'Aquitaine à leur arriuee, & si tindrent le pays en grand' subiection, & moult longuement, par tout où ils peurent auoir domination, & bien pensoyent entr'eux de conquerir tout le pays & tous les Chrestiens destruire: mais le noble Duc d'Aquitaine, lequel fust moult hardy & vaillant, fist ses gens armer en grād & notable cōpagnie de Barons & Cheualiers pour payens cōbattere & leur siege leuer, & hors d'Aquitaine saillir. Et entre les autres Valentin & Orsō avec le petit Pacolet, qui sans bruit faire n'a nulle cognoissance, entrerent parmy l'ost d'Aquitaine. Or forent celuy iour en la cité d'Aquitaine plusieurs nobles cheualiers Chresties sur les champs en armes, pour le Roy Ferragus combattre: quand le bon Duc d'Aquitaine vist l'ost des Payens, qui estoit moult fort grand & large, à Dieu se recommanda de tout son cœur puis a fait ordonner ses batailles & sonner tropettes & sur les Sarrazins est allé arriuer, qui fietemēt & de courage fort orgueilleux escōtre eux marcherēt. A ce iour fut deuant Aquitaine bataille moult piteuse, & mourut de vaillans cheualiers & gens de tous estats, tant que le sang parmy le

champ

champ couroit comme vne riuere. Le geant Ferragus entra en la bataille au plus pres de son neueu Dromadian, qui sa banniere portoit. Autour de luy estoient moult de Sarrazins à grand puissance pour le geant defendre, qui frapperent sur les Chrestiens si grans & si merueilleux assaux, que à celle heure ils iuerent & mirent à mort six vaillans cheualiers, c'est assauoir Baudiman, Baudri, Gautier, Geleran, Anthoyne le bon mareschal, & le hardy Glorian, qui tous estoient prochains du Duc d'Aquitaine. Tant furent Chrestiens par si merueilleux assaux durement assaillis, qu'ils furent contrains de reculer, & le bon Duc d'Aquitaine fut enclos d'enemis, qui tout seul demoura sans nul secours auoir lequel faisoit telle vaillance d'armes, que nul deuant son corps n'osoit point arrester. Il crie le bon Duc d'Aquitaine contre les faux & maudits Sarrazins: mais rien ne luy valut sa proiessse, que tantost que Ferragus le geant le cogneut, il alla deuers luy & puis le print & l'emmena. Et quand il l'eut en sa subiection il le fist moult bien & estroictement lier & deuers son pavillon le mener, qui moult estoit riche & plaissant, & là le fit biē garder. Puis retourna Ferragus en la bataille deuers les Chrestiens: mais tant fut la iournee pour les Chrestiens dolente & piteuse que pour la perte de leur bō maistre il vouloyēt tous prendre la fuite. Lors Valentin & Orson leur vindrent au deuant en criant hautement. Vaillans cheualiers d'Aquitaine montrez vostre cheualerie: car defaillir à ce besoing reproche vous seroit moult grand' ayez hardi courage & bō cœur & Dieu vous aydera. Ansi reconforterent les deux cheualiers le peuple d'Aquitaine, qui de peur estoient pres de fuyr, en telle maniere que Chrestiens sont contre Sarrazins retourncz, & commēcerēt la bataille plus fort que deuant. Les nouvelles furēt

deuant

deuant Aquitaine du Duc qui estoit prisonnier , & grands & petits plourerēt pour sa doulente prinse, mais sur toutes autres douleurs estoit incomparable & piteuse la complaincte de Fezonne, qui en tourdāt ses mains & tirant ses cheueux plus que fin or reluisans disant en soupirant du cœur, & des yeux iettant larmes de doulleur. Las! pauvre doulēte que t'est il adoueu, ores tu es la plus mal fortunée qui soit dessus la terre. Helas mon trescher pere or vous faut il mourir : car des mains des faux Sarrazins vous ne pourrez partir n'eschapper. A Dieu ie vous dy mō doux & trescher pere, iamaïs ne verray, mais ie demorreray icy seulette & despouruee comme pauvre orpheline, loing de toute plaïssance ores de desconfort amer & douloureux. Helas Orson mon bon & loyal amy , vostre longue demeure me doit biē ennuyer au cœur: car si vous fussiez icy present, par vous fust deliuré mon pere qui tant est doulent. Et en ceste maniere plouroit & gémissoit la belle plaïssante Fezonne. Et Chrestiens & Sarrazins sur les champs se combattirent moult outrageusement. La bataille tant longuement dura, que des morts & de naurez toute la terre fut couuerte. Or fut le noble & vaillant cheualier Valentin à tout l'espee fourbie , qui de Sarrazins faisoit si grand' occision, que nul tant fust si hardi deuant luy n'osoit demeurer. Et Orson fut de l'autre part , lequel iura à Dieu & à ses saincts, que parmy la bataille il desfineroit ses iours , ou il iroit querir le Duc d'Aquitaine dedans la tente du Geant Ferragus. Pacolet fut aupres de luy qui bon confort luy à promis & bon secours , & luy à iuré par son Dieu qu'à son besoing ne luy faudra. Adonc Orson frappa des esperons , & entré parmy les Sarrazins si fierement & sans arrester que la bataille à tōpue & tout outrepassee, & quād luy & Pacolet eurent

la

la bataille outrepassee, ils ietterent leurs armes bas à terre, & pendirent à leurs cols escus de Sarrazins, ou l'image de Mahom estoit enseigné, puis s'en allerent au pavillon du Geant Ferragus, sans que nul leur fist contredit: car Pacolet sçauoit moult bien parler leur langage. Ils entrerent aux tentes pour le bon Duc r'auoir mais quand Pacolet vit que trop y auoit de payés qui le gardoyent, il alla iouer de son sort si bien & si abillemée que tous les a fait pour le tēps coucher & endormir. Et quand ils furēt tous endormis, Orson vint au Duc d'Aquitaine, & luy dist. Franc Duc, venez avec moy, & mōtez sur le cheual sans faire nulle demeure: car des mains de Ferragus ie vous deliureray. Ie suis le cheualier qui dedās vostre sale vous demanday gages le iour que me dōnastes cent liures, n'ayez des Payens nulle doute: car sans danger en vostre ost vous meneray. Cheualier, dist le Duc, vous soyez le bien venu, qui hors de seruage me iettez & deliurez hors de mes ennemis mortels. Et pour le bon seruice qu'aujourd'huy vous me faites, pour guerdon & loyer ie vous donneray ma fille la belle Fezonne, en mariage. Ie l'auois donnee il n'a pas long temps à vn cheualier qu'estoit moult sauvage, qui nul langage ne parloit: mais puis qu'il n'est deuers moy reuenu, sa longue demeure luy portera dommage. Ie vous donne ma fille: car bien l'avez gaignee, & si aurez avec elle pour le mariage la moitié de la noble terre d'Aquitaine. Grand mercy dist le cheualier, tel don n'est pas à refuser: mais pensons de faire diligence pour eschapper de ce lieu: & retourner en vostre ostage. Adonc les trois champions. Le Duc d'Aquitaine, Orson, & Pacolet, ont prins armes des Sarrazins & parmy l'ost ont passé, sans qu'ils ayēt esté de nuls cogneus: & sont à leur ost retourné à sauueté. Celuy temps durant qu'Orson

alla deuers le Duc d'Aquitaine, Valentin qu'estoit parmy la bataille demanda à plusieurs ou estoit son frere: mais nul ne luy sçauoit dire responce, dont le noble Valentin fut moult doulét & au cœur moult courroucé: car il cuidoit qu'il fut demouré parmy la bataille, dequoy il ietta maints piteux cris, disant. Helas or suis-je de tous points surprins d'intollerable fortune amere, & bié sont toutes mes ioyes en sospirs & destresse changees & conuerties, quand j'ay perdu mon amy principal, la fleur de tout mon confort & l'espoir de toute ma vie. Helas beau frere Orson, or vous ay-je perdu par les faux Sarrazins: car ie sçay que vostre vaillance & hardiesse a esté cause de vostre mort abrèger: car tant de vous ie cognois que plus cher auez aymé par vaillance mourir que de viure en vergoigne. Las vaillant frere Orson, en peine & en destresse au bois ie vous conquis, & depuis vous ay gardé en peril & danger. Alors que ie pensois de vous auoir lieste & soulas, vous estes de moy séparé & desparti: mais puis qu'il est ainsi que de vous ie ne puis auoir nulles nouuelles en maniere quelconque. Ie iure & promets à Dieu, que de bref sçauray ou vous estes & vous trouueray mort ou vif, ou vostre amour sera cause de me donner la mort prochaine. A ces paroles douloureuses entra Valentin en la bataille, & ainsi qu'un homme desconforté, & chargé de melancholie en sa main tient l'espee de fin acier, & de son corps monstra telle cheualerie que sans arrester nulle part, cinq ou six Sarrazins a jetté mort par terre, & en faisant ceste prouesse le Geant Ferragus le cogneut & alla auprès de Valentin, & de si pres le tint & tellement le contraingnit que deuât tous avec luy l'emporta: car son cheual fut mort dessous luy. Ferragus le geant faisoit dement lier Valentin, & a iuré tous ces dieux qu'il en prendroit

prendroit vengeance: mais il ne fist pas du tout à sa volonté: car ainsi qu'il emportoit parmy le champ, Orson, Pacolet, & le Duc Sauary le rencontrent. Lors dist le vaillant Duc, regardez le faux Payen, qui nostre loy & nos gens veut mettre à destruction, il emporte avec luy vn de nos Cheualiers estroitement lié. Par Dieu dist Orson, si nous sommes vaillans il ne nous doit pas eschapper. Lors il frappa des esperons & alla deuers le faux Payen & maudit Geant, auquel il bailla tel coup de lance que luy & Valentin à iettez par terre, & le Geant qui fort & puissant fut sur ses pieds se releua & laissa Valentin, qui de grand peur commença à fuyr. Et Orson luy à crié, frere retournez arriere & n'ayez doute. Adonc Valentin retourna vers luy, lequel luy conquist vn cheual & dessus il monta. Et Pacolet qui fut parmy l'ost, en langage Sarrazin, moult hautement crie Portugal le meilleur. Et le cry faisant, passa la bataille & vint en l'ost des Chrestiens. Et ainsi furent tous mis hors des mains de leurs ennemis. Et quand les Chrestiens virent que le Duc estoit deliuré leur courage creut & doubla leur force, & tant furent ioyeux, que tous à vne voix, crierent hautement, Viue Aquitaine. Et en menant ce bruit courent sur les Payens, & de si grād' force & vigueur les assaillirēt, que le Geant Ferragus, après qu'il eut perdu grād nōbre de ses gens par forces d'armes, fut contant de s'en retraire & à son siege leué & reculé. On fist sonner hautement trompettes & clairons. Et les gens d'armes retournerent dedās Aquitaine pour eux refreschir & reposer, à celuy iour que les Chrestiens & Sarrazins se cōbattirēt, il y eut si grand occision & si grand meurtre fait que de nombrer les corps seroit chose piteuse. Au retour de la bataille Valentin & Pacolet s'en retournerent en leur

logis,

logis,& Orson s'en alla au Palais avec le Duc Savary & tous les autres cheualiers. Quand le Duc d'Aquitaine fut à son palais retourné, il manda tous les Princes & Seigneurs de sa cour,& sa fille la belle Fezonne: puis appella Orson & luy demanda comment il auoit nom. Et Orson fût subtil,& dist. Sire i'ay nom Richef. Lors à dit le Duc hautement deuant tous. Sachez de vray que sur tous cheualiers ie suis tenu, si veux que l'honneur soit fait à cestuy que vous voyez icy en presence: car par luy ie suis retourné en Aquitaine,& ay esté deliuré de mon aduersaire & mortel ennemy,& vous ma fille c'est mon desir & volonté que vous ayez en mariage cestuy vaillant cheualier: car sur tous les autres ie le tiens & puis tenir le plus vaillât & excellēt & pour la grand prouesse que vers moy il à monsté, ie luy ay en guerdō vostre gent corps promis. Et que par loy de mariage à luy serez espousee, biē le deuez aymer par dessus tous les autres, quand tant à vostre pere aymé que la vie luy à sauuee. A l'opinion du Duc furent consentās les Barons & cheualiers de la Cour,& disoyent par commun accord que le cheualier estoit bien digne d'auoir la belle en mariage, qui si grād prouesse auoit fait: mais Orsō qui fut en presence ne voulut sur ce fait son opiniō declairer, iusques à tant qu'il eust essayé le courage & la volōté de la belle Fezōne, ainsi que par deuāt il auoit entreprins de faire.

*Comment Orson voulut essayer la volonté &
loyauté de la belle Fezonne, deuant
qu'il espousast.*

ORson fut sage & subtil: car deuant qu'il espousast la belle Fezonne, il voulut essayer & scauoir s'elle estoit pour sa foy garder ferme & loyalle: car

car bien souuent auoit ouy dire que femmes pour bien
 peu leur serment & promesses rompent & faucent:
 mais combien que plusieurs soyent de telle nature tou-
 tesfoi le vice des mauuaises si ne doit point estre prins
 à allegue pour corrompre la loyauté des bonnes: car par-
 my vn buisson d'espins, on trouue bien vne rose flou-
 rie, & aussi entre plusieurs femmes mauuaises, on en
 poult bien vne bonne trouuer. Ainsi que fut Fezône la-
 quelle Orson trouua loyalle: car pour l'essayer il a dit au
 Duc en ceste maniere. Sire de l'honneur que vous me
 faites, si vous ie deu de graces vous rendre: mais au regard
 de vostre fille ie voudrois bien sçauoir sa volonté: car
 bien luy appartient d'auoir homme de plus haut lieu
 que moy, & pourtant deuant que ie la preigne ie par-
 leray à elle pour sçauoir son couraige. Car mariage fait
 outre volonté, ne vient pas volontiers à perfection.
 Cheualier dist le Duc d'Aguiraine de ce auez bonse rai-
 son, & ie le vous accorde. Or allez en sa chambre li par-
 lerez à elle, afin que vous soyiez de son fait mieux in-
 formé. A ces mots Orson entra en la chambre de Fezône
 & s'assit apres d'elle. Et puis la prinse par la main, &
 luy a dit doucement. Dame la grand beauté de vous m'a
 d'amours si espris, que sans vous ie ne puis auoir, a-
 legement, ni soit Dieu loüé quand il luy a pleu telle
 grace me faire, que pour femme me soyiez donnee: car
 bien me pourrois vanter que de toutes i'auray la plus
 belle amye, & puis qu'il plust au Duc vostre pere, que
 vous m'ayez pour mary, bien deuez par raison estre
 edreente: car ie vous seruiray & tiendray parfaite loy-
 auté durant tout le temps de ma vie. Si vous prie quel-
 chere & tresaymee Dame, que pour auoir l'un de l'aut-
 re plus grand & plus ardent souuenir, ie vous re-
 quiers qu'à ceste heure presente vous me baitez & en-

brassez, & ne me vueillez esconduire de l'amoureuse
 requeste ie vous en prie: car puis que pour le temps ad-
 uenir de vous estre assemblez de volõte faire ne me de-
 vez refuser. Cheualier respõd la belle Fezõne, qui bien
 estoit apprinse, de telles choses requerrit vous vous de-
 uiez retraire: car vous perdez vostre peine, l'ayme tous
 cheualiers & gens de noble affaire en biẽ & honneur:
 mais dessus tous les autres l'ayme vn & celuy veul ay-
 mer, & luy tenir promesse & loyante ainsi que luy ay
 iurẽ, ne jamais pour autre ne le doy changer: n'oublier.
 Belle dist Orson, quand il plaist à vostre pere c'est bien
 raison & droict qu'il vous plaise. Sire dist la pucelle,
 c'est biẽ raison qu'à m'õseigneur mon pere ie doy ob-
 beyr: mais s'il aduiẽt qu'à telle chose me contraigne, &
 qu'il me vueille à autre donner qu'à celuy qui conquist
 le Verd cheualier, plus tost de luy me departirois sans
 rien emporter, plus tost que de ma foy passer. Par Dieu
 dame, dist Orson, ie suis moult esmerueille cõment de
 celuy cheualier estes tant amõdoreuse: car vous scauez
 qu'il est de sauvage nature; & si ne scait parler ne dire
 vn seul mot: parquoy il vous puisse resõdyr ne la volõ-
 tẽ dire. Sire, dist la Dame, vraye amour m'a prẽs à l'ai-
 mer naturellement: on dit souuent que la chose qui plaist
 est à demie vendue. Parquoy franc cheualier à moy n'a
 plus de fiance: car i'amaïs en ma vie celuy ne change-
 ray à qui i'ay ma foy promise: moult fut Orson ioyeux de
 la sagesse de Fezõne que telle responce luy donna, non
 pourtant il fist maniere que mal cõtent estoit, & se par-
 tit de la chambre sans d'elle pẽdre cõgẽ, & s'en alla
 vers le Duc, & luy dist. Franc Duc sachez que se vlong
 de voir vostre fille: mais elle m'a donẽ pour respõce si-
 nale que jamais iour de sa vie pour nul qui parloit luy
 en fache, autre ne prendra pour mary que celuy qui con-
 quist

qu'il le Verd cheualier. Cheualier, dist le Duc, de sa
 responce de vous chaille, car en elle n'est pas de sa vo-
 lonté faire, soyez vn petit attendant & ne vous ennu-
 yez de rien: car aujour d'huy à ma fille ie parleray. Grâd
 morey dist Orson ie suis à vous tenu. Lors issit O. sô du
 palais & s'en alla au logis de son frere Valéin, auquel il
 sôtra la responce que luy auoit esté faite par la belle
 fezôn. Frere, dist Valentin, vous avez bié ouyré, & de
 tout vous doit suffire, car bié pouuez cognoistre la grâ-
 de loyauté & amour de quoy elle vous aime; mais ie
 veux que nous allions ensemble vous & moy vers le
 palais, car tantost que le Duc me verra, ie suis certain
 que moult bien serons receus. Frere, dist Orson, vostre
 vouloir s'en fait. Lors s'abilla Valéin & le para moult
 sicheuier, & Orson print le iacerâ lequel il auoit vestu,
 quâd premier vint en Aquitaine, & alleret au palais &
 avec eux menerent Pacolet qu'en toutes choses le ser-
 uois il s'entretet, dedâs la salle en laquelle estoit le Duc
 parlant à sa fille deuant plusieurs Barôs & nobles cheua-
 liers. Fille dist le Duc, dont vous viét celuy courage que
 m'a volonté ne voulez accomplir, & prédre en mariage
 & espousr celuy noble & vaillât cheualier que ie vous
 veux donner, en qui a tant de prouesse & renommee: car
 par la vaillance de luy i'ay osté deliure & ma vie sauuee.
 Helas pere dist la belle pucelle pourquoy m'en parlez
 vous car vous sçavez bié que i'ay baillé ma foy à celuy
 qui vous deliura du Verd cheualier, or y'ost il plus vil-
 lain reproche à creature vivante que de rompre sa foy
 & faillir son serment, & s'il aduient que par vous a-
 telle chose ie soye contraincte, vous serez cause de
 mettre mon ame en danger, qui vous sera reproche de-
 uant Dieu & deuant le monde, & ainsi que le Duc d'A-
 quitaine parloit à sa fille il vit arriuer Valentin &

Orson, lesquels en grand' humilité comme chevaliers controi les reçut, & de grand' ioye les accolâ & embrassa, & quand Orson eut le Duc salué, il alla deuers la belle Fezonne, qui de grand' ioye se print à souzrire: Helas dist-elle, bié soyez vous venu: car vostre demourée m'a esté trop ennuyeuse, & se vous ne fussiez venu, mon père me vouloit donner à vn autre chevalier que vous, qui pour m'auoir à pris moult grand' peine, & moult bien vous ressembloit de nez & de bouche: ma mye déspuis que ne vous vis: j'ay apprins à parler, & suis celuy qu'aujourd'huy en vne chambre d'amours vous'ay prié, & lors fut la Dame tant ioyeuse que raconter ne se vous scauroye, & Orson est entré en vne chambre qui celuy habit changea, & à prins robes & vestemens moult précieux qu'il auoit fait apporter par le petit Pacôter, puis entra en la salle. Et quand le Duc le recogneut il l'allâ embrasser doucement & luy dist. Beau fils vuezillez moy pardonner de ce que ie vouloye doner ma fille à vn autre qu'à vous, car bien pèsoye que vous ne deussiez iamais retourner. Sire dist Orson de bon cœur le vous pardonne. Lors leur demanda le Duc comment ils s'estoyēt portez, déspuis leur partemēt. Et Orson a compté deuant tous la fortune & aduenturē ou ils ont esté, & comment ils sont fils à l'Empereur de Grece nommé Alexandre, & à la sœur du Roy Pepin la belle Bellissant, laquelle ils ont trouuee en Portugal. Quand le Duc entendit que les deux vaillans chevaliers estoient de si haute maison extraicts, & de noble generation venus, il eut au cœur telle ioye que dire ne le scauroye. Lors a dit, Cheualiers moult estes dignes d'auoir grand honneur & grande renommee, quand de tous les Chrestiens vous estes les plus nobles extraicts & descendus, mais d'vne chose ie suis doulent & des-

plaisant,

alien,
em-
is la
tre-
no-
u-

plaisant; c'est de vostre pere l'Empereur de Grece & de vostre oncle le Roy Pepin, qui sont à Constantinoble par Payens & Sarrazins assiggez. & tanta duré leur guerre, que si Dieu de brief ne leur donés secours par l'assistance leur conuientra aux ennemis redre qui est chose mollepitouse. Quand Valentin ouyt que son pere & son oncle estoient en tel danger, il mena si grand dueil & si grand descōfort, que nul ne le peut rapaiser, & fut toutes choses plaingnoit le Roy Pepin, lequel l'auoit nourry. Lors Paolet luy a dit. Sire laissez ce dueil: car se croire me voulez deuant qu'il soit demain vespres, ie vous mettray dedans la cité de Constantinoble. Par Dieu dist Valentin, il est fol qui te croie, ou il faudroit que le diable l'y portast. Si dist Paolet, si vous voulez mourir dessus mon cheual & faire ce que ie diray, nous ferons arriuer en Grece deuant iour faillir. Paolet dist Valentin, à ces mots ie m'accorde. Car de nul autre chose mon cuer ne desire, tant que de voir mon pere lequel ie ne visons qu'es. A celle heure fut le cheualier Valentin delibéré de partir le lendemain au matin, pour aller à Constantinoble, & pour l'amour de la despartie, le Duc d'Aquitaine fist premier esponsor Orson à sa fille Bezonne, & fit faire les nopces que tant richement furent seruis, que le raconter seroit chose loūgue tant y eut de menestriers de clairs, & de trompettes, que du bruit qui menoyét, les Sarrazins l'oyant qui es leur ost estoient, qui moult furent doulés & desplaisans, le Duc d'Aquitaine fist en moult grand honneur amener au palais les deux Dames Bellissia & Eclairmonde. Lors y eut vne espie qui vis l'assemblée, & alla deuers le geant Ferragus & dist. Sire ie viens de la cité d'Aquitaine, ou j'ay veu la Roynie Bellissia laquelle vous aux gaidet, & vostre seur la belle Eclairmonde,

de, & les deux chevaliers qui de vus prisons sont asail-
lis, & le petit Pacolet, lequel vous a maouaisement tra-
hi. Par Mahomditt le geant Ferragus, ie doy bien estre
dopleru traître garnimé Pacolet, qui ain sur a fau-
meur de ce païs de ma souueraineté avec les Chrestiens
dumonde. Mais ie iure moi Dieu Maho, qu'en bref pe-
dray de Amy & de tous ses autres complices & adherens
bon vœgeage: car ie les feray tous en brief tēps mourir.
*Comment le Geant Ferragus pour avoir secours manda le
Roy Trompart, & l'encheantement Adamant. Et com-
ment Valentin partit de Aquitaine pour aller à Constantinople.*

Ferragus le faux Sarrazin fust moult courtois: &
plein d'ire, quand il vint que sa sœur & des ches-
tians il ne peut prédre tal vengeance. Lors appella un
heraut & print une lettre d'ocire qu'il auoit fait faire,
par laquelle lettres il mandoit au Roy. Tumpant
qu'il continet & sans attendre les lettres venues auant
fist vent deuers luy bien acompagné & engraiffé puis
faite d'autres au mieux qu'il pourroit, & si il estoit aim-
é que secours luy voulsist faire, il luy donerai pour ses
meilleurs esclarmes & avec ce il luy manda qu'il
alirait le prochain Roy Adamant, qui de l'isle de Tolte
cūe bien moult apprise que de jouir de Nigodonte
estoit enistre passé, ainsi furent les lettres faictes &
baillées au messager lequel s'en vint en chemin pour
faire & ennetiger. Si laisseray à parler de Ferragus & par-
leray de Valentin qui est dedans Aquitaine, où il pōnd
cogé des Baillours & des Dames & de la belle esclame
monde laquelle dedon despartement estoit moult de
plaisance, & luy manda Amy quand m'esposerez vous
vostre loial conuenant & enuez moy un cancan vous
est malade. *Sauoir. Belle dicit. Valentin de voye*

ne vous doutez: car toyal ie vous seray & si vous iure
& promets ma foy, que tout au plustost, qu'il plaira à
Dieu vous puissant que ie retourneray de Constantino-
ble sans nul seiour ne dilatiō ie vous espoſeray. Lors a
dit au Duc d'Aquitaine & à son frere Orson, Seigneurs
le vous laisseray m'amy. Esclarmonde en garde cōme
à mes bons & principaux amis: sur tous ie me confie, en
vous suppliant que le plustost que possible sera, vous
luy faciez bailler & administrer le saint sacrement de
baptême; & ne luy changez pas son nom, pour
autro luy donner: c'est ma volonté que tel nom porte.
Valentin dist le Duc d'Aquitaine d'ille n'ayc nul sou-
oy: car aussi cherement sera gardée que me propre fille
marcelle. Lors print congé Valentin du Duc qui pour
se despartir auoir le corps d'Orson, qui embrassa la belle
Esclarmonde, & en prenant congé la baisa deux fois
mais tant estoit la noble dame criste que parole ne luy
peut dire, dōt Valentin se print à plourer, & Orson print
cōgé de luy qui moult doucemēt luy dist, Frere ie prie
à Iesus Christ qu'il vous vueille garder & conduire, &
entre les autres choses ie vous prie humblement que
me recommandez à mō pere l'Empereur de Grace, & à
mō oncle le Roy Pepin: car s'il plaist à Dieu dedās brief
de temps ie les iray voir. Frere dist Valentin ie feray le
message pour vous ainsi comme pour moy. A ces mots
se despartirēt les deux freres d'ensēble, qui pour laisser
l'un l'autre auoyēt les cœurs doulens. Orson demoura
au palais, & Valentin retourna à son logis vers sa mere
Bellissā, qui estoit pour sō despartemēt au cœur moult
troublee. Et quād il vit que prest il estoit de partir, elle
l'embrassa cuidant prendre congé de luy, mais la vail-
lante Dame, le cœur eut si estraint quelle ne sceut
vn seul mot dire à son fils. Valentin le tint entre

ses bras en la reconfortant doucement : car combien
qu'il fust mortellement non pourtant il portoit sa tri-
stesse & le plus qu'il pouuoit le monstroit ioyeux pour
sa mere reconforter & resiouyr, à laquelle il a dit ses
parolles douces. Mere n'ayez peur de ma douleur ne
soucy, car s'il plaist à Iesus Christ mon createur de bref
me réuerrez. Pensés & ayez toujours vostre cuer en
Dieu, & priez pour moy : car en toutes mes prières &
surs il m'en souuendra, & sur tout ie vous recomen-
dant comme ie puis la belle Escharmonde, laquelle en
moy du tour se confie & loyauté me veult garder. Hier
les mon fils dist la Roynie Bellissant ie doy bien en toy
cuer sospirer & porter douleurs angoustes mais par
toy & par ta vaillance & hardiesse en a tant fait que le
iour viendra au plaisir de Iesus, que de mon occasion &
viuipere te seruy trouuee innocente & pure. Es quand tu
seras dedans la belle & noble cite de Constantinople
salue de par moy ton pere l'Empereur Alexandre, & son
oncle le vaillant Roy Popin son frere, & luy dis de pas
moy que ie prens sur la damnation de mon ame & que
faisant à nul iour de ma vie, au gré d'Iesus & viupere
dont ay esté accusée, culpable ie ne suis oncques. Et ce
à nul tant soit vaillant & hardi, veur entreprendre chas-
de bataille ou d'ite du contraire, combattra vous pour
moy & prenez la querelle car de vaincu vous estes ie
veux offrir mon corps à estre mis & broché viupera-
blement, par dedant tout le monde. Mere dist le noble
Valentin ne vous desconfiez point car s'il plaist à Dieu
tout puissant & à la Vierge Marie, en qui j'ay toutes
ma confiance, ie seray tant pour vous, que de d'ies
vous serez rendue & accordée à l'Empereur mon pe-
re, & que du tour qu'il vous a fait pardon, & m'excuse
vous demandera & requerra. A ces parolles patiens
d'ensem

Ensemble se menèrent grand dueil & grans pleurs, &
 en departir la Dame requist à Valentin son fils que la
 plustost qu'il pourroit qu'il luy renvoyast Pacolet, pour
 sçauoir des nouvelles. Valentin luy promist qu'ainsi le
 seroit, puis il entra en la chambre ou il trouua le petit
 Pacolet, lequel en attendant auoit son cheualet de bois
 appareillé, or sus dist Pacolet il est temps de cheminer,
 montez derriere moy & sans auoir peur ne crainte re-
 tenez moy fermement. Amy dist Valentin, cela feray-je
 bien. Lors monterent sur le cheual & Pacolet tourna la
 cheuille, si bresta & à point que le cheual, par l'air se leua.
 Et en celle nuit tant fist & despecha de chemin qu'il
 passa outre la mer, & par dessus plusieurs bois roches &
 chasteaux & grandes cités. Et si bien ils cheminerent
 que le lendemain deuant midy, ils apperçurent Constantinoble.
 Il demanda à Pacolet quelle place estoit, & il
 luy respondit que c'estoit la cité de Constantinoble, la
 laquelle vous auez si grand desir. Mout fut ioyeux le
 noble chevalier Valentin quand il se vit si pres, car tant
 bien l'auoit conduit Pacolet, que deuant l'heure de ves-
 pres en la cité, & à l'heure que l'Empereur & le Roy
 Pepin estoient dedans la salle imperiale assis pour souper.
 Pacolet qui Valentin amena se trouua dedans la sal-
 le, dont Valentin fut moult esmerueillé, quand il se vit
 deuant telle compagnie : lors Blandinain & le Verd
 chevalier qui en la salle estoient cogneurent Valentin,
 & moult grand feste luy firent. Et le Roy Pepin qui
 Valentin aduisa en soupirant dist à l'Empereur. Sire
 encor n'est pas failli nostre lignage : car vous pou-
 vez icy voir un moult vaillant chevalier lequel est vo-
 stre propre fil. Quand l'Empereur ouyt ces parolles
 toute la cour luy moua, & perdit maniere & conte-
 nance & se leua de la table pour son fil voir, baisier &
 embrasser

embrasser. Mais le Verd chevalier tant fort joyeux de
la venue de Valentin, que ce fut celui qui premier le
toucha & accolla. Apres le Roy Pepin son oncle, qui
Pensant Valentin accolla, & puis fut l'Empereur son
pere, qui de grand pitié moult de ioye & aussi moult
de tristesse pour la venue reuoyé, & pour la souuenan-
ce de sa femme pitieux & desconforté, son enfant print
entre les bras, & doucement le baissa. Et le vieillard Blanc
di main à la barbe fleurie cogneut le petit Pacoleuse
l'auoir veu en Portugal. Il vint par deuers luy & luy de-
manda des nouuelles de la bonne dame Bellissant, &
luy conta la maniere comment tout auoit esté fait, &
comment en plusieurs perils & dangers Valentin auoit
esté, pour auoir de l'Empereur & de sa mere cognoissan-
ce. Grand ioye & grand feste fut par tout le pays pour
la venue de Valentin fils de l'Empereur Alexad. C. Che-
ualiers arriuerent de toutes pars pour voir Valentin &
luy firent reuerence. Et ainsi que de dans la salle de l'Em-
pereur arriuerent plusieurs grans Seigneurs Barons &
Cheualiers. Valentin qui de grand hardiesse fut plein
parla en ceste maniere deuant toute la espagnole. Sei-
gneurs & cheualiers qu'icy estes presens de l'honneur &
reuerence qu'il vous plaist me faire. Je vous en rends
graces de ma puissance, & vous remercie, & de tous
les autres je remercie mon oncle le Roy Pepin, qui fut
ques à ceste heure ma nourry & mis sus car plus lui re-
stitué à luy & seray toute ma vie, qu'à nul homme qui soit
sur terre. nonobstant que souuent on dit que iamaiz on
ne peut estre vray subiect ne tenu comme à pere, & à mou-
re. mais sans l'honneur de mon pere orphelin & de tous
bien d'autrui par charité & aumosnes m'a nourry &
efflué, des biens & des graces à mon oncle le Roy Pe-
pin, qui comme soit enfant sans de moy auoir cognoi-
sance,

fance, le Dieu de clarté rempli de grace divine l'inspira
 qui m'a doucement nourry, & s'il n'eust esté ie deuois
 par droict piteusement mourir, sans iamais auoir con-
 gnoissance de nul de mes parens & amis, & sans rece-
 uoir le saint sacrement de baptesme, le iour que de ma
 mere nasquis dessus la terre: car de mon pere auoir com-
 fort & ayde estoit chose moult difficile, quand par vn
 faux & mauuais rapport l'auoir a grand honte vitupera-
 blement doicte & bannie, celle qu'en ces flancs dou-
 demont neuf mois me porta, c'est la noble dame Belli-
 fant, qui par le faux Archeuesque a esté fausement &
 royaume mont rabin, & deceuë par que la douloureuse
 fortune par l'espèce de vingt ans en pleurs douloureux
 & gémissements, auoilleux a esté contraincte d'vser &
 passer piteusement ses iours, pour prouuer qu'elle est
 de fait innocente & de loyauté pleine. Moy comme son
 fil naturel & legitime veux contre le faux & maudit
 Archeuesque qui fausement l'a accusée, en champ de
 bataille mon corps offrir iusques à la mort. Quand
 l'Empereur Alexandre entendit son fils le cheualier Val-
 lestin, qui de si grand courage pour le deshonneur de
 sa douloureuse mere il se vouloit combattre, il se print
 piteusement à plorer, & en parolles piteuses a dit
 doucement à son fils Valentin. Helas, mon cher fils, ie
 sçay & cognois clairement que tu es mon fils legitime,
 & qu'à bon droict tu te veux pour ta mere combattre,
 laquelle par vn faux rapport & legere creance, i'ay mi-
 se & enuoyée en exil: mais de champ de bataille pour
 son fait prouuer, il n'est nul besoing: car le faux Arche-
 uesque qui l'auoit accusée a esté combattu, & honteu-
 sement vaincu, & mis à mort vituperablement, par vn
 mandant lequel en la presence du Roy Pepin son on-
 cle, & moy, & de nous tous l'assistance de plusieurs

Princes, Barons & Cheualiers, a diu & confesseé comment a tort & mauuaise cause par enuie & diabolique tentation, il auoit la bonne dame deuers moy accusée. Quand i'entendy sa confession, ie fus au cœur si amerement nauré, que ma douleur seroit forte chose à raconter. Et depuis celuy temps i'ay enuoyé plusieurs mes-sagers en diuerses contrees & regions, en esperant auoir de ma femme aucunes nouuelles certaines : mais point n'ay sceu faire que d'elle i'ay peu auoir aucune connoissance. Et pourtant mon fils & ma seule esperance, si tu scauois rien de ta mere, ne me vueillez celer, car fut tous mes desirs i'ay volonteé singuliere d'en scauoir des nouuelles. Sire, dist Valentin, a parlor de ma mere, sachez pour certain que hier au soir vers minuit, ie la vis & parlay a elle dedans la cite d'Aquitaine. Beau fils, dist l'Empereur, comment est-il possible que dedans si peu de temps ayez tant fait de chemin : adonc luy conta Valentin comment Patole par son art subtil l'auoit en si peu de temps amené, de laquelle chose l'Empereur fort pite fut moult fort esmerueille. De la venue de Valentin, fut en la cite de Constantinoble grand ioye demenee, & tant en fut l'Empereur Alexandre reiouy, qu'il commanda a sonner toutes les cloches parmy la cite. Et quand les Payens ouyrent la grand ioye que ceux de la cite faisoient, ils coururent aux armes en grand diligence, & vilement furent mis en armes. Et quand ils furent tous prests & armez, le Soudan Noradin accompagné de trente Roys forts & puissans, fist assaillir la cite de Constantinoble, laquelle estoit si forte & pleine de peuple que morte estoient les cheualiers de frain. Et aussi plusieurs hommes & femmes & petites enfans de iour en iour, par faueur de naturelle substance, par les rues mouroient & desinoient pitieusement leurs iours,

jours, & quand le noble Valentin aduifa & cogneut la grand' multitude des Payens, & maudits Sarrazins, & la grand' pauureté & necessité de la noble cité de Constantinoble, parla generallyment deuant tous les Seigneurs, Capitaines & gouverneurs en leur disant ainsi comme cy apres s'ensuit. Nobles & vaillans Seigneurs & Cheualiers, vous sçavez bien & aussi pour certain cognoissez, que dedans ceste cité vous estes en grand' necessité de viure, & si n'en pouuez reconuer, sinõ que par vostre vaillance, ne les allez conquerir, sur vos ennemis. Je serois d'opinion qu'on fist saillir certain nombre de gens pour conquerir des viures: & moy tout le premier fuis prest & appareillé de cõduire de mõ pouoir tous ceux qui de la cité voudront saillir avec moy. A cestuy conseil furent consentans tous les capitaines & gouverneurs de toute l'armee, & saillirent dehors de la cité avec le cheualier Valentin, vingt mille combattans, & y auoit grand' multitude de menu peuple, qui pour la necessité ou ils estoient volontiers le suyrent, quand ils furent dehors des portes, il coururent sur les Sarrazins si fierement & si vaillamment, qu'en peu de temps gaignerent & leuerent trois cens chariots chargez de viures: mais ainsi qu'il les admenoyët deuers la cité de Constantinoble, le Soudan qui de ceste perte fut dolent, avec grand' multitude de Payens & Sarrazins, à grand' puissance d'armes, entre les Chrestiens se vint bouter en bataille pour les viures recouuer, & quand le Roy Pepin vit que les Payens auoyent serré le passage, il frappa des esperons & mist la lance en arrest, & si vaillamment à fait que deuant le Soudan abbatit mort par terre le fier & orgueilleux Maragon, lequel de Gapharnon estoit Roy: puis a tiré l'espee & en fustre Atrellon, qui moult estoit fort & puissant Payen, si

fort & tellement que de l'arçon de la selle il le ietta à terre. Et quand Valentin & le Verd chevalier, virent les armes & vaillances que le Roy Pepin faisoit, ils entrèrent en la bataille & sans cesser ont tant fait force d'armes, que deuant le Soudan ont abbatu & que par terre l'estendart des Payens & Sarrazins. Et quand l'estendart fut bas, Valentin passa outre contre le Soudan, & si grand coup de lance luy donna, que de dessus l'oliffant qu'il estoit monté à terre le ietta & abbatit vaillamment. A celle heure tant furent de vaillances faites par Valentin & le verd chevalier, que Marados fut mort & l'Admiral prins par le verd chevalier, & valentin mangré tous les Payens a ietté & abbatu par terre quatre Roys Sarrazins. & a osté les deux bras à l'Admiral d'Ombrie mais les deux vaillans chevaliers, celui jour de conque-
rir prouesse & honneur furent trop adans & trop aués entrèrent dedans l'ost des Payens, car quand ils eurent retourner il furent englos & prins des Sarrazins, & furent moult estroictement liez & menez prisonniers deuant le Soudan, lequel incontinent qu'il les vit il aint son grand Dieu, que iamais vers les Chrestiens il ne retourneroyent: mais fera faire vn gibet deuant la cité de Constantinoble, & les fera li haut pendre & estrangler, que de tous leurs amis pourroient estre veuz, valentin & le verd chevalier qui iamais n'ont esperance de leur vie sauuer. Les Chrestiens sont retournez malgré Payens & Sarrazins, & en menerent des viues en grand abondance, que tout le peuple de la cité en fut repeu & recheu. Auant qu'ils arrivassent dedans ils eurent piteuse rencontre & tant grand bataille, que bien cuidoient iamais ne retourner en la cité de Constantinoble. Les rois de la cité qui bien virent la nécessité de leurs gens firent crier parmy la ville, sur peine de perdre la victoire que bon

hommes, prestres, cleres, femmes & enfans, chanoines & moines, portaient la croix douant eux, en l'honneur & reuerence de la passion de nostre Seigneur Iesus Christ, pour faire hors sur les Payens, lors fut le nombre si grand du peuple qui faillit de la cite, que l'estimation estoit à quarante mille. Quand les Payens virent le grand nombre de gens, que de la cite de Constantinoble estoient faillis, ils se reculerent, auant en leur ost le plustost qu'ils peussent, & laisserent aux Chrestiens les viures emporter. Mais deuant que nuls des Payens pussent en leurs tentes retourner, la bataille fut si grande des deux parties, que quatre mille Chrestiens y firent leurs iours, qui fut chose fort pitieuse à ceux de la cite, & fort douloureuse. Fort fut doulent l'Empeur de Grece, de plusieurs vaillans champions, qu'en la bataille estoient demeurez & desconfits: mais sur tous les autres en son cuer fut doulent & amerement desplaisant de son fils le vaillant Cheualier Valentin & de ce verd Cheualier qui tant de prouesses & vaillances auoyent faites, & aussi fut le Roy Pepin de France. Ces deux delmenerent moult grand detresse en grands cris & lamentations pour l'enfant valentin, que si tost auoyent perdu. Mais le petit Pacolet moult bien les reconforta, disant: Seigneurs laissez vostre plorer & desconfortez de valentin vous serez ioyeux, & de luy, aurez bonnes nouvelles plustost que vous ne pensez. Amy, dist l'Empeur, Dieu t'en vueille ouir & donner la puissance car si tant poux faire de l'ameuer deuers moy, & de l'oster des mains du Soudan, qu'a sa mort iuree, tu peus seulement dire que dessus tous les autres en honneur te mettray & eleueray. Sire dist Pacolet, attendez vous à moy: & de brief vous cognoistrez de quelle amour ie vous ayme & vostre fils valentin. Alois Pacolet


 print

print son cheualier de bois, & sans autres parolles dict
partit pour aller en l'ost des Payens, & le Soudan estoit
dedans son tref, lequel pour Valentin & le Verd cheua-
lier faire iurer à mort, auoit fait venir tous les plus
grands de son ost: mais son entreprinse fut faite pour
estoir comme icy apres vous pourrez oyr declarer.

Comment l'enchanteur Pacolet deliure Valentin & le

Verd cheualier de la prison du Soudan Noradin,

& comment il decuit le Soudan.

QUand le Soudan Noradin fut en son tref, il fist
venir deuant son pailillon l'enfant Valentin & le
Verd cheualier, en presence de tous les plus grands Bar-
rons & Cheualiers de sa Cour, & dist en ceste manie-
re, Seigneurs à ceste heure vous pouvez bien voir & cog-
noistre les deux du monde, qui plus nous portent de
sont de desplaisir & outrage au noble Roy Ferragus, &
entre les autres choses cestuy verd cheualier à nostre
loy laillee, & s'est fait Chrestien, pour plus nous porter
de nuisance & exil & dommage. Il me semble que bon
seroit de les enuoyer au Roy Ferragus: car ie scay qu'il
prendroit d'eux vengeance, & qu'il les feroit mou-
rir de mort honteuse & vilaine, comme ils l'ont bien
desseruy. Sire, dient les Payens & Sarrazins, qui de la
mort des Chrestiens auoyent grand ouie. Il n'est iame-
sier de sans s'escouter: mais faites sur les champs une
fourche lever pour demain au matin faire pendre &
estrangler les deux faux mauuais geroimens, qui tāt vous
ont fait & porté de damage & d'encombrer. Le Sou-
dan Noradin dist, vostre conseil est beau & bon, & ain-
si ie le veux faire car par le Dieu Mahomet vous promets
que demain au plus matin si haustin les feray pendre,
que

que tous ceux de la cité de Constantinoble les pourroient voir. Apres ces parolles dites, ainsi que le Soudan entra dedans la tente pour s'en aller soupper, le petit Pacolet se trouua deuant luy, lequel de par Mahom le salua: Pacolet, dist le Payen, bien soyez arriué. Or media commēt se porte le fait du Roy Ferragus qui dessus tous les autres est mō parfait amy. Sire dist Pacolet, à la porte tres-bien, & sur tous à vous se recommande, & par moy vous enuoye nouuelles qui sont moult secretes, lesquelles ie vous diray, s'il vous plaist, à les escouter. Amy, dist le Soudan, volontiers vostre message escouteray. Lors le tira à part pour luy dire son secret. Et Pacolet luy a dit tout bas: Sire sçachez que ie viens de Portugal, & suis icy transmis & enuoyé de par une tresredoutee Dame, la femme de Ferragus, laquelle de tout son cuer à vous se recommande, trop plus hardiment que dire ne le sçauoir & qu'il soit verité ie vous fais assauoir que sur toutes les hommes du monde elle est de vous tant amoureux, que pour auoir vostre amour elle ne peut reposer ne dormir de nuit ne de iour, tant est forte prinse de vostre amour. Or est il vray que celle laquelle de tout en moy se confie, me deuera vous enuoyé, & vous mande si expressement sur l'amour que peuent auoir deux loyaux amans, que sans seiour ne differez de la venir voir: car le Roy Ferragus est pour le present allé douers Aquitaine, si pourrez faire tout à vostre plaisir & volonté de la plaisante Dame qui dessus toutes les autres de beauté reluit. Et pournāt, Sire, venez avec moy. Car dessus mon cheualet ie vous conduiray si bien, & en telle maniere, que demain au plus matin en Portugal deuant la noble & belle dame ie vous rendray au plaisir de mō Dieu Mahom. Ha Pacolet, dit le Soudā Noradin, ou me dōnes au cuer liesse & recōfort plus grād que nul autre.

personne ne pourroit donner car sur toutes les femmes
 du monde ie suis & ay longuement esté de la femme
 de Ferragus amoureux : mais tant y a que iamaïs à nul
 iour ie ne me peux vers elle trouuer, en maniere que ie
 peusse ma volonté accomplir, ne dire mon secret, mais
 orendroit accompliray le desir de mon cœur, quant
 & si longuement i'ay attendu: car ie te promets que de-
 main au matin avec toy ie m'en iray, & accompliray
 mon desir & ma volonté. A celle heure que ie vous
 compte le Soudan Noradin s'assist à table, & fist seruir
 l'enchanteur Pacolet le mieux & plus honnestement
 qu'il peüst: car si fort ioyeux estoit des nouuelles que l'en-
 chanteur Pacolet luy auoit apportées, que le cœur de
 son ventre de ioye tressailloit & menoit grand desdruit.
 Et le petit Pacolet qui bien vit que le Soudan estoit en
 grand ioye, dist baslement tout à part luy: Le suis festoyé
 & bien aise tenu, mais deuant qu'il soit demain vespres,
 tel me donne de son pain à manger, qui maudira l'heu-
 re que ie fus oncques. Or estoient valentin & le verd
 chevalier, en la tente & paillon du Soudan Noradin,
 qui estoient bien estroitement liés & tenez. Bien co-
 gneurent Pacolet, dont ils furent moult ioyeux en leurs
 courage en disant & pensant en leurs cœurs, que pour
 leur deliurance il estoit là arriué: mais nul semblant n'en
 firent. Et Pacolet en monstra fort grand chere & sem-
 blant au Soudan Noradin, en regardant les prisonniers
 a dit tout hautement. Sire comment estes vous si cour-
 tois de tenir & garder le verd chevalier en vos prisons
 sans le faire mourir: car sur tous les vivans il a porté dô-
 mage à son frere Ferragus: & pour plus luy nuire il a re-
 noncé Mahom, & trouué chemin & maniere de luy tollir
 sa sœur la belle Esclarmode pour la donner à un Chre-
 stien. Si me semble que trop estes simple, quand luy &

tous les autres de sa force & compagnie, vous ne faites
tous mourir, sans en auoir aucune pitié ne mercy. Amy
dist le Soudan Noradin, c'est bien à ma voluntaé & in-
tention : car ie suis du tout delibéré de les faire demain
au matin en vne haute fourche pendre & estrangler.
Tant fut Pacolet sage & bien aprins que iusques à heu-
re de dormir en bourdes & en fallaces entretint le Sou-
dan. Et quand l'heure fut venue que l'on deust aller re-
poser, le Soudan commanda que les prisonniers fussent
gardez si bien & si-estroittement tenus, que son peire de
la vie on luy en sceut rendre compte. Et ainsi se retira en
sa chambre & laissa en garde Valentin & le Verd che-
ualier pour celle nuict, à vn grand tas de Sarrazins & de
Payen, qui sur tous les autres estoient de leur mort co-
noisseurs. L'heure fut venue que chacun fut retraict fort
le petit Pacolet lequel pas ne dormit, mais bié & en se-
le maniere parmy le palais à jecté son sort, que tous
ceux qui furent dedans pour les prisonniers garder,
choutent à terre tous endormis, si bien que si toutes les
tentés eüst abbatues pas ne so fussent esueillez. Adonc
est venu au cheualier Valentin & au cheualier Verd, &
leur à dit. Seigneurs, à ceste heure vous deliureray des
mains du Soudan Noradin. Il ne faut pas demander s'ils
furent ioyeux, & de tous leurs maux consolez. Vistement
sortiront de la sale le plus secrement qu'ils peuvent :
car Pacolet les hastia tant qu'il peut : car l'heure estoit
tardive & du Soudan fort se doutoit : parquoy le plustost
qu'ils peuvent sortiront dehors & si bien fist Pacolet,
qu'à l'aube du iour des deux cheualiers furent en l'ost.
Et Pacolet qui nul semblant n'en fit, quand vint vers l'au-
be du iour, il entra en la tente du Soudan, & luy escria
hautement. Ha Sire, trop mal va nostre fait & mal vous
monstrez de la femme de Ferragus, qui tant vous desire

à voir quand vous demourez tant à faire diligence de la volonté accomplir. Lenez vous & ne tardez plus & vous monstrez loyal: car cœur qui veut loyalement aimer ne doit point au liēt si longuement dormir: quand le Soudā ouyt parler Pacolet qui fort s'escria, il s'esueill-la soudainement comme tout esueillé, puis à dit à Pacolet. Amy par Mahom le tout puissant tu as biē fait de m'esveiller: car tu m'as osté de grand' peine: car ie songroye vn songe merueilleux, & en songeant si m'estoit aduis qu'une corneille m'emportoit, & faisoit voller parmy l'air moult fort loing, & en vollant pamy l'air venoit à moy vn si grād oyseau, que de son bec me frappoit si fort que le sang en faisoit courir sur la terre à moult grand' abondance, si ne sçay que ce veut dire n'en qu'elle maniere celuy songe se veut exposer. Ie suis en moult grād doute que le Roy Ferragus, ne sache ceste entreprise. Sire dist Pacolet, vous avez trop lache courage, quād pour vn songe vous voulez laisser l'ameureuse entreprise, & à celle faillir laquelle pour vous a tant languit & soupiré de grand amour. Par Mahom dist le Soudā, tu dis vrayement verité. Lors appella son Chamberlan, & se fist mettre en point puis luy dit. Amy que tu foyes secret & loyal, & si mō oncle Bruyant me demande, tu luy diras que ie m'en suis vn petit allés-batre avec Pacolet. Sire dit le Chāberlan allés ou vous voudrés: car de vostre fait ie ne me veux enquerir, mais ie le veux bien celer & vous estre secret. Lors mōta Pacolet à cheual, & fist monter le Soudā Noradin derriere luy, & l'embrassa bien fermement par le corps. Et quād ils furent montez Pacolet tourna le cheville, & le cheual se leua si haut en l'air & si impetueusement que tout aussi tost furent en la cité de Constantinoble au palais de l'Empereur Alexandre. Et quand le Soudā vīe que

que Pacolet estoit arresté il luy a dit. Amy deuons nous icy loger. Ouy dit Pacolet n'ayez de riens doute: car nous sommes dedans Portugal au palais du puissant Roy Ferragus. Par Mahom dist le Soudan ie suis moult esbahy comment le diable t'y a si tost apporté. Or aduancez vous dit Pacolet, entrez en ceste sale & ie m'en vois en la chambre de la plaisante dame la femme de Ferragus, & tout à ceste heure vous feray ouvrir la chambre & avec elle coucher. Amy dist le Soudan de grand ioye tu me fais rire. Or va de par Mahom qui te vueille cōduire, Pacolet laissa le Soudan Noradin dedans la salle, laquelle de toutes pars estoit bien fermee, tellement qu'il n'auoit garde de sortir, puis alla vers la chambre de l'Empereur, & donna si grand coup contre la porte, que le chamberlan l'ouyt, & cria hautement en demandant qui estes vous, qui à ceste heure en la chambre imperiale venez frapper, & mener tel bruit. Amy dist Pacolet, de rien ne vous doutez ie suis Pacolet, qui viens de l'ost du Soudā, & Valentin & le Verd cheualier ay deliuré des mains des Payens, qui à mort les auoyent iugez & condamnez. Et outreplus dictes à l'Empereur, que i'ay en ce palais amené avec moy le Soudan Noradin, lequel cuide fermement estre en Portugal. Or le faut sans nul seiour prendre & l'escorcher tout vif: car bien l'a deserui. Quand le chamberlan entēdit les nouvelles il alla deuers l'Empereur & le Roy Pepin, lesquels pour voir le Soudan avec grand nombre de Barons & cheualiers s'abillerēt. Et le Soudan estoit en la sale, lequel en criant hideusement a commencé à dire. Ha faux traistre Pacolet, Mahom te puisse maudire ie t'ay bien entendu parler, tu m'as par ta faulxe cautelle mauuaiseement & honteusement trahi: mais par la loy que ie tiens encores t'en feray repentir. Alors à tiré son espee & comme enragé

& hors du sens, s'est prins à courir parmy la salle en frappant les murs, & des pierres de marbre faisoit le feu saillir. Et ainsi que parmy la salle à par luy se combatoit, l'Empereur & le Roy Pepin à torches & fallots de plusieurs gés accompagnez sont venus deuers luy, & quād il les apperçut, il se mist en deffence moult outrageusement, & en telle maniere que deuant le Roy Pepin vn escuyer tua, qui prendre le vouloit. E le Roy qui de desplaisance fut fort courroucé s'auança contre le Soudan, & si grand coup luy donna qu'à terre l'abbatit, puis fut prins & lié moult estroitement, & à tant fut le iour venu. Valentin & le Verd cheualier, qui de l'ost du Soudan venoyent par l'ayde de Pacolet furent au palais, ou ils trouuerent le Soudan, dont ils furent moult ioyeux. Lors l'Empereur & le Roy Pepin pour la deliurance de valentin menerent ioye, & aussi firent ils pour le verd cheualier: car moult estoit prisé & aymé. L'Empereur remercia grandement Pacolet, pour son fils valentin qu'il auoit deliuré. Et le Roy Pepin luy dit Pacolet beau Sire, il faut que tu me monstres vn tour de ton cheuallet. Sire dist Pacolet, montez derriere moy, & ie vous porteray sans arrester iusques dedans enfer. amy dist Pepin Diu m'en vueille garder, Pacolet dist, Seigneurs faictes diligence de ce faux Soudan faire mourir: car si iamais il vous eschappe pēsez que mal en aduiendra. A celle heure furent dedans le palais assemblez plusieurs grands Seigneurs pour voir le Soudan, par le conseil & deliberation fut iugé & aussi condamné que le Soudan seroit pendu & estranglé aux creneaux du palais, affin que des Payens & Sarrazins il peust estre veu & regardé, & tel fut le iugemēt donné & la chose ainsi faicte & accomplie. Quād les Payens & Sarrazins virent le Soudan pendu, il furēt moult esmerueillez par quelle maniere

maniere il pouuoit auoir esté mené dedans la cité. Bruyant leur conta comment il auoit esté deceu par Pacolet. Et adonc grand cry & grand' douleur fut parmy l'ost des Payens & Sarrazins, demené pour l'amour de leur Soudan qu'ils auoyent perdu, & si ne sçauoyent par quelle façon ne maniere: car moult estoit vaillant homme, & des Chrestiens grand persecuteur, & apres qu'ils eurent fait grand cry & grandes complainctes, ils assemblerent leur conseil, & eleurent pour leur Soudan Bruyant, qui fut oncle de Noradin. Celuy iour furent doulens Sarrazins & Payens, & les Chrestiens parmy la cité demourerent moult grand' feste, & grande ioye pour l'amour du Soudan, & aussi pour les viures qu'ils auoyent recourez & gaignez. Et puis apres toutes ces choses ainsi faictes, Pacolet print congé de l'Empereur & de toute la Court, pour retourner en Aquitaine vers la belle Dame Esclatmonde, ainsi comme promis luy auoit. Adonc valentin vint deuers luy & dist. Amy Pacolet, puis que vous allez en Aquitaine, saluez moy doulcement ma mere la Roïne Bellisant, & m'amie Esclatmonde & mon beau frere Orson, & le bñ Duc d'Aquitaine, & tous les autres Barons & cheualiers, & baillez celle lettre à ma dame ma mere, par laquelle elle pourra sçauoir & cognoistre clairement des nouvelles de par deça. Sire dist Pacolet, le message seray volentiers. Adonc a prins son cheual & est monté dessus vne fenestre de marbre, puis tourna la cheuille & saillit sur le dos de son cheual, & s'en va par l'air ainsi comme d'habitude. L'Empereur & le Roy Pepin estoient aux fenestres, qui moult fore le regardoyent, par Dieu dist le Roy Pepin pour tout l'or du monde ie n'y voudroie estre. Or s'en va Pacolet par si grād diligēce que le lendemain au matin il arriua en Aquitaine, & trouua le bon Duc

qui la diré gardoit avec Orson, Bellissant, & la belle El-
clarmonde, & les salua tous de par Valentin moult hō-
norablement. Amy dist Orson, comment se porte le fait
de mon pere. Sire dit Pacoles, il se porte tresbien : mais
pour sçauoir des nouvelles voicy vne lettre que i' appor-
te à ma redouice Dame Bellissant, de par vostre frere
Valentin. La Dame print les lettres qui moult en fut
ioyeuse, puis appella vn secretaire pour les faire lire.
Dame dist le secretaire, sachez que le vaillant cheualier
Valentin vostre fils vous mande que le puissant Empe-
reur vous salue, & vous verroit volontiers : car despuis
le temps de vostre despartement en peine & en travail
longuement vous a quise & fait querir. Et vous mande
comme tantost apres que par luy fustes dechassé, il eut
claire cōgnoissance de vostre loyauté, & de la trahyson
du faux Archuesque lequel par vn marchant a esté
combattu & mis en telle subiection, que deuant sa mort
publiquement a confessé sa fauce & damnable decep-
tion. Pour lesquelles choses le bon Empereur vostre
mary de iour en iour desire de vous voir & auoir avec
luy, & tant qu'il vous renoye jamais au courioye n'au-
ra. Sachez qu'incontinent qui sera despesché de ses en-
nemis, lesquels par grand puissance d'armes ont la ci-
té de Constantinoble assiegee, il viendra deuers vous &
amenera le Vert cheualier lequel par Orson vostre filz
deuant Aquitaine fut conquis, ainsi le vous mande
& escript, le vostre humble & loyal filz Valentin par
la teneur de ces lettres. Quand la Dame oynt les nou-
uelles, elle eut au cuer si grā ioye qu'elle se passa, &
Orson l'embrassa & print entre ses bras moult d'ou-
mēt. Mon enfant dist la Royne, biē doy Dieu remercier
& estre fort ioyeuse, quand l'Empereur a certaines nou-
uelles que ie suis innocente & pure, de l'infameté de ma
me

me abominable, lesquels par fauce trahison m'auoyēt imposé, or me doint Dieu la grace que de brief deuant l'Empereur ie me puisse trouuer: car autre chose ne demande à nostre Seigneur que de le voir deuant que mon ame parte de mō corps. Bien doy louer & remercier le createur du monde, quand à l'honneur de moy & du sang de Frâce, il a demonstré la fauce trahison de l'archeuesque quand il a recognu son grand malefice.

Comptent le Roy Trompart vint deuant Aquitaine, pour secourir le Geant Ferragus, & amena avec luy Adramasin l'enchanteur par qui Pacolet fuy traby.

Q Vand Pacolet fut arriué dedās Aquitaine le Roy Trompart vint dedans l'ost de Ferragus à grand'puissance de combatans, pour luy faicē secours & ayde contre les Chrestiens, & en grand hōneur le reçeut le Roy Ferragus. Et pour l'amour de sa venue, il fist faire grand'feste par tout son ost. Frâc Roy, dist le Geāt Ferragus de vostre venue ie doy bien estre ioyeux: car i'ay esperance que par vous auray vengeance de ceux qui me font esclarmode par decence. Or scay ie biē qu'elle est dedans Aquitaine: car on luy a veuē, parquoy ie prise peu ma puissance si ie ne la puis auoir, & s'il est ainsi que par vostre puissance elle puisse estre conquise, de ceste heure la vous dōneray pour femme. Ferragus, dist le Roy Trompart, de ce ne vous doutez: car i'ay avec moy amēné Adramasin, l'enchâteur, lequel aura tātost deceu Pacolet: car plus il fait de l'art de nigromâce que pour les viuens. Par Mahō, dist Ferragus, ioyeux ie suis de sa venue, & si sans peu faire que Pacolet me rende ie le feray de tous le plus riche & puissant Sire, dist Adramasin, ayez fiance en moy: car si bien vous serviray.

que briefle cognoistrez. Lors se parut Adramain & habilla son fort pour iouer de son mestier: puis s'en alla vers Aquitaine, & affin de plus feutement entrer dedans il s'est chargé de viures, & si a tant fait par son engin qu'il est venu deuant les portes, & a demandé entree pour ses viures vendre. Il fut subtil, & à ceux de la cité sceut bien parler. Si luy furent les portes ouuertes pour l'amour des viures qu'il portoit: car ils en auoient moult besoin. Il entra & tantost les viures vendit: puis trouua la maniere d'aller vers le palais, & là trouua Pacolet le quel bien le cogneur: car autresfois l'auoit veu. Adramain, dist Pacolet, biē soyez venu, or me dites s'il vous plaist de quel lieu vous venez, & qu'à ceste heure par deça vous amēne. Pacolet, dist Adramain, vous sçavez que j'ay seruy loūdemēt le Roy Tiphart, si aduint hier tre iour que par vn de ceux de sa cour fus seru & outragé fort outrageusement, pour cause que ne luy uolois apprendre de mon mestier le secret, & quand ie me vis ferir l'encreus despit en mon courage, & d'un couteau le frappay tant qu'il fût mort. Quand i'en fais le coup pour doute de mourir ie fais de la cour fuis, & en ce point du seruice du Roy Trompart ierté suis, & suis venu par deuers vous pour la fiance que j'y pense trouuer. Et d'oresuauant ie veux estre & demeurer avec vous comme loyal compagnon s'il vous plaist que ce le soye. Adramain dist Pacolet, ie suis content de vous reueuse chere & de rien ne vous doutez. Lors Pacolet dist seruir & honnestement receuoit, ainsi comme un compagnon qui de sa venue est ioyeux, & en faisant chere ensemble, vit Adramain la belle Esclarmonde passer par le Palais, si demanda à Pacolet qu'estoit celle Dame tant belle & gracieuse. Amy dist Pacolet, c'est la belle Esclarmonde sœur du Roy Ferragus, laquelle

doit

doit estre hautement mariee à vn fort & puisât Che-
ualier, A celle heure arriua Orson deuers les deux cō-
pagnons , & leur dist : Seigneurs iouez vn petit en-
tre vous deux de vostre mestier , affin de resiouyr la
compagnie. Adonc Adramain leua vne couppe dessus
vn pillier , & fust tel fort qu'il sembloit aduis à tous
ceux qui furent presens que parmy la place courroit v-
ne riuere fort grande & terrible. En celle riuere sem-
bloit auoir poissons grands & petits à moult grand a-
bondance. Et quand ceux du Palais y rent l'eau si grā-
de ils commencerent tous à leuer leurs robbes , & à
crier moult fort, cōme ceux qui auoyēt peur deuoyer.
Et Pacolet qui l'enchantement regarda , commença à
chanter, & fist vn fort si subtil en son chant qu'il sem-
bla à tous ceux du lieu , que parmy la riuere courroit
vn cerf moult grand & cornu, qui jectoit & abbaioit à
terre, tout ce que deuant luy trouuoit. Puis leur fut ad-
uis qu'ils voyoyent chasseurs & veneurs apres le cerf
courir à grand nombre & puissance de leuiers & bra-
chets. Lors y eut plusieurs de la compagnie qui failli-
rēt au deuant pour le cerf attraper , & cūider prendre
mais Pacolet fit tost le seif faillir. Par ma foy, dist Orson,
moult bien auez ioué & bien scauez de vostre art vser.
A ces mots se leuerent les deux enchanteurs, & Paco-
let qui tout bien y pensoit, mena Adramain en sa chā-
bre pour celle nuit dormir & reposer dont depuis fut
moult courroucé , car quand vint à minuit Adramain
ietta vn fort parmy le palais , que grans & petits fūrēt
si fort endormis, que pour cry ne pour bruit esueiller
ne le peurent iusques au matin soleil leuāt & fūt dor-
mir Pacolet ainsi que les autres, puis alla vers le cheua-
lier, lequel il auoit bien veu en la chābre: mais seblant
n'en auoir fait, & quand il eut le cheualier il entra en la
cham

chambre d'Esclarmode, & par son subtil engin en dormant la fist vestir & habiller, & la monta avec luy sur le cheualet, & vint à vne fenestre & a tourné la cheuillette: car il en sçauoit bien le tour, & tant a fait que sans seiourner il est arriué au paillon du Roy Trompart à tout la belle Esclarmonde. Lors s'escria Adramain. Sire Roy Trompart ne vucillez plus dormir, leuez vous virement: car icy pouuez voir la plaisante Esclarmode, laquelle i'ay desrobée dedans Aquitaine, & si ay tant besoigné que de Pacolet i'ay le cheualet desrobé. Adramain dist Trompart, à ceste heure cognois que tu es mon amy loyal, & que dessus tous autres ie suis à toy tenu. N'est-ce pas la fille au grand Roy Iustame. qu'est sorti du Roy Ferragus. Ouy, dist Adramain, ie l'ay bien sçeu subtillement auoir, & Pacolet l'enchâteur trahi: car de son cheualet iamais n'aura le gouuernement. Adramain, dist le Roy Trompart, en sçais tu aussi bien iouer comme luy. Ouy dist Adramain, de long temps l'ay appris. Adonc luy a monstré la façon & maniere de la cheuillotte tourner, & du cheualet gouuerner. Et quand Trompart a veu la subtilité, il s'est aduisé & pesé à luy-mesmes, que le cheualet & la belle Esclarmode en son pays emportera & l'espousera & prendra à sème. Lors a embrassé la belle Esclarmonde, qui encores dormoit pour le sort d'Adramain, & avec luy fut le cheualet de bois la mise. Et Adramain le regarda, & luy a dit. Monseigneur, si vous faillez à iouer du cheualet, en danger & peril vous mettez & vous & la dame. Nenny, dit Trompart, de ce n'ayez doute, & lors tourna la cheuillotte droitement à son tour, & parmy vne nuee s'en est allé si loing que plus de cent lieues eut fait deuant le iour, Et à celle heure s'esueillia la belle Esclarmonde, qui rée fut dolente & desconfortee de se voir en tel estat,

que

que de douleur pasma, dôt Trompart moult fut esbahy, & au cœur moult effrayé : car il cuidoit qu'elle fut morte. Il tourna la cheuillette & arresta le cheual dedās vn pré herbu aupres d'vne fontaine, moult belle & clere. Et quād il eut la dame descēdue sur l'herbe, il print de l'eau de la fontaine & sur la face luy ietta, pour voir s'elle se pourroit reuenir, & la plaisāte dame pour la froidure de l'eau vn petit ouurit ses yeux, & se print à ietter le piteux cry & douloureuses cōplaintes, que bien cuida le Roy Trōpart que le cœur luy deuss̄ partir dôt grād pitié luy en print, & ne trouuoit maniere de luy faire secours, fors que par vn pasteur qu'aupres d'eux estoit, auquel il demāda du pain. Et le pasteur luy en dōna vn cartier lequel il porta à la belle Esclarmode, & luy mist dedans la bouche, la pucelle en māgea vn petit, & aussi de l'eau de la fontaine sa gorge arrousee. Et quand le cœur luy fut vn petit reuenu & la parolle enforcee, elle se print à plourer en disant, lasse chetive sur toutes douloureuses que m'est il aduenū. Or ay-ie du tout perdu mō soulas & ma ioye, par fraude & maudite trahison. Helas mō amy Valētin, or vous ay-ie perdu, de Dieu soit il mandit qu'ainsi nous despart. Quād le Roy Trōpart ouit les regrets que la belle Esclarmode pour sō amy faisoit, il luy dist moult rudemēt. Dame laissez telles parolles, & du garçō Christian iamaiz n'en parlez deuant moy, ou par mon Dieu Mahom, du corps vous osteray la teste, biē est d'ioī & raison que ie vous espouse, & foyez à moy donnee, qui ay mō royaume sous ma dominatiō & seigneurie, que de prēdre celuy malheureux qui n'a terre ne seigneurie. En disant ces parolles s'enclina vers la Dame, qui de sō amour estoit peu curieuse, luy dōna du poing sur les dēts, tāt que le sang en fist saillir, dont le Roy Trōpart fut

fut doulent & au cœur desplaisant; si que par fureur & grand'ire la mist sur le cheual pour partir de la place pour aller en son pays. Mais on dis souvent qui fait mal coider estre maistre du mestier, dont on ne scait rien, ainsi en print au Roy Trompart, qui du cheualet de Pacolet cuida bié scauoir iouer, mais si mal à point tourna la cheuillerte, que de son chemin s'esloigna & faillit plus de cent lieues. Et ainsi comme en soy mesme pensoit sur sa terre arriuer, il arriua en l'isle de la Mahieur, en vne grande place ou à celuy iour on tenoit le marché du pays d'environ, & luy voyant tout le peuple assemblez pour le marché tenir, de dessus son cheualet avec la belle Escarmonde à terre descédit. De laquelle chose moult furent esmerueillez tous ceux qui presens estoyent. Et à celle heure la dame Escarmode cogneut le cheualet: car pour la doulueur en quoy elle auoit esté la nuit deuant passée, elle ne s'en estoit donnee garde. Helas Pacolet, (dist la dame Escarmonde,) or suis ie fausement trahie, & vous premierement desroné. Helas, or ie puis bien a ceste heure commander à Dieu mon amy Valentin, dessus tous autres le plus courtois. Par Maho dist le Roy Trompart, qu'en son pays cuidoit estre si iamais vous me parlez de ce garçon Chrestien, de brief verrez & cognoistrez de quel amour ie l'ayme: car de mon espee tréchat ie vous feray la teste voler de dessus les espaulles. Or est bien doç en Trompart, qui cuidoit estre en son pays, & qui pour la belle Escarmode auoit voulu iouer de nigromance, il est arriué au lieu ou il luy cōuiendra deffiner ses iours: car apes que de plusieurs eut esté en la place regardé & aduisé, ils disoyent que c'estoit le Dieu Maho qu'en chair & en sang pont son peuple visiter estoit du ciel descédu. Les nouvelles de ceste vision vindrēt au Roy d'Inde, lequel comāda que de

de par luy füssét amenez. Or fut mal arriué le Roy Trópart: car tout aussi tost que le Roy d'Inde le vit deuant luy il le cogneut bien: si luy dist. Trompartz vous soyez le bien venu. or est le temps que de la mort de mô frere ie prendray vengeance, auquel par vostre fier courage auez par l'espace de sept ans contre luy mene guerre, & puis à la fin en tourment & martyre l'avez fait mourir hôteusement. Si veux à mon frere monstrer qu'è sa vie ie l'ay loyaumét aymé, & qu'apres sa mort de ses ennemis l'ay vengé. Adonc le Roy d'Inde sans deliberatió à celle heure fist au Roy trompart la teste tencer. Et apres la iustice faite il fist prédre la belle Escalarmode à un cheualet de bois, & pour la bonté de la dame la fist en son palais mener, & moult honnorablemét garder & seruir. Puis est entrée en son palais, & deuant luy la fist amener, par les plus prochains de sa persóne. Quád elle fut deuant luy venue, moult volontiers la regarda pour la maniere & coterâce de la dame, qui de beauté ceste celle toutes les autres passoit, & luy dist moult doucement, Dame ie ne scay qui vous estes ne de quel lieu vous estes venue: mais le sens & la beauté qui sont en vo^{us}, me fôt de vostre amour esprins & embrasé trop ardemment, que iamais en ma vie de dame ie fus. le suis deliberé de vous prendre pour fême & espouse, & de vous faire Royne & maistresse de toute la terre d'Inde la Maiour. Sire, dist la Dame belle & gracieuse Escalarmonde, qui moult bien seut respondre. Vous parlez tresgracieusement, & me promettez & presentez des biens plus que ie ne suis digne d'auoir: mais quád au regard de vous prendre pour mary & espoux, pour ceste heure presente s'il vous plaist vous me pardonnerez: car despuis n'agueres i'ay fait serment & vouié deuant l'image du Dieu Mahom pour certaines necessitez es-

quelle

quelles ie me suis trouuee, que d'icy à vn an entier nul homme ne prendray pour mary & espoux. Et pourcât Sire, s'il vous plaist ma promesse me laisserez tenir & accomplir iusques a vn an entier, & quād le terme sera passé faictes de moy à vostre volonté. Par Mahō dist le Roy vous dictes bien, & de ce suis d'accord & contene d'attendre iusques au terme. Ainsi demoura la dame au palais du Roy d'Inde la maiour, lequel pensoit bien dedans l'an accomplir sa volonté faire. Et commanda que la belle Esclarmonde fust sur toutes autres bien ser- uie & cherement tenue. Et luy fist deliurer vne chābre fort belle & richement aornee, en laquelle la noble Dame fist porter le cheualet de bois, & au lieu le plus secret le mist dessous sa garderobe. Et quand la Dame vit le cheualet, en regrettant Pascalet des yeux tendant mēt plouroit, en priāt Dieu doucement que de cōdiger luy voulsist deliurer. Helas dist la noble Dame, vray Dieu tout puissāt vueillez vostre grace benigne deslon ceste pauvre fēme estēdre, ou autrement ie suis & demoureray doulente esgaree, de tous mes amis separee, & es mains de mes ennemis mortels me faudra le demourāt de ma vie vser & passer mes iours. Helas oray Dieu tout puissant, ie te prie que deuant la fin de mes iours ie puisse voir de mes yeux le plaisant Valentin à qui ie suis donnee : car mieux ayme mourir & souffrir mort hôteuse, que de mō corps abandoner à autre qd'a luy. La dame est en Inde la maiour qui nuit & iour est en larmes & en pleurs, Dieu deuotement priāt qu'il luy voulsist de ce dāger deliurer, & rendre saine au Cheualier Valentin auquel sur tous autres sa foy & loyauté luy auoit donnee, & promise de ferme cœur & de loyāl courage, sans iamais autre que luy auoir. Or maintenant laisseray à parler de la belle gente, & gracieuse

se Esclarmode, & du Roy d'Inde la maiour, & pour
matiere entretenir, au moins mal qu'a moy sera possi-
ble selon mon petit entedement, ie vous parleray de Pa-
colet, & du grãd dueil qui fut fait en la cité d'Aquitaine
tant de grãs cõme des petits pour la belle Esclarmode.

*Comment Pacolet se vengia de l'enchanteur
Adramain lequel l'auoit trahy &
desrobé la belle Esclar-
mode.*

A Pres que la nuit fut passce en laquelle Adramain
auoit trahi Pacolet, & emmené Esclarmode, par-
my la cité d'Aquitaine fut grand cry demené pour la
perte de la dame : car les gardes du palais (lesquels au
matin la trouuerent perdue) ietterent grandes lamen-
tations & firent si grand bruit que parmy toute la cité
en furent les nouuelles. Et quãd Pacolet cogneut qu'il
s'en estoit allé, de trahyson il se douta. Lors regarda
parmy la chambre, & tantost vit que son cheualet a-
uoit perdu, si se destort les bras, & se tire les cheueux
en criant. Ha faux Adramain par toy ie suis deceu : car
mon cheualet fausement as desrobé, & ma dame Ef-
clarmode dessus as emportee. Bien doy hayr ma vie
quand par toy ie suis ainsi trahi, & mis hors de la chose
que plus i'aymoye. Or viens à moy mort pour me iet-
ter hors du monde : car plus n'ay espoir ne confort de
consolation auoir. Tant fut triste & doulent Pacolet
pour la belle Esclarmode, que n'eust esté Orsõ qui vers
luy arriva d'un cousteau se fut tué, & de toutes pars du
palais furent ouys cris & sospirs angoiñeux & plaintes
douloureuses. Bellissant la Royne hautement crie &
ploure, & la belle Fezonne demena tel dueil que ses

riches

riches habits & descompus pour l'onneur d'Escarmode,
 qui auoit esté desrobée. Pour ceulx de la cité en eurent
 grād' tristesse. Et entre tous les autres fut piteuse & doul-
 la complainte du bon Duc d'Aquitaine. Et quand Pa-
 colet vit le deuil que chacun menoit, il leur dit que
 gneus ie iure à Dieu, qui tout le monde crea, que i'ama-
 n'auray ioir de ma vie confort iulques à ce que i'aye
 prius vengeance du traistre Adramain, par lequel nous
 sommes trahi & deceuz. A ces mots partit doulent &
 courroucé, il despouilla sa robe, & print & vestit habil-
 lement de femme ainsi comme vne ieune pucelle, &
 moult gentement s'est paré & habillé. En cest estat est
 party de la cité d'Aquitaine, & s'en est allé en Foit de
 Ferragus. Et tantost qu'il y fut deuers luy vint un Pa-
 yen qui moult fort le pria d'amour: car fort luy sem-
 bloit belle pucelle, à cause que Pacolet par son fort a-
 uoit sa face lauee d'une eau tre subulle & en telle ma-
 niere que tous ceux qui le regardoyent entr'eux diso-
 yent que iadis n'auoyent veu plus bele & plus gra-
 cieuse. De plusieurs Payens fut regardée & requise
 mais de tous s'exusa disant. Seigneurs pardonnez moy,
 car pour ceste fois ie suis promise, & ay conuenant à
 l'enchanteur Adramain lequel me retenu. Belle dist
 les autres, orallez vostre voye. Et ainsi Pacolet print le
 chemin pour aller vers l'enchanteur Adramain qui
 estoit en la tente. Et quand Adramain le vit, il fut si en-
 chanté que Pacolet luy sembla estre la plus belle fem-
 me qu'oncques Dieu crea, & tant en fut amourez que
 pour dormir celle nuit avec elle la retint, & Pacolet
 si accorda volontiers & luy dist. Monseigneur sachez
 que de plusieurs i'ay esté requise: mais sur tous les au-
 tres vous me semblez estre le plus digne d'estre serui.
 Fille dist Adramain de rien ne vus doutez, mais faites
 bonne.

bonne chose: car i'ay bien volonté de seruir & faire du bien & payer largement. Et lors commanda Adramain à vn sien seruiteur qu'il gardast la fille, & que elle fust au soupper serue de toutes viandes, & de vin à sa plaisir. Or est l'enchâteur Pacolet au logis d'Adramain bien serui & honestement receu, & Adramain est parmy l'ost de Ferragus à seruir. Amy dist Pacolet au valet d'Adramain, ou est le Roy Trôpart qui tant est puisant & renommé. Par Mahom dist il, ma dame ie croy qu'il s'en est allé en son pays & meine avec luy la belle Esclarmonde, dessus vn cheualet de bois que mô maistre luy a donné. Quand Pacolet ouyt ces mots, il fit moult doulour: mais il n'en monstra nul semblant. Adonc entra Adramain en la tente qui vin, & espice présente à Pacolet, puis luy a dit, ma fille, il est temps d'aller reposer voyez icy le liect auquel vous & moy dormirôs & aussi y ferons nostre volôté. Seigneur dist Pacolet vostre volôté soit faicte. Et alors Adramain l'enchâteur se deuestit & entra en la couche pésant que la fille au plus pres de luy se couchast: mais tout aussi tost que dedâs le liect fut Pacolet, tellemēt l'enchâta & si fort le fist dormir, que pour chose qu'on sceut faire iusques au lendemain matin ne se peut esveiller. Et quand il eut ainsi endormy, il ietta sô fort parmy toute la tente, rât que to⁹ ceux l'enuiôs s'endormirent comme Adramain. Quand ils furent tous endormis, Pacolet a deuestu ses habits de femme, & des plus riches habillemens d'Adramain s'est reuestu: puis a prins vne espee qui en la chambre pendoit & la teste d'Adramain trencha avec luy l'emporta sur la pointe de son espee. Et quand il eut cela fait il vint au tref de Ferragus qui de nul ne se doutoit, & n'auoit garde de nul Sarrazin: car tant bien sceut iouer de son art, que tous à terre les a fait

cheoir & endormir, puis entra en la tente ou Ferragus dormoit, lequel tout enchanté de son liēt l'a fait saillir & courir en la place. Adonc Pacolet a prins sa ceinture & au col de Ferragus l'a attachee, en telle maniere qu'ainsi qu'une beste il le mena, & fit courir apres luy iusques aux portes de la cité d'Aquitaine. Et quand Pacolet fut aux portes il trouua le Duc Savary acompagné de plusieurs Seigneurs & Barons, qui avoyent moult grand desir de sçavoir ceste entreprinse. Et aussi tost qu'ils ont veu Pacolet ils luy ont demandé, Amy où est Escarmode. Seigneurs dist Pacolet, ayez vn peu de patience: car au premier coup d'hache n'est pas l'arbre abatu. Sçaches que d'Adramain ie suis vengé, car voicy la teste, & si ay tant fait par mon art que l'ay admené avec moy Ferragus, lequel tout en dormant ay fait courir apres moy les prez. Par ma foy, dist Orson, biē auez besongné. Seigneurs, dist Pacolet encores ay ie fait plus fort, car en tout l'ost de Ferragus n'y a payés ne Sarrazins qui ne soyent soubz les arbres couchez & moult fort endormis, & pour ce si voulez legierement avoir sur eux victoire à ceste heure les pouvez tous confondre & mettre à mort. Messieurs dit Orson, Pacolet dit bonnes nouvelles, & me semble qu'il seroit bon de saillir hors de la cité & courir dessus tous les payens qui sont endormis. Ainsi fut le conseil ordonné & la chose deliberee. Lors firent mettre en vne chartre obscure Ferragus iusques à leur retour. Puis avec quinze ou seize mille combattans saillirent de la cité d'Aquitaine, & si secrettement sont entrez en l'ost des Sarrazins que deuant Soleil levant les ont tous vaincus & mis à mort. A celle heure fut si grande occision de payens que de leurs corps fut toute la terre couverte, & apres la destrouffe les Chrestiens coururent parmy leurs tentes

tentes & prindrent toutes leurs richesses & ioyaux. De l'ost des Sarrazins à moult grād ioye & liesse retourne-
 rēt vers Aquitaine. Et quand le Duc fut en son Palais
 avec tous les Barons il fist deuant luy admener le geant
 Ferragus. Lors Ferragus, qui estoit esueillé fut tant do-
 lent, que du cry qu'il faisoit sembloit enragé. Lors luy
 dist le Duc d'Aquitaine. Le desespoir ne vaut rié. Mais
 si baptiser vo^s voulez & prédre de Iesus Christ la Loy
 ie vous sauueray la vie, & vous feray en mon palais
 honorer. Par Mahō dist Ferragus, i'ayme mieux mourir
 que de renoncer mon Dieu Mahom, auquel i'ay lon-
 guement seruy. Lors commanda qu'on luy trenchast la
 teste, ainsi mourut Ferragus, pour laquelle mort furent
 tous ioyeux ceux de la cité, & tous les Chrestiés. Moult
 pensa Orson à par luy, cōment pacolet pouuoit auoir
 tant de science en luy, & dist à pacolet ie cognois que
 tu es vn seruiteur loyal, & que pour moy tu t'es bouté
 en plusieurs dangers, & pourtā si c'est tō vouloir, tou-
 te ta vie avec moy seras & de toute ma puissance bon
 guerdon te rendray. Sire dist pacolet ie vous remercie
 & vous promets & afferme que tāt que i'auray vie, en
 tous les lieux où ie seray me trouueres loyal. Apres
 toutes ces choses. Orson voulut prendre cōgé du Duc
 d'Aquitaine pour aller en Constantinoble, pour secourir
 l'Empereur son pere, & son oncle le Roy pepin. Il est
 venu deuant le Duc, & luy a dit. Sire, puis que Dieu vous
 a fait telle grace, que de voz ennemis vous estes ven-
 gé, & que vostre terre est deliuree, s'il vous plaist vous
 me donnerez congé pour aller en Constantinoble: car
 i'ay grand vouloit de voir mon pere, & de luy ramener
 ma dame ma mere la Roïne Bellissant, qui par enuie a
 esté si longuement de luy separee. Et avec les autres
 choses vo^s sçauiez que la cité de Cōstantinoble, & tous

les Chrestiens qui dedans sont, souffrent trop de douleurs & autres tribulations, à l'occasion des infideles lesquels pieça & de long temps les ont assiegé. Orson dist le Duc vous parlez sagement, & puis que vous estes delibéré d'ainsi faire, ie veulx aller en vostre cōpagnie, & entrer sur la mer à force & puissance d'armes pour aller secourir vostre pere l'Empereur de Grece, & vostre oncle le Roy Pepin, moult fut ioyeux Orsō & fort remercia le Duc. Si ne demoura pas longuement qu'ils furent tous prests. Le Duc bailla sa cité en garde à vn moult noble chevalier, puis ils entterent sur mer & furent bien garnis de tous viures. Chacun plouroit pour le despartement d'eux. Ils nauigerent tant sur la mer, qu'en peu de temps virent la cité de Constantinoble dōt sont furent resiois: & entre les autres la Royne Bellisante, qui moult piteusement commença à plorer quand de son mary & de sa fortune luy souuenoit. Mere se dist Orson, pretez en vous reconfort: car s'il plaist à Dieu de bref vous verrez celuy que desirez, & de la trahysie par laquelle vous fustes accusée, aurez nouuelles à vostre honneur. Mais ie suis pensifcōment dedans Constantinoble pourrons entrer. Sire se dist Pacolet, de ce n'ayez nulle doute: car de bref ie trouueray maniere que dedās la cité vous entierez: car i'iray dedās la ville & leur compteray vostre venue & entreprise. Amy dist Orson, de ce ie vous vueil bien prier. Et si direz à mon frere Valentin la piteuse fortune d'Esclarmode. Certes dist Pacolet, de ce me pardonneriez: car trop à tēp viex qui mauuaises nouvelles apporte. Apres ces mots Pacolet issit de la nef pour aller en Constantinoble: mais premier qu'il arriuaist en Constantinoble il entra en l'ost des Sarrazins pour Valentin & le Verd chenalier deliurer des prisons du Soudan, qu'en ce iour des

Sarrazins

Sarrasins auoyent esté prins deuant Constantinoble,
comme cy apres vous oiez.

Comment les Chrestiens pour auoir des viures sur-
sirent de Constantinoble, & comment Val-
entin & le Verd cheualier furent
prins par les Payens. 32

DEdans Constantinoble estoient l'Empereur & le
Roy Pepin affligez des Payens, & Sarrasins, les-
quels rien ne scauoient de la venue du Duc d'Aquirai-
ne qui pour les secourir avec Orson à grand nombre de
nauires estoient dessus la mer. En la cité de Constanti-
noble estoient plusieurs vaillans Chrestiens & gens de
ro' establis en grand indigence des viures. Lors à cogneu
Valentin leur grand necessity pour laquelle chose luy de
grand hardiesse, plein & accompagné du Verd cheualier
& de vingt mille combatans, pour cōquerir des viures
sallirent hors de Constantinoble, & des viures des Pa-
yens & Sarrasins chargerēt trois cēs charrotes, & ruc-
rois tous ceux qui les conduisoient & ainsi que deuers
la ville eniderent retourner pour les viures emmener.
Et d'autre part le Soudā, vindrent d'vne part le Soudā,
& d'autre part le Roy d'Asappe, & le Roy Affricain,
là firent moult grand destruction des Payes & moult pi-
teuse occisiō des Chrestiens. De la prouesse de Valentin
il ne faut parler car c'est affaire toū le Roy Dramagan,
avec le cheualier Clarien, & plusieurs autres desquels
les noms sont incognoū; & le Verd cheualier au
Roy de Morienne, d'vñ coup luy abbatit vn bras
& l'esqu. & deuant luy tua son frere Abillant avec dix
cheualiers Payens; mais nonobstant leurs forces &
hardiesse mal furent secourus & eurent mauuaise

aduenue, dont fut grand pitié: car de leurs ennemis furent prins prisonniers & au Soudan menez, lequel en demena moult grand ioye & grand feste & pour les faire mourir & iuger à mort, il fist assembler quinze Roys Payés, qui pour le secourir estoient venus. Moult grand courroux fut parmy Constantinoble de l'Empereur & du Roy Pepin, pour la perte de Valentin & du Verd cheualier: car ceux qu'en la cité retournerent fuyans, si rapportèrent les nouvelles qu'ils estoient morts en la bataille. Or furent Valentin & le Verd cheualier dedans les tentes du Soudan estroitement liez, & rigoureusement tenus, dont Valentin ploura, disant. Helas belle Esclarmonde iamais ne vous vetray, dont j'ay le cœur triste & doulent, par long-temps m'avez attendu & en peine & en travail de mon corps loguant vous ay quise, cōme celle qui de vouloir de Dieu pour m'espouser estoit determinee. Et quād le temps estoit venu que de mes maux ie deuois auoir allegiance, & de mes douleurs reconfort & consolation, ie suis de tout plaisir deuestu & separé de mes amis, & suis es mains de mes ennemis. A Dieu mon pere Empereur de Grece: car en moy vous n'aurez plus d'enfant. A Dieu ma mere: car onques pour moy vous n'eustes que desplaisir & descōfort, & iamais plus vous n'aurez que doulour & tristesse. A Dieu mon vaillant frere Orson, quittant de bon cœur vous m'avez aymé: car l'esperance que j'auois de passer & finir mes iours avec pere & mere, le demeurant de nostre vie, par vn cas infortuné soudainement tourne. Quand le Verd cheualier vit que Valentin se complaignoit en regrettant ses amis, il luy adit. Sire, pour Dieu oublions pere & mere, amis & parens, & faisons priere à Dieu que de nous vueille auoir mercy, & noz ames en son Paradis recevoir, prenons

prenez congé de ceste vie, & en gré la mort pour la foy
soutenir, & ayons fiance en Dieu, qui pour nous vou-
lut souffrir mort. Or fut le Soudan assis en vne chaire
parce en grand orgueil richement vestu lequel dit. Sei-
gneurs i'ay fait serment au dieu Mahom, que ces deux
Chrestiens lesquels de present & autrefois se sont par-
forcé de nous porter dommage, mourront vaillam-
ment. Si vueillez aduiser par entre vous de quelle mort
ie les feray mourir. En disant ces parolles Pacolet se iet-
ta en la presse, lequel ietta vn sort que iaçoit ce qu'an-
trefois l'eussent veu du temps que par luy le Soudan
Noradin fut prins, pourtant à celle heure il ne fut de nul
cogneu, il entra en la tente ou se faisoit le iugement des
deux cheualiers Chrestiens, & tantost qu'il apperçeut
Valentin & le Vred cheualier, il se mist à genoux, & en
langage Serrazin de par Mahom salua le Soudan, & luy
dist ainsi. Trespuissant Sire entendez mon message. Sa-
chez que suis messager de vostre frere Groart, le puis-
sant Roy d'Argier, lequel pour vostre secours & pour
les Chrestiens confondre, vient par deuers vous ac-
compagné de quatre Roys fort puissans, avec grand nô-
bre de capitaines, lesquels ont des puissans cheualiers
qui vous feront ayde. Et par moy vous mande que vous
luy faites assaillir la place ou voulez que son siege soit
mis. Et si vous auez aucuns prisonniers des Chrestiens,
que vous les luy enuoyez, & il les fera mener en son
pays pour les faire tirer la charue ainsi comme bestes
esues. Si me semble que i'en voy icy deux, qui moult
seront propices de telle peine souffrir, desquels vostre
pere seroit ioyeux. En disant ces parolles Pacolet souf-
fla contre le Soudan, & fist vn sort si subtil que de tout
ce qu'il disoit il estoit creu. Moult fut ioyeux le Soudan
des nouuelles de Pacolet: car il pensoit qu'il dist veri-

te. Il deſist richement ſeroir au diſner & commanda que
 pour celle nuit il fuſt retenu, & que de ſa peine il fuſt
 guerdonné. Grand ioye de menſons valentin & le verd
 cheualier en leurs cœurs, quand ils virent racolet
 mais nul ſemblant n'en firent. Or fut la nuit venue que
 chacun fuſt retraict pour dormir, fors que deux cens
 Sarrazins qu'eſtoyent en armes, leſquels pour les pri-
 ſonniers garder furent eſleuz celle nuit: mais mauuaife
 garde en firent pour eux, & en parlant aux Sarrazins de
 par Mahom les ſalua: puis à ienté ſon ſort par ſi habille
 maniere que tous à la terre ſe ſont endormis, tout ainſi
 que les autres deſquels eſt mention faite. puis a prins
 deux cheuaux & eſt venu aux priſonniers, leſquels con-
 tre vn pillier eſtoyent liez. Et apres qu'il les eut deſtachez
 ſoudainement & ſans demeurer les fiſt monter à che-
 val. Et en ce point les a deliurez & mis hors des mains
 de leurs ennemis, ſans que de nul puiſſent auoir eſté co-
 gneuz. Quand ils furent au champ de leurs ennemis
 racolet leur diſt: Seigneurs menez chere ioyeuſe & pre-
 nez en vous reconfort: car ſçachez que ſur ceſte terre
 ſont venus le bon Duc d'Aquitaine & le Cheualier Or-
 ſon pour voſtre ſecours & pluſieurs Capitaines à grand
 nombre de combattans ont fait la Mer paſſer. Et ſi vient
 en leur compagnie la noble Royne Belliſſant & la belle
 Fezonne. Amy, diſt Valentin, quomeuent la belle Ef-
 clarmonde. par ma fuy, diſt racolet, moult volentiers
 elle fut venue, & grand deſir en auoit: mais auſſi toſt
 qu'elle fuſt montée ſur mer, pour l'odeur de l'eau ſi grand
 mal au cœur luy print, que force fut de la ramener en
 Aquitaine. Valentin le creut, & ainto en queſſe bien
 fiſt pour celle heure: car bien eũſſoit Valentin qu'il diſt
 verité. Lors, diſt racolet, Seigneurs allez à Conſtanti-
 noble

noble, & faites demain au matin en telle maniere que vous faillez hors de la ville en si grand' puissance comme possible vous sera, pour aller à l'encontre de vos ennemis : & ie feray en telle maniere que toute l'armee du Duc d'Aquitaine qui est venue, les attendra d'autre part & à celle heure cuidera le Soudan que ce soit. Scrois que luy viennes car ie luy ay fait entendre que le Roy d'Argier son frere est arriué accompagné de quatre Roys, lesquels demain au matin se doyvent en son ost trinquier. Pacolet, dist Valentin, eu parles sagement, & ainsi sera fait. A ces mots prindrent congé les uns des autres. Pacolet retourna vers le Duc d'Aquitaine, lequel fut le port de la mer esdir avec son armée. Et luy conta comment il auoit esté dedans l'ost du Soudan, & adont deliuré Valentin & le Verd cheualier. Et puis apres leur dire la maniere comment il auoit par son loir fait à contrer au Soudan que son frere le Roy Geoart, le lendemain le deuoit venir secourir. Pacolet, dist Orson, vous estes moult à priser quand telles choses savez faire. Sire, dist Pacolet, autre chose y a, c'est que demain au matin nous allons contre les Payens frapper dessus leur ost : car ceux de Constantinoble à grand' puissance d'armes de leur part les doyvent assaillir, & par ainsi seront tous desconfits : car de toute l'armee de pardeça cuidera le Soudan que soyons Payens, par le subtil langage de quoy ie l'ay enchanté. De ceste entreprise fut ioyeux & moult esmeueillé le Duc & ceux de la Court. Il fist ses gens armer & appointer pour la chose parfaire, & toute la nuit entort de luy fist mettre bonnet & gaudes. Les nouvelles furent tantost parmy Constantinoble du deliurement de Valentin & du Verd cheualier, & en celuy iour en la cité arriuerent. Le vaillant Valentin vint deuant les deux Princes, qui doucement

entue

entre leurs bras le baisèrent & accolerent. Valentin leur conta toute la maniere de leur entreprinse, & comment ils auoyent esté par Pacolet deliurez des mains du Soudan, il leur conta la venue du Duc d'Aquitaine & de son frere Orson, qui pour les secourir estoient passez la mer, & finalement leur a dit toute l'entreprinse qu'estoit faicte des Payens assaillir, tout ainsi que par Pacolet auoit esté delibéré. Quand l'Empereur & le Roy Pepin ouyrent les nouvelles, diligemment & sans nulle prolongation, toute la nuict firent leurs gens armer & mettre en point. Ils ordonnerét cinq batailles. La premiere fut baillée à Valentin. La seconde au cheualier verd. La tierce au Roy Pepin. La quarte à Millon d'Angler. La cinquiesme à Sanson d'Orleans, qui portoit en sa banniere vn ours d'argent. Et quand vint à l'aube du iour, ils saillirent de la cite pour aller Payens & Sarrazins assaillir. Et quand ils furent au chäp on fist trompettes sonner, dont le bruit fut grand, parquoy Sarrazins à celle heure crierent à larme, & de leurs tentes saillirent. Là furent Payens assaillis de l'Empereur & du Roy Pepin. loyeuse fut la bataille pour les Chrestiens celuy iour, & pour les Payens cruelle desconfiture: car à celuy assaut moururent à honte iusques au nombre de cinquante mille. Là fut le Roy Pepin, lequel en donnant courage à ses gens, à haute voix cria mont-joye saint Denis. Lors y eut vn Sarrazin qu'à haute voix cria disant au Soudan. Ha Sire, reculez & pensons de sauuer la vie: car en ceste nuict auez perdu les deux prisonniers, qui tant estroictement estoient liez. D'autre part nous auons veu vne banniere, sous laquelle y a grand multitude de gens, qui contre nous fierement courent. Par Mahom, dist le Soudan, ie cognois claiement que nous sommes trahis: mais

non

non pourtant ayons bonne fiance en nos dieux, & pensons de nous defendre. A celle heure prindrent les Payens si grand courage de combattre, que par force contraindirent les Chrestiens à reculer : mais petit leur valut leur orgueil : car sur eux vindrent frapper le Duc d'Aquitaine & Orson, lesquels estroitement les suyverent & assaillirent de toutes pars, tant qu'ils furent si court tenus que sans nulle remission deslinèrent leurs iours, & si grand nombre que de toute leur puissance n'en eschappa que trente trois. Et ainsi par le vouloir de Iesus-Christ, & par la grand vaillance des vaillans Princes à celuy iour, furent maudits Payens desconfits. Et quand la bataille eut prins fin & que les Chrestiens furent r'aliez, Valentin & Orson son frere lesquels l'un l'autre s'estoyent cogneuz, vindrent deuant l'Empereur en moult grand reuerence. Pere, dist Valentin, vous pouuez icy voir mon frere Orson, lequel iamaiz vous ne vistes par lequel en ceste iournee vous avez esté secouru. Lors l'Empereur embrassa Orson son fils en plourant piteusement & aussi fist le Roy Pepin. Beau fils dist l'Empereur bien soyez venu : car pour vous est ma ioye doublee & mon espoir fortifié. Orson dist le Roy Pepin ne vous souvient-il pas quand vous m'abatistes de dessus mon cheual à terre dedans le bois, auquel le vous chassois. Bel oncle, de ce me doit souuenir, & de plusieurs autres choses par moy faites : mais pour le present ne deuons autre chose penser que de remercier Dieu, de la victoire laquelle par luy nous a esté donnee contre les ennemis de la foy Chrestienne : car de toute nostre puissance nous deuons noz cœurs appliquer pour venger Iesus-Christ. De ces parolles ouyr, furent tous ioyeux ceux qu'en la presence estoyent & priserent Orson qui tant sagement auoit parlé. Adonc s'assemblerent

l'Empe

l'Empereur & le Roy Pepin, Valentin, Orlon, & le Verdchevalier, Blandiman & Guichard le marchand par qui l'Archeuesque auoit esté combattu. Et en grand honneur & triomphe sont allez voir les tentes de la Roynie Bellissant & de la belle Fezonne lesquelles en attendant la desconfiture des payens estoient en vn pavillon honorablement accompagnées, & là Dieu deuyent ét prioyé qu'il luy pleust garder l'Empereur & toutes les gens des payens. Quand Bellissant sceut que la bataille estoit gaignee, elle dist à Fezonne: m'amie, laissez bonne chere, car vous verrez tantost l'Empereur mon mary, lequel est pere d'Orlon, qui pour femme vous a prise: Dame, dist Fezonne, Dieu en loüe, car de celle chose voit ay grand desir. En disant ces parolles, vint tantost deuant le pavillon l'Empereur & toute sa compagnie. Et quand les Dames l'apprèsent elles saillirent audeuant. Lors l'Emper, ur, quand il aduisa Bellissant il saillit bas de son cheval en pleurant, & sans pouoir dire parolle vint embrasser la dame, laquelle à deux genoux à terre se jetta. Là endroit s'assemblerent l'Empereur & la bonne dame, qui par l'espace de vingt ans ou plus d'ensemble auoyent esté separez. Or ne faut il pas demander si de trouver l'un l'autre eurent bon soulas, & si de pitié profonde eurent les cœurs estraints: car d'amour naturelle entre les bras se tenoyent, & cheurent tous deux pasmez à terre. Et quand Valentin & Orlon virent la pitié de leur pere & de leur mere, moult tendrement commencerent à plurer, & au plus pres d'eux, cheurent pasmez. Le Roy Pepin, & plusieurs autres Barons & Cheualiers voyant la pitié commencerent à plourer, & après que l'Empereur & la Roynie Bellissant eurent leurs douleurs modérées, & qu'ils furent reuenus de pasmoison, l'Empereur parla à la Roynie en telle maniere.

re.

te. Mais mon amy, si vous ne me doit au cœur desplaire de la peine ou vostre corps a esté par l'espace de long tēps, à cause de l'exil en quoy ie vous ay mise par envie malprouuée, & legere escandee: car ie scay de certain, qu'à tort & sans raison de moy vous fustes deschallée dont des par l'ay esté en peine & en soucy, vostre corps regrettant, & plourant ma douloureuse faute, & la peine de grief martyre auquel ie ie premeditoie que vous fussiez mais sur toutes choses vous me pardonnerez, si vous plaist car à grande peine se peut nul de malhy longuer. Mon amy dist la Dame ne vous en souuez: car de l'heure que ie vous ay veu de toutes mes douleurs i'ay esté libérée & confortée, mais d'une chose vous prie, c'est que vous plaist de me monstrier le bon & loyal marchand, par lequel la trahyson a esté cogneue, & l'atcheue que combat. Mon amy dist l'Empereur: soy le pouvez vous car ce n'est le bon & loyal marchand par lequel la chose a esté cogneue, & vostre honneur esprouue. Amy dist la dame au marchand: si estes digne d'estre aimé entre les autres car pour le grand profit & honneur qu'avez fait à l'Empereur, & au noble sang de France, d'icy en uenant vous retiens mon chambellan, & veux qu'il vous soit deliuré mille matos d'or fin. Dame dist le marchand ie vous remercie, & toute ma vie loyalement vous serviray. Lors parla Valentin à sa mere en disant: Madame plaist vous parler à moy, & me dire les nouvelles de ma bonne amyé Esclarmonde. Le beau fils dist la dame prenez en vous reconfort car Esclarmonde saucemēt en la cité d'Aquitaine a esté desrobée & liurée au Roy Trôpaire, qui pour les Payens secourir estoit deuant l'ennemy venu. Quand Valentin ouyt ces parolles il régarda racolet, cuidant par luy estre deceu, & par couraige despitieux le voulut frapper d'un glaive. Et adonc racolet sa fureur cogneut à

deux

deux genoux se ietta & à dit que pour Dieu il ne vouloit à luy estre courroucé : car de ma faulx n'y a chose par quoy moins me deuez symetiser moy mesme, sy este trahy, & qd'il ne soit vray iceluy enchanteur a desrobé mon cheualet: mais nonobstant la teste luy ay couppée, quand Valentin entendit que par trahison il auoit perdue la belle Esclarmonde, & que Pacolet & tous les autres en estoient innocens, il ista vn cry si pitoyable & si grand que tous ceux qui le regardoyent estoient contrains à plourer. A celle heure prindrent chemin Princes & Barons & Cheualiers pour aller en Constantinoble, & les prestres & clers en grande deuotion firent procession generale, en laquelle firent aller femmes & enfans alencontre des vaillants Princes lesquels auoyent les Payens destruits. En chantans hymnes & louanges à Dieu, iusques à la grande Eglise les accompagnerent & de grand' ioye & pitié plouroient. Et apres que dedans ladicte Eglise eurent faites leurs deuotions & rendu graces à Dieu, l'Empereur & le Roy Pepin allerent au palais imperial, lesquels menerent si grand' feste que pour six iours entiers firent tenir table ronde. Si ne faut pas demander des pompes, triomphe, & seruice, qui adonc furent faits: car tous furent ioyeux & menerent chere lye, pour la tresgrande grace que Dieu leur auoit ainsi donnée contre leurs ennemis. Et apres certains iours plusieurs princes & Barons, prindrent congé de l'Empereur pour retourner en leurs pays, desquels ie ne pense plus vous faire mention, fors tant seulement du Roy pepin.

Comment le Roy Pepin prit congé de l'Empereur pour retourner en France, & de la trahyson d'Auffroy & Henry, alencontre d'Orson.

Après

A Pres la destruction des ennemis de la foy Chrestienne, lesquels pour diminuer les Chrestiens auoyent assiégué Constantinoble le noble Roy Pepin print congé de l'Empereur pour s'en retourner en son Royaume de France. Quand Orson vit que le Roy Pepin s'en retournoit il luy dist. Sire, j'ay courage de m'en retourner avec vous en France, & vser mes iours en vostre seruice, sans vous changer iamais pour nul autre seruir. Orson dist Pepin, de ce suis content. Et puis que tant auez courage de me loyallement seruir, sachez que ie vous emmeneray en France, & dessus tous les autres ie vous feray Connestable, & s'il auenoit que du vouloir de Dieu, mon petit fils Charlost definast sa vie durant mon temps ie vous feray Roy de France. Sire dist Orson mille mercis vous rensicar puis que vostre volonté est de me recevoir en vostre seruice : i'ameneray avec moy ma femme, & du tout vous veux estre loyal, & au trenchant de l'espee vostre bon droit deffendre. A tant partirent de Constantinoble le Roy Pepin & Orson, & grand cheualerie. Pour la despattie de Pepin plouroient tendrement l'Empereur & la dame Bellissant & tous les autres. Orson recommanda son frere Valentin à Dieu en plourant. De sa mere Bellissant ne peut pas prendre congé pour le grand dueil qu'il auoit de la laisser, fors seulement qu'il l'embrassa & baisa doucement. Apres le cōgé prins le Roy mōta sur mer, & l'Empereur tous ceux qui l'auoyent conuoyé s'en retournerent en Constantinoble plourāt tēdremēt : mais avec la douleur du despartement du Roy Pepin, plus que nul des autres fut au cœur desplaisant l'enfant Valentin, & pour l'amour d'Esclarmonde laquelle il auoit perdu, il dist à l'Empereur en iettant grosses larmes. Trescher & redouté pere, vueillez moy pardonner si

P

congé

congé pres de vous: car iamais n'auray ioye tant que ie sache nouuelles certaines que m'amy eſt deuenue: car ie l'ay en danger, de mon corps conquise & gaignee, parquoy ie la doy bien desirer & regretter. Quand la Royne sa mere entendit que son enfant Valentin s'en vouloit aller elle cheut pasmee. Mere dist Valentin laissez vostre plourer: car ie veux celle que tant i'ayme chercher & querir, & s'il aduiet que ie ne la puisse trouver, iamais iour de ma vie n'auray lieſſe: mais desirer la mort pour mes iours abreger. Lors appella Pacolet & luy dit Amy s'il te plait de me ſeruir en ceste neceſſité & venir avec moy, iamais pis que moy n'auras. Sire dist Pacolet, ie ſuis preſt & appareillé de vous ſeruir en toutes choſes, & faire voſtre volenté. Ainſi fut Pacolet delibéré d'aller avec Valentin, & Valentin fut pour l'amour d'Eſclarmonde en tel point demené qu'il delaiſſa pere & mere, & ſans nul ſeiour fiſt appareiller Pacolet & luy quatrieſme part de Coſtantinoble, pour treuver celle de qui ſon cœur eſtoit ſi triſte & fort doulent. Du dueil à l'Empereur de Grece & à la Royne Belliſſant ne pourroit-on racompter: car en telle peine eſtoyent, que ſans parolle dire en leur châtre entrerent piteuſement deſconfortez: & Valentin qui le cœur auoit ferme de ſon entreprinſe parfaire monta à cheual pour aller vers le port & là entra en mer & ſa compagnie. Or me tairay de luy, & parleray du Roy Pepin lequel arriua à Paris, & fut reçu honorablement: car de toutes les Eglises ſail'irent proceſſions, & de prebſtres, & de clers, & de gens de tous eſtats qui allerent au deuant moult loing hors de la ville. Entre les autres y fut la Royne Berthe, laquelle moult doucement le baiſa, & Charlot ſon petit ſils qui fut ſage & bien apprins, à ſc, pere fiſt la reuerce, lequel entre ſes bras le print & le baiſa.

baïsa:& puis entra le Roy au palais en grand honneur & moult richement accompagné, & pour l'amour de sa venue fut grand feste demenee, & plusieurs offices departis & donnez: mais sur tous les autres fut en honneur monté & esleué le vaillant chevalier Orson, & en telle maniere que tout ce qu'il vouloit dire & commander estoit fait & tenu. Tant fut de sens remply, que par luy estoit toute la cour gouvernee, les malfauteurs punis & les bons esleuez en honneur. Nul qui deuers le Roy eut affaire autre moyen qu'Orson ne demandoit. Pour lesquelles choses Auffroy & Henry desquels j'ay deuant fait mention, eurent enuie contre le bon Orson si grand qu'à lencontre de luy machinerent trahyson mortelle de toute leur puissance, & dirent l'un à l'autre que trop leur estoit chose vituperable & dommageable, quand Orson par dessus eux estoit prisé & honoré. Par Dieu dist Auffroy & Henry bien peu deuôs. priser nostre puissance, que de celuy Orson vengeance ne scauôs prendre: car s'il regne plus longuement, nous verrôs le temps que par luy ferons deiettez, & mis hors du royaume de France. Frere dit Henry vous auez dit veritez: or ne sommes nous que deux freres germainz, & deuôs l'un l'autre conforter & ayder cõtre noz ennemis: mais sur ceste matiere ie ne sçay que penser. Henry dit Auffroy, entendez ma raison nous auons deux neueux fils de nostre seur aisnez: c'est assauoir Florent & Garnier, lesquels sont moult hardis & fiets, & me semble que par eux pourra estre de leger vne trahyson faicte & brañee, plustost que par nous: car bien scauoient de vray que le Roy ne les aymoit point, & plustost auoit fiance au parler d'autrui qu'au leur. D'autre part l'un est bouteiller du Roy, & l'autre si est huyssier de la chambre, en laquelle il couche. Et par le moyé d'eux pourrôs

entrer en la chambre du Roy Pepin nostre pere, & en son liēt le tuer, & chacū diroit que s'auroit esté Orson: car dessus tous les autres il est gardē du corps du Roy & en luy se fie. Et par ainſi ſeroit ledit Orson condamné à mort: & demoureroit du tout le royaume à nostre deliberatiō: car Charlot n'est pas encores assez puissant pour nous conduire. Auffroy dist Henry, vous auez fort biē aduisé: mais pour ceste chose parfaire & accomplir, il conuient bien mettre diligence. Et en ce point machinerent les deux traistres la mort du noble Roy Pepin, leur pere naturel, & de si male heure les auoit engendrez, que du sauuemēt de leurs ames gueres ne leur challoit. Ils māderēt les deux autres maudits traistres, c'est assauoir Florēt & Garnier, lesquels estoient moult fiers & hardis. Et quand ils furent venus deuant eux, Auffroy print la parolle & dist en ceste maniere. Soigneurs entēdez nostre intention, car nous sommes deliberez mon frere & moy de faire chose par laquelle nous aurons profit: & vous monterons & esleuerōs en honneur plus que ne fustes iamais: laquelle chose ie delibere pource que vous estes mes propres neueux & de mon propre sang, & doy plus vostre bien desirer que nul autre, & pour venir à fin ie vous veux dire mon intention. Vous sçauiez que le Roy Pepin combien qu'il soit nostre pere iamais de bon cœur ne vous ayma, & tousiours de sa puissance les estrangers à esleuez & mis en honneur, & en tous offices & dignitez à aduancez plus que nous, parquoy toutes ses choses considerees mon frere Henry & moy, qui sommes vos oncles legitimes, voulons & sommes deliberez de faire mourir le Roy Pepin. Et apres sa mort nous quatre gouvernerons, & tiendrons son pays & la terre à nostre volōté: mais il cōuient que la chose soit accōplie par l'un de

vous

vous deux & me semble que vous Garnier estre le plus propice à ceste chose entreptredre, car vous auez l'office à ce faire conuenable plus que nul autre, veu que vous estes maistre huissier, & garde principal de la chambre du Roy, & pouuez cognoistre de iour & de nuict qui entre en ladicte chambre en quelque lieu secret, & quand le Roy sera en son liët endormy, subtilemēt sās mener bruit viendrez à luy & l'occirez: puis viēdrez en la chambre ainsi cōme bien vous le sçaurez faire, & le lendemain au matin quād les nouvelles serōt qu'il sera mort, la charge en sera dōnee à Orsō, à cause qu'il couche en la chambre pres du corps du Roy, & ainsi sera Orson condamné à mourir. Et apres ces choses au petit Charlot osterons la vie de leger, & par ainsi nous demeurera le royaume & la successiō à despartir à nostre volonté. Oncle, dist Garnier, de tout ce fait ne vous esmayez: car vostre pere le Roy Pepin perdra la vie. Or fut la trahison ordonnee cōtre le Roy Pepin qu'en nul mal ne pensoit, par les deux mauuais enfans, lesquels n'auoyent point de pitié de leur pere faire mourir, de mal'heure est l'enfant nay qui alencontre de son pere veut telle mort pourchasser, & de mal'heure furēt oncques engendrez Auffroy & Henry, quand par eux fust trahisō faite & maint pays gastez. Par eux fust leur neueu Garnier de mauuaise bonté plein, quand la trahisō fust deuisee, il espia vne nuict que le Roy souppoit. il print vn cousteau bien pointu & taillāt, & subtilemēt entra la chābre Royale. & derriere vne tâte se musa si secrettemēt que de nul ne peut estre apperceu. Et quād l'heure fust venuë que le Roy deust aller reposer, par les gardes & chamberlans fut mené au liët, ainsi cōme de coustume estoit, le Roy entra dedans son liët lequel à Dieu se recōmanda deuotement, & tous saillirent de

la chambre excepté Orson, qui pour luy faire passer sés tēps iusques au dormir de plusieurs choses luy parla. Mais, adonc quand Orson vit que le Roy vouloit reposer sans plus faire de bruit, le laissa & au plus pres de luy en vne couchette se mist. Et quand vint entour la minuit le traistre Garnier saillit hors de son lieu, & en portāt le cousteau en sa main alla au liēt du Roy Pepin, pour son entreprinse parfaire: mais quand il fut auprès de luy & qu'il leua le bras pour luy liorer la mort, il luy sembla que le Roy se vouloit esueiller, dont si grand peur luy print, que de costé le liēt se laissa cheoir au bas, ou il fut longuement sans soy oser remuer: puis le voulut frapper secondemēt: mais ainsi qu'il le voulut frapper, il eut si grand peur que tout le corps luy saillit, & commença à trembler tellement qu'il ne peut parfaire son entreprinse, & bouta le cousteau dedās le liēt, & puis s'en retourna mucer en son lieu tout tremblant en attendant le iour, & si fort effroyé estoit qu'il eust voulu estre cent lieues de la mer. Et Orson estoit en sō liēt qui du cas ne se doutoit, & songea vn sōge merueilleux: car il luy fut aduis qu'on luy vouloit oster l'hōneur de sa femme Fozonne, & qu'aupres d'elle estoient deux larrons qui machinoyēt vne trahison alencōtre de luy: puis il luy sembla que dessus vn estang il voyoit deux hairons moult grands, qui combattoient encontre vn espreuier, & de toute leur puissance se parforçoient de l'occire: mais si vaillamment se deffendoit l'espreuier, que les deux hairons traillaient tant que tous deux fussent morts, si n'eust esté vne grand multitude de petits oiseaux qui descendiēt sur l'espreuier, & tantost l'eussent tué si ne fust vn aigle qui l'espreuier secourut, & en ce songe s'esueillā Orson, qui de ce songe fut esmerueillé & commença à dire. He vray Dieu vueil-

lez moy garder de trahyson, & confortez mon frere Valétiñ, en telle maniere que de la belle Esclarmode il puisse auoir nouuelles certaines : a celle heure apparut le iour & Orson se leua qui secrettement s'en issit de la chambre, de peur d'esueller le Roy. Quand Garnier vit qu'Orson estoit dehors tout plustost qu'il peut faillit hors de la chambre & s'en alla en son hostel vistement courant & là trouua les deux freres Auffroy & Henry, & Florent avec eux, qu'auoyent grand desir de sçauoir des nouuelles de leur maudite entreprinse. Regardez Garnier que vous dictes cōment il va de nostre fait & entreprinse. Seigneurs, dist Garnier, par le Dieu tout puissant qui le monde à creé, pour tout l'auoir de France ie n'en ferois pas encores autant que i'ay fait. Et au regard du Roy sachez qu'il est encores en vie. Car ainsi que ie le cuidois de mon cousteau occire, ie fus si effroyé que le cœur me faillit, & n'eusse en courage de son corps dommager pour tout l'auoir du monde : mais d'une autre trahyson m'aduissay : car le cousteau que ie portois mucé ie l'ay laissé dedans le liēt du Roy. Si me suis pensé que nous accuserons Orson de trahyson, & dirons au Roy qu'ils sont quatre d'un appointement, qui tous sont deliberez de faire le Roy mourir, desquels Orson est le principal. Et dirons qu'ils veulent faire mourir Charlot pour auoir entre eux quatre, le royaume de France. Et pour nostre fait mieux esproouet & estre creu de telle chose, nous dirons comment Orson a son fait appresté, & le cousteau tout prest lequel il a mucé dedans le liēt, & qui nous demandera cōment nous le sçauons, nous dirons qu'ils estoient en une chambre parlant de ceste matiere, & l'un de nous estoit au plus pres de la porte qui leur secret entendit. Garnier, dist Auffroy, vous estes moult subtil & parlez

sagement. Et s'il aduenoit qu'Orson voulüst dire le contraire, vous & vostre frere Florent prendrez contre luy champ de bataille, & bien sçay de certain que de vous desconfire il n'aura pas la puissance, & si d'auenture il aduenoit que dessus vous tournast le pire, nous ferons mon frere Henry & moy bien pourueuz de gés à grand nombre, & maugré tous les autres vous irons secourir. Seigneurs dirent Garnier & Florét, vostre deliberation est tresbonne, & bien auons courage de la chose parfaire. Ainsi fut la trahison secôdement & de-rechef alencontre du noble cheualier Orson pensée & machinée lequel de tout ce fait estoit pur & innocent. Le iour fut clair & l'heure venue, que le Roy apres ce qu'il eut ouy Messe, entra en la salle Royale & au dîner fut assis. Là furent Auffroy & Henry qui deuant luy seruiroient, lesquels à Orson monstroyent bon semblant: mais de cœur luy pourchassoient trahison mortelle de toute leur puissance. Quand Garnier vit qu'il estoit temps de parler, il entra en la salle & vint deuant le Roy, lequel il salua & grâd reuerence luy fist. Puis luy a dit, tresredouté Sire, il est vray que de vostre benigne grace m'avez faict cheualier & baillé office en vostre palais plus hōneste qu'a moy n'appartiēt. Et pour cause que tant d'honneur m'avez faict de moy entretenir en vostre seruice ie ne dois pas par raison estre en lieu n'ē place, ou vostre dōmage soit pourchassé. Si suis par deuers vous venu dire vne trahyson laquelle contre vous à esté faicte & affin que du danger vous puissiez garder & voz ennemis punir. Garnier, dist le Roy or dites vostre courage: car tres-voulontiers vous esconteray. Sire, dist Garnier, faites tenir Orson affin qu'il ne s'enfuye: car dessus luy perte & dommage tournera: car c'est le traistre par qui la chose est commencee,

& doit estre à fin menée, & si vous voulez sçauoir la maniere, sçachez qu'ils sont quatre des plus grands de vostre cour, lesquels sont deliberez de vous faire mourir, & desquels Orson est le principal, qui dedans vostre liêt vous doit faire mourir, & d'un cousteau au cœur vous frapper quand vous serez endormy. Et affin que mieux vous me croyez, ainsi que leur accord faisoient aujourdhuy, i'estois en vn certain lieu secret ou pas ne me sçauoyent: & ay entendu comment Orson disoit aux autres que le cousteau dequoy vous deuez estre occis, est dedans vostre liêt mucé, & s'il vous plaist d'y aller ou autrui enuoyer, vous trouuerez la chose veritable. Sire dist Florent, qui fut de l'autre part, mon frere dit verité dont ie suis triste & doulent de ceux à qui vous auez tant fait de biens, qui veulent vostre mort pourchasser. Le Roy fut moult esbahy de telles parolles, & en maintes manieres & contenance regarda Orson en disant. Faux & desloyal homme comment auez vous en telle pensee de ma mort desirer, moy qui tout le temps de ma vie vous ay si cher tenu, & plus que les enfans que i'auois engendrez prisé & honnoyé. Ha Sire dist Orson, ne vueillez contre moy croire si legerement: car iamais en iour de ma vie trahison ne pensay: mais suis accusé de ce fait par leur fauce enuie. Or n'en parlez plus, dist le Roy: car si le cousteau est au liêt trouué ie vous tiens coupable du fait, n'autre prouue ie ne demande. Lors appella ses Barons, & leur dist. Seigneurs, par Iesus-Christ ie ne fus oncques plus esmerueillé, que ie suis de ceste trahyson. Sire dist Millon d'Angler, ie ne sçay comment il en va: mais à peine pourrons croire qu'Orson eust voulu vne telle trahison entreprendre contre vostre Royale maiesté. Voire, dist le Roy: mais si nous trouuons dedans le liêt vn cousteau, bien est signe euidant que la chose doit

bien estre creü. Or pour Dieu, dist Millon d'Anglet, allons voir ceste experience. Lors alla le Roy en la chambre avec plusieurs de ses Barons & cheualiers. Et ainsi qu'ils furent aupres du liët, ils ont le cousteau trouué ainsi que Garnier le traistre leur auoit dit. Helas dist le Roy, en qui peut-on auoir fiance, quand mon propre neveu que j'ay tât cher tenu, est de ma mort conuoiteux & de ma vie ennuyeux: mais puis que le fait est tel, ie iure & promets à Dieu, que iamais il n'aura iour de respic, que ie ne le face pendre & estrangler. Lors vn vaillant cheualier lequel estoit appellé Simon, courut deners Orson: car il l'aimoit moult, & vistement luy dist. Helas, bel amy Orson, fuyez vous en legerement, & penscz de sauuer vostre vie: car le Roy a trouué le cousteau dedans le liët, ainsi comme Garnier luy auoit dit, parquoy il a iuré qu'il vous fera pendre & estrangler au plustost qu'il sera venu. Or ne vous chaille, dist Orson: car j'ay bonne fiance en Dieu qui mon bon droit gardera. Sans gueres tarder entra le Roy Pepin, dedans la salle ou Orson estoit de quinze puissans forts hommes estroitement tenu: puis fist appeller plusieurs grands cheualiers & aduocats de son palais pour iuger & condamner Orson: mais Dieu qui les bons amis au besoing n'oublie pas, contre les faux & maudits traistres le garda & deffendit, tellement que leurs iours honteusement finiront les traistres desloyaux, & li sera descouuerte leur maudite trahison.

*Comment Orson quand on le vouloit iuger, mist apposition
sur le iugement & demanda champ de bataille
contre ses accusateurs, lequel par les
douze pers luy fut accordé.*

Q Vand Orson fut deuant le Roy, & deuant les iuges de son palais, qui pour le condamner estoient assemblez, il parla deuant tous en grand hardiesse disant. Sire tresredouté, & vous Seigneurs, decteurs, Barons, & vaillans cheualiers, vous scauez qu'il n'est homme qui de trahison se puisse garder ne fuyr de sa fortune, quand elle vient, & puis qu'aini est que ie suis accuse de crime contre la maieté, c'est de la mort du Roy, & vous estes icy assemblez pour faire de moy iugement, & que de ma parolle ie ne puis estre creu contre mes ennemis. Le demande deuant tous le droict & la loy de vostre palais qu'est telle que quand vn cheualier est accuse de meurtre ou trahison, & il se veut deffendre en champ de bataille il doit estre reçu, or suis-je cheualier qui me tiens sans reproche, & du cas innocent. Si veulx par l'ordonnance dellusdite estre reçu en mes defences, si par l'assistance de vostre court il m'est adiugé & ordonné. Et affin que nul ne pense que ceste chose ne vueille pourfuyr, & mon corps offrir en bataille voyez icy mon gage, lequel deuant toute vostre puillance ie baille & deliure, & si ie suis en bataille vaincu, faites de mon corps iustice, ainsi cōme le droict le requiert. Orsō dist Gaudier, de telle chose vous pouuez bien taire: car ia ne desplaise à Dieu, que de chose prouuee ie preigne contre vous bataille. Ha traistre, dist Orson, point n'est chose prouuee si n'est quelque homme qui ne doute sō dānement, & n'ayme son honneur, qui pour tel cas ne peut à mort iuger, quand ie veulx champ auoir, en deniant le cas sans le confesser condāné ne doy estre. Sur ces parolles fiēt les douze pers de Frāce oster & mener hors du lieu Orsō & ses deux aduersaires pour la chose aduiser disputer, & cōsiderer les raisōs des deux parties. Si fut par eux adiugé que la demāde d'Orson estoit rai-

sonnable, & qu'il deuoit estre receu & ouy en ses raisons. Et alors firent venir Garnier & son frere en la presence du Roy. Et le Duc Millon d'Angler demanda à Garnier qu'estoyent les quatre qui de la mort du Roy estoyent consentans. Seigneurs, dist Garnier, de ce n'enquerez plus, car pour tout l'or de France ie ne le vous dirois. Garnier, dist le iuge, qu'ordonné estoit, pourtant vous cōdamne à receuoir le gage lequel Orson vous liure, à vous & à vostre frere & contre luy cōbatre, puis q̄ ne veut declairer ceux qui de la chose sōt coupables, il est de leger à croire qu'en vostre fait à malice. Ioyeux fut Orson d'iceluy appointment, & aux deux traistres ietta son gage disant en ceste maniere. Seigneurs voyez icy mon gage, lequel ie vous deliure par tel conuenant, que si ie ne puis vaincre & combattre les deux traistres Garnier & Florent son frere. I'abandonne mon corps à estre pendu honteusement deuant tous. Or auant dist le Roy la chose est accordee & le iugement fait: mais pour l'entreprinse mener à fin il conuient gage & fiance pour vous ou pour vostre corps preseter, à la journée laquelle assignee vous sera. Adonc Auffoy & Henry demourerent & offrirent leurs corps pour Florent & Garnier. Et Millon d'Angler, Sanson, & Geruais offrirent leurs corps & demourerent pour Orson, & promirent le rendre à vn iour qu'il seroit assigné à vn moys ensuyuant. Quand la fin du moys fut venue & le iour qu'on deuoit combattre le Duc Millon d'Angler, Sanson, & Geruais admenèrent Orson, car fort estoit aymé. Et quand il fut armé & monté à cheual à son col mist l'escu richement armoyé: puis chevaucha parmy la ville moult noblement accompagné, & alla tout droit au champ qu'on auoit ordonné hors de la ville. Et la attendant ses ennemis, mist le fer de sa lance en terre & dessus s'appuya. Si

ne demoura pas longuement, que tantost entrerent au champ Auffroy & Henry qui leurs deux neueux admenèrent armez richement: moult redoutoyent Garnier & Florent leur aduersaire Orson: mais Auffroy & Henry tousiours le reconfortoyent, & promettoyent les secourir. Et ainsi comme ils furent entrez dedans le champ, l'Euesque de Paris alla deuers eux & fist faire les sermés qui estoient accoustumez de faire. Puis vindrent les heraux & les gardes du champ, qui tous ceux qui estoient dedans firent vider fors les trois combattans. Or auoit appointé Auffroy trois cés hommes qu'il auoit mis dedans vne maison au plus pres de la place, & leur dist & commanda que tout aussi tost qu'ils orroyent sonner son cor, qu'ils vinssent deuers luy. Bien pensoyent les traistres estre secourus, & deffendus en leur entreprinse. Car aussi tost que les gardes commanderent aux champions de faire leur deuoir, Orson baissa sa lance, & à pointe d'esperons s'en vint contre ses ennemis, & par moult grand courage vint premier frapper Garnier, si grand coup luy donna que l'escu & le harnois tout outre luy passa. Et Florent fut de l'autre part, qui fort fierement frappa Orson, vn moult terrible coup: mais autant en tint compte comme s'il eust frappé sur vne tour. Faux maudit & desloyal traistre à tort & sans cause vous m'avez accusé: mais aujourd'huy ie vous monstreyray ou l'autre repose, à ses mots de l'espee flamboyante à tellement seru Garnier, que de l'arçon de sa selle l'abatit à terre, & aussi tost subitement le heaume luy osta de la teste. Puis apres luy eut couppee, Il n'eust esté son frere Florent qui frappa Orson moult durement. Lors Orson se retourna & tellement ferit Garnier, que l'oreille senestre luy abbatit à terre, puis luy dist, beau maistre qui trahyson pourchasse ne doit point gaigner

au marché. Là commença forte bataille entre les trois champions, Garnier reconquist son heaume, & en la teste mist & vint vers Orson, & de toute sa puissance s'esforça de le dommager: mais tantost eust esté desconfit, ce ne fust Florent qui souuentefois le secourut. Moulteut de peine & de trauail pour les deux maudits & desloyaux traistres combattre: car fort estoient armz & si prenoient courage pour Auffroy & Henry, lesquels leur auoient promis secours & ayde. & tant fist Orson entour Garnier que durement le naura. Et quand ledit Garnier se sentit nauré, il descendit à terre & le cheual abandonna, puis vint contre Orson & frappa son cheual, par telle façon qu'une jambe luy couppa & à terre l'abbatit: mais Orson qui fut diligent & fort quand son cheual sentit verser, les deux pieds mist hors des estriers & à terre saillit: puis est venu à Garnier & si estroitement entre ses bras l'a prins, que l'escu & le blason luy osta & à terre l'abbatit: mais ainsi qu'un estoec au ventre luy voulut bailler, Florent frappa des esperons pour secourir son frere & dessus le heaume d'Orson, tel coup luy donna que tout le fist chanceler, Orson alla vers luy qui eut grâd despit, & le frappa de si grâd courage que le cheual abatit mort: & a Florent osta le heaume de la teste, dont fut esmerueillé & ne trouua remede fors que de fuyr, & courir parmy le champ en soy courrant la teste de son escu, & Orson courut apres par grand courage, qui de le voir fuyr auoit grand plaisir. Ha Florent dist Garnier, pourquoy fuyez-vous tant & retournez arriere & pensez de vous deffendre: car si vous auez bon courage auiourd'huy par nous sera vaincu. A ces mots assaillirent les deux traistres le vaillant Orson moulte durement, & de leurs espees tant de coups luy donnerent, que parmy son harnois les coups entrerent & le

& le sang firent saillir à grand randon. Lors Orson qui se sentit nauré Dieu deuotement reclama & la vierge Marie:& en disant ce tel coup donna à Florent, que le poing & l'espee luy abbatit à terre. A celle heure fut la bataille moult grande & merueilleuse. Deuant la bataille la belle Fezonne estoit en vne Eglise, laquelle moult tendrement ploroit, en priant Dieu deuotement qu'il luy pleust son bon amy Orson garder & deffendre, & luy donner victoire contre ses ennemis, le peuple fut esmerueillé de la prouesse d'Orson & des armes qu'il faisoit. Dolent fut Florent quand le bras eut perdu, non pourtant il ne laisse point d'assaillir Orson à toute sa puissance. Et quand Orson le vit venir il fist semblant de ferir Garnier, puis retira soudainement son coup, & frappa Florent en telle maniere que mort à terre l'abatit, puis a dit à Garnier: Traistre apres vous faut passer ou vous cognoistrez deuant la trahison que vous auez brassée. Orson, dist Garnier, autrement en ira, car si mon frere auez occis aujourd'huy en prendray vengeance. Auffroy, dist Henry, de nostre cas fait va mal: car Orson a mis Florent nostre neueu à mort, & si verrez de brief qu'il vaincra Garnier, & luy fera la trahison confesser, parquoy nous serons à tousiours dehonnorez, & en danger de mort. si ne trouuons maniere de fuyr & eschapper. Frere, dist Auffroy, qui de trahison estoit plain, ie vous diray que nous ferons aussi tost que nous verrons que Garnier sera vaincu, premier qu'il confesse la trahison, nous entrerons dedans le champ, & en signe de maintenir Orson à nostre neueu couperons la teste. Et pourtant ne pourra iamais la trahison estre cogneüe, par Dieu dist Henry on ne pourroit pas mieux dire n'auiſer. Et ainsi pensoient les deux maudits & desloyaux traistres nouuelles trahysons pour les courir. Et

les

les deux champions sont dedans le champ , qui moult fort durement assaillirent l'un l'autre. Garnier dist Orson, bien voyez que contre moy ne vous faut plus desfendre , parquoy pensez de vous rendre & de confesser vostre maudite trahison , & ie vous promets de vous sauuer la vie , & de faire vostre paix deuers le Roy Pepin, & vous enuoyeray deuers l'Empereur de Grece mon pere, qui pour l'amour de moy de la Court vous retiendra. Garçon dist Garnier , de rien ne sert ta promesse: car puis que j'ay vne oreille perdue , i'amaïs en nul lieu ne seray prisé n'honoré : mais ayme plus mourir vaillamment , ou ton corps liuret à mort honteuse que mon honneur vergongner. Par Dieu dist Orson ie le vous accorde, & puis que voulez mourir en moy auez trouué bon maistre, pensez de vous desfendre: car voicy vostre dernier iour. A ces mots est allé vers Garnier, & à force de bras dessous luy l'a ietté & de la teste le heaume a osté. Lors Auffroy qui bien vit que plus n'y auoit de remede, s'escria fort haut. Orson, ne le veuillez tuer : car bien cognois qu'à grand tort vous a acoué , si en voulons faire iustice ainu qu'au traistre appartient , i'amaïs ne le voulons laisser viure ne tenir à parent. Il entra dedans le champ & dit à Garnier. Beau Sire , confessez vostre cas , & la maniere de la trahison , & nous ferons tant au Roy que vous auez pardon de vostre faute, Seigneurs dist le traistre Garnier, j'ay faicte la trahison & mis le cousteau dedans le liét. En disant ces paroles Auffroy qui fut subtil & cauteleux, tira son espee & affin que de ceste chose plus auant ne parlât , en celle place le frappa & l'abatit mort & puis dist. Seigneurs, or soit ce traistre prins & mené au gibet , car bié l'a desferuy. Puis s'en vint par deuers Orson & luy dist, Cousin ie suis moult ioyeux de la victoire que vous auez eue;

car

cat Dieu a monstré que vous estes loyal & preud'hôme, & la loyauté vous voulez garder & maintenir, & puis que Garnier estoit mon neveu, si ne le veux ie jamais pour parent reclaimer ne tenir, puis que de trahison faire s'est voulu entremettre. Tantost vint la belle Fezonne, qui moult doucement accolla Orson, & lors Pepin luy demanda. Beau nêveu avez vous playe sur vostre corps dangereuses, oncle dist Orson nenny la mercy Dieu, j'ay vaincu les deux mauuais traistres, desquels Auffroy a fait confesser la trahison à Garnier, & puis comme prud'homme deuant tous luy a osté la vie, ha beau neveu ne le croyez pas trop de leger: car quelque semblant qu'il vous face, il est participât de la trahison: mais à tant me veux taire pour l'heure presente. Le Roy & les Barons retournerent en la cité de Paris, lesquels furent ioyeux de la victoire qu'Orson auoit acquis. Et Auffroy & Henry en iceluy iour moult de bien en disoyent de bouche, & du cœur sa mort desiroyent, mais tantost apres vint le temps que leur fauce, maudicte & desloyalle trahison fut apperceuë, & que de leurs maux furent punis comme bien l'auoyent desferuy. Si laisseray ceste matiere & parleray du cheualier Valentin, lequel par le pays cheuauchoit moult doulent & desconforté, pour s'amyer la belle Esclarmode reconurer, laquelle estoit en Inde la maiour, où le Roy d'Inde la faisoit garder pour l'espouser & prendre par mariage, ainsi que deuant avez ouy faire mention.

Comment Valentin en querant Esclarmode, arriva en Antioche, & comment il vainquit le serpent.

Valentin qui sur la mer estoit monté, pour reconuer la belle Esclarmonde sa mie, tant fist par la grace

grace de Dieu, qu'il y arriva en la cité d'Antioche, & quād il fut dedās l'acolet qui biē ſçauoit parler Sarrazin, pour luy print logis en vn riche hostel: mais l'hoſte de la maiſon fut cauteleux quād ils furent en leur chambre retraits il les alla eſcouter. Si entendit Valentin, qui de Ieſus & de la Vierge Marie parloyēt biē ſe douta qu'ils eſtoyēt Chreſtiens. Et à celle heure partit, & s'en alla vers le Roy d'Antioche & luy diſt. Chē Sire, ſachez qu'en ma maiſon ſont logez quatre Chreſtiēs, leſquels ſans nul tribut payer ſont entrez & deſcendus ſur voſtre terre, & à fin que nul reproche ne m'en puiſſiez donner de les auoir receuz, le vous viens dire. Amy diſt le Roy ainſi dois tu faire. Or auant toſt diſt-il a ſes gens allez les moy querir, & faites expreſſement que deuant moy ſoyent amenez. Lors partirēt pluſieurs ſer-gēs & officiers, pour aller avec l'hoſte querir Valētin, & ceux de ſa compagnie, leſquels furent admenez au palais deuant le Roy d'Antioche. Et quand Valentin le vit moult hautement le ſalua, en diſant. Sire Roy, Mahomet auquel vous croyez, de telle puiſſance qu'il vous vueille garder & deffendre, & celuy Dieu qui pour nous en la croix ſouffrit mort & paſſiō, en mō aduerſité me vueille donner confort de la choſe que ie requiers. Chreſtiē diſt le Roy biē tu te monſtres hardy, quand deuant ma preſence tu me fais memoire de ton Ieſus, le quel ie n'ayma oncques ne iamais ne feray, ſi te fais aſſauoir que de deux choſes l'vne te conuient faire ou mort recevoir. Roy diſt Valētin, or diētes voſtre volōté, car pluſieurs choſes vouldroy bien faire, pluſtoſt que la mort endurer, cōbien que j'auoye ouy dire que dedās voſtre royaume y auoit reſpit pour les Chreſtiēs de payer tribut. Par ma foy diſt le Roy d'Antioche le cōtraire eſt vray, & puis que ſans mon cōgé y eſtes en-

trez,

trez, si de mort vous voulez eschapper, il vous faut renier vostre Dieu Iesus, & ce faire ne le voulez, il vous faut combattre vn moult horrible serpent, qui par l'espace de sept ans a esté devant ceste ville, & tant de gés a deuoré & fait mourir de malle mort, que le nombre est inestimable & incogneu: aduisez des deux choses laquelle vous voulez faire, car par nulle autre maniere ne pouuez vostre vie sauuer. Et Valentin luy dist, quand par force le me faut faire le ieu est, mauuais pour moy a departir: non pourtant dictes moy s'il vous plaist, se vous auez veu la beste, & de quelle forme & grandeur & stature elle est, & quelles sôt ses manieres & façons. Chrestien, dist le Roy d'Antiochie te dy que la beste ay bien veüe & regardée, & saches qu'elle est moult laide & hydeuse, & plus grande de corps qu'un cheval, & si à les aïsses fort grandes & empennees à la mode d'un Griffon: & porte la teste de serpent, & à le regard bié ardant, la peau dure & espaisse ainsi comme poisson qui nage par la mer, il porte piedz de Lyon, moult poignās & agus, plus que coustreau d'aciér. Par mō Dieu dist Valentin, à ce que vous comprez elle est bié hideuse & horrible mais nonobstant toute sa force, si voulez croire en Iesus-Christ, & me promettre de receuoir baptesme au cas que la beste pourray occire & mettre à mort, ie m'en iray essayer cōtre elle, & en la garde de Dieu ie mettray mō corps en dangier, sans nul homme viuant mener avec moy. Chrestien, dit le Roy ie te iure par ma loy, que si tu la peux destruire, moy & toutes mes gens renōcerons Mahom, & toute ta volōté ferōs: mais tant te veux dire que de toy n'a garde ne dangier: car iamais nul n'y alla que par elle ne fust deuoré. Sire dist Valentin, laissez moy faire cōtre elle: car rāt me fie au doux Iesus, qu'il me sera escu & garde cōtre la faul-

le beste , par tel conuenant que promesses me tiédrez. Ouy, dist le Roy, penſes de bien ouurer: car ſi de la beſte tu nous peux deliurer, ie te iure mon Dieu Mahom, que ta loy prendrons & laifferons la noſtre. Et bien dit Valentin, i'y mettray peine. Lors il demāda les ouuriers de la cité, & fiſt faire vn eſcu moult ſubtillement compoſé: & en celuy eſcu fit attacher pluſieurs broches de fin acier, plus poignans que aiguilles fortes, fermement aſſiſes & eſtoient d'un pied de long. Et quand l'eſcu fut ainſi fait, valentin veſtit ſon harnois, & ſon heaume miſt en ſa teſte: puis print ſon eſpee & en l'honneur de Dieu la croix ſouuent a baiſſee: puis print congé de ſes hommes & monta à cheual, & pour la beſte combattre iſſit hors de la cité. Grāds & petits monterēt ſur les murs, tours & creneaux, pour Valentin regarder. Et quand il fut hors de la ville: les portiers fermerent les portes apres luy: car bien penſoyent de vray que iamais il n'en deuſt retourner. Il eſtoit de telle nature que tous les iours luy conuenoit liurer quelque beſte ou perſonne, & qui failloit a luy bailler il n'eſtoit homme qui de la cité oſaſt ſaillir, & tout incōtinent que de la cité on luy auoit baillé & liuré ſa proye, elle retournoit en ſon lieu, & là ſe tenoit: & nul mal ne faiſoit à perſōne, & poutāt eſtoit de couſtume par toute la terre d'enuirō, que larrōs & meurtriers & toutes mauuiſes gens qui par ſentence de iugement eſtoient condamnez à mourir dedans la cité d'Antioche eſtoient rendos & admenez pour bailler au ſerpent maudit & venimeuſe beſte, & avec ce il y auoit certaines gens qui parmy les pors de mer alloient chercher & querir les Chreſtiens & les amenoyent en ladite cité d'Antioche, pour les faire deuorer au ſerpent. Et quand le ſerpent apperceut venir Valentin deuers luy, il commen-

ça à

ça à baïsser les aïsses moult fierement en iettant grand fumee & grand feu par la gueulle. Ha Dieu, dit Valentin, vueillez moy secourir & preseruer d'entrer en celuy ord passage, & me dōnez force & puissance que ie puisse vostre foy exaucer & accroïstre. Lors descendit du cheual, & à larçon de la selle laissa sa hache tréchant, & alla vers le serpent, qui moult fut orgueilleux, & aussi tost qu'il approcha de luy pour le frapper le serpent leua la patte, qui fut grosse à merueilles poignant pour frapper Valentin: mais il ietta son escu au deuant, tellement que la beste frappa dessus les broches qu'estoyent pointues, & moult se fist grād mal, & ietta vn cry si grand en soy tirant arriere, & Valentin la suit qui le courage eut hardy: mais quād la beste le vit approcher elle se leua toute droïcte dessus les pieds de derriere, & des pieds de deuant cuida Valentin abbattre à terre, lequel de l'escu fut conuert: & pour la doute des broches se tetira la beste. Par Mahom, dist le Roy d'Antioche qui en vn haute tour estoit, voyez là vn cheualier moult vaillant & bien doit estre prisé. D'autre part fut la Royné laquelle auoit nom Rozemonde, qui pour la beauté de Valētin & de sa hardiesse, fut au cœur touchée de son amour moult fort. Hors de la cité si grāde fut la bataille du serpent & de Valentin: car si n'eust esté l'escu poignant que la beste doutoit & craignoit moult tost eust Valentin à terre ietté: mais il tenoit l'escu dont bien se scauoit ayder. Et en l'autre bras, il tenoit l'espée dōt frappa le serpent au plus pres de l'oreille vn coup moult grād: mais tang fust la peau dure que l'espée rōpit. Vray Dieu, dist Valentin, vueillez moy ayder & secourir cōtre cestuy ennēmy, qui tāt est horrible & fier. En grand danger fut Valentin, qui son espée eut perdue: car le serpent se print à eschauffer, & d'vne des pat-

tes le frappa tellement que d'une de ses ongles, le har-
nois luy rompit & la chair luy entama, & Valentin se
retira arriere, & tira hors vn glaive bien pointu qu'il
ietta à la beste si droict qu'en la gueule bien demy pied
luy entra, dont le serpent n'en fist compte. Lors Va-
lentin se retira arriere & courut devers son cheual, &
print la hache qu'à larçō de la selle pēdoit, & à la beste
retourna en faisant le signe de la croix en demandant à
Dieu cōfort & s'approcha de la beste qui moult fort le
guettoit & de la hache trenchāte sur la queue le frap-
pa, tellement que la peau iusques à l'os luy couppa, &
fist à grand randon de sang à terre courir. Esmerueillez
furent Payens & Sarrazins qui sur les murs estoient de
la prouesse & vaillance du cheualier. Et Rozemōde la
Royne qui moult volontiers le regarda à par elle, dist
tout bas. Ha cheualier beau sire, Mahō te vueille aider
& ramener à ioye: car par Mahō en qui ie croy de tous
cheualiers qu'ōcques ie regarday mō cœur ne fust d'a-
mour si ardammēt espris. Ainsi disoit la dame, quid'a-
mours fust tāt embrasée, & Valētin se combat encōtre
le serpēt, qui sa queue grosse & pesante maintefois luy
à ietté, dont si fort l'a trauaillé à peu qu'à terre l'abba-
tit: mais il tenoit sa hache asseuree, de laquelle il scauoit
bien iouer, en telle maniere qu'au cruel serpēt vn quar-
tier de la queue luy couppa, & adōc il ietta vn si mer-
ueilleux cry que toute la ville en sonna & retētit: puis
frappa des aisles & en l'air s'en vola par dessus Valētin,
lequel il frappa de ses pattes poignantes si grād coup
par la teste que le heaume luy arracha & le bō cheua-
lier à terre abbatit, mais par sa diligēce fust tost releué
doulēt & courroucé de ce qu'auoit la teste nue. Dieu &
vierge Marie se print à reclaimer en regrettāt souuēt la
belle Esclarmonde. Quand ceux de la cité virent qu'il
auoit

auoit le heaume perdu moult bien pensoyent que iamais il n'en deult eschapper. Par mô Dieu, dist le Roy, bien peut on maintenant dire que le cheualier Chretien iamais par deça ne reuiendra. Lors fut Paco'et moult dolent, & moult piteusemēt se print à plorer pour l'amour de Valentin. Helas dist il faites moy les portes ouurir & me deliurez vn harnois: car ie veux aujourdhuy avec mon maistre viure & mourir, & si me baillez vn heaume: car ie luy veux porter pour sa teste couurir. Pacolet fut tātost armé & luy fust donné ve heaume & les portes luy furent ouuertes. Il se recō-manda à Dieu & alla courāt vers le champ. Bien le vit venir Valentin: mais point ne le cognoissoit, & Pacolet luy escria, sire ie suis vostre seruant qui par long temps vous ay seruy, & pour vostre corps secourir alencontre du faux ennemy suis icy venu par deuers vous. Helas amy, dist Valentin, icy mourir me conuient: car de toutes mes aduētures & fortunes i'ay aujourdhuy trouué la plus dangereuse, pour Dieu saluez mon pere & madame ma mere avec Orson mô frere, que i'ay si chere-mēt aymé, & la belle Esclarmonde aussi, si iamais vous la pouuez voir, & pour Dieu allez vous en d'icy & ne reuenez plus: car quād vous mourriez avec moy, ie n'y peux auoir proffit ne secours. Ainsi que Pacolet s'approcha de Valētin pour luy bailler le heaume, le serpēt apperceut bien que pas ne portoit l'escu cōme l'autre, il vint à Pacolet, & par la fenestre iābe le print, & sous luy l'abbatit, en luy donnant si grand coup de sa poignāte patte, qui tout outre sō harnois durement le naura, & là l'eust tué si n'eust esté Valētin, qui de sa hache le feribāt que le nez luy couppa tout outre: & l'vn des yeux luy creua. Le serpēt crie brait cōme beste enragee il bat ses ailles & est en l'air monté sur vne haute roche

ou il se retraict. Lors Valentin vint à son heaume pour le mettre en la teste: mais ainsi que prendre le cuida, il vit venir la beste, lors a prins l'escu pour sa teste couvrir, & le serpent s'en retourne sur la roche asseoir. Adonc Pacolet à la teste de Valentin mist le heaume. Sire, dist Pacolet, moult fort suis nauré au corps, si me faut retourner en la cité pour guerir ma playe: car i'ay tant perdu de sang que le cœur me faut. Ainsi prindrét congé: mais aussi tost que le serpent le vit esloigner il ouurit les grandes aïles & deuers luy vola. Et Pacolet qui l'apperceut venir, tantost retourna à son maistre, & le serpent alla Valentin assaillir, & en volant par dessus luy, par la teste le cuida frapper: mais Valentin ietta la hache si a point, que du coup vne aïlle luy couppa, de quoy la beste vn merueilleux cry si ietta, tant que tous ceux qui l'ouyrét en furét espouuantez. Doulent fut le serpent qui son aïlle eust perduë: car iamais il ne peut voler, sur les pieds se leua pour Valentin abbatre: mais tant approcha pres de luy le chevalier, qu'il luy abbatit l'autre aïlle. Là endroit fut la bataille si grande entr'eux deux, que Valentin ne pouuoit entour la beste tourner, ne sa hache leuer tant fut lassé & travaillé, & fist tant que sur vn arbre mōta pour soy reposer. Et la beste qui plus voler ne peut, moult cruellemēt le regarda en iettant par la gueule feu horrible & puant. Sire, dit Pacolet prestez moy vostre escu, & ie m'en iray vers la beste, aduenturer. Amy, dist Valentin, retournez en la cité pour vos playes medeciner: car s'il plaist à Dieu la beste ne sera par autre desconfie que par moy, si requiers à Dieu par sa grace qu'il la me doint de brief gaigner & cōquerir, & que ie puisse tāt faire que le Roy d'Antioche & tout le peuple incredule laisse ta loy damnable de Mahō & prenne la foy Catholique de Iesus Christ, Apres qu'il

qu'il eust dit ces parolles il descédit de dessus l'arbre en faisant le signe de la croix, & alla deuers le serpent qui contre luy courut en iettant feu moult despitueusement. Valentin mist l'escu deuant luy, que le serpent doutoit, & de la hache d'acier tellement le frappa qui luy couppa la cuisse senestre & l'abbatit, le serpent bruit à voix merueilleuse plus horrible que deuant, & Valentin qui fut hardy de son coup poursuyuir vint sur luy, tant que dedans la gueule la hache si auant luy boua qu'à celle heure l'abbatit mort par terre, en iettant telle fumee que tous ceux qui le regardoyent en estoient fort grandemēt esmerueillez. Et à l'heure que le serpent fut mort cheut & tresbucha dedans Antioche vne grosse tour, & iusques a demy traict d'arbaleste cheurent les creneaux & murs d'enuiron à bas. Esbahis furent Payens de ceste grand' aduenture, & disoyent l'un à l'autre que c'estoit l'ame du diable qui par là estoit passée, quand le Roy le vit aupres de luy doucement l'embrassa, luy disant. Frac cheualier de tous les autres estes le plus vaillāt & hardy & biē a vostre Dieu mōstré qu'il vous veut aimer, quād par vostre grāde proïesse nous auez deliurez de la chose qui tant auoit nostre terre dōmagee, & de toutes parts exilee. A ces parolles entrerent dedās la cité, & monterēt au palais Royal, ou tout le iour & la nuict ensuyuāt demenerent grand ioye & grand liesse Sarrazins & Payens, pour l'amour du serpent. Le Roy fist cherement garder Valentin, & ses playes fist vistement medeciner. Et luy portoit grand honneur & reuerence la belle Rozemonde, de parler à luy auoit moult grand affectiō: car tant estoit amoureuse que de l'heure que premierement le vit son cœur n'arresta, & pour l'ardeur de son amour voulut pourchasser la mort du Roy d'Antioche son mary, ainsi comme cy apres il vous sera declairé.

*Comment Valentin apres qu'il eut conquis le serpent,
fist baptizer le Roy d'Antioche & tous ceux de sa
terre, & de Rozemonde, qui de luy
fust amoureuse.*

Apres que le bon cheualier Valentin, eust vn petit prins de repos en la cité d'Antioche, & qu'il eust ses playes fait medeciner, il alla deuers le Roy, & luy dist. Sire vous sçauiez que vous m'avez promis de croire en Iesus Christ, & vostre peuple aussi, si tant aduenoit que du serpent ie vous puisse deliurer. Or m'a Dieu donné grace, que ie l'ay mis à mort & pourtant Sire ie vous appelle du sermēt nō pas par cōtraincte, que vous vous deuez conuertir, mais le miracle est grand & euidēt que Iesus mon createur à deuant vous voulu mōstrer : car bien pouuez sçauoir & cognoistre que par force corporelle pas ne l'ay conquis : mais a esté par la vertu de mō Dieu, en qui ie croy & en qui i'ay toute ma singuliere fiance. Franc cheualier dist le Roy sachez que ie vous veux ma promesse tenir, & si est ma volonté de renoncer Mahom & croire en Iesus Christ. Lors fist crier par toute sa terre que grands & petits creussent en Iesus Christ & delaissent la loy de Mahōmet sur peine d'auoir la teste couppee. Lors furent sarrazins & payés de grace inspirez qu'ē celuy temps qu'à la sainte foy par Valentin furent tous conuertis. Et au plustost la Royne mādā Valētin en sa chābre secrette, lequel par deuers elle alla. Dame dist le noble cheualier Valentin qui bien fut apprins. Vous m'avez mādē & ie viens deuers vous cōme celuy qui est tout prest & appareillé de vostre vouloir accomplir, & service faire. Ha dist la dame l'honneur, le sens, & le sçauoir, la force, vaillance, beauté & hardiesse

hessé qui sont en vous, font vostre grand noblesse sur
ous les autres, viuantz priser & hōnorer. Et pour les ver-
us qui sont en vous, la dame qui en seroit aymee, pour-
oit bien dire que de tous les chevaliers elle auroit le
plus vaillāt, le plus noble, & le plus beau, pleust à Dieu
que ie puisse ma volōté parfaire, & qu'a nul ne fust
subiecte: car ie prens sur l'ame de moy, que iamais autre
que vous mon cœur n'aymeroit, si tant de grace vous
plaisoit me faire que mon amour vous fust agreable.
Dame dist Valentin, de tant ie vous remercie: car vous
auez espousé vn Roy moult vaillant, hardy & redouté.
lequel sur tous autres vous deuez aymer & cher tenir.
Cheualier dist la dame ie l'ay long temps aymé: mais
despuis le iour que vous vis mon cœur de vous ne des-
partit. Quand Valentin apperçeut que la dame auoit tel
courage tout au plus doucement, qu'il peut deuers la
Royne s'excusa de son amour. Dame dist Valentin si le
Roy le sçauoit iamais nul iour n'arresteroit tant qu'il
m'eust à mort liuré, or est il vieux & ancien & vous
estes belle dame & moult ioyeuse, si vous faut vn petit
attendre, iusques au retour de mon voyage que i'ay en-
trepris d'aller en la saincte cité de Ierusalem, visiter le
sainct sepulchre de nostre Seigneur Iesus-Christ, qui fut
mis en l'arbre de la croix pour nous. Et au retour s'il ad-
uient que le Roy ne soit en vie, alors ie passeray vostre
volōté. La Royne Rozemonde ne respondit parole:
mais fust au cœur de l'amour de Valentin si fort frap-
pee, que de la mort du Roy fut conuoiteuse & de sa vie
ennemie, comment souvent aduient que par folle
amour plusieurs hommes tuent & meurtissent l'un
l'autre, & plusieurs femmes pourchassent la mort de
leur mary pour leur volōté parfaire: & pource y a
grand danger de follemēt aymē la chose pourquoy tāt

de

de maux en peurent venir , comme fist Roze-
monde la Royne qui pour auoir Valentin à son plaisir , la nuit
quand le Roy se deust coucher & que le vin luy fut ap-
porté, la dame print la couppe & dedans mist tel venin
que tout homme qui en eust beu de mort n'eust peu es-
chapper , puis en monstrant signe de grand' amour au
Roy la presenta , qui moult fut sage & de deuotio plain
& en benissant le vin au nom de Ie-sus-Christ fit le signe
de la croix , & tantost apperceut le vin qui deuint trou-
blee & cogneut les poysens. Par ma foy dist le Roy da-
me vous auez failly , mais ie promets à Dieu qui tout le
monde forma : que tel venin que vous m'auez brassé à
ceste heure vous feray boire, ou vo' direz la raisõ pour-
quoy telle chose auez entreprinse. Helas sire dist la da-
me qui à terre se ietta ie vous requiers pardõ, sachez que
Valentin pour mõ amour auoir m'a fait ceste chose en-
treprendre. Par Dieu dist le Roy bié vous en croy: mais
par mon sceptre royal puis que par mauuais cõseil ceste
chose auez faicte , ie vous en donne pardon & plus ne
vous en doutez, celle nuit coucha le Roy avec Roze-
monde laquelle en le baisant & accollant toute la nuit
luy disoit. Sire ie vous requiers pour Dien que vous fa-
ciés Valéti occire celuy qui ainsi m'a voulu trahir. Ne
vous en doutez dist le Roy: car ie l'ay bien en pensee. Et
quand la Royne l'ouit elle en fut dolente & fist celle
nuit qu'elle parla à vne chambriere laquelle sur toutes
les autres elle tenoit secrette, si l'ennoya deuers Valéti
pour luy dire sa volõté & le courage que le Roy auoit
contre luy, & comment elle auoit failly à luy faire boi-
re le venin & par force auoit confessé que Valentin luy
auoit fait faire: la chambriere fist le message bien tost &
secretement. Et quand Valéti onyt les nouuelles qu'il
estoit accusé de la chose dont il estoit innocent: de grãd'

merueille plusieurs fois se seigna, en disant douce dame qu'est-ce de courage de femme. Or me faut-il pour l'amour de la Royne comme traistre partir d'icy si ie ne veux deuant tous descourir son deshonneur, si ayme mieux departir le pays & tout laisser que pour moy son deshonneur fust cogneu, à celle heure fist mettre ses gés en point & ses cheuaux seller, & fist deuant le iour des portes ouurir. Incontinent il saillit hors de la cité & tât cheuaucha qu'il arriua en vn port de mer & trouua vne nef d'un marchât qui la mer vouloit passer. Il entra dedans & se mist avec eux en priant Dieu deuotemēt que tant peust aller par mer & par terre que de la belle Esclarmonde peust auoir nouuelles. Lendemain au plus matin que le Roy fust leué il entra dedans son palais & fist assembler tous ses barons & cheualiers, & leur dist en ceste maniere. Seigneurs moult suis en mon cœur desplaisant, quand pour l'homme du monde en qui plus ie me fioye & lequel si cher tenoye, de luy me trouue trahy & deceu. C'est le faux Valētin lequel par sa malice & desordōnee volōté a la Royne ma femme de deshōneur requise, & luy a en courage mis de moy par poison villainemēt faire mourir. Si me vudillez conseiller quel iugement ie dois faire, & de quelle mort ie le dois faire mourir. Sire dist vn moult sage Baron qui là estoit de le condāner à mort en son absence, ne seroit pas raisō ne iustice royalle. Ne il n'est pas homme tant soit mauuais qu'il ne doīue estre ouy en ces raisōs que peut faire bōne iustice. A tāt cōmāda le Roy d'Antioche que Valentin luy fut admené. Lors vint son hoste au palais, lequel luy dist que Valentin deuant l'aube du iour estoit de son hostel party, dont en fut le Roy doulent & fit ses gens armer pour le suyure, mais ils perdirent leurs peines: car sur la mer estoient montez comme dit est.

Comment le Roy d'Antioche, pour autant qu'il auoit renoncé la loy de Mahom, fut par Brandiffer le pere de sa femme mis à mort. Et comment l'Empereur de Grece, & le Verd cheualier, furent prins par Brandiffer deuant Cretophe.

TAntoist apres que le Roy d'Antioche fut à la sainte foy conuertty, le pere de Rozemonde sa femme lequel auoit nom Brandiffer payen : & entre les autres princes du pays, de guerre estoit conuoiteux, & aux armes hardy, du Roy eut grand despit qui sa loy auoit delaissee. Si luy manda court que sa fille Rozemonde luy enuoyast, de laquelle chose le Roy d'Antioche l'escōduit. Et pour le refus Brandiffer qui fut seigneur de Falizee avec cent mille payens, viēt assieger le Roy d'Antioche dedans la cité. Et tāt fist par ses armes que dedās quatre moys luy fut la cité deliuree par vn faux traistre, & là fut le Roy prins de ses ennemis, lequel pource qu'il ne voulut renier la loy de Iesus-Christ, Brandiffer le fit mourir au milieu de la cité : puis enuoya sa fille Rozemōde en sa terre, & du royaume d'Antioche se fit Roy couronner. Apres ces choses faictes se bouta sur la mer pour retourner en son pays : mais par orage de tēps fut cōtrainct de descēdre en la terre de Grece aupres d'vne cité nōmee Cretophe laquelle estoit grāde & large. Or aduint qu'ē icelle cité pour certaines causes l'Empereur de Grece nouuellement arriué fortune luy fut si grāde, que luy qui de la venue des Payens ne sçauoit, par vn matin à heure de prime accompagné du Verd cheualier, & plusieurs forts & Vaillans cheualiers de Cretophe, faillirent pour esbattement, mais de male heure faillirent sans garde & sans guet : car par les

gens de Brandiffer dont nul ne sauoit nouuelles , furent
l'Empereur & le Verd cheualier , & tous ceux qui
estoyent en la compagnie morts , & à celle heure cou-
rurent Payens iusques aux portes de Cretophe, ou leurs
peines perdirent : car la cité fut forte , & de telles gens
garnie, que soudain leur conuint retourner. Courroucez
& doulens furēt ceux de Cretophe de la perte de l'Em-
pereur, & du Verd cheualier, de laquelle firent vne let-
tre & par vn heraut la transmēit à la Roynie-Bellissant,
luy mandant nouuelles de la prinse , & demandant se-
cours contre leurs ennemis, affin que les Payens n'em-
menassent l'Empereur en leur pays. Doulente fut la
dame de la prinse de son mary, & moult ploura la dame.
Ses capitaines manda & fist ses gens assembler par le
pays de Grece, à moult grand' diligence, & d'autre part
elle manda heraux vers le pays de France, pour auoir de
son frere le Roy Pepin , & de son fils Orson secours &
confort en son aduersité. En peu de temps de la cité de
Cōstātinoble, saillit moult grand' armee de ceux du pays
de Grece, pour en Cretophe secourir l'Empereur cōtre
Brandiffer : mais celuy Brandiffer qui fut subtil & mali-
cieux, auoit mis par le pays cheuaucheurs & gardes par
lesquels il sçeut l'entreprinse des Gregeōs. Et pour dou-
te de leur puissance, & de perdre des prisonniers & ton-
te son armee rentrerent sur la mer & tant nagerent
qu'en peu de temps ils arriuerent en Lize, & là endroit
prindrent terre, & allerent en vn chasteau fort qui estoit
ainsi appellé , auquel il faisoit garder moult precieuse-
ment les deux filles , c'est à sçauoir Rozeimonde & Ga-
lazier qui toutes les autres en beauté passoit , & pour la
grand' beauté d'elle auoit esté en celuy an à Brandiffer
demandee de quatorze Roys payens fort riches & puis-
sans. Et pource que Brandiffer ne la vouloit encore ma-

rier, mais la gardoit soigneusement enfermee en celuy chasteau, pourtât que de tous les autres de sa terre estoit le plus fort & plus seur. Celoy chasteau estoit haut & de tous especes & quarrees & bien fortifié, au milieu du chasteau auoit vn donjon de letton, il auoit vne porte double de fer espesse & forte. De fossez larges & profonds plains & remplis d'eau courant estoit le chasteau enuironné. Et au milieu du chasteau & des fossez il y auoit vn pont si subtilement composé qu'il ny pouuoit passer qu'un homme seul, & si deux vouloyent passer ils tresbuchoyent en l'eau courant & là seroyent noyez. Et au bout d'iceluy pont il y auoit deux lyons moult terribles & fors que l'entree du chasteau gardoyent. Au donjon estoit la pucelle Galazie garde, & dessous ledit donjon auoit vne fosse moult grande profonde & obscure. En laquelle furent boutez l'Empereur & le Verd cheualier avec dix autres Chrestiens, lesquels moult longuement en peine & douleur auoyent esté tenus.

Si vous laisseray à parler de ceste matiere & vous parleray d'Esclarmonde, laquelle le Roy d'Inde la maior tenoit en ses prisons, ainsi que par cy deuant vous ay fait mention.

Comment la belle Esclarmonde, apres quel an fut accompli contrefit la malade, affin que le Roy d'Inde la Maiour ne l'espousast. Et du Roy Lucar qui voulut venger la mort du Roy Trompart son pere allencontre du Roy d'Inde la Maiour.

VOUS auez bien ouy reciter & dire commēt le Roy d'Inde, apres ce qu'il eut fait mourir le Roy Trompart, lequel sur le cheual de Pacolet auoit emporté Esclarmonde. Cestuy Roy d'Inde voulut prendre à femme
ladi

ladicte dame Esclarmode , laquelle comme subtile, faige & bien apprise luy fist entendre qu'elle auoit fait serment & vouë aux dieux de nom auoir habitation d'homme iusques à vn an. Et celuy terme luy donna le Roy , qui le temps durant la fit garder chèrement : & hōnorablement. Or auoit la dame ceste chose pēsee & aduisee pour dissimuler & esloigner sa fortune douloureuse , en esperant que par aucune maniere elle peut auoir ayde & secours: mais de sō esperāce fut biē loing & deceuë: car de nul n'eust confort cestuy terme durāt, & ainsi fut l'an passē & le terme finy. Si vous diray de quoy elle s'aduisa pour mieux garder sa foy & loyauté enuers son amy Valentin. Quand la belle Esclarmode, vit & apperçeut que le terme estoit passē , & que nulle excusatiō ne pouuoit plus trouuer deuers le Roy d'Inde, moult fut au cœur durement frappee, & ameremēt courrouce. Valentin desiroit & regrettoit en iettant soupirs piteux & larmes douloureuses. Et quād elle eut pensē & considerē sa fortune piteuse , pour plus honnestement son honneur maintenir, & fuir , & esloigner vitupere, vergoigne & blasme , par vn matin se tint & demeura en son liēt sans soy leuer, contre fist la malade en pleignant la teste moult piteusement. Au Roy d'Inde le Maiour vindrent tantost les nouuelles que la belle Esclarmode estoit malade, dont il fut moult desplaisant, & ineontinēt vint en la chambre pour la belle visiter: mais ainsi qu'il voulut mettre la main sur son chef pour la toucher & conforter, elle luy print le bras & leua haut la teste, & fist semblāt & maniere de vouloit mordre & esgraffiner, dont fut moult fort esmerueillē: puis tourna la Dame les yeux en la teste & fronssant la face & menant laide vie, tellement que de sa maniere regarder fut le Roy d'Inde trop esbahy, & de grād'peur

qu'il eut faillit hors de sa chambre, & fist venir les Dames pour Escarmode visiter, & leur a dit, hélas pensez bien de m'amie Escarmode: car par Mahō, ie me doute trop qu'elle ne deuienne enragée & du tout forcenée. En ce point s'entretint & maintint la Dame moult longuement, & si bien le sceut faire que dedās quinze iours elle sembloit mieux beste que fēme raisonnable, tant fut de folle cōtenance & cruelle maniere que tous les seruiteurs petits & grāds, dames & damoiselles l'abandonnerēt, & sans nulle cōpagnie demeura, aux dērs & aux ongles cōdroit & esgraffignoit tous ceux qui d'elle vuloient approcher. Et pour sa grād cruauté fut toute seule en sa chābre enfermee, & par vne fenestre on luy bailloit à boire & à manger comme à vne beste. De iour en iour faisoit maniere que sa maladie croissoit, toutes ses robes deschiroit, sa chemise vestoit dessus sa robbe, vne fois droit, l'autre fois sans dessus dessous, en vne cheminee frottoit ses mains, & puis en frottoit sō visage en telle maniere que sa plaisāte face, blāche & coulourée, estoit deuenuē noire & enfumee. En iceluy estat le Roy vint voir, & au cœur moult courroucé fut de sō piteux maintien. Hélas dame, dit-il trop mauuaise mēt me va, quād en ce point ie vous voy car estoit venu le temps que de vous ie deuois auoir toute ioye. Dame prenez en vous vn peu de confort. Quand la dame ouyt le Roy, elle ne monstra pas semblant d'entendre son langage: mais plus que deuāt elle cōtrefit l'écagee, en saillant contre la cheminee, & des mains elle noircist sa face: l'vne fois rioit, l'autre souspiroit. Ainsi de ris & de pleurs & de souspirs estoit sa cōtenance entremeslee. Par Mahō dist le Roy d'Inde, de toutes les choses que iamais ie vis voicy la nōmpareille, or ie vous diray comment il vous faut faire. le veux
que

que la dame soit menee en la Mahommerie, par deuant
noz dieux, & que pour elle nous fassions tous prieres
qu'ils lay vueillent ayder & secourir, & sa maladie
guerir. Ainsi que le Roy le dist, fut chose parfaite, & la
dame au temple fut menee : mais tant plus la mettoit
on aupres de l'image de Mahom & de son autel, tant
plus faisoit maniere de sa maladie aggrauer & accroi-
stre, dont apres que le Roy vit, que nul remede ne re-
lasche ny auoit, il la fist amener en sa chambre comme
deuant, ou elle continua son entreprinse sur esperance
ferme de Valentin trouuer, duquel ie vous veux parler.
Iceluy cheualier Valentin, d'ardant desir querant s'a-
mie la belle Esclarmonde par le pays, cheuaucha avec
Pacolet qu'onques nul iour abandonner ne le voulut.
Or cheuaucherent tât qu'ils arriuerent en Esclardie, &
estoit la terre du Roy Trompart, lequel ainsi comme
deuant i'ay dit, auoit sus son cheualet de bois Esclar-
monde emmenee: car il la trompa par ledit cheualet de
Pacolet. Ils demanderent en celle cite nouuelles du Roy
Trompart, & on leur à compté comment il auoit esté
tué deuant Inde la Maiour, & comment le Roy
Lucar son filz vouloit sa mort venger, & pour ce fait, il
auoit assemblé quinze Roys, avec tous compaignons
souldats. Adonc parla Pacolet qui sçanoit le langage
du pays, & demanda à son hôte plus à plein des nou-
uelles & de l'estat du Roy Lucar. Et l'hôte luy conta
comment il auoit fiancé & promis de prédre à femme
la fille de Brandiffer, lequel parauant auoir esté mariee
au Roy d'Antioche, qui par ledit Brandiffer fut des-
confit & à mort mis. De telles nouuelles ouyr fut Va-
leptin esmerueillé, & commença à soy-mesme penser
& imaginer les grands & merueilleux inconueniens,
qui sont aduenus, & qui continuellement de iour en

jour aduient. Et apres ce que le noble cheualier eut vn peu sur la chose aduise, il dist à son hoste. Hoste, dites moy qu'est deuenue vne dame moult belle que le Roy Trompart menoit avec luy. Par Mahom, dist l'hoste, nulles nouvelles n'en aués ony par deça. Or me dites, dist Valétin, ou est pour le presēt le Roy Lucar: car j'ay grand courage d'aller prédre souldoyers soubz luy, pource que mon argent est failly. Et d'autre part j'ay grand desir & volonté de suyure la guerre. Seigneur, dist l'hoste, le Roy Lucar est en Esclardie, & là le trouuerez accompagné de mille combatās Sarrazins, car il attendoit Brandiffer, qu'en ce lieu doit amener sa fille pour espouser & prendre à femme. Quand Valétin entendit toutes nouvelles ainsi racompter, il eut esperance moult grande, de nouvelles auoir de la belle Esclarmonde. Lors partit de celle cité & cheuaucha vers Esclardie, faignant d'auoir desir de seruir le Roy Lucar: mais grandement au cœur luy touchoit l'amour de la plaissante dame la belle Esclarmonde, pour la recouurer & prendre en mariage.

Comment le Roy Lucar espousa la belle & gracieuse Rozemonde, en la cité d'Esclardie.

Ainsi que le Roy Lucar hautement puiffamment accompagné en grand & somptueux estat, estoit dedās Esclardie, Brandiffer arriva qui sa fille amenoit. Et quand Lucar reçut les nouvelles, il saillit hors de la ville en triomphante compagnie pour aller alécōtre. De voir Rozemonde fut le Roy Lucar grandemēt resiouy: mais de tant qu'il en estoit ioyeux, la Dame en estoit en son cœur desplaisante: car de tous les autres à luy

luy elle vouloit mal, & tousiours desiroit & regrettoit Valentin. Au palais Royal fut la Dame menée de plusieurs Roys, Comtes, Barons, & Cheualiers, & deuant l'image de Mahomet, fut à Lucar donnée & espousée. Or ne faut il pas demander de l'estat de la feste. Car l'estat qui adonc fut fait tât en riches vestemens & ioyeux serices & gens de toutes sortes, & de viandes que tous ieux, esbatemens fut parmy la cité d'Escelardie, moult grand feste demenee. Et Valentin si cheuaucha sur les champs, ardent de paruenir à son intention. Si aduint ainsi qu'il arriva à l'entree d'un bois, qui moult estoit verd & plaisant, il ouyt & entendit la voix d'une plaisante Dame tresbelle & gracieuse, laquelle un Sarrazin par force tenoit sous un arbre & outre só courage d'elle vouloit faire à son plaisir. Et quand Valentin l'ouyt, il dist à Pacolet. Amy, cheuauchons fort & faisons diligence: j'ay oy une femme en ce bois qui moult hautesmet crie, & meine piteux desconfort, si ferons grand aumosne de la secourir. Sire, dist Pacolet, laissez la dame & tât ne vous entremettez de son fait: car vous ne sçavez que cest, paraduſture qu'elle fait tout par faintise & couverture, & vous en pourroit plustost venir mal que bien & vous pourroit on dire que de leur debat vous n'avez que faire. Pacolet, dist Valentin, vous parlez follement: car l'homme n'est pas noble ne vaillant de courage qui ne maintient les dames, ne confort ne leur donne, quant elles sont en necessité. Et si vous dis que tous nobles cœurs doyent pour les dames leur corps aduenturer, & leur honneur garder de toute leur puissance. Lors toucha des esperons & entra au bois, si apperceut la dame que le Payen tenoit. Sire dist Valentin laissez la dame ou contre moy faux vostre corps esprouver, vous pouvez bien cognoistre que de vostre a-

tout elle n'a cure si vous la conuient laisser ou à moy
 auoir guerre. Par Mahom, dist le Payen de guerre ie la
 vous bétroye à vostre volonté : mais ie vous dy haute-
 ment de faits assauoir, que tresmal vous estes icy venu
 & arriué, quand, pour moy empescher de mon plaisir
 parfaire, estes sur moy arriué. A ces mots laissa la
 dame & monta sur son cheual qu'estoit aupres de luy
 d'un arbre attaché, de l'escu se couvrit & à la lance prin-
 se puis se sont l'un de l'autre esloignez : mais Valentin
 vint de si grand courage contre le Sartazin, que parmy
 le corps le passa tout outre, rât qu'à terre l'abbatis mort.
 Et quand il l'eut cōquis alla vers la pucelle, & luy dist.
 D'amoïse, or vous estes à ceste heure de vostre enne-
 my vengé, & si vous prie que m'eueillez dire cōmēt
 & en quelle maniere iceluy maudit hōme en ce bois si
 vous a peu amener. Helas Sire, dist elle, la verité ie vo'
 distay sachez qu'auoit au vespre à Phislet de mō pere,
 li s'en vint loger, & pour mieux faire de mon corps à sa
 volōté, & m'emmener à son plaisir, ceste nuit il est allé
 en l'hôtel de mō pere, & l'a tué & mourry faucemēt,
 puis m'a icy amenée pour mon honneur tollir vitupe-
 rablement, & de laquelle chose par vostre prouesse &
 vaillance m'avez auourd'huy gardee & descendue, si
 pouuez maintenant faire de mon corps à vostre plaisir
 car comme cheualier vaillant & hardi champion en
 danger de vostre vie m'avez gaignee & conquise. Da-
 moïse, dist le noble cheualier Valentin, par moy vo-
 stre gentil corps n'aura dōmage ne villenie, retournez
 en vostre maison, & pensez de bien faire & vostre hō-
 neur gardez. Lors Valentin laissa la pucelle & print
 son chemin vers Escardie, & les gens du Sartazin vin-
 drent deuers leur maistre : mais tantost qu'il le trou-
 uerent dessus l'herbe mort, sans seiour frapperent des

esperons pour aller en Escaladie, les nouvelles cōpiers
 Ils entrèrent en la cité & allèrent vers Lucar, de con-
 forté & doulent, puis luy ont dist. Haut & redouté Sire
 tresmal va de nostre fait: car nostre maistre le bon Ma-
 reschal que vous avez tant aimé & cher tenu, a esté par
 les larrons en vn bois presentement tué. Alors le Roy
 fuemout doulent, & à grand quantité de gens saillie
 dehors des portes, & quant ils furent hors ils vitent
 venir Valentin, & dirent au Roy. Sire, voyez icy celuy
 qui vostre Mareschal a meurt & tué, lors Valentin fue
 prins & tous ceux de sa compaignie, & furent ferme-
 ment liez & en les battant & frappant par le comman-
 dement du Roy, furent estroitement menez. Or estoie
 Rozemonde en celuy chasteau, laquelle cogneut intō-
 tinēt Valentin, pour laquelle chose fut au cœur moult
 esprinse. Et par la grād'amour de quoy elle l'aimoit, elle
 s'en alla tantost par deuers le Roy, & luy dist. Helas Si-
 re, gardez vous bien de faire mourir cestuy vaillāt che-
 ualier, qui pour vostre prisonnier a esté icy amené: car
 ie vous iure & prmets que de tous les vaillans coura-
 ges est le plus prou & hardy, il est le plus souverain &
 en doit l'or & l'hebe emporter. Sire, c'est le cheualier Va-
 lentin, du pays de Frâce, qui par sa vaillance deuāt An-
 tioche tua & desconfit l'horrible serpēt, veuillez le gar-
 der chèrement & en voz gages le retenir: car au monde
 n'y a si vaillant hōme que luy, parquoy si vous auez à
 faire quelque grande bataille par luy, aurez victoire &
 seigneurie. Dame, dist le Roy, plusieurs fois i'ay ouy
 parler de sa grād prouesse, & fort ay desiré de le voir en
 ma Cour. Puis appella Valentin, & luy dist, cheualier
 i'ayez nulle doute de mourir: car sçachez que dessus
 tous autres ie vous veux aimer, & cher tenir, & tous
 voz souldoyers à mes gages mettre: mais tant il

y a qu'il vous conuiendra faire vn message pour moy, c'est que vous irez en Inde la Maiour par deuers le Roy, & de par moy luy direz que ie le desfie, & que ie suis prest & appareillé de ma puissance, d'aller venger la mort de mon pere le Roy Trompart, lequel cruellement il a fait mourir. Et qu'il vienne vers moy vne corde au col, pour receuoir la mort telle que par mon conseil sera adiugé & cōdamné. Et s'il ne veut venir, vous luy direz qu'il soit seur que dedans brief temps ie l'iray voir en si grande cōpagnie qu'il ne luy demeurera chasteau ne ville ne forteresse, que ie ne face du tout exiller & à terre abbattre. Et si ne demeurera hommes, femmes, ny enfans que tous ne face mettre à piteuse fin. Sire, dist Valētin, biē feray le message tāt que de moy serez content, bien scay que vous m'enuoyez en lieu dāgereux, & de moult fort grand peril plein: mais i'ay fīāce en Iesus Christ & en la benoïste Vierge Marie, qui de plusieurs dangers m'ont gardé & desleu.

Comment le noble cheualier Valētin partit d'Esclardis, pour s'en aller en la grande & puissante cité d'Inde la Maiour, porter la desfiante du puissant Roy Lucar.

Q Vand Rozemonde vit que Valentin estoit prest d'aller en Inde la maiour le Roy desfier, elle entra en sa chambre, & par vne damoyelle secrettement mādā querir Valentin, lequel volontiers vint deuers elle & en grand reuerence la salua. Cheualier dist la Dame, bien soyez vous venu: car dessus tous autres i'auoye grād desir de vous voir. Dame dist Valentin, le grād affectiō auez de me voir aussi auoy-ie de vous Madame, despuis que ie ne vous vis la chose est bien chāgee: car i'ay

J'ay entendu que vostre mary d'Antioche est mort depuis mon departement, & que de nouveau estes mariee à vn autre. Or auez peu cognoistre que pour l'amour de vous dedans Antioche, ie fus chargé de deshonneur en peril de perdre la vie. Il est vray dist la Dame, de cela ie me tiens coupable: car la grand' amour que i'auoye en vous me fit la chose entreprendre: mais sachez qu'aujourd'huy la faute que ie vous fis vous sera bien recompensee. Et combien que mon pere & ma mere m'ayent donnee au Roy Lucar, lequel est puissant & riche sur tous autres, sachez que mon cœur iamais ne le pourroit aymer, & non sans cause: car nonobstant sa richesse & son haut parentage, sachez que de tous autres il est le plus traistre, & si vous dy que depuis que dedans son palais auez esté, il est entré en ialousie si grande que durer il ne peut, ne de bon cœur vous regarder, & à fin que plus honnestement il soit depesché de vous, il vous enuoye en Inde, esperant que iamais n'en reuiendrez: car onques de messager qui par luy enuoyé y fust, nul n'en retourna que le Roy d'Inde ne les fist mourir: mais de son intention par moy sera fraudé & deceu: car de cestuy danger vous garderay, & vous diray comment, frâc chevalier sachez qu'il n'y a pas long temps que cestuy Roy d'Inde me fist pour femme demander. Et qu'il soit vray, trop plus cherement ie l'aymoye que le Roy Lucar qui est traistre & de layde facture, & desplaisant à voir, & en parler mal gracieux & peu courtois: mais dû vouloir de mon pere qui fat au mien contraire, ie fus au Roy d'Inde refusee & à Lucar donnee. Or est-il vray qu'iceluy Roy d'Inde pour accointance d'amours, m'enuoya vn anneau moult riche, lequel i'ay cherement gardé, de tout mon cœur pour l'amour de luy, & sachez que iamais a homme vivant ie ne le

disfers seulement à vous: mais pourtant que j'ay veu la fauce volonté & male intention de Lucar, lequel en Inde vous enuoye pour auoir de vous deliurance, ie vous donneray confort de ma puissance que de peril vous garderay, & vostre message parfairez & retournerez par deça comme hardy & pieux cheualier, & combien que ie l'ay & cognois de certain, que de mon amour n'avez que faire, si que vous estes à vne autre promis & donné à plus haute, plus belle & plus excellente dame que ie ne suis, si ne veux-je point oublier l'amour de quoy pour vous mon cœur fut feru, quand ie vous vis dedans la cité d'Antioche, adonc que par vous le serpent cruel & horrible fut conquis & vaincu: & pour les choses dessusdictes à vostre honneur accóplir, ie vous diray que vous ferez, quand vous serez deuant le Roy d'Inde arriué apres la reuerence faicte & le salut donné de par Lucar, qui vers luy vous enuoye, sans longue demeure de par moy le saluerez comme mon fidel & secret amy, & luy direz que i'ay oit ce que mon pere me donna au Roy Lucar, si n'ay-je pas mis en oubly son amour, mais j'ay ferme propos & bonne volonté qu'une fois en ma vie le plus brief que faire se pourra deuers luy me retireray, & de moy pourra faire à sa volonté & bon plaisir. Et luy dictes que ie trouueray facon & maniere d'aller avec le Roy Lucar, quand son ost mettra en Inde, & adés il pourra bien s'il a en luy hardiesse à sa volonté m'auoir & emmener. Et affin que le Roy d'Inde ne doute que pour faintises vous dictes ses parolles vous luy porterez cest anneau. Dame dist valétin, du bon vouloir qu'avez de me secourir & donner allegeance ie vous mercie tres-humblement, & ne vous doutez de rien de demeurant: car vostre message ie feray, au plaisir de Dieu, au Roy d'Inde, si bien que de brief en aurez nouuelles. Apres

ces mots print congé Valentin de la belle Rozemonde, & alla deuers le Roy Lucar, qui pour le conduire luy bailla dix mariniers, lesquels luy passerent vn grād bras de mer, qui est entre Esclardie, & Inde, & ainsi monterent sur mer, & eurent vent agreable & si bon qu'à midy partirent d'Esclardie, & le lendemain ils arriuerent à vn port lequel est à vne lieue pres de la cité d'Inde la maiour. Et là descendit Valentin, & dist aux mariniers. Seigneurs, or m'attendez icy tant que mon voyage soit fait. S'il plaist à Dieu pas ne feray long seiour que briefuement ie ne retourne, par Mahom dist vn marinier aux autres tout bas, iamaiz n'en retournerez si le diable ne vous rameine: car de cinquante messagers que le Roy d'Esclardie a enuoyez iamaiz vn seul n'en retourna. Bien pouyt Valentin, qui semblant n'en feroit dist à par luy baslement. Tel parle des affaires, qui ne scait comment il en va. Ainsi print le chemin & ne demoura pas longuement qu'il arriua en Inde car pres du port estoit. Et quand il eut passé vn pont il cuida bien estre dedans la ville: mais premier qu'il y entrast il luy conuint passer cinq portes, dont il fut esmerueillé. Et à par soy se print à considerer la fortification d'icelle place, estimant & iugeant en son entendement icelle ville estre la plus forte place que iamaiz il eut veüe. Quand il fut en la place du marché si vit vne tour moult haute & belle, sur laquelle il y auoit vne croix, si fut bien esbahy Valentin, pour cause que bien scauoit que de la loy Payenne ny auoit de telles enseignes sans grand' cause assises ne souffertes. En celle place trouua Valentin vn Sarrazin auquel il demanda la cause & raison pourquoy sur ceste haute tour estoit vne croix assise. Amy dist le Payen, sachez que celle tour que vous voyez là, est nommee la tour saint Thomas, & est la tour en lequel

le il fut lapidé & mis à mort. Or est-il vray que des Chrestiens en l'honneur d'iceluy qu'ils dient estre saint, en celuy lieu fut fondée vne Eglise du congé & licence du Roy, en laquelle eglise y a vn patriarche & cét Chrestiens, lesquels en maniere de leur loy tous les iours chantent leurs heures, & font Messe celebrer, & en ce point sont soufferts & entretenus à telle chose faire : car ils payent au Roy d'Inde grand tribut par chacun an. Quand Valentin entendit qu'à celle tour y auoit monastere, & habitation de Chrestiens pour l'honneur de Dieu, & de monseigneur saint Thomas, il fut esmeu en deuotion d'aller visiter le lieu, si descendit de son cheual & entra dedans l'Eglise, puis demanda le maistre d'iceluy lieu, & luy fist-on tantost venir le maistre Patriarche qui la place gardoit. Valentin le salua honorablement, & le Patriarche qui sage estoit & honneste son salut luy rendit, puis luy demanda mon amy de quelle nation estes vous, & d'où venez-vous, & quelle creance tenez vous. De Iesus-Christ dist-il, hélas Sire, dist le Patriarche, comment auez vous prins la hardiesse de venir en ceste part : car si le Roy d'Inde à de vous nouvelles, iamais n'en partirez que mourir ne vous face. Amy dist Valentin, de cela n'ayez doute : car ie porte nouvelles & enseignes à luy, par lesquelles il n'aura ia le courage ne volóté de mal contre moy penser : mais d'une chose vous prie, c'est que vous me declairez comment & en quelle maniere vous demourez en ce lieu, & cōment estes fondez. Certes dist le Patriarche nous sommes fondez en l'honneur de Dieu, & de monseigneur saint Thomas le martyr, nous auōs le corps saint en ceste Eglise, & ne peuuent nuls Chrestiens venir ceans s'ils ne sont comme pelerins : mais telles gens y peuuent seurement venir, pour cause que les offrandes & oblations qu'ils donnent

nent sont au Roy, & outre plus nous convient chacun payer grand tribut. Et alors valentin demanda & requist voir le saint corps glorieux. Et il luy fut monstré en grande reuerence & solemnité. Valentin honorablement le saint corps adora. Cela fait il monta à cheual & alla deuers le palais, auquel le Roy d'Inde faisoit sa residence & accomplit son message, en prenant congé du bon Patriarche. Il luy demanda si nulles nouuelles auoit ouy dire depuis peu de temps, si nulle Chrestienne estoit venue celle part. Par ma foy dist le Patriarche nous ne sçauons nulles nouuelles. Valentin se part & plus n'en enquis : car secrettement se vouloit enquerir d'auoir nouuelles de la belle Esclarmonde. Il ne demoura pas longuement qu'il arriua deuant la porte du palais & fist son message ainsi qu'après vous sera declairé.

Comment le noble chéualier Valentin, fist son message au Roy d'Inde de par le Roy Lucar, & de la responce que donnée luy fut.

A Pres que le noble valentin fut arriué deuant le palais du Roy d'Inde, & qu'il fut bas du cheual descendu, de cœur hardi & preux, sans doute s'en alla tantost vers le Roy lequel estoit en vne salle moult richement tendue & parée, accompagné de trois Roys forts & puissans, & aussi de plusieurs Barons & Cheualiers. Et ainsi que valentin entra en la salle, le Roy le regarda moult fierement & bien se douta qu'il estoit au Roy Lucar, & luy dist tout haut. Par Mahom le diable vous a bien fait si tost venir par deçà. N'estes vous pas au Roy Lucar, que point ne me soit celé. valentin dist, sachez que de par luy ie vous apporte nouuelles dont vous serez au cœur desplaisant. Et d'autre part ie vous apporte

apporte certaines enseignes de la belle Rozemôde, d'o^ù vo^{us} serez ioyeux & de moy côté. Messager dist le Roy, ie te fais assauoir qu'en despit du Roy Lucar, qui tant est fier & orgueilleux, j'estoye deliberé de vous faire mourir: mais pour l'amour de la dame dequoy m'auez parlé, n'aurez mal ne villennie non plus que m^{on} corps, s'il est ain^{si} qu'enseignes d'elle me sachez dire ou mon-
strer. Sire dist valentin, cela feray ie bien. il est vray que ie suis messager au Roy Lucar, lequel par moy vous mande, que pour vengeance & retribution de la mort de son pere le Roy Trompart, rendre & satisfaire vous alliez en Esclardie, vous rendre en son palais tout nud, & la corde au col, comme larron desloyal, & traistre meurtrier public. Et en cest estat veut & vous mande que deuant sa royalle maiesté en la presence de tous les Bar^{ons} & Cheualiers de sa Cour, comme homme coul-
pable vous rendiez: prest de telle mort souffrir comme par son conseil sera deliberé, & iugé. Et si de telle chose vous n'estes content, & me voulez refuser, comme mes-
sager à ce commis & par luy enuoyé vous desfie, & fait assauoir que dedans briefue espace de temps viendra en vostre pays & terre courir, telle est son intention, & à voué & iuré à Dieu Iupin & Mahom qu'en toute vostre terre ne demeurera cité, ville, ne chasteau, ne bourg, ne village, qui ne soyent tous mis à feu & par terre ruez: hommes, femmes & enfans, mis & boutez à l'espee, si que vous pourrez bien cognoistre que de malle heure vous fistes le Roy Trompart mourir, lequel estoit son propre pere naturel. Messagier, dist le Roy d'Inde, moult bien ie t'ay ouy & sçachez que peu de compte ie tiens des menasses du Roy Lucar & de s^{on} orgueilleuse desfi-
ce. Et pour responce faire sur ceste matiere ie feray vne lettre que porterez deuers luy, & es lettres sera contenu
comment

comment i'ay esté deffié de par luy. Et que bien auez accompli vostre message. Et si luy manderay la bonne volonté que i'ay de luy & de toute sa puissance recevoir toutes les fois qu'il voudra venir courir sur ma terre. Mais du surplus de ton entreprise, c'est assavoir de la belle Rozemonde d'Esclardie, dy moy tout ce qu'elle me mande ; car entre les autres choses i'ay desir trefaillant d'en avoir nouvelles. Sire, dist le cheualier valentin, sur le fait de la dame, de ma part ie vous salue comme son parfaict & loyal amy, & vous mande qu'elle est de nouveau mariee & donnee au Roy Lucar. Mais sçachez que c'est contre son courage & outre sa volonté: car onques n'ayma ne ia n'aymera le Roy Lucar, si est la franche dame, qui tant a de beauté au corps, au cœur si frappée & touchée de vostre amour, que i'amaïs elle n'aura autre que vous, s'il est ainsi que la vueillez recevoir pour dame, & pour venir à fin de nostre entreprise, elle m'a dit qu'elle viendra par deça en la compagnie du Roy Lucar son mary, quand d'Esclardie partira pour s'en venir cōtre vous, & par ainsi pourrez de leger trouver maniere de la belle prendre & emmener à vostre volonté, & plaisir. Par Mahom, dist le Roy d'Inde, bien me plaisent tes parolles, & moult suis ioyeux: mais que la chose soit telle comme l'avez deuisee. Sire, dist valentin, si la chose est vraye ou faulse, ie n'en sçauois rien dire: mais pour certain signe & enseigne veritable, voycy l'anneau qui par vous luy fut donné laquelle elle vous enuoye. Et nonobstāt que fēmes soyent de moult leger courage, & peu arrestees en leurs propos, si me semble biē que celle sur toutes les autres desire vostre amour, & que sō entreprise n'est pas chose fainte. Amy dist le Roy d'Inde, qui ledit anneau si cogneut, de ta venue suis fort ioyeux. Or va boire & māger & prédre ton

repas, & cependât ie feray escrire vne lettre que tu porteras au Roy Lucar, pour responce de ta deffiance. Valentin par le commandement du Roy Lucar, fut à celle heure de plusieurs cheualiers hautement festoyé, & noblement accompagné. A plusieurs demanda couuertement de la belle Esclarmonde, en enquerant s'il estoit nouuelles que nulle femme Chrestienne fust en celle contree. Et on luy respondit que non, si se tint à tât sans plus en parler pour l'heure. Or vint tantost le Roy d'Inde qui les lettres luy bailla. Et Valentin les reçeut, qui moult fut ioyeux de departir de ce lieu. Helas il ne scauoit pas que s'amie la belle Esclarmonde fut en celuy pays si pres de luy, laquelle dame par la cité piteusemēt pour luy viuoit en priant Dieu deuotement, que de ce lieu luy pleust la deliurer, & luy donner de son amy nouuelles & cognoissance prochaine. Or approche le temps qu'elle le trouuera : mais premier souffrira le vaillant cheualier Valentin, de diuerses & piteuses aduentures lesquelles cy apres vous seront racomptees.

*Comment Valentin retourna en la cité d'Esclardie,
& de la responce qu'il eut du Roy d'Inde
de la Maiour.*

GRand' ioye & grand' liesse eut le franc cheualier Valétin, de partir d'Inde la Maiour, & d'estre hors des mains du felon Roy d'Inde, qui tant de messagers auoit mourir, il monta à cheual & tantost arriva au port ou les mariniers estoient, qui moult furent esbahis de sa venuë, & pēsoyent à par eux que sō message n'auroit pas fait. Valentin dist, retournōs en Esclardie: car i'ay accōply mon entreprinse, dont ie doy bien Dieu louer, par ma foy, dist l'un de ses hommes, nous sommes tous es-

mer

merueillez: car oncques iour de nostre: vien'en vifmes
 nul retournen. Amy, dist Valentin, à qui Dieu veut ay-
 der nul ne ldy peut nuire: A ces mots monta en mer,
 & tant nauigerent qu'en brief ils arriuerent en Esclon-
 die. Valentin ne fist nul seiour tantost que bas du che-
 ual fust descendu, il monta au palais: & trouua le Roy
 Lucar accompagné du Roy Brandiffier, & de quatorze
 puiffans & forts Admiraux qui tous estoient venus en
 Esclardie, pour secourir le Roy Lucar, contre le Roy
 puiffant d'Inde la Maiour, du retour de Valentin fu-
 rent tous esbahis, & entre tous les autres le traistee
 Roy Lucar: car iamais ne pësoit quil retournaſt en vie.
 Il fist venir deuant tous les Barons, & luy dist. Amy, cõ-
 ptez moy des nouuelles, & me dites si le Roy d'Inde
 viendra deuers moy ou non, & en l'establie ie luy ay
 mandé. Sire, dist Valentin, à ce n'ayc attente ne fiõce
 car il n'est pris ne vous ne les vostres. Il est
 arriue fier & orgueilleux, & ſçache que ſi vous auez
 volõté d'aller par delà, encores il plus grand d'õit de
 vous receuoir. Et afin que ne ſaciez doub qu'en mon
 meſſage ait faute ne deceptiõ, ie vous preſente ces let-
 tres lesquelles il vous enuoye, parquoy poutrez co-
 gnoſtre ſa volõté. Le Roy Lucar les receut, & deuant
 toute l'aſſiſtance hautement les fiſt lire, & adõc trouue-
 rent que la choſe eſtoit telle que Valentin diſoit. Et quãd
 le Roy Brandiffier entendit la reſponſe du Roy d'Inde,
 & qu'il cogneut ſon fier courage, il à iurè Mahõ & Ap-
 polin, que iamais en ſon pays il ne retourneroit que
 mort ou viſ le Roy d'Inde n'eũt conquis. Lors fiſt ſans
 nul ſeiour armer ſes gës, & mettre en point ſãs plus lõ-
 gue attête. Le lèdemain au matin deux cens mille Sar-
 razins monterent deſſus la mer. Quand la belle Roze-
 mõe entendit qu'ils alloyẽt en Inde la Maiour, tãt pria

Lucar que sur mer avec luy méta & deuant Inde la mena, dāt depuis s'en repēit. Or furent sur la mer maintes barques & galees de tous viures garnies. Le vēt fut bō pour eux, si qu'en peu d'espace arriuerent au port. Et quand ils furent là ils descendirent à terre pour leur ost assēoir, lesquels ils ont assis sus vne plaisante riuere pres de la cité d'Inde. Parmy la ville furēt les nouvelles que leurs ennemis estoient arriuez. Les ponts furent tantost leuez, & les barriētes & portes fermees, & chacun court aux creneaux pour voir l'armee: & le Roy monta en vne haute tour pour voir les ennemis, & du grād peuple qu'il vit fut moult esmerueillē, & dist. Par lopin, icy aura affaire: mais tāt me reconforte que pour deux ans entiers ie suis fourny de viures, il aduēsa sur la riuere plusieurs tentes & pavillons, entre lesquels y en auoit trois entre les autres, moult excellentes & richement aornees, & à penonceaux volās de drap d'or d'argent, & de soye enuironnees, & d'escussions bannietes, & estēdars arriuoiet de diuerses & plusieurs manietes. Le Roy d'Inde pour auoir certaine cognoissance à qui telles armes estoient, appella vn heraut lequel en armes moult bien se cognoissoit: puis luy monstra les tētes & luy demāda à qui telles estoient. Sire, dist le heraut le premier pavillon que vous voyez si clairement luisant & richement fait: c'est celuy de Brādiffer qu'est vn Roy moult riche. Le second que vous voyez apres est à Lucar vostre ennemy mortel, le fils du Roy Trōpart que vous fistes mourir. Et le tiēts pavillō que vous voyez tout au plus bas, est le tref des dames & seigneurs que ie vous ay monstrez & nommez. Quand le Roy d'Inde entendit qu'en iceluy ost y auoit dames, biē se pensa que la belle Rozemonde y estoit, & adonc il se print en son cœur à soubsrire de la grād ioye, & li-

esse,

elle, il doubla sa force & hardiesse en disant à par luy,
 pas n'est temps de dormir qui veut belle dame auoir il
 se doit mettre à l'aduanture & corps & biens, & n'est
 pas celuy digne de belle dame auoir, qui ne veut met-
 tre peine de la conquerir. Pour ceste chose il fit armer
 tous ses gens, & en moult grand' puissance saillit hors
 de la cité dessus ses ennemis, lesquels à peine eurent es-
 pace d'eux mettre en ordonnance & eux armer: car ils ne
 pensoient pas que le Roy d'Inde saillit si tost sur eux:
 mais amours le menoyent qui sans grande deliberation
 maintes choses entreprendre font. Lors fut l'assaut
 moult grâd & la bataille moult dure. Et quand le Roy
 d'Inde vit que Brandisses estoit mêlé parmy la bataille
 pour ses gens rallier, il laissa la compagnie, & en
 grand diligence cheuaucha vers le pavillon des dames,
 & bien le vit venir Rozemonde, & à ses amours le son-
 gneut, si saillit hors de la tente seule sans compaignie, &
 s'en alla courant deuers luy. Lors le Roy d'Inde, qui
 son ardant desir apperceut, frappa des espérons & alla
 vers la Dame, & sans faire seiour incontinent sur son
 cheval la monta, & fut la Dame tantost montée com-
 me celle qui legere estoit, & bonne volôge auoit de la
 chose accomplir. Et après ce qu'elle eut montée dist au
 Roy d'Inde, mon amy vous soyez le bié venu: car vous
 estes celuy que tât ie desirois & que de long temps ay
 attendu & cōbien que depuis le temps que demander
 vous me fistes, mō pere, ma mariee, & a esté contre ma
 volonte & cōtre mō courage: car iamais ie ne hays tant
 hōme cōme ie fais le Roy Lucar à qui ie suis donnee:
 mais or peut-il seuremēt dire, que de moy il a eu tout le
 plaisir qu'il en aura iamais puis que Dieu m'a donē la
 grace q̄ vous ay trouuē, iamais autre que vo^r ne querrē,
 du tout est ma volōté à vous donnee. Dame dit le Roy,

humblement vous remercie, ie vous iure que deuant trois iours ie vous feray Royne d'Inde la Malbour, & dame & maistresse de tout mon domaine. Et en disant ses paroles le Roy d'Inde cheuaucha qui la plaisante dame empotta sur le courant destrier. Lors les gardes & chambrieres du pavillon en menât grand effroy allerent deuers le Roy Lucar, & luy dirent. Sire mauuaises nouuelles y a : car aujourd'huy auez fait perte trop grand & villaine : car vostre ennemy le Roy d'Inde a emporté sur son cheual la plaisante Rozemède, & presentement l'a destobee & tollue, pource faites voz gens apres luy aller pour l'honneur à la dame garder. Or vous rusez, dist le Roy Lucar, & plus auant n'en parlez : car qui mauuaise femme tiét & il la pert, petit en doit estre dolent. Ain si respondit le Roy Lucar qui le cœur auoit riste & dolent, & non pas sans cause, & puis alla vers Brandiffer, & luy dit en ceste façon. Sire, bien doit auoir vostre fille petit de ioye quād elle s'est accordée à fuyir mon ennemy, pour moy laisser & donner vn vituperable blafme. Beau fils, dist Brandiffer, ne foyez contre moy mal contentier aujourd'huy ie vous vengeray du traistre qui ma fille emmeine. Adonc le Roy Brandiffer frappa des esperons pour courir apres le Roy d'Inde, & avec luy grand compagnie de gens pour recouurer la Royne Rozemède pour l'amour de Lucar. Et entre les autres y fut Valentin, lequel voulut môstrer au befoing que tous Cheualiers doyuent leur prouësse esprouuer, il frappa des esperons & dist à Pacolet, il est temps de iouer de ton art, & ta science môstrer. Adonc Pacolet fist vn tel sort qu'il fut aduis au Roy d'Inde que deuant sō cheual estoit vn chāp plein de bois, fort espais & de grosses ruières, si eut grand peur d'estre prins, qui fist la dame bas descendre, pour plus legerement fuir.

fuir. Et quand la belle Roze monde fust à terre elle cuida trouuer faconde soy apres le Roy sauuer : mais Valétin fut pres qui luy esclia. Dame demeurez, il vous conuient avec moy venir : car de long temps m'avez promis que vostre amour i'aurois. Ha dist-elle, Valentin, bien peu vous dois aimer, & tenir cher, quand d'amour ie vous requis, & par vous ie fus escôduite, s'a esté bien force d'autre que vous trouuer & pourchasser : mais puis que tant m'est fortune cōtraire que i'ay failli à mon entreprinse, ie me rends à vostre mercy comme vostre pauvre subiecte seruâte, s'il est ainsi que par vostre moyen puisse ma paix faire deuers le Roy Lucar. Dame, dist Valentin, i'en feray le deuoir si bien que cognoistrez que bié vous ay seruy. Lors il la mena deuers Lucar & luy dist. Sire, voicy la belle noble dame Roze monde vostre femme, laquelle est fort doulente & pitousement de douleurs aornee pour la force & violence qu'à elle a esté fait & plus a cuidé faire le desloyal Roy. Ha Sire, dist la dame, il vous dit verité. Car ainsi comme la bataille commença ie le vis deuers moy venir, si pensay que c'estoit aucun de voz Barôs qui pour me secourir accouroit. Si allay contre luy esperant me sauuer : & sans m'enquerir de rié sur son cheual mōtay : mais lassé Sire : ie cogneus tantost sa malle volonté & apperceuz bien que i'estois trahie : lors le prins par les cheueux, & le visage luy esgratignay, tellement que de sang fust couuert, & que force luy fut de me laisser à terre descendre, & ainsi à l'aide de cestuy cheualier, de luy me suis sauuee & eschappee. Dame, dist Lucar vo' avez bié ouuré & n'en cōuiét plus parler pour le present : car nous auons l'assaut de par noz ennemis, qui trop nous dōnent affaire. Ainsi laissa la Dame sās nulle responce, & retourna en la bataille. Et à celle heure re-

tournerēt ceux d'Inde en la cité, lesquels plusieurs vail-
lans champions auoyent perdus: mais sur toutes les per-
tes le Roy d'Inde plaignoit la perte de la belle Roze-
monde. Helas dame, dist-il, j'ay bien en mon entreprin-
se failli: mais ainsi m'aide Mahom, ie cognois clairemēt
que j'ay esté enchanté: car il m'estoit semblāt que de-
uant moy ie trouuois bois & riuieres courās: mais aussi
tost que ie vous eu mise bas ie ne vis sinō beau chemin
plein. Grand hōneur eut Valentin, & de chacū fut louē,
pource qu'il auoit la belle Rozemōde deliurée, & re-
cōtée du Roy d'Inde. Et elle aussi tost luy monstroit
beau semblant, que pour ceste chose fort l'aimoit & de
bon cœur: mais quelque signe d'amour qu'elle luy mō-
strast dessus tous le hayoit & vouloit mal: car bien eust
voulu que la chose fut autrement faite: mais nō pour-
tant de ceste faute ne se tint pas à tant: mais tant veilla
& laboura que son intention mist à fin, & sa volonté à
execution.

*Comment RoZemonde trouua maniere & faÇon de soy em-
mener au Roy d'Inde la Maïour lequel elle
aymoit parfaitement.*

VOlontiers on dit & est vray, que si vne fēme d'el-
le mēsmē ne se chastie qu'à peine nul ne la peut
chastier: car plus cher ayment à mourir que de faillir à
leur entreprise, comme bien monstra Rozemōde fēme
du Roy Lucar: car pas ne demoura l'espace de quatre
iours qu'elle faillit de son pavillon, & en la plus petite
cōpagnie qu'elle peut, mōta sur vne hacquenēe & dist
qu'elle se vonloit aller esbatre aux chāps & prédre vn
peu d'air: & en ce point s'en alla Rozemōde vers la cité
d'Inde la maïour. El'e auoit fait sÇauoir secrettement

au Roy d'Inde que celuy iour il fut prest & appareillé pour la venir querir & emmener, lequel point ne faillit: car ainsi qu'il la vit & apperçeut il faillit par vne fauce porte monté à cheual à l'avantage, & courut vers la dame, & vistement print la hacquenee par le frain & à Rozemode dist. M'amy, or vous puis-je à ceste heure secrettement emmener, & vostre volonté faire. En ce point la mena dedans la cité d'Inde en grand ioy. Or fut le cry parmy l'ost du Roy Lucar, que le Roy d'Inde emmenoit la belle Rozemode, dont plusieurs mōterēt à cheual pour la dame secourir: mais tantost furent entrez dedās la cité d'Inde. Voyant le Roy Lucar la prise de Rozemonde, il dist. Celuy qui la Dame me pourra amener, ie le feray mon grand Seneschal, & dessus tous fera gouuerneur de ma cour. Sire dist Pacolet à Valentin, si c'est vostre plaisir de la dame auoir, ie trouueroye tantost enchantemēt parquoy ie la vous feray prédie, amy dist Valérin. Or la laissez aller vne fois l'ay redue à Lucar son mary en espoir qu'elle se chastiait de sa faute, & puis que faire ne le veut autrement: fol seroit celuy homme qui remede querir y voudroit: car femme qui volonté a de soy mauuaisement gouuerner, ne peut iamais si pres tenue, que la fin n'en soit mauuaise. En celuy iour que le Roy d'Inde emmena la belle Rozemode, il la print à femme & espouse & coucha avec elle, & engendra vn fils qui Rabastre fut nommé, lequel en ses iours posseda & tint Ierusalem. Iceluy Rabastre depuis fut conquis par Regnier Monrahy, par qui sō fiere à nostre foy fut conuertty avec la fille dudit Rabastre, laquelle auoit nom Atibar. Trop doulent fut le Roy Lucar, quand sa femme eut ainsi perdue, & Brandiffier le reconforte disant. Beau fils prenez en vous courage: car ie iure Mahom & tous mes dieux, que deuant

mô partemér ie vous en vègeray. Ainsi iura Brandiffier mais bien il en alla autrement: car à ce propre iour vint vers luy vn messager, lequel luy dist. Sire, entèdez nouvelles lesquelles serôt pour vous desplaisantes. Sachez Sire, que le Roy Pepin accompagné du fils de l'Empereur de Grece, lequel Empereur est en vostre prisô, sôt nouuellement descèdus sur vostre terre, & ont destruit plusieurs bonnes villes, chasteaux & forteresses, & grãd nôbre de vos gens mis à mort, & encores ont plus fait: car ils ont assiegé vostre grande cité d'Angorie, en laquelle vostre femme nouuellement est accouchée d'un beau fils, & suis icy venu vous demãder secours ou autrement il conuiendra rendre vostre cité d'Angorie à ces mauuais Chrestiens. Quand Brandiffier ouit telles nouvelles, fort doulent fut en son cœur. Lors alla vers Lucar, & luy dist, beau fils voicy vn messager, qui de ma terre a mauuaises nouvelles apportees: car les François y sont entrez à fiere puissâce, parquoy m'est force d'y aller ma terre deffendre, si vous ditay que vous ferez c'est que vous enuoyez vers le roy d'Inde aucun cheualier, & luy manderez qu'il vous renuoye ma fille Rozemonde vostre femme, par tel conuenant que vous luy pardonnez la mort de vostre pere, si ferez de sa terre leuer & partir vostre ost sans nulle guerre luy faire. Par Mahom dist le roy Lucar, à cela ie pensoye & n'y voy point de meilleur remede, ne meilleur conseil. A ces mots appella Valétin, & luy dist, cheualier il cōuiét de par moy vers le Roy d'Inde aller & luy direz en ceste maniere, que la belle Rozemôde il m'enuoye, laquelle il m'a tollue par tel conuenant que la mort de mon pere ie luy donneray, sans iamais de ce fait auoir contre luy question, & si feray mes gens & toute mon armee vuidre de dessus sa terre & hors de son país,

sans

sans dommage porter. Sire dist Valentin, pour vous ie
 voudroye mon corps aduenturer, plus que pour nul au-
 tre, si feray vostre message au mieux que ie pourray, &
 en petit de temps en orrez nouvelles. Lors monta à che-
 ual & alla deuers Inde, & entra dedans la cité ainsi qu'un
 messager, & alla au palais auquel il trouua le Roy, &
 aupres de luy la belle Rozemonde assise, qui moult bien
 cogneut Valentin si dist au Roy. Sire voyez vous cestuy,
 c'est celuy par qui vous fus tollue & ostee, quand la pre-
 miere fois me cuidastes emmener. Dame dist le Roy
 d'Inde. A ceste heure ie m'en vengeray : car iamais en sa
 vie il ne m'eschappera. Si fera dist la Dame de tât le co-
 gnois qu'encores de luy vous pourrez estre seruy. Adonc
 s'approcha Valentin qui hautement & en grand har-
 dieſſe le Roy salua & la Dame aussi. Sire dist Valentin,
 ie suis messager au Roy Lucar, lequel vers vous m'en-
 uoye, & par moy vous mande que luy rendiez la plai-
 sante dame Rozemonde laquelle icy est ; & si faire le
 voulez il vous pardonnera la mort de son pere, & & son
 armee fera de vostre terre sans seiour leuer : mais non
 pourtant que ie suis chargé de vous faire tel message se
 croire me voulez iamais n'y consentirez : mais garderez
 la dame qui tant est belle, sachez que iour de ma vie ie
 ne seray ou ie souffre blasme ne deshonneur à vous fai-
 re pour l'amour de la dame, tout le temps de ma vie ie
 luy voudroye honneur porter, & à vous faire service.
 Cheualier dist le Roy d'Inde vous parlez comme vail-
 lant & moult me plaist vostre parolle : mais pour brief
 vous respondrez au Roy Lucar s'il a de femmes affaire,
 qu'il en pourchasse d'autres que m'amie Rozemôde : car
 iamais iour de sa vie à son costé ne couchera, ne de son
 corps n'aura plaisir. Cheualier dist la dame, saluez mon
 pere & luy dictes que de ce fait la faute est à luy : car bié

luy

luy auoy dit que point ne vouloye estre à Lucar donnée, or a mon pere fait contre ma volonté, & i'ay fait contre la sienne. Si dictes à Lucar qu'en moy n'aye plus de fian-
ce. Dame dist Valentin vostre message sera fait de bon
cœur. Ainsi à prins cōgé moult ioyeux d'estre hors d'In-
de & eschappé du Roy. Il est retourné en l'ost & a ra-
compté la responce que d'Inde a rapportee. Sire dit il à
Lucar, pourchassez vne autre dame, Rozemode est ma-
rie au Roy d'inde lequel toutes les nuits couche avec
elle & en fait à son plaisir. Quand Lucar entendit ces
parolles les mains commença à destordre & ses cheueux
à tirer & dire. Ha m'amie pour vous me conuiendra
mourir, quand i'ay perdu la plus belle, la plus noble &
la plus amoureuse qui soit en ce monde, helas que vous
auoy ie fait que si grand desplaisir m'auiez pourchassé,
faux Roy d'Inde iamais ie n'auray cause de t'aymer: car
mon pere fausement tu fis mourir, & puis par trahison
ma femme as tollue. Lors parla Brandiffer & dist en ce-
ste maniere. Mon beau fils de ceste pitié ie suis dolent
& fort courroucé: mais pour l'heure presente ne puis
confort ne remede donner: car aller me conuient en ma
terre ou les François sont descendus ainsi qu'auiez ouy
par le messager, ou autrement mon pays sera destruit.
Sire dist Lucar, il nous conuient la cité assaillir deuant
que partir: car se nous en allons en ce point, il nous sera
reproché villainement. Par mahom dist Brandiffer, nul
assaut n'y vaudroit: car par famine les gagnerons, si de-
mourez icy & vostre puissance, en gardant les passages
que nuls viures n'y puissent entrer. A tant vous fustite:
qu'aussi tost que de mes ennemis seray depeesché à force
& puissance d'armes vers vous retournay.

Comment le Roy Lucar fist tant que le Roy Brandiffer demoura avec luy, & enuoya en Angorie le noble Valentin contre le Roy Pepin son oncle.

QUand le Roy entendit que le Roy Brandiffer le vouloit laisser, moult en fut doulent & desplaisant, & luy dist. Sire, il est vray & bien le sçavez que vous m'avez promis de m'ayder à venger du Roy d'Inde, qui à vous & à moy a faicte si grand iniure. Il est vray dit Brandiffer & trop suis desplaisant quand ma promesse ne puis accomplir, mais force me cōtraint d'aller ma terre garder. Or ie vous diray dist Lucar, cōment vous pourrez bien faire pour mon honneur, & tant d'une part que d'autre. J'ay icy vn Cheualier nommé Valentin. sur tous autres vaillant & hardy, si luy pourrez bailler vos gens: car en toutes choses ie l'ay trouué vray & loyal. Et outreplus vous avez en cestuy ost vostre oncle Murgalant, qui de long temps la guerre a suiuy & moult bien si cōgnoit, & me semble que bon seroit que ces deux fissent le voyage & vous demourerez par deça. A ces paroltes se cōsëntit Brandiffer. Si manderent Valentin & Murgalant, & leur dirēt & declairerēt le faict & la maniere de leur entreprise. Seigneurs dist Brandiffer, vous estes par nous deux esleuz pour aller en Angorie, leuer le siege que le Roy Pepin y a mis. Or vous prie & requiers que faciez en maniere que ma terre puisse estre deffendue & gardée. Et vous bel oncle Murgalant pensez de bien faire & rendu vous sera: car là où j'auray perte vous n'aurez nul profit. Beau neveu dist Murgalant ne vous souciez plus: car puis que ie meine le vaillant Valentin, ie n'ay doute ne crainte que la chose ne se porte bien. Après ces choses

ses deuisees & ordonnees furent baillez à Valentin & à Murgalant, cent mille combatans bien montez & autāt en demoura en l'ost du Roy Lucar. Valentin & Murgalant, monterent sur la mer, & tant nagerent & eurent si agreable vent, qu'en peu de temps arriuerent au port d'Angorie: mais premier qu'il y arriuaissent, Valentin aduifa vne haute & grosse tour vers les parties d'Aurant, laquelle estoit couuerte de fin leton. Il demanda aux mariniers quelle place c'estoit, & vn luy respondit. Sire c'est le chasteau fort & est ainsi nommē. Et sachez que ledit chasteau est moult fort & bien situé: car si subtile est l'entree ediffice qu'il n'y peut passer qu'un homme à la fois, & si deux y vouloyent passer ensemble tresbucheroient dedās la mer, qui bat contre les murs. Et en celuy chasteau Brandiffer a moult longuement sa fille gardee, affin que de nul ne soit prinse ne robée: car au mode n'est memoire de plus belle qu'elle: mais tant y a qu'il ne la veut donner à homme viuant. Quand Valentin ouyt ses parolles moult luy print desir en son cœur de la belle Dame voir & tout à par luy dist que iamais il ne sera ioyeux qu'il ne l'aye veüe. Ils sont arriuez au plus pres d'Angorie, & sur les champs ont leur ost en briefue espace mis & assis, bien ont cogneu les tentes & les pauillons de l'ost au Roy Pepin, qui moult estoient luyfantes & plaisantes à regarder. Grand deuoir faisoient les Chrestiens de la cité assaillir: mais dedans y auoit vn Admiral nommē Bruhans, lequel tous les iours sās faillir sailloit sur l'ost de Pepin & grād prouesse faisoit luy & ses gens. Quand Murgalant aduifa l'ost des Chrestiens, qui grand terre tenoit, il appella Valentin & luy dist, cheualier conseillez nous sur cest affaire: car ie voy & cognois que les Chrestiens sont forts & moult grand nombre. Murgalant dist Valentin, ie

vous diray mon opinion. Je conseille que nous enuoyons tost vn messager dedans la cité d'Angorie, & mandons à noz gens que nous sommes icy arriuez : & que demain ils ne faillent pas qu'ils ne faillent sur les Chrestiens, & que par deuers la ville fierement les assaillirēt, & nous de la part de la mer les assaudrons, si me semble que par tel moyen ne pourront fuyr n'eschapper que tous ne soyent morts ou prins. Par mon dieu dist Murgalent, vous avez bien aduise. Or faut trouuer messager qui ceste chose parface & accomplisse. Sire dit Pacolet, qui subtil & cauteleux estoit, ne cherchez autre que moy : car ie sçay parler tous langages, & feray cestuy message si bien que vous le cognoistrez. Amy dist Murgalent tu parles comme vaillant. Or t'en va & Mahomet vaille conduire. Pacolet se partit qui moult fut ioyeux de faire ce message : & à par luy dist baslemēt. Murgalent vous m'enuoyez faire vostre message : mais par le Dieu tout puissant ie le feray en telle maniere, que deuant qui soit demain iour vous cognoistrez de quel ieu Pacolet sçait iouer. Ainsi s'en va courāt Pacolet tout à pied sās cheual. Et quād il fut esloigné de l'ost de Murgalent, il ne tira pas vers la cité d'Angorie : mais alla vers l'ost des Chrestiens, l'vne fois riant comme fol, l'autre foys en soy appuyant d'vn baston. Et quand les Chrestiens le virent ainsi venir, bien se pensoyent qu'il estoit vne espie, si luy vindrent à l'encontre à moult grand haste & luy demanderent galant ou allez vous, il semble à vostre maniere que soyez vne espie. Seigneurs, dist Pacolet, vous avez dit verité : mais ie ne suis pas espie pour dommage vous porter. Or me menez tost en l'ost du Roy Pepin : & me faites parler à Orson : car chose luy diray dont sera esbahi. Ils l'ont mené vers luy lequel fut ioyeux de le voir. Amy, dist Orson, comment se

porte mon frere Valentin. Pacolet luy compta toutes les aduentures qu'aduenuës estoient, de puis que l'un & l'autre n'auoyent veus, & parla du serpent que Valentin auoit conquis deuant Antioche, & comment il ne pouuoit auoir nouvelles de la belle Esclarmonde. Puis luy declaira commēt il estoit arriué pour cōbattre à eux & qu'il estoit conducteur & gouverneur de l'armée avec Murgalan. Et que desia estoient deça passez par le commandement du Roy Lucar & Brandiffer, lesquels nous ont icy enuoyez pour vous assaillir & deschasser de ceste terre. Mais si croire me voulez de cent mille payens qui ont passé la mer, n'en retournera pas vn : car se sont chiens maudits contraires à nostre loy. Si ne faut pas auoir pitié de leur mort pourchasser en toutes les manieres qu'on peut. Et si vous me laissez faire ie trouueray maniere parquoy iamais n'eschapperont. Amy, dist Orson pour Dieu advisez y : car si faire le voulez, onques iour de vostre vie n'eustes autant d'honneur, & si acquerrez merites enuers Dieu.

*Comment Pacolet fit mettre à mort les Payens par
Brandiffer, & le Roy Lucar,*

Sire dist Pacolet à Orson. le suis & seray toute ma vie subiect à Valentin vostre frere, & à vous : mais si iamais ie vous fis service qu'il vous deust plaire i'en feray à ceste fois vn. Or escoutez comment il conuient que vous soyez sur voz gardes, & que ceste nuit vo^r faciez voz gens armer, & mettre en point. Et affin que nul ne puisse dire que Valentin pése trahison ie le feray demeurer dedans les tentes, & feray que les Payens aient en grand nombre au guet, & quand il sera ainsi fait ie jette-

ray

ray mon sort, en telle maniere que tous ceux du guet, ie feray si fort dormir que vous pourrez seulement passer outre, si viendrez en l'ost & bouteriez le feu dedans en mettant à mort tous ceux qu'y trouuez. Par Dieu, dist Orson, vous parlez tresbien & comme subtil, & monstrez qu'avez volonté & deuotion de nostre foy soutenir & deffendre. A ces mots les mena Orson deuers le Roy, pour compter l'entreprise. Loyeux fut Pepin, de telle chose ouïr, & fist Pacolet moult hautement seruir & festoyer. Il beut & mangea puis à prins congé, & s'en alla en la cité d'Angorie son message parfaire, afin que nul de son fait ne se print garde, & qu'au Roy Murgalant rapportast certaines enseignes. Il entra en la cité & s'en alla au palais ou il trouua l'Admiral Bruhans, & en grand reuerence le salua : puis fist son message tel qu'encharge luy estoit par Murgalant. Sire dist Pacolet, sachez que de la part de Brandiffex, nous sommes arriuez & descendus pour vous secourir cent mille Payens. Si vous mande le Roy Murgalant, lequel de tous les Payens a la charge & gouuernement que demain & au plus matin vous faciez noz gens aimer, & que vous assailliez les Chrestiens de la part de la cité d'Angorie, & Murgalant avecques grand nombre de ses gens & son ost par derriere les prendront, si ne pourront fuir n'eschapper, que tous ne soyent morts & desconfits. Loyeux fut l'Admiral Bruhans d'ouïr telles parolles : mais il ne scauoit pas comment il luy en deuoit prendre. Lors Pacolet print congé en grand reuerence & s'en retourna à Murgalant, lequel il salua de par l'Admiral Bruhans, ainsi comme bien scauoit faire. Amy, dist Murgalant, vous estes digne d'estre prisé quand si bien scauez faire vostre message. Puis Pacolet vint deuers Valentin, & secrettement luy dist. Vostre frere Orson & vostre

oncle

oncle le noble Roy Pepin vous saluent, ausquels j'ay fait l'entreprinse sçauoir de vostre venue, & afin qu'il ne puisse point estre prins en desarroy: car grand' pitié & dommage seroit. Amy, ce luy dist Valentin, tu a tres-bien ouuré. Or ne luy dist pas Pacolet le fait de son entreprinse: car bien le cognoissoit à tant que iamais en iour de sa vie saison n'est consenti. La nuict approcha & conuint attendre le guet & les gardes de l'ost eslire & establir. Bien venoit Valentin du guet auoir la charge, mais Pacolet qui sçauoit aller, trouua maniere de le destourner, & le fist aux tentes demeurer. Quand la nuict fut venue Pacolet entra parmy les Payens & s'fortietta sur eux par telle maniere, que tous à terre fist endormir si fort que pour tous les viuans ne se fissent esueillez. Or ne dormoit pas Pepin ne son armee: car quand vint à la minuit accompagné de Millon d'Angler, & du hardi Orson, à tout soixante mille hommes, entrerent sur les Payens, & ont sans faire bruit tout à leur gré passé le guet: puis sont venus dedans l'ost parmi les trefs, tentes & pavillons ont le feu bouté, & tous les Payens mis à mort. Et tant ont fait qu'ils sont venus en la tente de Murgalan qui dormoit en son liect, & tellement fut surprins qu'au faillir de son liect, fut d'un dard tout outre le corps passé, & à terre cheut mort. Pacolet vint à Valentin, & luy dist. Monseigneur pensez de vous sauuer: car trop mal nous va. Sachez que les Chrestiens sont outre le guet passé, & sont dedans l'ost, & noz gens de toutes pars environnez & mettent tout à feu & à sang, si pensons d'eschapper. Ha Pacolet, dist Valentin, ie cognois qu'icy tu as ouuré, & que les Payens enchanté, si ne sçay comment ie dois faire pour mon honneur sauuer: car au partir de Brandiffier ie luy promis & iura, que si vis pouuoit eschaper, ie retournerois deuers

deuers luy. Or suis- ie seur que s'il a nouuelles de ceste chose il me fera mourir. Sire, dist Pacolet, de ce ne vous doutez: car ia en lieu que ie fois vous n'aurez mal ne desplaisir: mais vous deliureray & vous eust le Roy Brádiffer iugé à mort, & au col eussiez la corde. Certes, dist Valétin, tel vallet doit on aymer. Ainsi furent les Payens par Pacolet desconfits & mis à mort. Le lendemain au matin l'Admiral Bruhans, qui de ce rien ne sçauoit, fist tous les gens armer pour saillir sur le siege du Roy Pepin, que Pacolet leur auoit deuisez: mais bié, va autrement que l'Admiral ne pense. Or sont Payens issus des murs d'Angorie pour venir sur Pepin, & les Chrestiens qui de leur entrepriise faite estoient orgueilleux, tantosts'en allerent contre eux, & en peu d'espace furent des deux pars assemblez. Lors coméça la bataille fiere, le bruit fut moult grád & piteux à ouir. Les Chrestiés faisoýent moult grád'occision des Payens, & Satrazins. Quand Bruhans vit que les Chrestiés faisoýent à ses gens si dure guerre, comme hors du sés en la bataille se frappa. Il a couché sa lance, & contre vn chevalier qui de Brie estoit venu, & tellemét l'a attraint, que tout outre le corps, le fer luy a passé & l'a abbatu mort & puis tira l'espee, & courut à vn autre, lequel auoit nom Girard de Paris, & luy bailla si grand coup d'espee: que là il mourut, puis vint à vn autre vaillant chevalier nommé Robert de Normádie, qui moult ses gens greuoit: si luy bailla tel coup d'espee qu'il luy a coupee la jambe fenestre. Si vaillamment se combatit l'Admiral, que deuant qu'il arrestast il fist mourir dix chevaliers Chrestiés de sa main. Or l'apperceut le Roy Pepin, qui vit bié q. des Chrestiés faisoit grand occisió. Le Roy a tantost prins vne lance & a frappé des espérons, & contre l'Admiral est allé de puissance si gráde,

T

que

que parmy le foye & poulmon la lance passa & cheut mort. Et quand les Payens virent que l'Admiral estoit mort ils furent moult doulens. Et de plus tenir le chāp n'eurent hardiesse: mais se retirerent dedans Angorie & monterent sur les murs pour la ville deffendre. Lors les Chrestiens furent diligens, & de pres les suy- uirent: mais ceux de la cité firēt si grand deffense, tant de traits que de pierres, que les Chrestiens trop mal menerent. Adōc les capitaines firēt faire & amasser fagots & bois de toutes sortes, & firēt les fossez réplir, & par ce moyen gagnerent les portes & les barrières. Et à celle heure fut l'assaut moult grand, & y moururent plusieurs cheualiers tant d'une part que d'autre: mais non pourtāt la deffence que firēt les Payens, petit leur profitat: car d'iceluy assaut fut la cité prinse, & tous les Sarrazins mis à l'espee sans pitié nē mercy. Lors les Chrestiens entrerent dedās, qui maintes richesses trou- uerent. Et fut par vn vendredi à l'heure que nostre Sei- gneur Iesus-Christ souffrit mort en la croix pour nous. Le Roy Pepin fist apporter tentes & paillōs dedās la cité pour plus seuremēt reposer, & rafraischir. Si laisse- ray à parler de Pepin, & vous parleray de Valentin.

Comment Valentin apres la bataille retourna deuant Inde vers le Roy Brandiffier, & en fu porter mort le Roy Murgalant.

A Pres que la cité d'Angorie fut par les Chrestiens prinse, & les Payēs tant dedans que dehors furēt morts. Valentin qui le corps du Roy Murgalant trouua mort, sur le champ appella Pacolet, & luy dist. Amy, ie veux qu'avec nous cestuy corps emportions, si pourra le Roy Brandiffier plustost croire que nous estōs ensēble

en

en la bataille. Sire, dist Pacolet, vous parlez bié & vous pourra estre honneur. Adonc Valentin fist prendre le corps & honnorablement le fist mettre en vn coffre, & le fist couvrir, & puis sont venus au port ou estoient les nauires, & sont montez sur mer: mais de cent mille Payens qu'estoient venus, n'en demeura pas dix mille. Or sont ils sur mer & tendirent les voilles, tant nagerent qu'ils vindrét sur le port arriuer droit ou Brandiffet & Lucar auoyent leur ost assis. Ils prindrent terre, & descendirent le corps, & le chargerent sus deux chevaux, & le porterent faisant chere piteuse au pavillon de Brandiffet, lequel iouoit aux eschets avec Lucar, accompagné de quinze Roys qui le lieu regardoyét, & aussi tost que Brádiffer à veu Valéin il luy a dit. Cheualier bié soyez venu, or me dites de la bataille comment il en est venu, & si auez tué tous les Chrestiens, & prins le Roy Pepin & Orson só neuueu. Helas Sire, dist Valéin, il va bié autrement: car perdu auons la iournee & y sont tous vos gens demeurez: car le Roy Farin qui la charge auoit du guet, laissa tous les gens endormir, si passerét les Chrestiens outre, boutât le feu aux pavillóns, & tuât grands & petits sãs de nul auoir pitié. Et quãd ie vis que la chose alloit si mal, ie refueillay le plus des gens qui ie peux pour les mettre à sauueté, & en ceste bataille est mort vostre oncle Murgalant, duquel i'ay fait apporter le corps: affin qu'il puisse estre mis en sepulture telle qu'à luy appartient. Et si croire ne me voulez vous pourrez demãder aux autres qu'icy sont cômés, il est en allé. Sire, dirét les autres, il dit verité. Lors se leua le Roy Brádiffer & côme tout enragé ietra la table à terre sur laquelle il iouoit, tant fut doulens qu'à peine il ne pouuoit mot dire. Ha Valentin, ie voy bié que tu as fait mourir mes gens. Par Dieu, dist Valéin, cest mal parlé: car oncques

en ma vie ne fus tel que vous dites, & se nul le vouloit
 maintenir, ie voudrois contre luy prendre cháp de ba-
 taille. Par Mahó, dist Lucar, de luy il n'en faut ia douter:
 car s'il eut voulu faire trahisó il ne fut pas retourné de-
 uers vous. Adóc se teust Brandiffer, & hōorablemēt fit
 enterrer le corps de son oncle, & tantost ceux de la cité
 sçeutēt les nouvelles, dont ils furēt bien ioyeux. Adonc
 le Roy d'Inde fit tantost ses gēs armer, & à douze mille
 hommes faillit de la cité d'Inde. Et quād Brádiffer ouit
 qu'ils venoyent dessus luy, il fit ses gēs armer. Si ne de-
 meura gueres que les batailles s'asléblerent, qui moult
 furent fieres tant d'une part que d'autre, Valétin fut de-
 dās la presse, qui de toutes pars fiert & abbat tous ceux
 qui deuant luy se trouuerent: tant fut sa hardiesse crain-
 cte, qu'il n'y a chevalier si hardy, qui deuant luy s'ose
 approcher. Il entra en bataille tenant le branc d'acier,
 si auant qu'il vint au Roy d'Inde, & si grand coup luy
 bailla, que de dessus son cheual à terre l'abbatit si rude-
 mēt qu'il n'eut force ne puiffāce de soy releuer. Quād
 Pacolet vit qu'il fut bas, il alla tantost à luy & plusieurs
 autres si ont prins le Roy d'Inde, & l'ont rendu à Valé-
 tin lequel le mena au pavillon de Brádiffer. Et quand il
 sçeut les nouvelles que Valétin auoit prins le Roy d'In-
 de, il cria dessus ses gens. Or sus Seigneurs il n'y a que
 de bien faire: car auiourd'huy aurons victoire sur noz
 ennemis. Si iure mon dieu Mahom, que iamais iour de
 ma vie au bon chevalier Valentin, ne faudray de corps
 ne de biens. Pour ces nouvelles Brandiffer & Lucar, &
 tous ses gens prindrent courage & se bouterent en ba-
 taille, plus fort que deuant, par telle maniere que sur
 les champs plus de trente mille demeurerent. Quand
 le mareschal d'Inde cogneut la perte qu'ils auoyent
 faict, il fist tantost sonner la retraicte, pour les gēs re-
 cucillir

cueillir & s'aler. Quant Brádiffer, & Lucar viret qu'ils se retraioyent si les suyurent de si pres qu'à l'entree de la cité il y en mourur dix mille: moult ioyeux fut Pacolet, qui tant de Payens veoit mourir. Et ne luy challoit de quelle part la perte deust tourner: mais que luy & Valentin se puissent de leur mains sauuer. La bataille dura tant que la nuit approcha. Et Brádiffer & Lucar, retournerent en leur tentes & pauillon, & dirent qu'on leur amenaist le Roy d'Inde, lequel rācost fut présenté, & quād Lucar le vit, il luy dist tout haut. Ha faux traistre, or est venu le temps que compte vous rendrez: car maintenant mourrez à grand'honte. Bien l'entendit le Roy d'Inde, qui nul mot ne respōdit; mais encores viēdra le temps & l'heure qu'il sera par Pacolet deliuré, & apres luy liurera Brandiffer en sa subiection ainsi qu'apres vous sera declairé.

Comment Valentin ouyt nouvelles de son pere, & comment Pacolet deliura le Roy d'Inde par son sort, & il luy liura Brandiffer à sa volonte.

VN messager arriva à l'heure que le Roy d'Inde la Maiour, lequel apres ce qu'il l'eut salué luy dist. Trescher Sire, ie vous apporte nouvelles moult desplaisantes: car sachez que Pepin a prins par force d'armes vostre cité d'Angorie, & mis tout le peuple qui dedans estoit hommes & femmes & petits enfans à feu & à sang, sās en auoir pitié, par ma foy dist le Roy Brádiffer, voicy mauuaises nouvelles: car c'estoit la plus belle cité qui fust en ma terre: mais puis qu'il est ainsi aduenu que j'ay en ma subiection le Roy d'Inde, j'ay espoir que de mes ennemis j'auray vengeance: puis dist à Lucar. Beau fils ils cōuient puis que le Roy d'Inde a-

nous entre nos mains, que tant de dommage nous a
 fait. le conseille que demain il soit de mort villaine cō-
 damné à mourir, & puis nous itons en Angorie contre
 les François qui ma terre gastent, & en prendrons vé-
 geartee: car sachez que dedans chasteau fort ay en mes
 prisons l'Empereur de Grece, & le Verd chevalier, qui
 nostre loy ont delaissee, si ne m'eschapperont iamais
 que dedas quinze iours ne les face pendre. Valérin qui
 là fut present entendit bien les nouvelles & moult fut
 ioyeux d'ouyr parler de son pere. Si fist signe à Pacolet
 que tost seroit le temps qu'il conuiendrait iouer de son
 mestier, puis à part luy dist bassement. le prie à Dieu de
 paradis qu'il vous vueille garder de danger: car iamais
 ie n'auray liesse tāt que i'aye trouué maniere de vous
 deliurer de prison. Le Roy d'Inde regarda Valentin &
 dist à par luy. Maudicte soit l'heure que de mes mains
 eschappates que ne vous fis mourir, pas ne eusse esté en
 tel danger comme ie suis. Apres ces choses faictes Lu-
 car fist venir cēt Sarrazins tous armez & puis leur dist.
 Compagnons ie vous baille cestuy faux traistre le Roy
 d'Inde. Et si pensez de biē le garder sut peine de perdre
 vos vies: & puis demain quand vous l'aurez rendu ie le
 feray pendre & estrāgler. Les Payens prindrent tantost
 le Roy d'Inde, & le mirent en un paillon & l'a l'ont
 estaché parmy tout le corps: & puis luy ont le yeux bā-
 dez. Il pouuoit bien ouyr les jeux, soulas & esbatemēt:
 mais il n'auoit que tristesse & descōfort en sō cœur, cō-
 me celuy qui iamais ne pēsoit eschapper de mort. Lors
 Valentin appella Pacolet & luy dist. Amy ie ne cuidoye
 pas que le Roy Brādiffer tint mō pere en ses prisōs: car
 si ie l'eusse sceu, ie n'eusse pas mis mō corps en si grādes
 aduentures pour le servir comme i'ay faict. Je luy ay
 esté loyal en tous affaires. Mais puis qu'ainsi va iamais

ie ne le seruiray:mais trouuerois voulontiers maniere,
 comment nuire ie luy pourray:car ie suis peu tenu de
 seruir & faire plaisir à celuy qui si longuement mon
 pere tient en la chartre obscure en grand peine & de-
 stresse.Sire dist Pacolet,vous auez bien raison de luy
 porter dommage , & si vous voulez ie trouueray bien
 façon de deliurer le Roy d'Inde & si emmeneray avec
 luy le Roy Brandiffer , & si me semble que quand il le
 tiendra en Inde qu'il le fera mourir honteusement , &
 par ainsi à ceste heure vous en pourrez estre vengé,&
 par tout pourra seurement vostre oncle le Roy Pepin
 tenir la cité d'Angorie,& la terre de Brandiffer. Par ma
 foy(dist Valentin)telle chose voudroye bien & te prie
 de bon cœur,que tu faces à ceste heure chose parquoy
 ie puisse le Roy Pepin ayder & l'Empereur de Grece,
 mon pere deliurer.Quand vint apres soupper les cent
 Sarrazins que le Roy d'Inde auoyét en garde,firent vn
 grand feu deuant leur pavillon auquel il estoit lié. Et
 Pacolet qui ne dormoit pas à l'heure,va entrer dedans
 leur tente,côme celuy qui veut avec eux veiller & pas-
 ser temps,puis ne demoura pas longuement qu'il ietta
 vn sort,par telle maniere de l'art de nigromance qu'il
 les fist à terre cheoir , & les endormit comme gens
 morts,& puis sans faire nul arrest vistemēt s'en vint au
 Roy d'Inde , & luy desbanda les yeux, & puis luy dist.
 Noble & puissant Roy prens en moy confort & ioye:
 car ie suis ton dieu Mahom , qui suis du ciel descendu
 pour te venir secourir & deliurer, pource que m'as lo-
 guement seruy & loyallement honoré , si ne te veux
 pas laisser sans te donner secours. Tu t'en iras en Inde
 par deuant ton palais sans nul dommage:car par ma
 diuine puissance i'ay tous endormis ceux qui t'auo-
 yent en garde , & pour mieux faire ton coutage & vo-

lonté tu emmeneras avec toy le Roy Brandiffer, qui te tient en prison, sans que nulles nouvelles en sache. Helas mon dieu dist le Roy d'Inde, ie t'ay bien adoré & bien cher tenu, quand de ton paradis tu es si bas descédu pour me garder de mō ennemy mortel, or cognoisse que tu es dieu tout puissant, quand tu as voulu monstrier si terribles vertus, Roy dist Pacolet, en moy ayez fiâce: car en Inde la maiour sans danger te retourneray, & si feray pour toy tant que de mes ennemis auras vengeance sur toutes choses, crois le conseil de ta fême. A ces mots le mena Pacolet deuers le liêt de Brandiffer, & tous ceux de sa garde fist endormir & cheoir à terre, puis enchança Brandiffer, tellement qu'incontinent de son liêt se leua, & tout en dormant s'est vestu, en disant au Roy Dieu est arrivé: car avec vous m'é veux aller en vostre palais, & du tout accomplir vostre volonté. Adóc le Roy d'Inde se ietta à genoux en disant. Souuerain dieu icy pour moy monstree auez vostre grād diuinité & miracle, dont de tout mon cœur ie vous rends graces & mercis. A celle heure amena Pacolet deux beaux cheuaux, puis fist monter le Roy d'Inde & Brandiffer dessus l'un des cheuaux, & Pacolet dist au Roy Lucar. Tenez Brandiffer parmy le corps, & ie mōteray dessus cestuy autre cheual, & vous emmeneray en la cité d'Inde. En ce point cheuaucherēt iusques aux portes de la cité & la print Pacolet congé. Mahom dist le Roy d'Inde, de tresbō cœur vous remercie, si vous recōmāde mō ame quād du corps partira. Roy dist Pacolet ie ne vous faudray pas, car si elle vient entre mes mains, elle n'aura pas failli à maistre, & ainsi s'en alla Pacolet, & le Roy d'Inde qui fut aux portes s'escria au guet ouurez tost la porte: car ie suis vostre Roy que Mahom a deliuré. Quand le guet l'entendit, rātoist coururent deuers

le Lieutenant & les nouvelles luy compterent: puis allerent tãtost au palais & firent les Barons leuer, & à puissance de torches allerent vers la porte. Le Roy entra dedans & s'en alla en son palais. Et quand Rozemonde l'apperçeut elle luy dist. Ha cher Sire, bien soyez venu. Or me diètes comment vous auez mon pere amené, la paix est elle faicte entre vous & luy. Non dist le Roy, il va bien tout autrement: car ceste nuit en dormant, mon dieu Mahom à moy s'est apparu en chair & en sãg, lequel par sa diuine puissance m'a deliuré des mains de mes ennemis, & icy m'a amené & vostre pere baillé. Et la faillit le sort: & Brandiffer s'esueilla & commença moult effroyement à regarder & puis à dit au Roy d'Inde. Dont peut estre ceste nouvelle & comment suis icy venu. Je croy que le diable m'a en ce lieu apporté. Non dist le Roy d'Inde: mais à esté le puissant dieu Mahom, lequel ceste nuit c'est apparu, & vous & moy nous a en ceste place apportez, si croy que c'est sa volóté que vo' & moy facions bonne paix & soyons bons amis ensemble. Par ma loy dit Brãdiffer i'aymeroye plus cher mourir: car de vostre accointance ie n'en veux point & me laissez aller par deuers mon ost comme i'estoye quand m'auiez emmené. Brandiffer ce dist le Roy d'Inde ce ne feray- ie point: mais puis que Mahom vous a icy apporté ie me fie en sa grace de la chose parfaire. Ainsi est Brandiffer dedãs la cité d'Inde en grand dneil de ce qu'il ce voit prins, & ne peut à sa volóté en son ost retourner. Et les cent Sarrazins qui garder le deuoyét, sont encores en leurs tentes sur terre endormis. Or fut le iour venu que le Roy Lucar fut leué, il alla tantost en la tête ou il auoit laissé en garde le Roy d'Inde. Et quand les Payens le virent, qui adonc esueillez estoient, ils s'escrierent haut. Helas Sire Roy Lucar, nous sommes c

chantez & faucement trahis: car en ceste nuit nous auons perdu le Roy d'Inde. Ha fauces gens dist Lucar, ie cognois bien comment il va: vous estes tous yures, & puis estes sur terre endormis. le iure Mahom, que le vin qu'auz beu vous sera vendu cher. Adonc les fist tous prendre & à cheuaux attacher & trainer si rudement, que de leurs ventres sailloyent les boyaux, & puis les fist tous pendre de laquelle chose Valentin & Pacolet furent fort ioyeux: car grand plaisir prenoient à voir Payens mourir, & Valentin appella Pacolet & luy dist en telle façon. Amy iamais mon cœur n'aura ioyetant que i'auray trouué mô pere le noble Empereur de Grece, lequel Brandiffer tient en prison dedâs chasteau fort. Si ne veux pas icy demeurer: mais suis deliberé de laisser ceste gent Payenne & Sarrazine, lesquels i'ay seruy en espoir d'auoir nouuelles d'Esclarmonde, & croy qu'elle soit morte, parquoy ie m'en veux aller deuers Pepin lequel est en Angorie, pour luy dire comment Brandiffer tient en ses prisons mon pere & le verd chevalier. C'est bien dit, dit Pacolet: car ie pense iouer de tel art, que vostre pere mettray hors: Valentin & ses gens partirent de l'ost pour leur voyage parfaire vistement.

*Comment Auffroy & Henry trahirent le Roy
Pepin leur pere, & les deux
pers de France.*

Vous auez ouï dire comment le Roy Pepin print Angorie. Si vous veux dire & declarer la façon, & maniere de la grand' trahison, qui fut faicte de ses deux fils faucement engédrez Auffroy & Henry. Aduint vne nuit que le Roy estant en Angorie en son liêt couché, il songea vn songe merueilleux: car il luy fut aduis qu'il voyoit

voyoit les trois cloux dont nostre Seigneur fut en la croix attaché, & la lance dequoy il eut le costé percé, & luy sembloit qu'il voyoit vn prestre qu'aupres du saint sepulchre deuant luy la Messe chantoit, & luy aduint ceste vision par trois fois la nuit dont moult fut esmerueillé. Quand vint vers le matin le Roy pour celuy songe & pour celle vision, assembla ses Barons & ainsi qu'il auoit songé declaira, puis leur dist. Seigneurs ie ne sçay qu'il en aduiendra : mais puis que telle vision par trois fois m'est aduenue ie ne croy point que ce soit songe abusant, & suis deliberé deuant que retourner en France, d'aller visiter le saint sepulchre de nostre Seigneur & Redempteur Iesus, avec les autres saints lieux, qui sont tât dehors que dedās la cité de Ierusalē esquels pour chacun iour en l'honneur & reuerence de nostre createur, & de sa sainte passion, sont plusieurs grās pardōs dōnez & octroyez, si me vueillez respondre s'il y a nul de vo^r qui ait volōté & deuotiō de parfaire le saint voyage. Quand les Seigneurs Barōs & Cheualiers, entendirēt le courage & la deuotiō du Roy Pepin, moult furent esmerueillez, & furent plusieurs deliberez d'aller avec luy, & entre les autres parla le premier Orson, & dist. Cher Sire, ie veux (si c'est vostre plaisir) avec vous aller. Et moy aussi, dist Millon d'Angler. Lors pareillemēt les douze pers de France parlerēt en ceste maniere. Redouté Sire, puis que c'est vostre plaisir de vostre voyage accomplir, nous sōmes deliberez d'accompagner vostre haute maiesté, sans de rien vous faucher, & de piēdre chacū l'escharpe & le bourdon. Le Roy tous les remercia en grand honneur & reuerence, qui de leur bonne volonté fut moult resiouy, & lors appella Auffroy, & luy dit. Auffroy vous sçaez que vous estes mon fils naturel : mais tellement fustes engendré, que vous ne vostre fr

re n'avez en mon royaume de France, vaillant vn pied de terre, si veux que vous demouriez icy pour ceste terre garder & deffendre, & monstter que vous estes vaillant & loyal: car si bien vous portez ie fais deliberé de vous donner la terre & le royaume d'Angorie, que si loyaument ay conquis. Et si vous dits & fais assauoir que le Roy Brâdiffer a vne fille sur toutes autres belle, amoureuse, & gracieuse, laquelle ie vous donneray à femme. Car mon intention est de la conquerir deuant que nous retournions en France, & de luy faire prendre nostre loy & nostre creance. Et à Henry ie luy conquisteray vn autre royaume qui sera pour luy, parquoy pensez tous deux de bien faire, & si feray s'il plait à Dieu, en maniere que deuant ma mort mes enfans seront bien assignez & ordonnez. Et que vous n'avez causé d'auoir debat ensemble. Sire dist Auffroy, de tant ie vous remercie: puis s'est tiré à part & à dit bassement, par Dieu Roy Pepin, j'ay bien vostre cas entendu: car vous n'avez pas intention ne volonté que iamais au royaume de France ayons rien: mais si ie deuoie renoncer Iesus & la sainte mere, ie feray en telle maniere que les choses se porteront tout au contraire de vostre intention & volonté. Lors appella Henry & luy dist. Beau frere bien auez ouy & entendu les parolles du Roy Pepin, il nous veut bailler & assigner nos vies sur royaumes estranges, tout à son appetit, ainsi que ceux qui ne sont pas dignes d'estre appelez les enfans, or cognois ie bien qu'il a intention que Charlot soit seul Roy de France, & que nous n'y ayons rien. Et pourtant si croire me voulez, iamais en France ne retournera que nous ne le fassions mourir par les mains des Payens: puis seront vous & moy Roys de France & Empereurs de Rome, sans nul contredit: car chose n'y a en cestuy monde dequoy j'a-

ye telle volonté. Frere, dist Henry, vous dites sagement: mais bien il faudroit aduiser comment, telle chose pourroit estre accomplie & parfaite. Henry, dist Auffroy, ie vous diray comment. Il me faut aller vers le Roy Brandiffer, & accorder à luy de ceste chose, par ainsi qu'il me donnera sa fille Galazie, & ie luy diray les nouvelles comment le Roy Pepin, & les douze pers vôt au saint sepulchre, & comment ils pourront legèrement estre prins: car ils iront sans armes & à peu de gens. & ie suis bien certain que les Payens & Sarrazins, seront bien fort ioyeux de ces nouvelles, & si ainsi ne sont prins jamais ne le seront. Par dieu Auffroy, dist Henry, vous en dites la verité. Il vous faut aller vers Inde la Maiour, & là vous trouuerez le Roy Lucar & le Roy Brandiffer, lesquels tiennent la cité assiegée, si leur pourrez dire & declarer vostre courage, & ie iray avec le Roy en voyage affin que plus secrettemēt nostre fait soit couuert, & que de trahyson ne se puisse si tost cognoistre. C'est bien dit, dist Auffroy, si me laissez accomplir: car iamais ie n'auray bon repos tant que ie parface ceste besoigne. Et ainsi fut la trahison par les deux freres maudits & desloyaux faite contre leur propre pere, de sa mort procurer. Helas il monstrent bien que mal furent engendrez, & que de desloyalle generation vindrent, quand celuy vouloyent faire mourir, qu'estoit leur pere, & qui de toute sa puissance prenoit peine & travail de leur conquerre biens de tout son pouuoir. Or sont le Roy Pepin & les douze pers de France, qui de nulle trahison ne se doutoyent dedans la mer entrez pour accomplir leur pelerinage. Henry est avec eux entié pour mieux courir leur trahison. Et Auffroy son frere s'en alla vers Inde pour trouuer Brandiffer, qui le siege y auoit mis avec Lucas. Or est vray que durant celuy

temps

temps entreux auoyent fait trefues : car a'ors estoit là arriué le Caliphe Bandas, qu'un mois de trefues leur fist donner sur la peine que celuy qui premier les romproit perdrait la moitié de sa terre. Et durant celuy mois le Caliphe assembla & fist à un iour certain venir Brandiffer, Lucar & le Roy d'Inde. Et quand ils furent assemblez l'un deuant l'autre, le Caliphe de Bandas, parla en ceste maniere. Seigneurs vous sçauiez & cognoissez clerement comment nos anciens ennemis les faux Chrestiens, se sont efforcez & s'efforcent de iour en iour de gaster & destruire nostre païs, & qui ne soit vray ils ont ia pris & gaigné toute la terre d'Angoric, qu'est à nostre grand preiudice & dommage. Or ne pouuez vous aller alencontre d'eux durant la guerre d'entre vous qui trop grandement nous empesche. Si vous diray quelle chose vous ferez, si mon cōseil voulez croire, iamais les Chrestiens ne passeront plus auant & si ne retourneront en en leurs païs. Je vous conseille que vous pardonniez le mal talent de tout le temps passé. Il est vray que le Roy d'Inde si fist desia vostre pere mourir honteusement & bien cause en auoit : car à son oucle vostre pere Trompart auoit osté la teste. Or prenez que ce soit mort courre mort : & puis apres le Roy d'Inde deliurera Brandiffer, lequel Mahom luy a baillé, & au regard de vostre femme la belle Rozemonde, elle sera amenee par deuers vous, & par deuers le Roy d'Inde, & celuy qu'elle voudra prendre & eslire sera pour elle, & nul ne luy pourra dire du contraire : mais luy sera pardonné le temps passé, & de la forme dessusdite furent tous les Seigneurs, Roys & Barons cōtens. Lors fut tantost la belle Rozemōde amenee deuant Lucar, & deuāt le Roy d'Inde, & luy fut la chose declairee, comment il auoit esté ordonné. Quand le Caliphe eut parlé à la dame,

me,

me, sans aduis prendre : elle s'en alla vers le Roy d'Inde se rendre, dont le Roy Lucar fut au cœur moult doulent & bien courroucé : mais pour l'amour du Caliphe, autre semblant il n'en fist : car en ceste paix faisant, la fille luy donna pour femme & espouse. Ainsi fut d'une part & d'autre la paix crieë. Si laisseray à parler de ceste matiere, & parleray d'Auffroy qui descendit de la mer, & celuy propre iour mesme, arriva en l'ost de Lucar, & de Brandiffer.

*Comment Auffroy pour sa trahison parfaire, arriva
deuant Brandiffer & Lucar, & comment par
trahison luy mesme fut deceu.*

EN iceluy propre iour que par le Caliphe Bandas, la paix fut ainsi faite, dont icy fait mention, Auffroy persëuerant en sa malice, arriva en l'ost de Lucar & de Brandiffer, & vint tantost vers le pavillon, & demanda aux gardes lequel estoit Lucar, & lequel Brandiffer, & ils luy furent tantost monstrez. Et lors le salua hautement : puis parla Brandiffer disant. Que demandez vous ny qui deça vous ameine. Sire, dist Auffroy la chose qui deuers vous m'ameine n'est pas à dire deuant tant de gens. Adonc se tirerent à part Brandiffer, Lucar, & Auffroy. & avec eux Caliphe Bandas. Lors leur dit Auffroy, Seigneurs escoutez s'il vo' plaist : car pour vostre profit & grand honneur ie suis venu. Sachez que ie suis fils au Roy Pepin de France, qui tant est renommé, & si ay ouy dire, que vous avez vne belle fille, laquelle si vo' la me voulez dōner à fēme, ie vous enseigneray la maniere cōment vous pourrez auoir en vostre subiection, les douze Pers de Frāce qui rāt vous ont dommage portez : car sachez qu'ils sont partis en habits de pelerin, pau-
rement

urement vestus & accompagnez, pour aller en Ierusalem visiter le saint sepulchre, & là vous les trouuez sans grande compagnie. Par Mahom, dist Brandiffier, vous parlez tresnotablement & pour vostre bonne entreprinse, ie suis content de vous donner ma fille Galazie, laquelle à nul homme iamais ie ne voulus promettre. Mais vne chose y a, laquelle ie vous diray, c'est que vous renonciez Iesus. Ony dist Auffroy, Iesus & sa loy renonce: car iamais ne l'aimay trop. Quand le Roy si cogneut la fausseté & trahison d'Auffroy, qui son pere vouloit vendre & sa loy renoncer, il s'en alla vn peu à part en conseil, & appella Lucar, & le Caliphe de Bandas & leur dit. Seigneur, or pouuez vous cognoistre clairement la grande trahison de ce desloyal homme qui ma fille demande. Bien peu me deurois en luy fier, quād le propre pere qui l'a engédre veut trahir & mettre en nos mains avec les douze pers de France, si aymerois plus cher ma fille faire mourir de mort amere, que de la donner à tel homme qui tant à le cœur traistre: toutesfois il couient trouver maniere d'aller en Ierusalé, & de maintenir cest homme, si aurons de legier à nostre volonté le Roy Pepin, & les douze pers, & si nous les auons, bien poutrons seurement dire, que de Chrestienté aurós toute la fleur, & de nul n'aurós doute ne crainte, & pour mieux mener ceste besoigne à fin ie seray mener à ma fille ce traistre qui ceans est, & telles lettres ie luy enuoyeray qu'aussi tost qu'il sera par deuers elle, en chartre obscure & profonde le fera emprisonner, à ces mots appella Auffroy & luy dit. Beau Sire, moule suis ioyeux de vostre venue. Or entendez que vous ferez, vous vous en irez deuers ma fille au chasteau fort, & vous presenterez de par moy à elle, & là vous passerez le temps iusques à tant que plus à plain saches nouuel

uelles de vostre fait: puis vous feray espouser ma fille, & de ma terre vous donneray si grand'largesse, que tout vostre lignage vous serez le plus heureux. Sire, dist Auffroy, ie vous remercie grandement de vostre bonne volonté. Adonc Brandiffer fist tãtost armer cent tres-puissans Sarrazins, pour mener Auffroy au chasteau fort: puis fist escrire vnes lettres esquelles estoit contenuë la trahison; & en ses lettres mandoit à sa fille Galazie, qu'elle le fist bouter en la plus obscure prison & chartre, qui fust en son chasteau, tãt que de luy n'ouït nouvelles. Et quand la lettre fust escripte, il la scella de son seau: puis la bailla à Auffroy, & luy dist. Cher amy, vous irez vers ma fille ainsi que vous ay dit, & affin que mieux vous croye vous luy porterez ceste lettre par laquelle ie me recommande à elle. Sire dist Auffroy, c'est moult bien aaduisé. Ainsi à prins la lettre du Roy, & a print congé & à chemin se sont mis, & droict au port s'en sont allez, ou sur mer se sont montés, ils eurent bon vent & si bien nagerent qu'en peu de temps ils virent Chasteau fort, ou estoit la belle Galazie, qui dessus tous chasteaux estoit beau fort, & plaisât à regarder. Ils arriuerent au port, & prindrent terre pres du chasteau. Quand ils furent descendus, ils se sont mis à chemin pour aller au chasteau, & tantost qu'ils furent deuât les portes le portier leur cria. Seigneurs vous n'entrerez pas plus auant, ceãs ne peut nul entrer sans certaines nouvelles & enseignes. Portier, dist Auffroy, dites à la dame que nous luy dirôs si bonnes enseignes que tost nous cognoistra, le portier monta au chasteau & trouua la dame à table, & le chastelain qui la seruoit. Et dist le portier, là dehors a ie ne sçay qu'elles gens qui ceans veulent entrer ils me semble qu'ils sont à vostre pere. Chastelain, dist la dame, allez y tost: car i'ay grãd desir

d'ouïr parler de mon pere. Le chastelain descendit, & tantost qu'il vit qu'ils estoient de par Brandiffer, il enchaina les deux Lyons qui gardoyent l'entree: puis a prins les clefs, & les portes ouurit. Et les Sarrazins entrerent & menoyent Auffroy, qui pensoit bien à son hōneur & profit estre venu. Mais il luy eust mieux vallut qu'il eust gardé Angoric, comme Pepin luy auoit dit & commandé: car de sa trahison il se trouua trahy & doulent, comme la raison y estoit: car chose mal commencee ne peut à bonne fin venir

Comment la belle Galazie, apres qu'elle eut cognu la fausseté & trahison d'Auffroy, le fit mettre en ses prisons moult estroitement.

A Pres qu'Auffroy fut entré au chasteau, il se va presenter tantost deuant la belle Galazie. Mais quād il vit sa grād'beauté & sa face vermeille en figure coulourée, son gent corps droict & cōpassé, les yeux doux & riant, le nez traicte & la bouche petite, l'estomac blanc comme neige, & ses bras petis, & ses belles petites mains d'amours son cœur si ardamment fut embrasé qu'il perdit le parler & toute contenance. Et tantost apres qu'il eut prins sa relectiō il salua la dame disant. Ma dame souueraine sur toutes autres de beauté & de louange pleine. Mahom qui fist le firmamēt vous doint force & puissancede voz nobles & gracieux desirs parfaire & du tout accomplir. Saichez ma dame trēshonnoree, que pour la grande renommee que j'ay ouy faire de vostre excellente beauté, j'ay laissé le pays dont ie suis, & pour vostre amour ay la mer passée, or ay-ie parlé à vostre pere le puissant Roy Brandiffer, auquel j'ay compté nouuelles dōt luy & toute la Payēnie pourra

pourra mieux valoir. Et pour verité auoir de ceste chose, voicy vnes lettres lesquelles il vo^e enuoye par moy. La dame print les lettres qui moult bien scauoit lire. Et quād elle eut les lettres aduisees, elle regarda Auffroy d'une chere hardie, & puis luy dist hautement. Vassal j'ay voz lettres regardees lesquelles disent que vous qui estes Chrestien, auez vëdu à ceux de nostre loy les douze Pers de France, & qui plus est vostre propre pere le Roy Pepin. Si me mande mō pere, que de vous ie face ma volōté, & pource que ie cognois que dessus to^e autres vous estes le plus traistre, & qu'en vous il n'y à foy ne loyauté ne gentillesse, quand voulez vōstre pere trahir biē doit par raison autrui en vous auoir peu de fiāce. Si vous dy que par ma loy que ie tiens, que ia de vous n'auray pitié ne mercy: car qui trahison pourchasse, & est en la trahison conforté, celuy est pire que luy. Apres ces parolles elle pour son fermēt sauuer, le faict mettre en vne prisō obscure & profōde. Helas dit Auffroy, dame voicy pour moy vn piteux mariage. Sire dit Galazie, pour fēme vous espouserez ma chartre, car ia-mais vous ne m'aurez. Or est-il vray qu'e ceste chartre, en laquelle fut mis Auffroy estoit l'Empereur de Grece & le Verd cheualier, & ouyrent qu'avec eux on mettoit vn prisonnier. Lors dist l'Empereur, qui estes vous. Helas dist Auffroy, ne vous chaille qui ie soye. Je suis Auffroy le bastart du Roy Pepin de tous le plus mal fortuné. Ha dist l'Empereur biē vous cognoissons. Saichez que ie suis l'Empereur de Grece, ie te prie que tu me dies cōment se portēt mes enfāz Valentin & Orson, & cōmēt se porte le Roy Pepin Sāson, Geruais, & le Comte de Vadosme, & le Duc Millon d'Angler, & tous les autres vaillans Seigneurs de France, Sire dist Auffroy, sachez qu'ils sont en terre descendus & si ont

ia prins la cité d'Angorie, & le pays d'enuiton. Mais ie pense qu'ils ne sçauent pas ou vous estes. En ceste maniere deuiferent les prisonniers de ceste matiere & de plusieurs autres. Si vous veulx parler de Valentin & de Pacolet, qui tant nagerent sur mer qu'ils sont arriuez au chasteau fort, & sont montez sur leurs cheuaux & secrettement sont venus pres des portes à l'ombre d'une muraille. vray Dieu dit le noble cheualier Valéti, oncques en ma vie ie ne veis place si forte ne si difficile à prendre, si croy en ma conscience qui n'est possible qu'il puisse estre prins par force. Sire dist Pacolet, ie ne sçay qu'il en aduiendra: mais toutesfois ie m'y veulx essayer. Et adonc s'esloigna de Valentin, & commença vn art de nigromance, & aussi tost que le sort eut comencé vn ennemy est à luy venu, lequel luy a dit, laisse ceste entreprinse: car tu pers ta peine, ce chasteau ne peut estre prins par enchantement ne par assaut, ne par siege ne peut estre conquis: car il est de celle matiere edifié que iamais homme ne le peut auoir sinon par trahison. A ces mots se partit l'ennemy & s'en alla en l'air & s'esuanouyt. Et Pacolet le laissa, & entour le chasteau se leua si grand'bruyne que Valentin ne voyoit pas Pacolet, dont fut esbahy. Apres que la bruyne fut passée, Pacolet vint à Valentin & luy dist. Ie vous prie que nous despartions d'icy: car trop y sommes iamais ce chasteau ne peut estre prins. Ils sont retournez vers la mer & sôt en leurs nauires entrez & telle diligence ont faicte qu'en trois iours sont arriuez en la cité d'Angorie. Quand ils y furent Valéti monta au palais, & demanda aux gardes nouuelles de son oncle le Roy Pepin & d'Orson, & des douze pers. Et on luy dit qu'ils estoient allez en habit de pelerin en Ierusalem visiter le saint sepulchre. Quand Valentin ouït les nouuelles,

il

il dit qu'il les attendroit iusques à leur retour, & quand ils seront venus nous irons assaillir chasteau fort, ou l'Empereur de Grece mon pere est detenu prisonnier. Esmerueillez furent les François, quand le chasteau ouyrent nommer: car bien auoyent ouy dire qu'en tout le monde n'auoit si forte place. Ainsi demourerent Valentin & ses gens en la cité d'Angorie en attendant le retour du Roy Pepin, & des douze pers de France. Hélas pour neant les attendit: car par le faux Auffroy estoient vendus, & trahis comme auez ouy.

Comment Brandiffer & Lucar, prindrent dedans Ierusalem le Roy Pepin, & les douze pers de France.

Pepin & les douze pers sont venus en Ierusalem, pour le saint sepulchre visiter, & pour plus deuotement faire les saints voyages, qui sont en la terre de promesse, en laquelle nostre Sauueur souffrit pour nous mort. Ils sont arriuez à vn bon Patriarche, lequel du saint sepulchre auoit la charge, & il leur a baillé conduicte pour les mener par tous les saints lieux, ausquels sont les Indulghes & Pardons. Tous les iours firent celebrer messe, en tous les saints lieux par grande deuotion. Or leur aduint-il piteuses choses à raconter: car le Roy Lucar, auquel par le traistre Auffroy auoyent esté accusez, puissamment accôpagné arriuerent en la cité lesquels allerent vers la tour Dauid, au Roy de Surie, qui le pays tenoit, eux presenter. Et quand il les vit il fut moult esbahy de leur venue, & leur salutation faicte, leur demanda. Seigneurs, qu'elle chose par deça vous meine. Lors dist Brandiffer. Sire, faches que par vn Chrestien sommes aduertis & informez, que dedans ceste cité sont arriuez les douze

Pers de Frâce, avec le Roy Pepin, or sont-ils les principaux ennemis de nostre loy, & ceux qui de tout le monde nous peuuent plus greuer, & ont desia prins ma cité d'Angorie, & grand quantité de ma terre pillée, mes gens mis à l'espee, & mon pays destruiët. Parquoy sommes icy venus pour les prendre: car quand nous les aurons, de toute France pourrons iouyr à nostre appetit & de toute Chrestienté estre maistres & seigneus. Par Mahom dit le Roy de Surie, qui le temple de Salomō tenoit, vous parlez tressagement, & de ceste chose suis biē content, or soit vistement fait à vostre appetit & volonté: car de telles gens piēdre & destruire nous deuons estre curieux, & pour l'amour de noz dieux nous deuons dessus le faict veiller. Or entendez ce que vous diray, comme nous ferons pour la chose parfaire & accomplir: ie demanderay au patriarche, que s'il a nuls pelerins de France, que tost mē les ameine, & que ie veux au pays de France mander aucunes nouuelles. Ainsi fut le messagier du Roy de Surie vers le Patriarche, & luy dist. Le Roy de Surie vous mande que si auez aucuns pelerins du païs de France, que les luy admeniez. Tantost apres il s'en alla au logis ou ils estoient pres d'eux asseoir à table: car ils auoyent leur pelerinage fait & accomply. Lors leur dist. Amis le Roy de Surie vous mādē que presentement alliez deuers luy. Helas dist le Roy Pepin icy à mauuaises nouuelles: car de certain ie sçay que s'il me cognoit que iamais de ses mains n'eschapperay, nē Frâce ne retourneray, si vous diray que nous ferōs. Je cōseille que d'Henry qui est mō fils, en fassions nostre maistre & gouverneur, & ie veux apres luy aller cōme son seruiteur & porteray sō chapeau, son bōurdō, & son escharpe & par telle maniere, nul de moy ne se doutera. Par Dieu Sire, dist Henry, qui
bien

bien la trahison ſçauoir de telle choſe ia ne deuez parler: car moy qui ſuis voſtre fils, & vous dois par raiſon naturelle ſeruire, iamais ne conſentiroye que fuſſiez à moy ſubicct ne ſeruâr: mais voicy Millon d'Angler lequel eſt homme hardy, ſi fera bié la choſe ainſi que la deuſez trop mieux que moy à voſtre proffit & hôneur & ſe faire ne le veut, prenez Orſon qui tât eſt vaillât & preux, ou Geruais, ou Sanſon, lequel il vous plaira: car ainſi ſ'excusa le traître qui bien la trahison ſçauoit. Le vaillant Roy Pepin eſtoit de ſtature treſpetit, plus que nul autre Prince viuant, parquoy il diſt. Trop ie doute que ie ne ſoye cogneu par aucune eſpie, qui me pourroit auoir veu en France, parquoy ie ſeroye accusé & honteuſemēt mis à mort. Sire diſt Millō d'Angler, tout ce qu'il vous plaira ie feray. Lors partirent du logis & allerent vers le Payé qui les auoit mādéz. Le Duc Millon d'Angler fut de tous ceux honoré comme Roy, & Pepin va après mal veſtu & mal aecouſtré: meſchans ſouliers portoit, & bien ſembloit homme de quoy on deuoit tenir peu de compte. Ainſi ſ'en allerent vers le Roy de Surie. Le bon Patriarche les menoit, qui en nul mal ne penſe, & tantost qui les eut deliuré au Roy il ſe partit de la. Or ça dit le Roy de Surie, ie ſuis informé de voſtre cas, & ſçay que vous eſtes gens François qui me venez eſpier, & qu'é voſtre cōpagnie eſt le Roy de France, qui tiét la cité d'Angorie & a grād nōmbre de noz gens mis à mort: mais par mō dieu iamais en France ne retournerez. Sire diſt vn des douze pers de Frāce, de ce nous deuez pardonner: car en ceſte cōpagnie n'eſt pas le roy de France. Taiſez vous diſt le Roy de Surie, ie ſuis de voſtre fait par informé, & mō dieu Iupiter, ſi le Roy de France tantost ne ſe nomme, ie vous feray tous pédre & eſtrangler ſans nulle remiſſion. Roy. diſt tantost

Henry le traistre desloyal, de moy ne vous doutez: car ce ne suis-je pas. Adonc apperceut bien le Duc Millon d'Anglet que trahyson y auoit, & que par trahison ils estoient accusez. Si dist tout haut. Sire, celler ne vous faut rien. Je suis Roy de France, puis que le demandez: mais vne chose vous veux dire s'il vous plaist à l'ouïr, c'est que nous sommes venu le saint sepulchre visiter, si ne deuons en nulle maniere sur vostre terre auoir domage n'est-e prins, veu que la loy est telle que tous Chrestiens peuuent seurement aller & venir audit pelerinage, en payant tribut lequel vous est deu, or auons nous tout payé & les choses accomplies, & parfaites selon les ordonnances du pays de pardeçà: donc me semble que trop grand tort nous faictes, si nous voulez pour ceste cause molester. Par Mahō vous direz ce que vous voudrez: mais il n'y a temps ne saison à vous qui guerre nous faictes, de venir par deçà pour nostre terre espier. Lors appella Brandiffer & Lucar, & leur dist. Seigneurs prenez ces faux Chrestiens espies & en faictes vostre volonté: car du tout ie les mets en voz mains pour les faire mourir de telle mort que bon vous semblera. A ces mots furent les pelerins des Payés prins & detenus. Si ne faut pas demander s'il les retraisterent durement: car des nobles Seigneurs n'auoyent pitié nō plus que de chiens, & estroictement liez. Brandiffer dist qu'ils fussent menez au chasteau fort, & qu'ils iroyēt en Angorie, & la me troyent vistement en obeysance: car la ne trouueroyēt Roy, ny Seigneur, ny Barō qu'il leur voulüst dire le contraire. Parquoy ponnez aller chacū en son pays, puis à vn certain iour aduiserōs ensemble à Falezie du tout & là les prisonniers entre nous partirōs, ainsi comme raison sera. Seigneurs dist le Roy d'Inde, quand au regard des prisonniers autre chose ie

ne

ne vous demande fors que pour ma part, me donnez le plus petit, si en feray mon nayn & avec moy le feray cheuaucher, pourtant qu'il est petit, & assez me semble homme seur, ie luy feray assez de bien: mais que la loy de Iesus vueille renoncer. De ceste demande s'accorderent tous les autres, & au Roy d'Inde donnerent le Roy Pepin, qui avec luy l'emmena & depuis moult l'ayma, nonobstant qu'il souffrit maintes tribulations.

Comment le Roy d'Inde la Maiour, emmena pour sa part des prisonniers, le Roy Pepin: mais pas ne scauoit qu'il fust Roy de France.

OR emmenoit le Roy d'Inde la Maiour, le bô Roy Pepin: mais il ne le cognoissoit pas, & au despart des douze Pers y eut entr'eux grand dueil & semblant n'en faisoient, & le plus qu'ils pouuoient en leurs cœurs conuertement leurs angoisses tenoyent. Les vaillans Pers piteusement regardoyent le Roy Pepin: mais nul ne luy osoit dire à dieu pour doubte de recognoissance. Ainsi s'en va le Roy d'Inde, & Pepin va apres luy cheuauchant qui n'est pas sans dueil, helas! dist-il tout bassement, vray Dieu vueillez moy aider & secourir: car si vostre grace ne m'est en ayde, ie suis des pœures le plus dolent & malheureux. Helas Millon d'Anglet ie vōs doy bien aimer quand pour moy en tel dangier vostre corps mettez. Henry, Henry, tu m'as bien mōstré que tu ne m'aymes pas, quant à mon besboing tu m'as failly. Biē doit mal venir à l'enfant, qui au grand besoin laisse son propre pere. Helas Berthe m'amie: iamaïs plus ne vous verray. Et toy Charlot mon beau fils, Dieu te vueille aider: car bien scay de vray, que les traisties assez te feront de peine souffrir: car tu es ieune & petit, & ne pourras

côte eux résister. Ainsi se plaignoit Pepin & plouroit pitteusement. Or tant à fait le Roy d'Inde, qu'il est arriué dedans Inde. Et quand la Dame Rozemonde le sceut qui moult sa venue desiroit, courut au deuant, & en menât grand' ioye l'embrassa: puis monterent au palais, en faisant grand' chere. La dame regardoit Pepin, lequel nonobstant qu'il fust petit, estoit bien formé & fait de tous membres, & de face & de regard tresplaisant, si manda la dame au Roy d'Inde. Mon amy, dites moy qui vous a donné cestuy petit homme: car moult semble honneste & gracieux, & si peut estre à voir sa semblâce que de bon & haut lieu soit extraict & descendu. Dame, dist le Roy, il m'a esté donné, & si estoit venu avecques le Roy de France, & les douze pers qu'estoyét venus en Ierusalem, parquoy il a esté prins & si veut renoncer son Dieu Iesus, ie luy feray moult de biens. Rien ne respôdit Pepin, qui bien auoit autre courage. Ainsi fut l'heure venue que le Roy voulut soupper, Pepin entra dedans la cuisine, & le Roy luy demanda si rien ne scauoit de cuisine, & qu'il luy fist la sauce du paon qui rotissoit. Pepin tantost la fist si bien que depuis le Roy ne voulut manger sauce ne viande que Pepin ne luy appareillast, dôt tous les autres de la cuisine royalle auoyent grād despit sur Pepin, & eurent enuie, tellement qu'il aduint vne fois que le Roy luy comāda aproster vn paon, si alla vers le cuisinier par le commandement du Roy. Et quand il entra dedans la cuisine tous grands & petits se prindrēt à mocquer, & l'vn par derriere l'autre le frappe, il prenoit tout en patience, comme vertueux & sage & apres il alla deuers le feu pour le paon mettre en la broche. Et le maistre cuisinier qui sur luy auoit grand' enuie s'approcha pres de luy, & vn gros charbō ardā au gniō luy iette & fort le brussa, & lors iura Pepin qu'il s'e

vengeroit, & vint au Sarrazin & tel coup luy donna entre le front & l'oreille qu'il l'abbatit à terre: puis le frappa vn autre coup si grand qu'il luy fist la ceruelle saillir. Et quand les valets & souillars de la cuisine virent que leur maistre estoit mal atourné, ils assaillirēt tous Pepin à bastons & couteaux, & luy qui fust hardy & preux, ne se recula point : mais iura par Iesus-Christ qu'il ayme mieux mourir, que souffrir l'iniure de telles gens, si est allé vers vn garçon qui d'un peteil le vouloit assommer, tel coup luy a donné qu'à terre l'abbatit mort. La noise & le bruit tant fut grande que le Roy le sceut. Si manda tantost que Pepin fust pris, & devant luy amené pour en faire la iustice selon la faute. Et quand il fut devant le Roy luy dist. Mauuais garçon comment as tu esté si hardi de tuer dedās mon palais mon maistre cuisinier. Or me dy tost comment la chose va, ou par mon dieu Mahom ie te feray mourir. Sire, dist Pepin, ie vous diray la verité. Il vray que i'estois en la cuisine pour apprestre vn paon pour vostre soupper, ainsi que m'auetz commandé, lors vostre cuisinier ie ne scay pourquoy, si m'a ietté dessus moy vn gros charbon ardant, & moult il m'a dommagé. Et quand ie me vis ainsi bruslé, ie prins vn gros tison: & sur la teste luy donnay. Le Roy fit venir les autres, & ils confesserent le cas ainsi que Pepin luy auoit dit. Quand le Roy d'Inde sceut la verité, il ayma Pepin plus que iamais. Et commanda que nul de sō palais ne fust si hardi de luy faire outrage. Tant fit Pepin que de petits & de grans fut aimé. Si laisseray ceste matiere & parleray d'Esclarmonde.

*Comment le Roy Pepin estant avec le Roy
d'Inde, eut cognoissance de la
belle Esclarmonde.*

IE vous veulx parler & faire mention de la belle Esclarmonde, laquelle ainsi que deuant auez ouy, tenoit le Roy d'Inde, & longuement l'auoit gardee. Or auoit le Roy d'Inde coustume, que des meilleurs viâdes qu'il mangeoit, il enuoyoit tousiours à la belle Esclarmonde. Si aduint qu'à vn soupper il appella Pepin, & luy bailla la viande qui deuant luy estoit, & luy dist. Allez en la chambre ou il y a vne fenestre, & là trouuerez vne fille piteusement atournee, de par moy portez luy cecy. Pepin print la viande & à la dame le porta. Mais quand il la vit si pauurement appointee, moult en eut grand' pitié, & luy dist. Amye, Iesus, qui pour nous souffrit mort & passion, vous vueille ayder. Helas ayez fiance en luy & le seruez de bon cœur, & si ainsi le faites, sachez certainement que de vostre douleur auez allegance: mais qu'en luy fermement croyez & prenez le saint sacrement de baptême. Quand la dame entendit que de Dieu il parloit, elle s'approcha de luy, & luy dist. Amy, de moy ne vous doutez: mais dites moy si vous estes Chrestien, ou si par saintise dites les parolles. Dame dist Pepin, ie suis Chrestien & suis du pays de France venu, & nourry. Adonc dist la dame en soubfriaing, vous deuez bien cognoistre le bô Roy Pepin, & son neueu Valentin. Il est verité, dist Pepin, & si cōgnois bien son frere Orson, & leur pere l'Empereur de Grece, & Bellissant leur mere, & les douze pers de France. Quand la dame l'ouït elle se print à plourer, & luy dist. Helas amy pourray-ie auoir fiance en vous. Ouy, dist Pepin, autant qu'en vostre propre pere, de ce qu'il vous plaira dire: car iamais pour moy ne serez accusée. Amy dist la dame sachez de vray que ie contrefais la folle & la malade: mais autant suis sage & saine que ie fus oncques: car ie suis Chrestienne, & le beau Valentin auois pour

mon amy, & à celuy estois donnee pour espouser: mais par le faux traistre Roy Trompart, ie fustollue. Lors la dame luy compra tout le fait, & la maniere de son estat & comment elle auoit esté prinse, & pourquoy elle faisoit la malade. Quand Pepin eut ouï la piteuse aduventure de la dame moult piteusement se print à pleurer. Puis en considerant les fortunes & grandes aduentures qui viennent sur la creature, en iettant grosses larmes & bassement à part luy dist. Ha vray Dieu tout puissant qu'est-ce des tenebres de ce mode, or voy-ie ceste pauvre dolente pour la loyauté tenir, estre miserablement atournee & en grande patience vser cer iours. Helas Valentin mon beau neveu, à ceste fois il ne faut pas demander si pour l'amour de la belle estes, & auez depuis eu patience langoureuse, & en grand soucy. Or pleust à Dieu que de ceste heure vous sceussiez comment j'ay trouvé celle qui pour vostre cœur languit. Et apres ces parolles il regarda la dame, en disant. Amye, ie sçay certainement qui vous estes, & vous ne sçavez qui ie suis: mais puis que rât en moy auez eu fiance que vostre secret m'auetz dit, ie vous veux dire qui ie suis. Sçachez que tel que me voyez ie suis Pepin Roy de France, à qui fortune à esté tant contraire qu'elle m'a fait tresbucher en telle necessité & seruitude que me pouuez voir; or sçay ie bien que mon neveu Valentin en grand travail de son corps sans sejour n'a repos continuellement pour vous chercher: mais s'il plaist à Dieu de brief, aura de vous nouvelles, & en soulas vous assemblerez, à ces mots se pasma la dame, & Pepin si la laissa pour tourner vers le Roy d'Inde, lequel à table estoit. Or laisseray ceste matiere & parleray de Brandiffier & de Lucar, qui les douze pers de France & Henry emmenoyent prisonniers.

*Comment Brandiffer emmena au chasteau fort
les douze pers de France, & les
fut prisonniers:*

VOUS auez ouy du Roy Brandiffer, qui les douze pers de Frâce auoit prisonniers, & Auffroy & Héry, & tant ont fait qu'ils sont venus au chasteau fort. Brandiffer trouua sa fille Galazie que tât il aimoit, & luy cōpta la maniere de l'entrepriſe: puis fit les prisonniers deuallet au plus bas d'une profōde priſō, où estoient l'Empereur de Grece & le Verd Cheualier, si auoit esté Auffroy le traistre avec eux bouté: moult doulēt fut Henry, quand il n'osa dire son coutage à Brandiffer: mais il fut le premier deualé es priſons, & apres fut icetē le Duc Millon d'Angler qui sur Auffroy cheut, dont Auffroy se cōplaignoit fort, pource que blessē en fut. Taisez vous dist Millon d'Angler, & vous tirez plus bas: car moult d'autres en y a à qui il conuient place faire. Bien entendit Auffroy, le Duc Millon d'Angler, si luy demanda dōt il venoit & qui l'auoit amené: mais vous dist Millon: car ie vous auois laissē dedans Angorie. Ha, dist le traistre, à vn destour ie fus l'autre iour prins & icy amené. Et ainsi furent les Seigneurs en priſon mis, quand Auffroy sceut que Pepin n'y estoit point, il fist maniere d'ē estre ioyeux: mais il eut voulu qu'il eust esté par le col pendu. Or sont les douze pers de France en l'orde & obscure priſon, là où ils se sont tous cogneus les vns les autres, il ne faut pas demander les pleurs & gemissemens qu'adōc ils firent: car nul ny estoit qu'il n'esperast la mort plus que la vie fors Orsō, qu'ē les reconfortant leur dist. Seigneurs prenons en patience. il plaist à Dieu qu'ainsi soit, & qu'en ceste façon fassions nostre penitence: mais

pour

pourtant ne faut-il pas du tout se descôforter: mais auoir fiance en Dieu, & en noz bōs amis, c'est mon frere Valentin & le vaillant Pacolet, qui bié sçait iouer de sō art, Ainsi parla Orsō: mais il ne sçauoit pas que le chasteau fut si fort, que par enchantement ne peut estre prins, & apres que Brandiffer eut fait emprisonner les Seigneurs il appella sa fille Galazie, & luy dist. Il est vray que ie veux aller en Falezie pour assembler mon ost, & là ie dois trouuer le Roy d'Inde & Lucar, lesquels viennent pourr̄ gouvernez-vous bien, & sur tout donnez vous garde des prisonniers. Pere, dist la pucelle, de moy n'ayez doute ne des prisonniers: car vous n'aurez que bonnes nouuelles. Ainsi partit Brandiffer de Chateau fort, & va à Falezie, ou il assemblea son armee. Là vint le Roy Lucar ainsi quē promis auoit, à grand' puissance: mais le Roy d'Inde y ennoya seulement ses gens: car sa femme la belle Rozemonde estoit au liēt malade, tellement que dedans neuf iours elle mourut, dōt tel dueil en print le Roy qu'au liēt malade se coucha, douze iours fut sans parler, dequoy pas ne despleust à Lucar: car onques pris ne l'ayma, qu'il luy osta sa femme Rozemonde, ains comme l'avez ouy deuant declairer.

*Comment Brandiffer apres qu'il eut assemblé
tous ces gens en Falezie, il monta dessus la
mer pour aller en Angorie contre
les Chrestiens.*

A Pres que Brandiffer, & Lucar eurent leur ost & leur armee assemblee à Falezie, sans nul seiour ils monterent sur mer, & eurent si bon vent qu'ils vindrent arriner au port. Et quand ils y furent ceux qui les virent

virent arriuer, coururent vers la cité d'Angorie, & le dirent à Valentin, qui la cité gardoit en attendant la venue du Roy Pepin, & des douze pers de France. Helas il ne sçauoit comment il alloit. Et quand il vit les tentes & pavillons leuez entout Angorie, moult piteusement regretta Pepin: puis appella Pacolet, & luy dist. Amy, mal va de nostre fait, quand ie ne puis sçauoir du Roy Pepin, nouuelles. Or me laissez faire, dist Pacolet, car tantost en aurons nouuelles. Sans autre chose dire, le lendemain au matin il partit d'Angorie, & s'en alla parmy l'ost des Payens iusques à la tente de Lucar, & quand Lucar le vit il luy demanda. Amy, ou est vostre maistre, qu'autrefois me seruoit? Ha Sire, dist Pacolet, si est pieça mort & suis seul demeuré, ie voudrois bien trouver maistre. valet, dist Lucar, bien vous veux retenir & bien guerdonner si bien me seruez. Ouy, dist Pacolet, ie ne demande autre chose. Pacolet demeura au seruice de Lucar: mais mal le seruit, & mal fut guerdonné, & tãst apres qu'il fut nuict il fist vn enchâtemēt qu'il endormit. Lucar, & sur vn cheval le mōta, & sans esueiller le mena en Angorie dedans le palais. Valētin, fut moult ioyeux quand il vit Lucar. Or fut il monté en la sale deuant vn beau feu, & à celle heure faillit le sort. Si est Lucar esueillé tout effroyé de se trouuer là, & Pacolet qui mal fut aduisé se mist deuant, & luy dist. Beau maistre ie suis vostre valet, vous plaist il rien me cōmander. Lors il cogneut qu'il estoit trahy & print vn cousteau pointu, & tellement en frappa Pacolet qu'à terre il cheut mort. Si ne faut pas demander le dueil qu'à ceste heure Valētin mena. Lors dist, amy or estes vous finé, ie puis bien dire que tel amy n'auray iamais. Or suis-je de to^p points doulēt, & seul en tristesse demeuré, & loing de tous mes amis, pres de tous mes ennemis. Helas siāc Roy Pepin.

poue

pourquoy ne venez vous : car vostre longue demeuree vous portera grand dommage. Ha faux Lucar tu as occis celuy qu'estoit mon esperance. Par Iesus tu l'achetteras cher. Par Mahom, dist Lucar de rien plus ne me chaut, quand de celuy qui fausement m'a trahy ie suis vengé. Adonc Valentin alla vers Pacolet, & print ses tables qui estoient en son sain esquelles estoient escrits tous les secrets de son art. Et pieça luy auoit dit Pacolet, que quand il seroit mort si apres luy demoureroit qu'il print ses tables. Et que la science y estoit escrete par laquelle il sçauoit iouer de son art, & ainsi le fist Valentin, & les tables il print qui depuis luy firent bon mestier. A celle heure Valentin voulut que Lucar fut à mort iugé: mais par les Seigneurs qui avec luy estoient, fut aduisé qu'en vne tour seroit mis, & seurement gardé, affin que s'il aduenoit que de nostre partie aucun noble prisonnier par les Payens fust prins, que par Lucar peut estre racheté. Le conseil pleust à tous & ainsi fut accordé. Et quand Lucar fut en prison, Valentin fist honnorablement enterrer le corps de Pacolet, qui des grans & petis assez fut plouré & plaint.

Comment Brandiffer sçeut que Lucar estoit en Angorie, & manda à Valentin pour faire l'appointement de le racheter.

GRand bruit fut le lendemain au matin par l'ost des Payens, & grand cry pour le Roy Lucar qu'ils auoyent perdu & dessus tous les autres grand dueil en mena Brandiffer, & ainsi que par tout demandoit de luy, il arriua vne espie qui luy dit comment il estoit dedans Angorie, & qu'il auoit tué Pacolet. Ioyeux fust Brandiffer, & puis doulent de Lucar, si appella vn mes-

sager qui sçauoit parler François, & l'enuoya Valentin & luy dit. Vaten en la cité d'Angorie, & dis à Valentin de par moy, que s'il veult rédre Lucar, ie rédray le Roy Pepin, ou l'Empereur de Grece ou Orson son fils, ou l'un des autres douze pers de France ou Auffroy, ou Héry, ou le Verd cheualier, lequel il aymera le mieux. Sire, dit le messagier bien feray vostre message. Adonc se partit & tira vers Angorie, qui assez pres estoit de là, on luy ouurit la porte, pource qu'il estoit messager. Et quand il fut deuant moult hautement le salua, & puis fit son message tout ainsi que Brandiffer luy auoit commandé. Moult fut esmerueillé Valentin. Et dist au messager comment se peut-il faire que Brandiffer tienne en ses prisons tant de vaillans Seigneurs ne comment les peut-il auoir prins. Sire dist le messager, ie vous diray comment. Il est vray que le Roy Pepin, n'agueres accompagné des douze pers de France, & d'Orson & de Henry, allerent en Ierusalem en habit de pelerin, pour visiter le saint sepulchre de vostre Dieu, si vindrent les nouuelles par ie ne sçay quel traistre au Roy Brandiffer desquelles il fut moult ioyeux, & telle puissance y mena que dedans Ierusalé furent prins, & les a en chasteau fort menez, que de toute la terre est la plus forte place, si me vueillez donner briefue responce, se change voulez faire du Roy Lucar, contre l'un de vos bons amis. Messager dist Valentin tantost aurez la responce de moy. Et lors entra en vne salle & fit les Barons venir, & leur a dit. Amis il est vray que pour rendre Lucar, ie puis des prisons de Brandiffer deliurer mon pere, ou mon frere Orson, ou mon oncle le Roy Pepin, qui sont mes trois principaux amis. Si me vueillez cōseiller lequel ie dois demander, Sire, respondirēt les Barons icy ne vaut rien le songer : car vous sçauiez
que

que nul ne peut estre tant tenu comme au pere & à la mere, par droicte raison & naturelle amour devez vostre pere demander, Seigneurs dist Valentin vous parlez sagement: mais sauf voz reuerences ie suis deliberé de faire autrement, pour parler de ceste chose iustement & selon la vraye equité, vous sçauiez tous que ma mere Bellissant, par mon pere fut à grand tort & à hôte villainement de son pais bannie, & en telle necessité & peril en la forest d'Orléans elle m'enfanta que i'eusse esté des bestes sauuages deuoré. Si n'eust esté mon oncle le Roy Pepin, par qui ie fus trouué, & lequel m'a fait nourrir & esleuer, sans me cognoistre en telle maniere que cheualier m'a fait & tous les biés que i'ay font de par luy venus, ne iamais de mon pere ie n'eus vn seul confort ne secours en ma tribulation, pource veux sur tous autres le Roy Pepin, qui tant de biés m'a fait sans sçauoir qui i'estoye, soit pour Lucar deliuré, & que mon pere demeure: & puis s'il plaist à Dieu tant ferons que nous aurons mon pere, & tous les autres aussi. Quand les Barons ouyrent le grand sens & les parolles de Valentin, moult s'esmerueillierét tous de sa prudéce, & disoyent de cōmun accord que sagement il parloit, si accorderét à sa volóté pource qu'elle estoit raisonnable. Lors Valentin dist au messager. Amy tu retourneras vers le Roy Brandiffier, & luy diras la respōce que ie te fais, c'est que ie luy rendray le Roy Lucar par tel cōuenant qu'il me deliure le Roy Pepin de France, car pour le change de Lucar autre ne veux auoir. Adonc partit le messager, & à Brandiffier fit la reuerence telle que Valentin luy auoit donnee. Par Mahom dist Brandiffier, tousiours les plus puissans sont les premiers honnorez: mais puis qu'il demande iceluy, ie luy rendray.

Comment Millon d'Angler qui estoit nommé Roy de France, en pensant sauuer Pepin fut deliuré des prisons de Brandiffer en change de Lucar.

Q Vand le Roy Brandiffer sçeut que pour change de Lucar, Valentin vouloit auoir le Roy de France, tantost il māda messagers à chasteau fort vers la fille Galazie, cōment elle baillast le Roy de France tout seul sans nul des autres. Les messagers entrerent sur mer, & tant nagerēt qu'en peu de tēps furēt à chasteau fort. Et sont allez vers la belle Galazie & ont compté comment pour change de Lucar que les Chresttiēs ont prins, ils sont venus de par le Roy Brandiffer querir le Roy de France. Et quant la fille l'entendit, elle fut tantost preste de faire la volonté de son pere. Si appella le chartrier & l'enuoya aux prisons demander le Roy de France. Et quand il vint à l'huis de la prison obscure il s'escria haut. Or vienne le Roy de Frāce: car deliurer le me faut. Et quād le bō Millon d'Angler entēdit le chartrier il respōdit doucement, hélas amy ie suis icy pourquoy m'appelles-tu, se mourir me conuient premier ie prie à Dieu que de moy vueille auoir pitié: car pour la sainte Foy soustenir ie veux de bon cœur mon corps à mort offrir. Sire dist le chartrier n'ayez doute: car deliurez serez par vn chāge d'un Roy Payen que ceux de vostre loy tiennēt, quād Henry entēdit les parolles il se repētit dōt il auoit escōduit le Roy sō pere: & qu'il n'estoit fait roy de France, quant il en fust requis: mais le faux desloyal enfant, qui biē sçauoit la trahyson ne pēsoit pas que son pere en peust eschapper: mais bien cogneut sa malheureuse voulonté quand il vit que par tel moyen le Duc Millon estoit deliuré, lequel en plourāt

des autres Barons print congé:helas dist l'Empereur de Grecealuez moy sur tous mô enfant Valentin,& moy aussi dist Orson , & à luy me recômandes,& luy dictes cômment nous sommes icy en miserable destresse, & en grand pauureté,& si pour luy n'auons secours de brief nous conuiendra noz iours finer.Seigneurs dist Millon prenez en vous recôfort:car s'il plait à Iesus iamais en Frâce ne retourneray que ne soyez deliurez.Adôc partit de la prison , & tous les autres demourerent plourâs tendrement.Lors quand il fut dehors cômme sage & bié aprins,il s'en alla deuers la belle Galazie & d'elle print congé en grâd reuerence. La dame fut douce & courtoise & à son dieu Mahō le recômâda. Ainsi partit le duc Millō,& les messagers.qui l'estoyēt venu querir, le menerent au port,puis monterent sur la mer , & en peu de temps arriuerēt en l'ost de Brandiffer.Lors quād ledict Brādiffer le veit il luy dist,franc Roy bié puissiez estre venu , assez sçauiez pourquoy vous ay mandé.Allez avec mes gens qui vous ont amené iusques en la cité d'Angoric,& dictes à Valentin que pour chāge de vous il me renuoye Lucar comme appointé nous auôs. Sire dist Millon d'Angler,aussi le veux ie faire & telle loyauté vous tenir,que si pour moy Lucar ne vous est deliuré,ie me viēdray rendre à vous,& pourrez de mô corps faire cômme deuât.Par Mahō dist Brandiffer vous parlez loyallement & sagemēt & plus ne vous demande.Or allez,ie prie au dieu Mahō,qui vous vueille cōduire.Ainsi se partit le bō Duc Millō d'Angler,& ceux qui le menoyent.Si arriuerent en Angoric & entrerent dedans sans nul reffus,& s'en allerent au palais ou il trouuerent Valentin. Lors luy & le bon Duc Millon d'Angler doucemēt s'ébrasserent & parla le Duc Millon d'Angler vn petit à secret.Puis a cōpté l'entreprise,

& cōment ils auoyēt esté prins en Hierusalé,& cōment le Roy d'Inde auoit le Roy Pepin emmené sans le cognoistre , & ainsi comme il auoit son nom changé à la requeste du Roy Pepin, & luy dist comment les autres estoient en prison au chasteau fort. Et quand Valentin l'entendit il luy dist doucement, bien auez ouuré: car ie cognois que loyauté auez quise & cherchee & loyauté vous est venue: car par le loyal seruice qu'auéz fait aujourd'huy estes de voz ennemis deliuré: bon amy vous monstrates quād pour le Roy Pepin sauuer changeastes vostre nō,& aussi bien y pouuiez auoir dōmage comme profit:car de nature les faux Payens & infidelles demandent la mort du Roy Pepin , pour cause que contre eux veut la foy de nostre sauueur & redēpteur Iesus Christ soustenir, & celle du faux Dieu Mahō renoncer & destruire. Quand le noble cheualier eut parlé & dist ce que bon luy a pleu , il commanda qu'ō luy amenast deuant le Roy Lucar, qui estoit en sa prison & luy dist. Lucar pour ceste fois estes deliuré & mis hors de prison: mais de moy gardez vous le temps aduenir, & vous souuienne de mō bō amy Pacolet, lequel vous auez occis & mis à mort:car par mō Dieu se iamais en bataille ou en autre part vous puis rencontrer ne trouuer, ie vous montreray que vous auez fait vne grande folie quant vous auez tué & mis à mort mon bon amy Pacolet:car nous verrons de nous deux qui sera le plus vaillant. à ces mots partit le Roy Lucar, qui moult fut ioyeux d'eschapper. Et quand il fut dehors des portes, Sarrazins vindrent à grand puissance au deuant demenant grand'feste pour sa deliurance. Ainsi fist deliuré le Roy Lucar,& le Duc Millon d'Anglet rendu à Valentin, tantost que Millon d'Anglet fut avec Valentin, par dedans ils ne firent pas grand seiour:mais ordonnerent leur

leur bataille, & avec cinquante mille hommes saillirét, bannieres & estendarts desployerent. Et quand Brandiffer ouyt les nouuelles il fist trompettes & clerons sonner, & les batailles ordonna iusques à vingtrois. Et quand elles furent ordonnées, Brandiffer desmarcha accompagné de treize Roys tous tenans de luy, & les Chrestiens approcherent pour frapper dedans, mais tât estoient espais qu'il n'y peurent entrer.

*Comment Valentin & le Duc Millon d'Angler saillirent
d'Angorie sur l'ost des Payens, & comment les
Payens perdirent la bataille &
furent desconfits.*

Lors Valentin mit la lance en son poing, & cria hautement. Chrestiens prenez courage, & lors cōmença dure bataille aupres de l'estendart de Brandiffer, qui pres luy auoit Lucar puïssamment accompagné Chrestiens assaillirent & Sarrazins se deffendiēent. Entour leur estendart auoit cinquante mille hommes, qui deuāt eux entour tenoyēt targues grādes, parquoy Chresties ne les pouuoient greuer. Adonc vn Admiral Seigneur de Cassidoine, vit vn François qui plusieurs Payés mettoit à mort, il alla celle part & d'une hache frappa tel coup que la teste luy partit en deux: mais deuāt son retour vn escuyer de Normādie dessus l'Admiral arriva, & deuāt Millō l'abbar mort, & pour sa vaillāce le fist Millō cheualier. Et a dit, or pēsez de biē faire: car si pauvre n'aura, si vaillant se porte que aujourd'huy ne face cheualier: tāt en fist en ce que chascun prenoit courage pour auoir l'accolée. En ainsi dura la bataille, que le soleil commença à obscurcir. Mais poutāt que les Chresties virent que Payens se vouloyent retraire, Valentin

ne se veut pas retraire, trop bien cuidoyent en leurs têtes retourner: mais les Chrestiens furent au deuât, dont Brandiffer & Lucar, furent moult empeschez, toute la bataille fut trespertuelle, grans feux y auoit de toutes pars ardans. Et quand le iour fust clair plus fort recommença, d'une part & d'autre y eut tant de morts, que le sang couroit comme ruisseaux de fontaines. Si ne faut pas demander de la prouesse que fist Valentin: car au plus fort de la bataille malgré Sarrazins si bouta, & le Duc Millon apres Valentin de toutes pars abbat gens & cheuaux, tant qu'il n'y a Payen si hardi, qui deuant luy se trouue, & si auant entra qu'il vint apres de l'estendart de Brandiffer, & la vit l'Admiral d'Inde & deuers luy vint si rudement que son cheual tua sous luy: mais Valentin qui fut leger tantost sur pied se leua & print l'espee & de toutes pars rue, & abbat Sarrazins, en criant hautement mon ioye, & Dieu reclamant: mais ia ne fust eschappé, si n'eust esté le Duc Milló, qui Payés departit cōment fait le loup les brebis, & tous ceux qui trouue deuât luy il abbat par terre, ainsi le secourut & cheual luy bailla. Et quand Valentin fut remonté, il se retira hors de la bataille pour prendre vn peu d'air, & puis retourna en l'estour plus que deuant. Et quād le mareschal du Roy d'Inde vit qu'ils auoyent le pire le plus secrettement qu'il peust fist ses gens retraire en vn petit val pour mieux se tollir, bié le vit Valentin, & dist à Millon d'Angler: Lors appointerent, que Valentin & ses gens sans bruit mener iroyēt sur ledit mareschal, & ainsi fut fait. Valentin & ses gens allerent celle part, & frapperēt sur les Indois, que de la premiere entree leur bataille rompirent. Lors Valentin aduifa le mareschal qui sauuer se cuidoit & luy donna si grād de la lāce que cheual & hōme, à terre rua, & Chre

stiens

stiens frapperent dessus:mais si bien fut armé que de la premiere venuë pas ne le tuerent,& adonc le print Valentin,qui le bailla en garde à quatre cheualiers , & furent en celle heure les Indois desconfits par Valentin, & fut la premiere bataille qui ce iour fut desconfite, maints riches prisonniers y furent prins,lesquels Valentin enuoya en Angorie,& commanda qu'ils fussent bié gardez,or cogneurent Brandiffer & Lucar,qu'ils auoyét le pire. Par Mahom,dist Brandiffer , ie ne puis adoiser comment puissios resister,si me doute fort qu'icy mourir nous conuiendra , si serois d'opinion que pour ceste fois nous tenissions à tant & retournissions en nostre pais , si pourrions vne autresfois à plus grands gens reuenir.Par Mahom,dist Lucar,vous dites verité : nous auons ia perdu les meilleurs de nos gens , retournons sans plus demeurer : car il vaut mieux à temps fuyr que mourir pour trop demeurer.Ainsi fut par eux le conseil prins,& firent ployer l'estandart & bannieres,& on dit à leurs gens sauue soy qui pourra.Les Payens ont prins la fuitte vers le port de mer,& les Chrestiens vont apres abbatans & tuant sans nulle autre deffence:car gens qui sont en fuitte sont à demy desconfits , & tant demeura par les châps de Payens,qu'avec le Roy Brandiffer & le Roy Lucar,ne monta que cent à leur retour. Et apres la desconfiture des Payés & Sarrazins,les Chrestieés entrerét par les têtes,& adóc furent riches.Puis furent en Angorie eux reposer:car las & trauaillez estoient,le lendemain firent enseueillir les morts,& pour eux Dieu prier.

*Comment le Roy Pepin fut rendu par
Roy d'Inde , en change de
son mareschal.*

A Pres que les Chrestiens eurent gaignee la bataille, Valentin monta au Palais & commanda qu'on amenast les prisonniers. Lors fut amené le mareschal du Roy d'Inde, auquel il demanda s'il vouloit croire en Iesus. Par Mahom, dist le mareschal, j'ayme mieux mourir. Lors luy demanda Milon d'Angler de quel pays il estoit. Seigneurs, dist le mareschal Payen. Je suis mareschal au Roy d'Inde la Maiour & bien son amy. Quand Milon d'Angler l'entendit, il tira à part Valentin, & luy dist. Bien auons ouuré, puis que cestuy Payen auons prins par luy pourrons auoir le Roy Pepin, que le Roy d'Inde pour nain emmena, quand nous fusmes prins en Ierusalem. Milon, dist Valentin, vous dites verité. Lors demanda au Payen, si le Roy d'Inde tenoit point en ses prisons, vn Chrestien de petite stature. Par mahom, dist le mareschal, en la prison du Roy d'Inde, ny a point des Chrestiens: mais en sa cour en y a vn petit qui cheuauche avec luy, & n'est point en prison, & l'amena de Ierusalem, quand les douze Pers furent prins. Mareschal, dist Valentin, c'est celuy que nous demandons, & si tant vous pouuez faire, qu'il me soit admené, pour luy vous serez deliuré sans rançon: car il est mon vallet, & long temps m'a loyaument seruy. Ha dist le Payen, j'en suis d'accord & fut bien ioyeux de nouvelles. Si escriuit tost vnes lettres, & au Roy d'Inde les enuoya. Quand le Roy d'Inde eut les lettres veuës, il fut bien ioyeux de rendre Pepin pour son mareschal. Car pas ne cognoissoit quel homme estoit Pepin, deuant luy le fist tost venir, & luy dist. Bel amy, aller vous en conuient: car pour vous ie deliure mon mareschal, lequel laisser ne voudrois pour cent tels comme vous. Sire, dist Pepin, de ce suis content, & si mai vous ay seruy, plaïse vous le me pardonner. Amy, dist

dist le Roy, à Mahom te recommande. Lors alla Pepin courant à la fenestre d'Esclarmonde, & luy dist. Mamie prenez en vous reconfort : car deliuré ie suis & de brief vous enuoyeray vostre amy Valentin, & iamais ne cesseray que ne soyez deliurée. Adonc se partit, & la dame de ioye se pasma. Pepin s'en vint avec le messagier, & en peu de temps ils furent en Argorie. Or ne faut point demander la ioye qu'adonc fut menée, François allerēt alencontre sonnant trompettes & clerons, & grand' feste demenerent. Oncle, dist Valentin, de bon heure fut celuy prins par qui vous estes deliuré : car sur to⁹ les biés du monde vostre cœur desirois. Neveu, dist Pepin, prenez en vous liesse : car nouvelles vous s'apporte de la chose que plus vous aimez, c'est de la belle Esclarmonde, que tant auez quise, or l'ay ie trouuee & à vous se recommande. Adonc luy conta comment elle auoit esté prinse & comment elle s'estoit subtillemēt gouvernee. Et quand Valentin ouyt les nouuelles, il eut si grād' ioye qu'à peine pouuoit parler. Ha dame, dist Valétiⁿ, or vous dois ie de tout mon cœur aymer, quand pour l'amour de moy si bien vous estes gardé. Si promets à Iesus, que iamais ne vous faudray & si perdray la vie, ou ie vous deliureray, encores ay ie les tables de Pacolet, parquoy ie pourray de subtil art iouër. Adóc Valétiⁿ fist deliurer le mareschal d'Inde : puis entra en sa chābre secrette, & la porte deuers luy ferma & puis print les tables de Pacolet & regarda dedans & y trouua plusieurs choses merueilleuses, dont il se resiouyssoit, esperant de s'en seruir, & entre les autres trouua les motz comment Pacolet faisoit les gens dormir : puis apres trouua comment on peut ouurir la plus forte porte du monde, & en disant ces mots la porte de sa chambre soudainement s'ouurit, derechef en la fin trouua cōmēt
quand

quand il luy plaira il semblera estre vicille femme , & quand il luy plaira bel homme. Quand Valérin eut toutes ces choses veuës , il print ancre & papier , & pour doute des tables perdre , tout en vn brief téps , il les escriit & sur luy en ses habillemës il les coufist , si en eut depuis bon mestier , pour sa vie sauuer , ainsi comme vous diray.

Comment le Roy Pepin partit d'Angorie, & retourna en France pour Artus de Bretagne, qui sa femme vouloit espouser.

DV temps que ie vous ay compté , le Roy Pepin estoit en Angorie , pour combattre les Payens. Sur ce point luy vint vn messagier de par la Royne Berthe sa femme , lequel luy dit apres son salut. Sire , vucillez entendre les nouuelles que ie vous apporte de par ma tresfiedoutee dame Berthe Royne de France. Sachez que tous ceux de pardelà croient fermement que vous & les douze Pers de France soyés morts , pourautant qu'ils ont ouy nouuelles que dedans Ierusalé les Payens vous auoyent prins. Si est vray qu'Artus Roy de Bretagne , esperant vostre mort & les parolles estre vrayes , en grand'puissance d'armes en vostre pais est entré & par force veut estre Roy de France , & la Royne Berthe outre son gré espouser. Or suis- ie venu par deça les nouuelles vous dire , si pensez sur ce fait : car le cas trop vous touche , & de ceste heure est si grand guerre en France commencee , que Guillaume de Monglaiue à faict Garin tuer , & si à le Roy de Bretagne entrepris de mettre en exil monseigneur Charlot vostre petit fils. Doulent fut le Roy Pepin de telles parolles ouyr , si fit les Barons de sa cour assembler pour conseil. Si furent d'accord que mieux vaudroit sa propre terre deffendre que trop tra-
uailer

uailer pour l'autrui acquerir, tenu en fut le conseil. Le Roy Pepin print congé pour s'en retourner en France. Et le bon Duc Milló d'Angler avec luy. Valétiñ luy dist. Bel oncle demeurer me conuient, pour mettre toute ma force de mon pere & mon frere Orson, avec les douze Pers deliure. Valentin, dist Pepin, vous parlez sagement s'il plaist à Dieu quede mes ennemis aye victoire, ie vous enuoyeray aide contre les Payens. Le Roy Pepin monta sur mer, accompagné de six mille combatans.

*Comment Valentin alla en Inde la Maiour,
& contrefist le medecin, pour voir
la belle Esclarmonde.*

Valentin qui par le Roy Pepin auoit eu nouvelles de la belle Esclarmonde, ne la mist pas en oubly: mais partit d'Angorie accōpagné seulement de l'un de ses escuyers & pour mieux le courir, en guise de medecin s'abilla & alla vers le port & trouua vne nef de marchāds qu'e Inde vouloyet aller. Il entra avec eux & les marchands le receurent, & tant nagerent qu'e Inde arriuerent: mais premier que Valentin entraist dedans la ville, il fit faire vne robbe de medecin: puis mit vn chaperon fourré, & ainsi qu'un grand docteur en la cité entra, & en vne riche hostellerie s'en alla loger, & tantost que l'hoste le vit il luy demanda de quel mestier il scauoit vser. Hoste, dist Valétiñ, ie suis medecin, & scay l'art de toutes maladies guerir. L'hoste le reçeut, & son escuyer bié le seruoit cōme cler, & docteur. En ce point fut deux iours Valentin: puis dit à son hoste faites moy vn plaisir s'il vous plaist, c'est que trouuerez vn homme qui aille par la cité crier ma science, que s'il y a nul malade ie me vante de les guerir: car i'ay besoing de gagner

gner pour vous payer les despés que j'ay fait ceans: toutesfois si doute de moy auez, gaige vous bailleray: par Mahom, dist l'hoste gage veux- ie auoir: car à estrangers se fait mal fier. Adonc luy bailla vn bon manteau fourré, & luy dist, tenez hoste, de moy ne vous doutez, & me faites venir le vallet que ie vous ay demandé. L'hoste amene vn vallet qui n'auoit nul souliers robe ne chaperon, & estoit presque tout nud. Valéti pour l'amour de Dieu le fit habiller, & luy dist. Mon amy, allez par la cité & criez hautement. Il est venu vn medecin lequel sçait guerir de toutes maladies, & aussi ceux qu'o perdu le sens soit homme ou femme, iamais ne seront enragés que le sens ne leur rende, lors partit le vallet qui fut bié ioyeux d'estre reuestu, & par la cité cria toute la iournee ainsi que Valentin luy auoit dit, or vindrent les nouuelles au Roy d'Inde de cestuy maitre, & pource qu'il se vantoit des fols & enragez guerir, pour l'amour d'Esclat monde le Roy d'inde le manda, nonobstant que ia estoient manchets, contrefaits à grand nombre deuant son logis: mais tous les laissa pour aller vers le Roy: car bien scauoit la fin ou son cœur tiroit, il salua le Roy du dieu Iupiter, & le Roy luy dist. Maitre bien puissez estre venu dedans ma cour, vous disnerez: puis vous diray pourquoy ie vous ay mandé. Le Roy se mist à table, & fit richement seruir Valentin, puis apres dîner luy dist. Maitre j'ay en ce palais vne dame, qui dessus toutes autres est de beauté garnie, si est vray que quand ie la prins dès l'heure ie la voulois prendre en mariage & espouser: mais elle me fit entendre qu'elle auoit voué à Mahō, q nul n'espouseroit iusques à vn an, or luy donnay terme tel qu'elle demanda: mais en la fin de l'an piteuse maladie print, telle que personne atpres elle ne s'ose troquer. Elle braie & crie piteusemēt, l'v-

ne

ne fois rit, l'autre fois pleure, en soy n'a point d'ordonnance, dont i'ay le cœur doulé: car s'elle estoit guerrie à femme ie la prendrois: car ma femme Rozemonde fille de Brandiffer, est de moy despartie & pouitant si scauez sur ce fait remede plus en serez payé, que demander ne scaurez. Valentin dist bien le feray: mais la maladie est forte à curer, ven que de lóg tēps elle est enracinee: toutesfois i'ay fiāce d'y mettre remede, si me conuient ceste nuit estre dedās sa chambre pour sa condition regarder. Maistre dit le Roy, ie vous y feray mener d'elle vous garderez affin qu'elle ne vous morde. Adonc vn Sarrazin qu'à boire & à manger luy donnoit, y mena Valentin. Et quād il fut à la fenestre il dit, regardez là & iouēz de vostre science, le diable la vous fera bien guerir: mais Mahom qui est pūissant assez y aura affaire. Vaten dit Valentin, & me laisse tout seul. Lors s'e alla le Sarrazin, & Valentin la regarda moult piteusement. Helas vray Dieu tant cher m'avez achetē, & cher vous ay comparē: mais puis que ie vous voy, ie suis de tous mes maux reconfortē. Par Dieu ma douce amye, i'amaïs en France ne retourneray sans vous emmener ou ie perdray la vie. La dame le regarda moult effroyement, & encontre loy ietta tout, ce qu'elle peut trouuer pour la chambre, de quecy Valentin fut tresfort esmerueillē. Helas mon Dieu dist il est-ce faintise ou chose vraye du mal que ie vous voy souffrir. Chere amye helas sans plus faire soyez moderee & m'entendez parler. Je suis vostre amy Valentin pour qui tant de peine avez souffert, ne vous souuient-il plus de la teste d'Airain qui à moy vous donna, & de mon frere Orson à qui le filet fut couppē, & comment en Aquitaine vous me fustes faucement par l'enchanteur Adramain desrobee, quand la Dame ouyt ces parolles de grād ioye cheut pasmee. Et quād elle fut reueuē elle à

dit de voix moult fort piteuse. Helas mon amy Valentin tant auez eu pour moy de peine, de maux, & de grâs douleurs souffertes: & moy pour l'amour de vous: voyez en quelle pauvreté ie me suis tenuë sans auoir à nul homme mon amour adonnée. Dame dist Valentin, on ayme volontiers chose bien achetee. A ces mots entendit Valentin que les trompettes & clerons sonnoyent pour le Roy asseoir au soupper. Si a dit à la dame ie m'en va au palais: mais apres soupper à vous retourneray: car i'ay fait entendre que ie suis medecin, si m'a mandé le Roy pour vous venir guerir. La dame dist mon trescher amy à Dieu, qui parfaire vous doint vostre entreprise. Ainsi se partit Valentin, & s'en alla au palais, & si tost que le Roy le vit il luy demanda, maistre pourrez vous la dame guerir, Sire dist Valentin, demenez ioye: car au vouloir de Mahom, demain la verrez parler aussi sagement qu'onques fit, & en son sens mieux que iamais. Tant fut le Roy ioyeux qu'il donna à Valentin vn manteau de fin or & d'asur, subtillement ouuré de fines pierres precieuses couuert & brodé, puis le fit seoir à table, & richement comme sa personne seruir. Et apres soupper Valentin print congé du Roy & luy dist. Cher Sire, en la chambre de la patiente me conuient toute nuict bon feu auoir, & vn grâd cierge alumer, & ie seray avec elle. Et deffendez que nul deuant elle ne se monstre: car iamais tant ne fut malade qu'elle sera ceste nuict. Maistre dist le Roy tout sera fait, ne faiëtes que demander & vous serez seruy. Or s'en va Valentin depers Esclarmode, vn gros cierge fit allumer & le mist en la chambre, & fit faire bon feu & tout seul luy conuient estre fors son valer, qui le deuoit seruir. Chacun se partit, & Valentin demoura en la chambre, qui bien ferma l'huis & fenestres, & luy dist. Ma douce amye vous me pouuez
main

maintenant embrasser & baiser tout à vostre aise; car l'heure est venue que trouuer vous deuoye. Lors Valentin regarda à vn coing de la chambre, & vit le cheualet de bois. M'amie dist, il n'est ce pas le cheualet de Pacolet, ouy dist elle, par lequel Trompaix me desroba. Il fut mauuais pour loy qu'il n'en sceux iouer: car dedans ceste cité la teste coupee luy fut & du Roy d'Inde ie fus prinse & retenue. Belle dist Valentin, ne vous souciez: car i'en scauray biē iouer & si ay les escrits de Pacolet, parquoy bien ie m'y doy cognoistre. loyseuse fut la dame. Helas dist elle, partons d'icy, quand faire le pouuez. Par deu dist Valentin, ie l'ay bien en pēse. Lors ouvrit l'huys de la chambre à la minuit & monta sur vne fenestre, où la lune resplendissoit, puis monta sur le cheualet, & la dame deuant loy & Guarin son escuyer derriere. Et quand tous trois furent mōtez, Valentin print le breuet & le coniuement fist ainsi qu'il estoit escrit, puis tourna la cheuillotte, & le cheualet se va par dessus mer, roches, villes & chasteaux, jās qu'il fut pres d'Angorie & n'eust celuy qui osad dire mot, & la endroit faillit le sort & descēdirent. Valentin fit ouvrir les portes: car ia il estoit iour. Or fut en Angorie grād ioye, & menee pour la dame. Valentin la fit richemēt vestir de draps d'or & de soye & le iour apres Valentin l'esposa. Si ne faut point demander la feste qui adōc fut faite: car mieux sembloit vn paradis terrestre que ioye mondaine. Ainsi eut Valentin oublié la douleur & tristesse que pour la dame auoit souffert. Quand le Roy d'Inde sceut les nouuelles que la dame auoit perduē, il despita les dieux disāns. Ha faux enchanteur tu m'as bien troyhy, mais ie t'en feray par le col pendre. Allez fit luy dire Valentin. Mais nul n'en sceut nouuelles: car il a bon hēnal qui tous les autres palle. Si vous veux parler du no-

ble Roy Pepin qui en France est allé pour sa femme & terre secourir.

Pourtant que le Roy Artus de Bretaigne ouyt dire que le Roy Pepin & les douze Pers de France auoyent esté ptins en Hierusalem, il pensoit de certain que tous fussent morts, & dit qu'il seroit Roy de France, & Berthe espouseroit. Si fit vn alliâce du Comte de Môtfort, du Duc de Berry, & du Comte de Nemours, du Comte d'Armignat, & par toute Bretaigne fit crier, que tout homme poissant pour porter baston, avec luy allast en France. Quâd la Roynes Berthe sceut les nouvelles, elle fut bien dolente, mais remedier n'y peyt, & si prit son fils Charlot, & s'en vint à Lyon pour son ennemy euer. En celuy temps y auoit vn Côte d'Anjou, loyal & de bone foy qui pour la Roynes secourir & le pais de Frâce garder fist contre les Bretons les chasteaux garnir de gës & de viures, & la cité d'Angiers blé fut fortifiée. Lors quâd la Roynes sceut le bon vobloir du Comte, elle luy enuoya quatre mille hommes de cheual pour garder les frontieres. Le Roy Artus manda au Comte d'Anjou, qui luy prestast passaige pour entrer dedans France. Et le Comte respondit qu'il ne le feroit point, si ne demoura guieres, que sept Comtes, & trois Ducs qui vindrét deuant Angiers, & la cité assiegerent, & le Comte d'Anjou ne sailloit point aux châpsmais garda la cité & moult fort se deffendoit. Or fit le Roy Pepin si bonne diligence, que durant celuy Age à Paris arriva, & les nouvelles sceurét ceux de la cité, dont ils furent fort ioyeux, & notablemēt des bourgeois receuz & pour sa venue menerēt grâd'feste. Par la ville furent portees les reliques des Eglises, au deuant de luy. Quâd la Roynes Berthe qui estoit à Lyon, le sceut à Paris alla deuers luy. Et quand le fut deuant luy en plourant luy requist

requist vengeance mortelle du Roy de Bretaigne. Et le Roy luy dist. Dame ne vous souciez : car au plaisir de Dieu vous en serez vengée. Adonc fit assembler ses gēz & son armee à grād'puissance, & mādā querir Picards, Hennoyers, Brabançons, & Normans. Grāde fut l'assemblée du Roy Pepin, contre le Roy de Bretaigne. Or eutée les ennemis nouvelles de sa venue, dōt fort se doubterent & non sans cause. Si prindrent tous les allies du Roy Artus. un conseil ensemble quē ledit Artus prendroyent, qui de ce fait estoit cause, & au Roy Pepin la redroyent pour mieux faire leur paix & leur faute couvrir, & ainsi le firent: car en vne nuit dedans son ost le prindrent & au Roy Pepin le menerent le quel dedans chastelet à Paris, luy fist trancher la tēste. Bien pēsoient ses allies pour vray que la guerre leur sourdist, & si leur osta le Roy Pepin, terres & seigneuries, ainsi que plus à plein appert es Chroniques sur ce faites.

Comment Valentin print chasteau fort & deliura son pere l'Empereur de Grece, & tous les prisonniers qu'avec luy estoient.

Valentin le vaillant cheualier qui en Angoric demeura fut en grand pēsement & iour comment son pere pourroit deliurer, Car bien scauoit de lōg tēps que le chasteau ne pourroit par puissances d'armes, ne pour enchātemēt estre prins: mais bien par trahison on le pourroit auoir. Si s'advisa d'vne chose qui moult fut bien comprise, Et dedans douze nauires fit mettre deux mille hommes, & moult richement les fist charger de vin de foment, & de couronnes moult riches de perles, saphys & toutes autres fines pierreries, & autres richesses es nauires fit mettre, puis monta sur mer, & ainsi que marchans s'en vont & arriuerent au cha-

seau, & là endroit prindrent terre. Et Valentin s'abilla en guise de marchand. Puis mit vne riche couronne sur la teste, & dist à ses gens, *armez vous tous, prenez voz glaives, & dedans les batteaux secretement vous tenez que vous ne soyez veuz, & si Sarrazins viennent vers vous, mettez les tous à mort, & que nul n'en eschappe.* Quand il eut ce dit il se mist à chemin & alla à la porte du chasteau la couronne sur la teste. Quand le portier le vit, il luy dist, *qui vous ameine par deça.* Amy dist Valentin *ie suis marchand qui m'en vois en Espagne, si ay dedans mes nauires plusieurs marchandises. fray ouy dire que nul marchand ne doit passer sans tribut payer, sur peine de perdre toute sa marchandise, & sa vie mettre en danger, si ne veux pas passer sans payer.* Siré, dit le portier, *attendez moy, ie vais à ma dame pour vous donner responce, tantost alla vers Galazie, & le fait luy cōpta, quād elle en eūdit, que tant de ioyaux auoit.* Lors appella le chastelain & luy dist, *Allez vers le port & le tribut receuez de ces marchāds qui passent, & si menez avec vous tant de mes gens, & si grand nombre que lō ne vous puisse rien tollir.* Le chastelain pensoit bien gaigner vers le port les admena à leur malice adueuure, car tantost qu'ils virent les richesses qui aux nauires estoient ils furent ardans de regarder, & Valentin dist. *Seigneurs entrez dedans & prenez des ioyaux iusques à la valeur de vostre droit.* Les Payens entererent dedāds qui cuidoyēt estre riches, & les Chrestiens qui estoient mucez saillirent, & en brief les firent tous mourir. Or sus dist Valentin, *il nous faut faire plus fort pour le chasteau auoit.* Lors fist à ses gens les robes de cinquante Sarrazins vestir sur leurs harnois, & se chargerent de pierreries & de riches draps, & allerent deuers le chasteau, & le portier qui pensa que ce fussent les compa-

gnons;

gnons, & adonc il lia les deux Lyons qui estoient en la place, & aualla le pont pour euidier auoir aucun riche ioyau, & saillit hors de la barriere, & valentin le print vers la barque le mena. Lors luy môstra les morts & luy dist: beau Sire, tel que ceux icy serez, ou vous iurerez vostre dieu, que dedans chasteau fort auourd'huy me ferez entrer, & mô corps garderez. Sire, dist le portier vostre volonté feray, & si vous iure la foy que ie doy au grâd Dieu, que le chasteau vous deliureray tout à vostre plaisir. Portier dist Valentin ie te guerdonneray bien: mais garde toy de me trahir. Non dit le portier auec moy venez, & faictes vobz gés qui sont en habit de Payés, entrer dedâs l'un apres l'autre, pour le danger du pôrt, car ils sèblēt ceux du chasteau. Ainsi que le portier deuïsa fut fait, & Valentin adouïsa ses gens qu'il ne passast qu'un à la fois: car si deux alloyent ensemble, ils tomberoyent en la riuere, en ce point entrerent les cinquante Chrestiens, & Valentin, & quand ils furent dedans le portier leur monstra vne fauce poterne. Valentin la fist tantost ouurer, puis sonna son cor, adonc ceux qui estoient aux bastiaux coururent celle part, & Valentin pour Galazie entretenir môtra au chasteau vers sa chambre. Et quand elle vit Valentin, qui haut la salua elle fut fort esmerueillée cômēt il estoit venu. Dame dist valentin, de moy ne vous doutez: car par vostre gent corps suis icy venu, lors regarda la dame sa contenance, & de luy fut au cœur touchée, & grand chere luy fit. Or font les Chrestiens dedans le chasteau, grand cry & grand bruit, tant que la dame vint aux fenestres biē vit qu'elle estoit trahie & se toutna vers valentin, & luy dist en plourant. Franc cheualier sauuez moy mon peccellage, ie mē rens à vous: ie vōy bien que ie suis trahie. Dame dist Valentin n'ayez peur: car par moy nē

par autre n'aurez villennie, ne vostre honneur ne sera blecé. Quand du surplus le chasteau sera mien. Lors commencerent Chrestiens à chercher de toutes pars, si n'ont laissé en vie dedans Payens ne Sarrazins. Puis alla Valentin vers les prisonniers & rompit les portes des prisons & dist hautement. Vous qui estes dedans parlez si vous estes en vie. Orson entédit bien sō frere. Valentin & escria. Mon frere bien soyez venu qui vous admene. Seigneurs dist Valentin, faictes bonne chere: car à ceste heure vous deliureray. Et lors les mist tous dehors, qui pauvres estoyēt & descoulourez. Si ne faut pas demander la ioye. La nuit se festoyerent & de bon vin beurent qui moult les reconforta. Sept iours furent Chrestiens dedans ledit chasteau menant bonne vie: & en celuy temps s'accointa Orson de l'amour de Galazie: car de Fezōne il espousa & eut vn beau fils qui eut nō Orfaire, qui tint le noble Empire de Constantinoble.

Comment l'Empereur & Orson, & le Verd chevalier demeurèrent en garnison au chasteau fort, & comment Auffroy & Henry firent mourir leur pere le Roy Pepin.

A Pres que le chasteau fort fut prins & que les prisonniers furent vn peu repeuz & confortez, ils prindrent conseil ensemble qu'il seroit bon de laisser aucun pour le chasteau garder: car celle place pouuoit les Payens greuer, si eut aucuns qui dirent par maniere de couuerture, que bon seroit qu'Auffroy & Henry en ce lieu demourassent. Seigneurs dist Auffroy, n'en parlez plus, nous sommes deliberez de retourner en France nostre pere seruir. Par ma foy dist Orson de vostre

stre parlement nous ne devons pas plourer : car oncques ne vaillistes rien, qui pert mal le compaignie il doit Dieu louer, & ie sçay par experience qu'estes gens qui de vostre nature ne demandez que trahison. Auffroy & Henry de ces parolles eurent grand despit : mais force les contraignit d'auoir patience : car ils n'estoyent pas gens pour dire du contraire, il fut à la fin appointé que l'Empereur qui ja estoit ancié, avec son fils Orson & le Vert cheualier demeureroient en garnison dedans le chasteau fort, & Valentin avec les autres iroit en Angorie. Si diray des deux faux traistres Auffroy & Henry, qu'en France sont retournez, lesquels ont cōspiré de leur pere avec Charlot leur frere & Berthe, mettre à mort. Or ont tant cheuauché qu'à Paris sont arriuez, au palais sont mōtez & ont salué le Roy & tous les Barōs, le Roy leur fist feste: puis leur demāda des nouvelles de l'Empereur, de Valentin & d'Orson, & des douze pers de France, & des autres Seigneurs. Sire dirent les traistres, priez pour eux: car ils sont morts en vne grād bataille, & a esté deuant Angorie. Quand le Roy entendit ces nouvelles tendrement ploura, en regrettant les seigneurs qu'il cuidoit estre morts: mais les traistres le faisoient pour courroucer le Roy lesquels à la fin la mort pourchasserent, & celle de la Royne Berthe premiere, pource qu'ils ne la pouuoient pas bien emprisonner ils s'accointerent d'une damoiselle qui nuit & iour estoit avec la Royne, & tel don luy donnerent que la faulce femme consentit à la mort de la Royne qui tant luy auoit fait de biens, que dedans quinze iours fut morte dont le Roy fut si courroucé, qu'au liēt demeura, & tant firent les traistres par poisons qu'il mourut, dont moult plouroient petits & grands, & non sans cause, les traistres monstroyent semblant d'estre

stre maris: mais ils estoient ioyeux, & disoyent, or pourrons nous bien maintenant de France faire à nostre plaisir: car Barons, Ducs, Comtes, ne cheualiers n'y auz, qui puisse contre nous resister.

Comment après la mort du Roy Pepin, le Duc

Millon d'Angler, voulut faire cou-

ronner Roy le petit Charlot.

A Pres la mort du bon Roy Pepin, le Duc Millon d'Angler, qu'estoit vaillant & saige assembla le cōseil, & vouloit faire couronner Roy Charlot le petit enfant: mais Auffroy & Henry, par dons & promesses corrompirent les seigneurs; & fut dit que Charlot estoit trop ieune, & pource que le Duc Millon soustenoit le contraire, Auffroy & Henry le firent prendre & emprisonner dedans le chasteau de Paris, & depuis tinrent Charlot comme vn vallet de cuisine, & de luy se seruoient dont il aduint vne fois qu'Auffroy luy commanda vne broche à tourner: mais Charlot qui fut desplaisant leua la broche, & tel coup luy donna qu'à terre l'abbatit, Henry faillit pour frapper Charlot: mais Charlot qui bien aduina, sur l'oreille luy baillant que le sang courut par terre, dont Auffroy estea à ses gens qu'ils prissent Charlot; & lors vint vn cheualier nommé David Dellois, qui Charlot print par la main: car autresfois l'auoit en doctrine, si le fist tantost mener sur vn cheual & hors de Paris le mena. Quand les traistres sçchèrent pour vray que Charlot s'en alloit ils le firent tantost suyre: mais ceux qu'après luy alloient, n'auoyent pas enuie de le prédre: mais cherchoient à euer du chemin ainsi ne le trouuerēt point. Adonc Millon d'Angler mada & escriuit la verité à sa femme, qui seuer estoit de Charlot

Charlot. Et quand elle eut veü les lettres, pour l'amour de Charlot moult tendrement ploura, si jura Iesus que ceux l'acheptoiert cher qu'à son frere on fäicet villenie & outrage si grand, lors fit escrire vnes lettres, & par vn messagier les enuoya à Valentin & aux douze Pers de France, qu'estoyent en Angorie. Quand Valentin les eut veües, il commença plourer, & les seigneurs luy demanderēt pourquoy il plouroit. Helas amis il y a bien cause: car le Roy Pepin est mort, & la bõne Roïne Berthe de ce siecle est passæe. Si ont Auffroy & Henry le petit Charlot chassé du païs, & le Duc Millõ d'Angler, pource que l'enfant supportoit, fait mettre en chastelet. Si nous mande d'Angler, que secours nous luy fassions, & ie ne sçay cõment: car bien sçauz que de iour en autre nous attendons le fort Roy Brandiffer, qui nous viët assaillir, par nostre foy, dirent les Barons, il faut trouuer maniere du bõ Duc secourir. le vous ditay, dist Valentin, ie pense bien tant faire par vn art dont ie sçay iouer que deuant la nuict de demain, le Duc Millon vous rendray. De ces mots commencerent à rire, & Valentin se part & s'en va, sans plus de delay faire, de son cheualet à si bien ioué, que deuant minuiet il est arriué aux portes de Paris, & fut en Chastelet, & par subtilart, les portes ouurit & à tous les prisonniers cõgédons: puis leur demanda ou le Duc Millõ estoit, & il luy môstrerēt la chambre, qui biẽ tost fut ouuerte. Le bõ Duc qui dormoit s'esueillä, & demanda qui estes vous qui si rudement entrez. Or suis ie Valentin, pensez bien tost de voz habitz prendre: car ie suis Valentin qui viens d'Angorie pour vous deliurer, moult loyeux fust le bon Duc, & tost fut prest. Si le fit sur le cheualet avec luy monter, & luy a diu, gardez vous de mot dire ne sonner: car nous volleions plu-
tost qu'un oiseau, ou foudre: mais dist Millon, puis que si

tost allez pour Dieu passés par le chasteau d'Angler, & là verrons & conforterons vn peu ma femme, qui pour moy, & pour son frere Charlot, est moult dolente, ils frapperent aux portes. Et le guet respondit qui cogneut leur seigneur, si alla à sa dame & luy dist les nouvelles. Et quād elle sçeut que son amy estoit venu, elle faillit du liēt à tout vne petite robbe, & au portēs courut, elle le baïsa & accolla & des nouvelles luy demanda. Ma dame, dist Millon, toutes les sçaez : mais sachez que ie m'en vois en Angorie, ou la bataille des faux Payens attendons & au retour s'il plaist à Dieu, j'ameneray les douze Pers de Frāce, & moult puisāte armée pour Aufroy & Henry cōfondre, & Charlot secourir. Quand la dame entendit que plus seiourner ne vouloit, vin & viande fist apporter, & là endroict repeurēt : car de boire & de manger auoyent grand appetit : puis prindrent cōgé de la dame, & sur le cheualet sont mōtez ainſi cōme deuant par l'air sont vollez, & tantoſt par deuers les Barons les deux cheualiers se trouuerēt au palais d'Angorie, dōt tous les seigneurs furēt esbahis & fort requeroient Valentin que tel ieu leur apprist, & il leur refusa. Or aduint en ces iours, que Brandiffer qui sur la mer estoit arriua à vne lieuē pres d'Angorie, & la fist son ſiege aſſeoir, accōpné de quinze Roys tous les ſubiects : ceux de la cité qui les nouvelles ouyrēt furēt esmerueillez, & courrēt fermer les portes & les pōrteuer, & mōterent aux créneaux & regarderent les Payens, qui tentēs, trefz & pavillons, en ſi grand nombre auoyent qu'ō ne les ſcauoit nombrer. Valentin & les Pers furent dedans Angorie, qui murs & portes faiſoyent garder & renforcer, & ſi vous deuez ſcauoir que les Payens furēt en leur ſiege l'eſpace d'vn mois, ſans donner aſſault, & ſans que nul des Chreſtiens ſur eux ſit faillie.

*Comment l'Empereur de Grece, Orson, & le Verd che-
ualier, parirent du chasteau fort pour venir en
Angorie les Chrestiens secourir.*

Q Vand l'Empereur de Grece qu'en chasteau fort estoit , ouyt parler de Brandiffer qu'Angorie à grand' puissance de Payens auoit assiegé, si fult meü en deuotion de Chrestiens & nostre foy secourir, dõt ils eurent entre eux conseil qu'ils laisseroient Chasteau fort en garde à vn moult vaillant cheualier. Ainsi sur la chose faite, luy laisserent Chasteau fort, & luy baillerent deux hommes avec luy. Puis parti et pour venir en Angorie l'Empereur de Grece, & le Verd cheualier, accompagné de mille combattans si entrerent en mer & leuerent leurs voilles : mais ils n'ont gueres fait de chemin qu'ils virēt puissance de nauires vers eux approcher, c'estoit vn Admiral des Payens & infidelles, qu'avec dix mille hommes alloit deuant Angorie Brandiffer secourir, bien cogneurent les Chrestiens qu'ils estoient de leurs ennemis, si le mirent en armes, & sur le bord de leurs nefes en bataille se sont regez bien virēt les Payens que c'estoyent Chrestiens, si approcherēt & dessus fierement frapperent, & les Chrestiens qui Iesus & la Vierge Marie reclamoyent, vaillamment se defendirent, lors y eut cruelle bataille, l'Empereur de Grece, Orson & le Verd cheualier monstrierent leurs prouesses & haut crierent Iesus secour z nous. A ces mots les Chrestiens prirent si grand courage que le plus petit à celle heure auoit force de dix, & pour l'amour de Iesus-Christ estoient tous prests de mourir, & Sarrazins qui furent dix contre vn, si ont les Chrestiens enclos. Si ne faut demander la prouesse d'Orson & du Verd cheualier : car telles prouesses faisoient, que Payen deuant eux ne de-

meuroit en vie. Quand l'Admiral Payé vit leurs prouesses si approcha d'eux, & auprès d'Orson l'abbatit vn fort & vaillât cheualier, duquel Orsō fut fort courroucé: car il l'aimoit, si a prins vne hache & à l'Admiral tel coup à donné que dedans la nauire mort le renuersa, & quand les Payens le virēt ils furēt tous descōfortez & perdirēt toute leur puissance, & se tirerent ariere: puis leuerent leurs voiles au vent & se prindrent à fuit ceux qui peurent: mais ils perdirent tant que quinze de leurs nauires & quatre mille Payés morts y demeurēt. Et après l'Empereur de Grece parla à ses gens, & dist. Seigneurs, ie cōseille que de ses maudits Sarrazins & Payens nous en prenions les armes & les vestemēs & nous en vestōs, & en mode & maniere Sarrazine nous en apprestons: car trop me doute que des Sarrazins & Payés sur mer nous ne soyōs trouuez. Le cōseil pleut à tous, affin que parmy Sarrazins & Payés ne fussēt cogneuz, les robbes, les armes & harnois des morts prindrēt, & tous les corps ietterent en la mer. De malle heure s'auisa l'Empereur de Grece: car par les armes qu'il porte il sera à mort mis par Valentin son propre fils. Or saillirent les Chrestiens sur la mer armez des propres armes des Payens & des Sarrazins, pour mieux Payens rassembler: toutes leurs bannieres & estendars ils ployerent & ceux des Sarrazins leuerent & mirent au vent, & si bien nagerent qu'ils arriuerent droitement au port d'Angorie.

Comment les Chrestiens saillirent de la cité d'Angorie, & de l'ordonnance de leurs merueilleuses barailles.

LE Roy Brandiffier & le Roy Lucar vn moys après à toute leur puissance auoyent la cité d'Angorie

assie

assiegee. Valentin & aussi tous les autres Barons auoyent
 ensemble conseil prins de saillir sur les ennemis, si mād-
 derent à Brandiffer la deffiance à lendemain, & Brandif-
 fer qui fut fier, l'accorda. Lors les Chrestiens qui dedans
 la cité d'Angorie estoient les batailles ordonnerent en
 dix parties. dont Millon d'Angler eut la premiere, la se-
 conde Sanfon d'Orleans, la troisieme eut Geruais son
 fils le Côte de Vandosme, la quatrieme le Comte de
 Châpaigne, la cinquiesme Quétin de Normadies, la vij. le
 Duc de Bourgoigne, la vij. le Côte Dâprmatin la viij. le
 Côte d'Assié, la neuuesme le Maréchal de Constantin-
 ble. Et Valentin la dixiesme. Qui à tous donna souvent
 courage de bien faire: lors saillirer Chresties hors d'An-
 gorie pour le Roy Brandiffer assaillir qui en son ost auoit
 fait quinze batailles fortes: & en la moindre auoit vn
 Roy. Or ne faut pas demander des pompes & richet-
 ses qui d'une part & d'autre sur le champ reluisoyent
 Bucines & trompettes: adonc pouuoit on ouyr de la
 grosse bataille. Entour l'estendard des payens estoit
 Brandiffer, le Roy d'Esclardie, le Roy d'Inde, le Roy de
 Saleure, l'Admiral des cordes, l'Admiral d'Orbie, le Roy
 d'Amenes, le Roy Dubias, le sué de Palerne, le Comte
 Braimant, le duc Corchillant & Croste d'Orcanie.
 Quand vint à approcher des batailles vn payen de Bu-
 rie, qui onques n'auoit esté en guerre, lequel pour son
 corps esprouuer passa outre, & si vint vers les Chrestiens
 la lance sur l'atrest moult fier. Bien le vit Valentin, son
 cheual frappa des esperons & contre le payen vint, &
 d'un coup mort l'abbait. De celle heure commença la
 bataille moult dure, & payens assailloyent: mais leur
 vaillance n'est point à comparer à la prouesse des Chre-
 sties, & entre lesquels Valentin, le Duc Millon, & les dou-
 ze Pairs. Le Roy d'Inde entra en bataille, qui les Chre-

sties fort greua. Quand Valentin le vit il alla deuers luy & si grand coup luy donna qu'à terre l'abbatit. Adóc les Chrestiens firent reculer les Sarrazins fort loing, car desconfits estoient: mais vn Capitaine Sarrazin qui en l'arriere garde estoit vint pour le secourir, accompagné de vingt mille Payens, & là ont cōmençé plus fort que deuant. Le Roy Lucar trouua le Roy d'Inde, qui moult se cōbatoit & secours luy donna. Tant furent Chrestiens à celle heure chargez de Payens, que force les cōtraignit d'eux retraire deuers vn estang, qui pres du chāp estoit, & trop affaire auoyent, se n'eussent esté deux vaillans cheualiers, qui ce iour arriuerent en Angorie, accompagnés de sept cens hommes. Les deux cheualiers, que ie vous dy du sainct sepulchre venoyent, & moult de necessitez auoyent soufferts, tant de prisōs que d'autres pour faire leur voyage. L'vn d'eux emmena en France la fille d'vn riche Admiral Payen, laquelle auoit nom Claudine, & la fist baptiser & prēdre nostre loy. Le moindre des deux cheualiers estoit Regnier de Prouence & l'autre Millō de Dyjon, beaux cheualiers & hardis estoient, si eurent nouuelles de la bataille, qui pres de là estoit & leurs gens firent armer & leur baillerent enseignes & ainsi vindrent dehors de la ville les Chrestiens secourir, si se ruerent en la bataille fierement. A l'approcher furent Payens de ceste nouuelle venue fort esmeruillés, & nō pas sans cause: car Millon de Dyjon à son entrée abbatit mort le Roy Lucar, & le Roy Rubras, dont Brandisset fut biē esbahy & fort esmeruillé, & entra Regnier, & plusieurs en tua & des plus vaillans, moult esmeruillō fut Valentin, quand il vit les deux cheualiers si vaillātes armes faire, si cheuaucha vers eux & leur dist, Seigneurs biē soyez venus, dites moy s'il vous plaist qui de ça vous ameine, & qui vous estes, Amy dist Regnier nous sommes

mes pers de France , qui du saint sepulchre venons , si auons ouy parler de ceste entreprinle , & en l'honneur de Iesus , nous sommes venus ceste part pour vous ayder & secourir à la sainte foy deffendre , ainsi que nous sommes tenus , & si nos noms vous plaist scauoir ie suis appellé Regnier seigneur de Prouence , & mon compaignon si est appellé Millon de Dyjon preux & hardy cheualier. Seigneurs dist Valentin, bien soyez venus: car icy est Millon & les autres Pers de France. Adonc entrerēt tous en la baraille, qui fut dure & mortelle. Or se recorda le Roy d'Inde , de Valentin qui l'auoit abbatu & mis à terre, si courut contre luy avec trois Rois, & tellement le presserent que luy & son cheual à terre abbatirent, mais le preux & vaillant cheualier , tantost se releua, & print son espee & au mieux qu'il peut de toutes parts se deffendit : mais trop eut affaire. Adonc Millon d'Anglet, Sansen & Gervais , vindrent qui secours luy, donnerent en telle maniere qu'un cheual luy conquerēt, puis coururent vers le Roy d'Inde, à terre l'abattirent, & son escu luy osterent & le baillerent à valentin: car le sien auoit perdu. Or aduint sur cest affaire nouuelles, dont piteuses choses en vindrent. Car un messagier vint dire à valentin. Sire , ie suis tout maintenant allé vers le port , si ay veu sur la mer grand nombre & multitude de sarrazins, qui viennent ceste part. Seigneurs, dist le preux & vaillant cheualier valentin, il faut aller pour garder le passage. Si s'assemblerēt les deux vaillās cheualiers valentin & Millon d'Anglet de Dyjon, pour aller vers le port. Helas c'estoit son pere. L'Empereur de Grece & son armee, qui a leur secours venoyent , de male heure vestirent les armes des faux payens quand il faut que valentin en mette piteusement son pere à mort.

*Comment Valentin tua son pere l'Empereur de
Grece pieusement en bataille.*

AVsi tost que l'Empereur de Grece, & ses gens furent descendus à terre, Valentin descendit celle part à cours de cheual la lance couchée: l'Empereur de Grece, qui hardy courage auoit, print vne lance & contre son fils vint, & portoit vn escu de sarrazin, lors se sont rencontrez l'vn l'autre par telle roideur & force que Valentin passa la lance outre le corps de son pere, & à terre l'abbatit mort sans vn mot dire: puis il cria Mont-joye, viue Grece: & Orson qui l'entendit cogneut que c'estoit sō frere qui sō pere auoit tué si ietta bas l'escu & leua sō heaume, puis cria en plourât, frere Valentin maile vaillance auez faicte: car aujourd'huy auez tué le pere qui nous à engendrez. Et quand Valentin l'entedit du cheual à terre se laissa cheoir & Orson courut qui mit les pieds à terre, & son frere, accolla, en menant si grand dueil que nul homme ne scauroit r'acompter. Si vindrent deuers eux Regnier de Prouence, & Millon de Dijon pour recōforter, puis ont leuē Valētin & luy ont dit. Cheualier prenez en patience: car vostre pere vous ne pouuez pour l'heure rachepter: ainsi qu'il à pleu à Dieu la chose est aduenue. Helas dist Valentin que m'est-il aduenu, ie suis bien sur tous autres le plus maudit, malheureux & mal fortuné. Helas mort ou es tu, quand tu ne viens à moy: car ie ne suis pas digne que la terre, ne soubstienne, ne que nul des elemens me preste nourriture, quand j'ay tel fait commis, deuant Dieu detestable, & aux hommes abominable. Helas malheureux Valentin de quelle heure fus-tu ne pour commettre si villain cas, & desna:uré meurtre. J'ay souffert toute ma vie grandes peines & tourments, & moult grand

foucy:

soucy: mais dessus toutes les choses ie souffre maintenant douleur n'ompareille. Faux Roy d'Inde, maudit soit ton escu, & qui le composa, car par luy j'ay esté de mon pere descogneu. Helas beau frere Orson, quand nostre pere ay mis à mort prenez mon espee & la vie m'ostez: car ce n'est pas raison que plus ie viue sur terre, ne que ie soye mis au nombre des cheualiers. Frere dit Orson, prenez en vous reconfort, & ne tombez en desesperoir, souuienne vous que Dieu est assez puissant pour plus grand chose pardonner, retournez deuers luy & demandez pardon de vostre peché, promettez penitence faire, certes qui est mort il est mort, & jamais plus n'y à remede. Si mieux vaut pour luy prier que sa mort tant plourer. Ainsi le reconforta Orson qui auoit le cœur dolent, & si a tant fait qu'à l'aide des autres barons & cheualiers, qui là estoient que Valentin est à cheual monté, & tout ainsi cōme homme qui la mort ne doute, & de sa vie ne luy chaut, avec les autres est entré en bataille, en frappant si grands coups, que tous ceux qu'il trouua deuant luy tant fussent ils vaillans, pas vn seul n'en reschappoit. A celle heure retourna le Roy Chrystoffle qui sur les Chrestiens frappoit, si luy donna Valentin vn tel coup parmy le corps, que tout outre le passa. A celle dure bataille, furent Millon d'Angler, & Regnier de Prouence, que pour leur vaillance si auant se bouterent que des sarrazins furent prins & sans secours tenu, lors leur banderent les yeux & en leur nauires les firent mener piteusement battant: mais Dieu qui ses bons amis n'oublie point au besoin les mettra dehors & deliurera, & meneront Charlot le Roy de France, à joye honneur & liesse, & au deshonneur des faux traitres Anffroy & Henry. Ceste bataille dura longuement: car bien ils se deffendoyent d'une part & d'autre.

Valentin ne regardoit pas sa vie sauuer: mais à frapper & abbatre payens, prenoit son estude. Si vint vers Brandiffer & si grands coups se donnerent l'un à l'autre, que tous deux tóberent: mais Valentin qui fut preux & hardy sur Brandiffer frappa si rudement, que d'un seul coup luy fendit la teste & tomba mort. Quand le Roy Brumant vit que son frere Brandiffer estoit mort, il partit de la bataille avec l'Admiral des cordes & le Roy Iosue, qui la retraicte firent sonner & vers leurs nauires allerent pour fuyr & eux sauuer: mais les Chrestiens les suyuirét de si pres en reclamât saint George, & saint laques lesquels deux saints ainsi que par aucuns bons cheualiers, ont depuis tesmoigné, pour les Chrestiens monstrent ce iour miracle contre les faux payens. Or furét payens de si pres prins & attaints que plusieurs se iettoyent en mer, & se noyerent & ainsi en toutes manieres furét descófits, la nuit vint & les Chrestiens se retirerét dedás Angorie. Puis le lendemain yfirét dehors, pour faire les morts enterrer, là furét trouuez plusieurs vaillans cheualiers, qui assez furét plains: mais sur tous les autres fut amerement plouré l'Empereur de Grece. Valétin & Orson demenerent si grand dueil qu'on ne les pouuoit appaiser. Et Millon d'Angler leur dist. Enfants ne plurons plus: mais priez Dieu pour son ame: car pour voz larmes en vie ne reuiendra. Lors le corps de l'Empereur firent porter dedans la cité ainsi comme à Roy appartenoit, & le firent enseuelir honorablement, & plusieurs Messes firent chanter, & grandes aumosnes aux pauvres donnerent pour le salut de son ame: mais qui oncques fist chere Valentin tousiours plouroit, ne pour reconfort qu'on luy peust donner son pere ne pouuoit oublier.

*Comment Millon d'Angler retourna en France, & comment
Valentin & Orson allerent en Grece.*

LE Duc Millon d'Angler apres que les Payens eurent esté la seconde fois desconfits deuant Angorie, print congé du noble Valentin, pour retourner en France, en luy disant. Amy Valentin ie m'en veux retourner. Je voudroye biē qu'aussi legerement m'en partisse que vous m'apportastes. Amy dist Valentin, en plourant tēdrement, ia ne plaist à Dieu que de tel art plus ie iouē car il est dānable, celuy qui le m'a print à la fin en mourut meschāment, & ie croy que pour ce peché i'ay mon pere tué. Lors print congé de Millon d'Angler, & avec tous les Barons de France se mist à chemin. Et Valētin & Orson tindrent conseil pour retourner en Constantinoble: mais premier qu'ils partissent ils firent couronner le Verd cheualier Roy d'Angorie, & luy firent par les Barōs & Cheualiers du pays faire hōmage & seauté promettre. Puis prindrēt tous deux de luy cōgé & mōterent sur mer. Et quand vint au departir Orson appella Galazie, & luy dist: Mamie, ie cognois que de mon faict estes enceinte d'ēfant; mais sçachez que pour femme ie ne vous puis auoir: car i'en ay vne autre espousee, pour ce, s'il vous plaist, ie vous feray rentes assigner tāt que pourrez viure honnestement sans danger de nuliy. Sire, dist Galazie, ie veux avecques vous la mer passer, puis me mettray en quelque religiō à Dieu seruir pour vous & pour moy. Dame, dist le noble Orsō, ie m'y accorde, lors la mit sur la mer & tāt nagerēt qu'ils viēt les tours de Cōstātinoble, si māderēt à la Roynie leur mere nouuelles de la mort de l'Empereur: mais ne mandèrent pas que Valentin l'eust occis. Doulēte fut la dame

de la mort de l'Empereur, & d'autre part ioyeuse fut de ses deux enfans qui en bonne santé venoyent. Chacun mena grand' ioye parmy la cité, pour la venue de ses deux cheualiers Valentin & Orson. Chanoines, prestres, clerics, marchans & bourgeois sallirent de la cité en grande procession, & en toutes les Eglises firent sonner les cloches & furent receus notablement. Puis monterent au palais, le disner fut prest & à table se mirent, accompagnez de grans Barons. La Dame commença à parler & dist. Valentin mon enfant, or conuient sçauoir lequel de vous deux tiendra l'Empire de Grece : car ie ne sçay de vous deux lequel est le plus aîné, si m'attés bien à vous d'y ouurer sagement. Dame, dist Valentin, ie veux que mon frere Orson ce premier an le soit. Par ma foy, dist Orson, il n'appartient pas à moy d'aller deuant vous. Frere ie suis tenu à vous, nō pas vous à moy : si serez Empereur : car de ma part ie le veux. Assez desbatirent ceste chose. Puis à la fin par les Seigneurs de tout le païs fut appointé que tous deux gouuerneroyēt l'Empire en paix & bonne amour. Mais le bon Valentin en si haut estat ne demeura gueres : car Valentin, qui pour la mort de son pere nuict & iour larmoyoit. Vn matin appella Esclarmonde, & luy dist. Entendez ma raison, vous sçauiez que deuant Angorie i'ay mon pere piteusement tué. Dont nulle confession ie n'ay faite. Si suis deliberé de m'en aller au Pape tous mes pechez confesser, & luy demander penitence. Saluez par moy ma mere, & mon frere Orson, lesquels au bout de quinze iours vous les irez voir & non plustost, & luy baillez ce breuet, & à nulle autre personne ne le monstrez. Moult tendrement ploura la Dame, tant que les larmes luy couroyent sur sa plaïsante & benigne face.

Comment

Comment Valentin print congé de la belle. Esclarmonde pour aller à Rome son peché confesser.

A Donc luy dist Valentin. Taifez-vous & pour moy ne plourez plus: mais me baillez l'anneau dequoy ie vous espousay. La Dame tantost luy bailla; duquel il fit deux parties, dont en garda l'une & l'autre la bailla à la dame en luy disant. Mamie gardez ceste partie, & pour chose qu'on vous die de moy ne rapporte n'é croyez vn seul mot, si vous ne voyez l'autre partie que ie porteray avecques moy. Gouvernez vous sagement & tousiours seruez Dieu, & de fauces paroles vous gardez: car le monde est aujourd'huy trop faux & deceuât. A ces mots embrassa la dame en plourant piteusement, & prirent l'un de l'autre cōgé. Ainsi partit Valentin accōpagné d'un seul escuyer. Tant fit qu'il arriua à Rome. Il se logea, puis le lendemain au matin il vint en la grand'Eglise, ou le Pape chanta la Messe, Valentin de bō cœur l'ouyt, & puis apres la Messe. devant le saint Pere s'agenouilla, demātant confession. Lors le Pape qui bīe pēsa que de haute maisō fust, luy fist signe qu'il l'orra: puis le Pape entra en sa chābre, & fit venir Valentin qui fort plouroit. Beau fils, dist le Pape, que veux-tu auoir que tant ploures. Helas, dist Valentin, de tous les pecheurs ie suis le pire. Lors cōmença Valentin sa confession, & entre toutes ses fautes en plourant & iettant grosses larmes, confessa qu'il auoit tué son pere, & en demandoit penitence. Et quand le Pape entendit le cas de Valentin, il regarda la grande & amere penitence qu'il auoit de la mort de son pere, dont il eut grand pitié, & luy dist. Mon enfāt ne vous descōfortez point: car Dieu est tour puissant pour plus grād'chose pardō-

ner : allez en vostre logis, demain deuers moytenez si vous donneray penitence au salut de vostre ame. Valentin en son logis retourna sans rien dire de son fait à personne. La nuist ploura & souspira. Et quād le matin fut venu il retourna à l'Eglise, & là trouua le Pape qui deuāt luy faisoit la Messe chanter. Apres la Messe le Pape l'appella, & luy dist. Mon enfant, entens qu'il te faut faire pour auoir de ton peché remission. Tout premierement changeras ton habit, & pauurement iras vestu, & ton corps tant trauailleras que de nul ne puisse estre cogneu & apres tu iras en Constantinoble, & sous les degrez de ton palais te logeras; & là seras sept ans sans parler, si Dieu tant de vie te donne & ne mangeras ne boiras fort du relief qu'on donne aux patures, & si tu meurs plustost, tes pechez te sont pardonnez, & si tu vis sept ans & ne faces la penitence, iamais pardon tu n'auras. Sire, dist valentin, tout ce feray bien de bon cœur. Adonc luy donna absolution. Et ainsi que dit l'histoire que nous tenons pour verité, celuy iour Valentin disna avec le Pape: puis apres se partit de la cité sans parler à son escuyer n'à nulle personne. Si vous diray comment il parfit sa penitence, & quelle vie il menoit.

*Comment Valentin en grand douleur de son
corps parfit sa penitence pour son pere
qn'il auoit occis.*

Valentin qui de Dieu fut inspiré pour sa penitence parfaire, entra dedās vn bois apres qu'il eut fait tondre ces cheueux, & en iceluy bois fut si longuement mangeant pommes & racines parmy les rōces & espines si que de nul homme n'eust esté cogneu. Et apres il alla en Constantinoble. Mais premier qu'il y arrivast

pour luy fut grand dueil parmy la cité : car la belle Esclarmonde qui son message n'oublia pas , alla deuers Orson, & luy bailla le breuet que son amy Valentin luy auoit laissé. Quād il l'eut leu, il se print à plourer moult angoissemēt. Frere dist Esclarmode , pourquoy tāt larmoyez vous. Helas, dist Orson, ce n'est pas sans grād cause: car mō frere Valentin s'en va, & par les lettres il me faiēt assauoir que iamais ne reuiendra: mais demeurera en exil pour ses pechez plourer. Quād la dame entendit que sō mary s'é alloit elle cheut pāmee. Et quād elle fut reuenue elle s'escria. Helas mō amy pourquoy sans le me dire vous en estes ainsi party , mal fortunee suis quād vous en allez sans iamais reuenir. Grād dueil menoit la dame, & plus grād Orson. Par la cité furēt tātost les nouuelles , que Valentin s'en estoit allē en espoir dene retourner. Esclarmonde pleure , Bellissant larmoye, & Orsō souspire. Longuemēt dura celuy dueil parmy la cité. Et aduint (ainsi comme dist l'histoire) qu'en celuy iour on dist à Fezonne, qu'Orson auoit vne autre dame enamouree, & que de luy estoit grosse, dont tel courroux le print en sō cœur, que malade fut au liēt, & en brief temps mourut. Grand dueil en mena Orsō: mais deuant l'an accompli il espousa Galazie, dont deuāt ie vous ay faiēt mention. Or diray de Valentin lequel arriua en Constantinoble en si pauvre estat que de nul ne peut estre cogneu , il alla par les rues & par les maisōs des bourgeois l'aumosne querāt pour ouyr des nouuelles: puis s'en vint au palais à l'heure que sō frere Orson deuoit soupper. Ceux qui gardoyent la table l'ōt battu, & chassē pour le bouter hors: mais il n'en fait semblant. Compagnons , dist Orson , qui fort regardoit sa contenance, laissez ce pauvre ceans & plus ne le battez: car pour l'amour de mon frere Valentin ie veux

que tous pauvres soyent receuz, affin que Dieu m'en vueille enuoyer nouuelles. Lors laisserent Valentin, par ce commandement d'Orson, & luy ont apporté bon vin & viande assez: mais il regarda vne corbeille, ou estoit l'aumosne des pauvres du relief de la table, & en mangea. Adonc furent moult esbahis. Et quand vint la nuict que les portiers vouloyent fermer les portes, ils sont venu vers Orson, & luy ont dit. Ce malautru qui le fol contrefait, voulez vous qu'il demeure icy. Je veux que vous endurez & souffrez de luy, & que ceans vous le laissez sa volonte faire: car par adventure c'est vceu ou promesse qu'il a à Dieu promis, quand il ne parle point, nul ne pense sçauoir qu'il est. Ainsi demeura le noble Valentin sous les degrez, & fit son liect de paille en moult grand pauvrete. Et puis le lendemain au matin le noble Orson par deuant luy passa que grand pitié en eut, & l'aumosne pour l'amour de Dieu luy donna, apres passoit pour aller à l'Eglise sa mere, & la belle Esclarmonde sa femme, qui fort regarderent sa grand' pauvrete. & luy donnerent l'aumosne. Helas pauvre homme, dist Esclarmonde, comment pouuez vous sans couuerture la nuict icy durer, si plaist à mon Dieu la nuict vous en aurez. Valentin s'enclina en les remerciant, & les dames passerent outre. Et aussi tost qu'elles furent passees, Valentin vit deux pauvres & tout leur donna, ce qu'il luy auoit donné. Par ma foy, dirent les pauvres en ce mocquant, ce coquin est bien fol, quand il n'a rien & done ses aumônes. Valentin dist en son cœur. Sire Dieu tout puissant, veuillez à tous ceux pardonner, qui de moy font derision: car ils ne sçauent pas la faute du pauvre miserable, parquoy ainsi viure me conuient. Quand vint apres au disner, on donnoit à Valentin de toutes viandes: mais il faisoit à sa puissance signe que de rien ne mangeroit, si non

non seulement du reliefs. Et quand Orson cogneut sa condition, il commanda que du meilleur de sa table on mist en sa corbeille, & que le pauvre homme fust le premier seruy. Seigneurs, dist Orson, par le Dieu en qui ie croy tousiours le cœur me dit, que ce pauvre homme fait quelque penitence, qu'il a à Dieu promise, & en ce point fut Valentin longuement dedans son palais sans estre cogneu, tant que chacun disoit que pieça il estoit mort. Parquoy le Roy Hugon fit Escclarmonde demander pour femme, & depuis grand' trahison entreprint & brassa.

*Comment le Roy Hugon fu demander Escclarmonde
pour femme, & comment il trahit Orson
& le Verd cheualier.*

EN cestuy temps y auoit vn Roy en Hōgrie, qui Hugon estoit nommé. Celuy ouyt parler de Valentin qui l'Empire de Grece auoit laissé, & delaisé le pays. Si s'en vint en Constantinoble, & d'Orson fut moult bien receu, tant que par vn matin Hugon appella la belle Escclarmonde, & luy dist en beau langage. Dame, sachez que ie suis Roy de Hongrie, & tiens sous moy plusieurs grâdes seigneuries: mais d'une chose ie suis mal, c'est q' ie n'ay point de femme, & suis à marier pour l'heure presente, pour laquelle chose ie suis venu deuers vous. I'ay entendu que le cheualier Valétin iamaïs ne verrez, ie vous requiers que pour mary me vueillez auoir, & serez couronnée Royne d'Hongrie, & grandement honnoree: car sur toutes vous estes celle que mon cœur ardaïment desire. Sire, dist la dame, du bien & de l'honneur que vous me presentez humblement ie vous remercie: mais pour bien vous respondre querez vne autre femme: car encores est vis mon n'ary valétin, si suis delibe-

tee de l'attendre sept ans , & quand il seroit ainsi que voudrois mary prendre, à moy ne faudroit point parler. Mais à l'Empereur Orson , & à mon frere le Verd chevalier : car sans leur conseil jamais ne m'y consentirois pour chose qu'õ me sçeust dire. Dame, dist Hugon, vous parlez treshõnestement & sagement , & me plaist bien vostre responce. Lors s'en vint le Roy Hugon deuers le noble Orson , & luy demanda si de son frere Valentin auoit point eu nouuelles. Franc Roy, dist l'Empereur Orson, qui de luy pas ne se doutoit, autre chose ne sçay, sinon par vne lettre qu'à sa femme laissa, lesquelles deuissent qu'il est allé en exil pour ces pechez plourer, & dessus luy porte vne part de l'anneau, dont sa femme espousa, & l'autre luy a laissé, & sur toutes choses luy a dit & deffendu que rien de luy ne vueille croire de quelque chose que ce soit. Si l'autre partie de l'anneau elle ne voit premierement. Sire, dist le Roy Hugon, qui ses parolles bien nota, Dieu le vueille conduire : car moult est chevalier à louer. Or vous diray vne chose que j'ay en mon courage. Je suis deliberé en l'honneur de Iesus, lequel souffrit mort & passion en l'arbre de la croix pour nous, d'aller en Ierusalem voir & visiter le saint sepulchre de nostre redempteur. Si voudroit bien auoir trouué compagnie, & si venir il vous y plaist à tousiours mais en armes serons compagnons & bons & loyaux amis. Sire, dist le noble Orson, de faire le voyage est ma volonté, & depuis long temps ie l'ay promis de faire, si vous diray que nous ferons quand nous partirons de ceste terre, nous irons en Angorie, si sçay pour tout vray que le noble Verd chevalier qui d'Angorie est Roy, nouvellement couronné, volontiers viendra avec nous. Bien me plaist, dist le Roy Hugon, allons là ou il vous plaira, lors print congé Orson de la belle Gala-

zie, & de sa mere Bellissant : puis monterent sur mer & en Angorie sont venus, & le Roy moult honorablement les receut, & de la venuë du noble cheualier Orson fut moult ioyeux, ils firent grand' chere : puis s'appresta le Verd cheualier pour le saint voyage faire & accomplir, & avecques eux sur la mer monta, & ils sont venus en la cité de Ierusalem & ont prins logis la nuit pour repousser : puis au matin sont allez par deuers le b^e Patriache, qui devant eux la Messe chanta : puis parmy la cité les fit conduire & mener, pour le saint sepulchre & autres saints lieux visiter en grand' deuotiô, les pardons & indulgences gagnerent, & le voyage deuotement firent & accomplirent fors le Roy Hugon, qui en son cœur portoit la trahyson par laquelle il fit les vaillans Seigneurs prendre, qui en luy se floyent & emprisonner : car ainsi qu'ils visitoient deuotement les eglises, le faux traistre Roy Hugon s'embla de leur compagnie, & s'en alla au Roy de Surie, qui Rabaste auoit son nom, & iceluy Rabaste estoit frere au Roy d'Inde, qui deuant Angorie mourut. Le Roy Hugon de par Mahom le salua, & luy dist. Roy entendez à moy, & ie vous diray chose qui sera pour vous profitable. Sachez Sire, que deux cheualiers sont nouvellement venus, qui dessus tous doyuent estre de vous mal venus : car grand' partie de vostre terre Payenne ont prinse & exilée, & ont mis à mort par leur grand' cruauté le vaillant Brandiffer, Lucar & vostre frere le puissant Roy d'Inde : quand Rabaste entendit que son frere estoit mort, moult ploura, puis dist à Hugon. Sire me pourrez vous les deux cheualiers rendre ? ouy dist Hugon le traistre : mais que vous me donniez les seaux d'or que portent les deux cheualiers ou leurs armes y sont empraintes, Sire dist le Roy de Surie, trop seroye ingrat se pour si peu de

chose ie vous esconduisse, les seaux aurez & assez d'autres choses, si les deux cheualiers me pouuez rendre & deliurer. Ouy dist le traistre Hugon, & escoutez comment. En l'hostel du Patriarche enuoyez voz messagers, & vous sçaura à dire ou ils sont, ainsi fist le Roy de Surie, & huit cens hommes fit armer, puis allerent deuers le bon Patriarche, qui au commandement du Roy leur enseigna le logis, & les Payens y allerent, tantost qu'Orson & le verd cheualier trouuerent au disner, si furent incontinent prins & liez, & battant les menoyent deuers le Roy. Helas dist Orson, nous sommes trahis, Car ainsi que le Roy Pepin, & les douze pers de France furent en ceste cité aux Payens & Sarrazins vendus & liurez: ainsi puis ie cognoistre que pareillement nous sommes trahis & deceuz. En ce point furent menez deuant le Roy de Surie. Et quand il les vit il leur dist fierement: Faux ennemis de nostre loy de vous tenir ay grand plaisir. Or me dites vos noms, car ie les veux sçauoir & pour cause. Sire, dit le noble Orson, ie suis appelle Orson, & ainsi me fais nōmer. Dit le Roy d'Angorie ie suis nommē le verd cheualier. Par Mahom, dist le Roy de Surie, assez ay ony de vous deux parler, & croy que vous estes les deux par qui grand' partie de ma tette a esté exillée & destruite, & mes gens auez mis à mort, & auez vn compaignon le quel s'appelle valentin. Lequel si ie le tenoye par Mahom, jamais en vie de mes mains n'eschaperoit. Adon les fit despouiller & leurs seaux offer, lesquels depuis à Hugon furent donnez. Si furent Orson & le verd cheualier vilainement mis en vne tour profonde, en pain & en eau longuement, ils pensoyent que le Roy Hugon fut mort par les payens. Helas ils ne pensoyent pas comment la chose alloit: car il estoit avec le Roy de Surie qui leurs seaux luy bailla, dont il fut plus

ioyeux

ioyeux que iamais n'auoit esté. Lors appella Galeran un desloyal traistre : qui longuement l'auoit seruy : car tel maistre tel seruiteur. Galeran dist Hugon, i'ay trouué la maniere parquoy ie viendray au bout de mon intentiõ, & pource qu'estes mon neveu & que long temps m'auuez seruy, si voulez estre secret tant de biens vous feray que serez cõtent. Oncle dist Galeran de moy vous doutez : car ie sçay ou vous pretendez, vous voulez auoir fut tout pour femme la belle Esclarmonde. Il est vray dit Hugon, ia celler ne le vous conuient, si faut faire vne lettres, & dicter cautelleusement au nom d'Orson : car i'ay ses propres seaux d'ont elle sera sellée, & faut que celles dites lettres soyent ainsi deuisees. Orson par la grace de Dieu Empereur de Grece, à vous ma tresredoutée & souueraine dame & mere, à vous m'amy, & à vostre sœur la belle Esclarmonde toute humble salutation, & recommandation premise. Sachez que piteuses nouuelles & desplaisantes au pays de pardeça nous sont aduenues, lesquelles par ces presentes ie vous rescripts. Si requiers à Iesus que patience vous donne. Mes Dames sachez de certain qu'en Ierusalem i'ay trouué mon frere valentin, qui au liët de la mort malade estoit. Si m'a tant fait Dieu de grace, que deuant qu'il finast ses iours ie l'ay visité & parlé à luy. Mais tantost apres il rendit l'esprit à Dieu, & à la fin me chargea de vous mander les nouuelles, & de saluer de par luy la belle Esclarmode, à laquelle il mande sur toute l'amour dequoy elle l'ayma oncques, & qu'au plustost qu'elle pourra qu'elle se marie à aucun noble Prince, & que pour sa mort elle ne prene descõfort : mais prie Dieu pour son ame, & sachez qu'il ne vous enuoye la moitié de l'anneau comme il auoit promis : car tantost qu'il fut couché il luy fut desrobé. Et quand ces lettres furent ainsi faictes, Hugon pour

mieux la trahison couvrir, en fit faire vnes autres de la part du cheualier verd, & Orson ensemble. Treschere & aymee sœur assez vous auons fait sçauoir de vostre loyal espoux, & nostre frere Valentin, par laquelle chose nous deux considerant la grand' beauté qui en vous est, & que trop est peu de chose de si belle dame sans partie, & aussi pour accomplir la volonté du trespassé à qui Dieu face pardon, nous voulons en desirant vostre honneur & proffit croistre & augmenter, auôs deliberé que le puissant Roy Hugô, vous ayez pour mary & espoux. Si vueillez à ces choses obeir, & nostre volonté parfaire autant que vous doutez de nous desplaire. Et pour verification de ce, nous auôs de nos propres seaux ces lettres sellees, affin de plus grâde approbatiô de verité. Et sachez que de vers vous nous ne pouuons aller pour le present: car entre les Chrestiens & Sarrazins est bataille trouuee: laquelle nous attendons pour la foy de Iesus-Christ deffendre, qui vous ait en sa garde. Quand les lettres de la trahison furent par Hugon ainsi dictées il les clouyt moult bië & des propres seaux aux cheualiers les seela, & puis les bailla à son neveu Galerã & luy dist qu'en Cōstantinoble luy conuenoit aller par deuers la Roynë Bellissant, & à la plaisante Esclarmode ces lettres porter & presenter. Et quãd vous y aurez esté i' yray tantost apres, comme celuy qui rien n'en sçait pour la belle requerir & demãder, si ne doute pas qu'elle ne me soit donnee & accordee. Oncle dist Galerã, le message sçauray ie bië faire: car ie cognois vostre cas. Lors luy bailla les lettres & se mit à chemin, qui tãtost arriua au palais de Constantinoble à l'heure qu'on mettoit les tables. Si salua les dames de par l'Empereur Orson & le Verd cheualier, puis leur donna les lettres. Messager dist Bellissant, que fait mon fils. Dame dist Galerã ie l'ay
lais

laissé en Ierusalem sain & en bon point. Si pourrez sçauoir par ces lettres de ces affaires tout à plein. Les dames commanderent que le messager fust honnorablement festoyé: or estoit-il de coustume que quand on vouloit boire ou manger on faisoit venir Valentin à la table, ou à la sale pour mieux penser de luy, & pourau- tant qu'on sçauoit qu'il ne mangeoit que reliets on luy bailloit si bon que plus n'en vouloit vser: mais prenoit souuent ce qu'on iettoit aux chiens & ne mangeoit au- tre chose. Il ouït bien les nouuelles du messager si se pensa qu'il feroit. Les dames furent tantost leuees de table, & apres graces rendues Bellissant fist venir vn se- cretaire, qui leut les lettres & de toutes les deux lettres dist le contenu. Et bien l'ouyt Valentin, qui en la sale estoit dont nul semblant n'en fit. Si ne faut pas deman- der le grand dueil & lamentations des dames, qui fu- rent muees pour Valentin, qu'ils mandoyēt qu'il estoyt mort & desfiné: car ils cognoissoyent les seaux des bons cheualiers. Quand la belle Esclarmonde entendit que son amy valentin estoit mort, elle chent à terre toute pasmee tant que toutes les dames qui là estoyent pen- soyent qu'elle fust morte. Et quand elle fut vn peu re- uenue elle commença à tirer ses cheueux & desrompre ses habits en disant, Helas pauvre femme de toutes au- tres la plus douloureuse, pourquoy ne vient la mort sans plus me laisser viure. Las mon loyal amy pourquoy ne suis- ie allé avec vous pour vostre corps aïser. Frere, verd cheualier, & vous Empereur Orson trop auez dur cou- rage, qui si tost me voulez marier. Helas! comment doit celle iamais prendre mary qui des vaillans à perdu l'ex- cellent, des bons le meilleur, des preux le plus hardy, la rose d'honneur, la fleur de cheualerie, des nobles le mi- rouer, l'exemplaire des courtois, de loyauté le patron, &

des

des sages l'essite. Fauce mort qu'as tū en pensee, quand par toy ie suis hors de toute ioye, ne iamais en ma vie ne requiers auoir liesse : mais tousiours en languissant plouter celuy qui de tous les cheualiers humain estoit digne d'honneur, ne iamais en ma vie autre mary n'auray : mais en continuelles douleurs mes iours vseray. Bien voyoit le noble valentin les grans cris & pleurs que pour luy la noble Esclarmonde portoit, donc grand pitié en son cœur auoit : mais pour doute de cognoissance en son cœur portoit la douleur : Quand Bellissant vit que la belle Esclarmonde tant se desconfortoit, tout au mieux qu'elle peut la reconforta en luy disant doucement. Ma chere fille prenez en vous patience, vous scauez qu'il est mon fils, si en dois estre au cœur doulente : mais quand ie considere qu'il n'y a nul remede, mieux vaut prier Dieu pour luy que tant de pleurs ietter. Si péslez à ce que vostre frere & le Verd cheualier & l'Empereur Orson vous mādēt. Las, dist Esclarmode, de quoy me parlez vous, quel mariag : peut-on faire de celle qui n'a espoir iamais d'auoir ioye. Dame pour Dieu iamais n'en parlez : car en iour de ma vie ne veux auoir mary. Fille dist Bellissant vous estes mal aduisee : car puis que si haut homme comme le Roy Hugon vous veut auoir à tousiours en serez mteux prisee, & si vous dy biē qu'encores pourra tel venir à qui me marieray. A ces parolles entra la belle dame en sa chambre & tendrement ploura. Et valentin est sous les degrez qui en son cœur pense, dont telle trahison peut estre venue. Si aduint qu'au bout de quatre iours que le traistre Hugon pour son entreprinse parfaire arriua en Constantinoble : & là firent en grand honneur receu : mais la belle Esclarmonde ne luy monstroīt semblant d'amours. Ma dame bien auez ouy par les lettres que Galerā vous a baillees

comment le vaillant cheualier valentin vostre mary est mort dont suis moult doulent. Si est la chose ainsi accordee par leur bõne volonteé & deliberatiõ,& pour auoir alliance ensemble que ie doy auoir Esclarmonde pour femme & espouse. Sire dist la dame, ie vous promets la foy que ie n'ay nul courage de vous ne d'autre auoir. Or est Valentin en la sale qui toute la trahisõ escoute,& en son cœur la note, puis dist Bellissant. Ma fille ne croyez pas vostre courage, ne ce que le cœur vous dit: car bien sçauent le verd cheualier & Orson mon fils, tout ce qui vous est necessaire,& se cõtre leur volonteé faictes ils en seront courrouceez, & moult desplaisans. Quand Esclarmonde entendit ses parolles fort fut pensiue. Tant fut la chose mencee que pour cõplaire elle fut d'accord d'auoir le Roy, dont il fut fort ioyeux, mais petit dura.

Comment Bellissant & Esclarmonde, sçeuvent la trahyson du Roy Hugon, & de sa faulx entreprise.

COgnoissant le noble Valentin que s'amie Esclarmonde estoit trahie, moult grand pitié en eut si entra en vne chappelle de nostre Dame, ou il auoit de coustume de Dieu prier, si s'agenouilla deuant l'image de la Vierge Marie, deuotement disant ainsi. Glorieule vierge Marie mere & fille du redempteur de tout le mode, vueillez entendre ma priere, à moy qui suis pauvre & miserable pecheur, c'est qu'il te plaise de prier ton fils que ie puisse m'amy deffendre de la trahisõ qui contre elle est faicte. Et incontinent que Valentin eut son oraison finie, vn ange vint & luy dist. Valentin Dieu a entendu ta priere. Va hors de la cité & tu trouueras vn pelerin, fais tant que tu ayes ses habillemens son

bourdon & son escharpe, & quand ses habits auras vestu retourne en ton palais, & compte deuant toute la cōpagnie la maudicte trahison telle que tu la cognois: car ia ne seras cogneu. Vray Dieu dist Valentin ie te remercie. Lors partit Valentin & trouua le pelerin & print ses habits, puis retourna au palais ou les Dames estoient, & le traistie Hugon, qui plusieurs parolles fainctes disoit à la belle Esclarmonde: toute la compaignie salua, puis dist tout haut à la Roynie Bellissant. Dame ie vous prie humblement que me monstriez la femme de Valentin. Pelerin dist Hugon à qui la couleur mua, allez en la cuisine & vous aurez l'aumosne. Sire, dit Valentin à elle ie veux faire vn message. Pelerin dit la belle Esclarmonde, ie suis celle que demandez. Tresnoble dame, dist Valentin, en bonne heure. Saichez que i'ay veu vostre amy qui par moy vous saluë, & vous fait assauoir que deuant trois iours passés il sera de ceans. Pelerin, dist la Dame, aduises que tu dis: car i'ay eu nouuelles certaines qu'il est mort. Dame, dist Valentin, croire ne le deuez: car ie me liure à mourir, si encor n'est en vie, & si dedans trois iours ne le voyez. Quand Hugon entendit les parolles que Valentin disoit aux dames secrettement faillit du palais, & sur son cheval mōta sans plus retourner. Trop furent esmerueillez, & en furēt ioyeuses les dames, & vouloyent le pelerin festoyer: mais il n'en voulut rien faire, & leur dist. Mes dames pardōnez moy: car mes compagnons en la ville m'attendent. Lors Esclarmonde luy donna grand argent, qui depuis aux pauures le departit. Quand il fut hors, on demanda ou estoit le Roy Hugō. Par ma foy, dist vne damoiselle, ie l'ay veu presentement courir sur son cheval. Et sur ces parolles Galeran entra, qui son oncle demandoit. Par Dieu, dist Bellissant, de bonne heure estes venu: car

iamais n'eschapperez tant qu'aurez la trahison comptee, que vostre oncle a faite. Et quand Galeran ouyt les parolles, il commença à trembler helas dame, dist-il ayez de moy mercy & ie vous diray toute la verité. Il te sera pardonné, dist la Dame. Alors il dist. Dame il est vray que mó oncle le Roy Hugon, a ceste trahison faite. Il a vendu aux Payens dedans Ierusalem l'Empereur Orson & le Verd cheualier. Et puis luy compta au lóg comment auez ouy deuant. Là fut vn moult merueilleux dueil & pitoyable tât des Dames comme des Seigneurs qui là estoýent. Et apres que Galerā eut tout dit, il se partit cuidant estre eschappé: mais le preuost luy dist qu'il demeureroit & le fist pendre & estrangler, & Valentin laissa la robbe de pelerin & reprint ses habits & vint au palais. Pauvre homme, dist Esclarmonde, ou auez vous tant esté, ie croy qu'estes desplaisant que marier ie me veux, valentin enclina la teste & la laissa, & se print à Dieu prier. Esclarmonde luy auoit fait apporter vne couche: mais il couchoit à terre, & ainsi parmy les chiens il acheua le demeurant de sa penitence.

Comment Orson & le Verd cheualier, furent deliurez des prisons du Roy de Surie, pour l'appointement de la guerre qu'ils firent, puis au Roy Hugon.

VNiour le Roy de Surie lequel tenoit en ses prisôs l'Empereur Orson & le verd cheualier, lesquels il fit admenner deuant luy & leur dist. Seigneurs vous voyez que i'ay puissance sur vous, & que ne pouuez rien sur moy & si sçay que vous estes ceux du monde qui auez nostre loy & nostre terre molestee, si iure mó Dieu Mahom que point vous ne m'eschapperez que ie ne vous face mourir, ou vous me rendrez la cité d'Angorie

avec le chasteau fort. Et aussi tiéte autres fortes places que vous tenez en voz mains. Sire, dist Orson, nous ne le ferons pas, si vous ne nous rendez le Roy Hugó que vous tenez. Et le Roy de Surie dist, de luy ne me parlez: car il s'en est allé & vos seaux a emporté, & sachez que par luy auez estez vendus & trahis. Quand l'Empereur Orson l'entendit trop fut esmerueillé, & à iuré que iamaís ne cessera que du Roy Hugon il n'ait prins vengeance. Par ma foy, dist le Verd cheualier, ie ne vous faudray pas. Or ont accordé Orson & le Verd cheualier au Roy de Surie sa demande pour leur vie sauuer, & sont retournez en Cōstantinoble, ou grand dueil fut appaisé. Puis a dit Esclarmonde comment elle a eu nouuelles par le pelerin, de Valentin, dont ioyeux fut Orson: car sur toutes choses desiroit sa venue. Celle nuit coucha Orson avec Galazie, & engēdra vn fils qu'eut nom Morant, lequel tint le Royaume d'Angorie, il ne demetra guere qu'Orson mist son armee sus pour aller en Hógre. Et quand le Roy Hugon le sceut il luy enuoya vn messager disant s'il vouloit accorder qu'il luy laisseroit la cité d'Angorie, & pour l'armee recompenser il luy donneroit quatre cheuaux chargez de fin or, & s'il y auoit nul que de la trahisō dessusdicte le voullist accuser, il s'en combatroit à tous, pourueu que ce ne fust Orson. Le message fait & le conseil tenu, le Verd cheualier ietta son gage contre le Roy Hugon, auquel il le fit porter, & qu'il se trouuast hors des murs de la cité d'Angorie.

Comment le Roy Hugon & le Verd cheualier se cōbatiront l'un contre l'autre, hors des murs de la cité d'Angorie.

A Pres le deuiselement de la bataille, le Roy Hugon vint au champ bien armé à grand triomphe pour
com

combattre: mais le verd cheualier y fut le premier. Et quand ils furent prests ils frapperent des esperons, & de si grand'force sont venus que leur lances rompirēt: puis mirent les mains aux espees & Dieu sçait quels coups ils se donnerent, & tant que Dieu ayda au bon droict: car le Verd cheualier donna tel coup au Roy Hugó sur le heaume, qu'une partie de la teste luy couppa iusques aux espaules & l'abbatit. Lors fut honoré le Verd cheualier: puis Hugon print parole & demanda vn cōfesseur, & la compra toute la trahison, & en icelle place mourut. Orson fist prendre le corps & notablement le fit enterrer en vne abbaye qui près de là estoit, & luy fut bel honneur fait, pource qu'il estoit Roy couronné. Et pourtant môstra Orson la noblesse qu'en luy estoit. Tous furent informez de la trahison du Roy Hugon, & par le conseil des sages rendirent à Orson la ville d'Angorie, & tout le pays, lequel en print possession & en receut les hōmages: puis il s'en retourna en Constantinoble, & le verd cheualier. Valētin fut moult ioyeux de ce qu'il les voyoit en ioye & prosperité. Moult estoit esbahye Esclarmonde que valentin ne venoit, & disoit. Ha mauuais pelerin tu m'as bien trahie, quand tu me dis que mô amy valentin viendrait au tiers iour, & ie n'en ay nulles nouuelles en quelque maniere du monde. Helas elle ne pēsoit pas qu'il fust si près d'elle: car il estoit dessous les degrez de son palais ou du vouloir de Dieu tantost finera ses iours, & adonc le cognoistra.

Comment au bout de sept ans Valentin dedans le Palais de Constantinoble finas ses iours, & escriuint vnes lettres par lesquelles il fut cogneu.

AV terme de sept ans que le saint homme valentin en peine & grand tribulation sa penitence acheua, & pleut à nostre Seigneur l'oster dehors de ce

monde & l'appeller en gloire, il luy print vne grãd'maladie, dont moult se sentit affoibly & en remercia Dieu deuotement. Helas (dist le saint homme) mon createur qu'à ta semblãce me creas, ayes mercy de moy qui suis pauvre pecheur, & te plaise me pardonner la mort de mon pere, & tous les pechez qu'onques ie fis depuis que ie fais né. Vray redempteur de tout le monde, ne confidez pas ma ieunesse laquelle i'ay trop follement passée en plaisirs mondains, & ne me vueillez pas condamner: prene par ta sainte misericorde en tes mains ma pauvre ame, & la vueilles receuoir & deffendre du diable. En disant les parolles vn Ange de Paradis s'apparut, qui luy dist. valentin saches de certain que dedãs quatre iours de ce monde partiras: car c'est le vouloir de Dieu, qui deuers toy m'enuoye. Helas mō Dieu (dist Valentin) bien te dois remercier, quand par les saints Anges la fin de mes iours me fais asçauoir. Adóc le saint homme fit signe qu'on luy apportast encre & papier. Lors valentin escriuit comment luy mesme en habit de pelerin à la trahison descouuerte, & tout l'estat de sa vie: puis y mist son nom & la partie de l'anneau ploya dedans & en sa main la tint. Et apres ces choses fist vn prestre venir, auquel deuotement les pechez cōfessa, & les saints sacremēs reçeut & à celle heure trespassa. En celuy iour pour luy commencerent à sonner toutes les cloches de la cité, dont le peuple fut esmerueillé. Et l'Emperer Orson & tous les Barōs descendirēt, & ont trouuē le prestre au pres du saint corps. Amy, dist Orson, pourquoy est-ce qu'ainsi fort sonnēt les cloches. Sire, dist le prestre, ie croy que ce soit miracle que Dieu veut monstret pour cestuy saint homme: car tout ainsi qu'il à rendu l'esprit les cloches ont de toutes pars cōmencé à sonner. Et quand Orson vit que le pauvre ho-

me estoit en ce lieu trespaslé, fort fut pensif & esmerueillé. Par ma foy, dist il, ie croy que cestuy soit sainct corps, & que pour luy Dieu fait miracle. Lors aduisa qu'il tenoit la lettre en sa main, & la cuida prédre: mais auoit ne la peut fors seulement Esclarmonde: car incōtinent quelle le toucha, la main s'ouurit & à son plaisir print la lettre, si fust tātost desployee. Et lors Esclarmōde vit & cogneut la moitié de l'anneau. Puis elle dist. Seigneurs, tantost auray nouuelles de mon amy valētin. Si eut vn secretaire qui les lettres leut ou estoyēt cōtenuz tous les faits du sainct hōme. Pas il ne faut demander les grādes douleurs & cōplainctes qu'alors furent faits d'Orson & de Bellissant, & d'Esclarmōde. Car trop auoit le cœur dur, qu'adonc ne plouroit. La belle dame Esclarmonde ainsi que demie morte, se ietta sur le corps en faisāt tels regrets, pleurs & lamētatiōs qu'il sembloit qu'elle deust mourir. Helas, disoit elle, & que dois-ie deuenir, qñd i'ay perdu ma ioye, ma vie, mon confort, & ma seule esperāce. Las! mō amy valētin, & qu'ayez vous en pensee quād si pres de moy estes venu mourir en pauureté, & si grād misere sans me dōner aucune cognoissāce de vous. Las ie vous ay veu souuēt en pauureté, froidure & trauail sās vous dōner confort. Or suis ie biē sur toutes la plus mal fortunée, quand ie n'ay sceu cognoistre n'aduiser celuy que tant ie deuois seruir longuement en amere tribulation, cōme vraye, & loyalle espouse: puis baisoit sa face & ses mains en destresse: apres le grand dueil le sainct corps fut porté en terre en la grād'Eglise de Constantinoble, en si grād cōpagnie que nul par les rues ne pouuoit tourner. Et ne demeura pas longuement que le corps fut canonisé & mis en fierte. Si monstra biē Dieu qu'il estoit biē digne d'estre appellé sainct: car le iour de son trespaslement

tous malades de quelque maladie qu'ils fussent entachez, qui son corps visiterent, furent tous sains & gueris si ne demeura pas longuement qu'Escarmonde apres la mort de valentin se rendit rommain, depuis dit l'histoire qu'elle fut abesse d'une abbaye, qui en l'honneur de saint valentin fut fondee. Ainsi partit de ce monde le glorieux corps saint, & Orson demeura Empereur de Grece, qui sept ans seulement apres la mort de valentin gouerna l'Empire, en celuy tēps eut vn fils de Galazie, nommé Morant en son temps posseda le royaume d'Angorie. Et dedans les sept ans mourut Galazie, dont l'Empereur Orson grād ducil en demena, & depuis la mort d'elle il ne mangea que pain & racines, & petits fruiçts, que parmy le bois trouuoit. Si luy aduint vne nuit en visiō, qu'il voyoit toutes les portes de paradis ouuertes & vit les ioyes des sauuez, les sieges des saints courōnez en la gloire, les Anges, qui si melodieusement chātoient deuant le sauueur du monde. Puis vit apres deux hautes roches au profond d'une grād'vallee obscure & tenebreuse, le gouffre d'enfer ou estoient les damnez, les vns en feu ardent, les autres en chaudieres bouillās, pēdus par les langues, les autres assaillis & environnez des serpens: & generalement vit toutes les peines d'enfer, qui sont horribles & espouuantables à racompter, apres laquelle visiō. il s'esueilla tout effroyé & esmerueillé des choses qu'il auoit veuës, & en plourāt piteusement dit au verd cheualier. Amy ie cognois que le monde est de petite valeur & peu de duree, & que tout n'est que vaine gloire des pompes de ce monde desplaisantes à Dieu & au salut peu profitables, pour laquelle chose ie vous prie que de mes deux enfans vueillez penser & les conformer en mœurs, & en conditions, en telle maniere qu'ils puissent
l'Em

l'Empire de Grece bien gouverner au gré de Dieu & du monde : car la charge ie vous en laisse totalement comme à ceux en qui sur tous les hommes du monde i'ay parfaicte fiance. Et sachez que le demeurant de mes iours ie veux mener vie solitaire, & veux abandonner le monde, & de ceste heure presente ie renonce à tous honneurs mondains, & prens congé de vous. Quand le verd cheualier ouyt ces parolles, il se print tendrement & piteusement à plourer, & Orson le reconforte & dit doucement. Helas pour moy ne plourez plus : mais priez Dieu pour moy qu'il me doint puissance de mon vouloir accomplir : puis se partit Orson en deffendant au Verd cheualier que son entreprinse ne declairast à personne. Si s'en alla en vn grand bois ou le demourant de ses iours mena vie sainte, tant qu'apres sa mort il fut saint canonisé, & plusieurs miracles fit. Et le Verd cheualier gouverna les enfans, en la maniere qu'ils furent sages & vaillans, & de tout le peuple ayez. Si tindrent paisiblement l'Empire de Grece & le Royaume d'Hongrie, & plusieurs terres payennes qu'ils conquererent. Lesquelles choses sont declairees plus à plain aux histoires, & chroniques qui depuis en ont este faictes. Ceuiluy qui souffrit mort & passion veuille donner sa gloire à tous ceux qui le present liure escouteront. Laquelle nous doit le Pere, le fils, & le saint Esprit.

Ainsi soit-il.

F I N.

Bayerische
Staatsbibliothek
München



TABLE DES SOMMAIRES

declaratifs contenuz en ce
present liure.

C omment l'Empereur de Constantinoble fut trahy par l'Archeuesque.	Pag. 7.
Comment l'Archeuesque refusé & rebouié de Bellissant machina grand trahyson pour son honneur garder contre la noble dame.	9
Comment l'Archeuesque se mist en habit de cheualier, & monta à cheual pour suyure la dame Bellissant, laquelle estoit bannie piteusement.	17
Comment Bellissant enfanta deux beaux fils, dont l'un fut appellé Valentin, & l'autre Orson, & comment elle les perdit au bois.	20
Comment l'Ourse emporta un des enfans de Bellissant en sa fosse avec ses petis Orsons.	25
Comment par le conseil de l'Archeuesque furent esleues nouvelles coustumes en Constantinoble, & comment la trahyson fut cognouë.	28
Comment l'Empereur Alexandre par le conseil des sages enuoya querir le Roy Pepin, pour sçauoir la verité du marchand & de l'Archeuesque.	32
Comment le marchand & l'Archeuesque se combattirent pour sçauoir la verité de la Royne Bellissant.	36
Comment le Roy Pepin print congé de l'Empereur pour s'en retourner de Constantinoble en France, & comment il alla à Rome contre les Sarrazins.	43
Comment Auffroy & Henry eurent enuie sur Valentin à cause que le Roy Pepin l'aymoit.	54
Comment	

T A B L E.

Comment Valentin conquist Orson son frere dedans la forest d'Orleans. 60

Comment Valentin conquist Orson en la forest, & l'emmena au Roy Pepin à Orleans. 64

Comment Auffroy & Henry pour leur enuie prindrent conseil pour tuer Valentin en la chambre d'Esclatime. 69

Comment le Duc Sauary enuoya deuers le Roy Pepin pour auoir secours contre le Verd cheualier qui à force vult auoir sa fille Fezonne. 73

Comment plusieurs cheualiers vindrent en Aquitaine pour ouider auoir la belle Fezonne. 78

Comment Auffroy & Henry firent guetter Valentin & Orson sur le chemin pour les faire mourir. 82

Comment apres que le chap fut fait, le Roy Pepin vint aux fenestres de son palais, pour voir Orson & Grigar, combattre l'un avec l'autre. 90

Comment Grigar apres ce qu'il fut conquis & vaincu par Orson, confessa deuant le Roy Pepin la trahison d'Auffroy & Henry, faite contre le noble Valentin. 92

Comment Valentin par la grace de Dieu s'aduisa d'enuoyer le lendemain Orson pour combattre le Verd cheualier. 112

Comment l'Ange s'apparut à Valentin, & du commandement qu'il luy fist. 122

Comment le bon Roy Pepin partit de France, pour s'en aller vers l'Empereur de Grece, porter nouvelles de sa sœur Bellissant, & comment deuant son retour fist guerre au Soudan, qu'auoit assiegé Constantinoble. 132

Comment Valentin & Orson, arriuerent au chasteau ou estoit la belle Esclatimonde, & comment par la Teste d'airin, ils eurent cognoissance de leur generation. 139

Comment le bon Roy Pepin partit de France pour s'en aller vers l'Empereur de Grece, porter nouvelles de sa sœur Bellissant. Et comment deuant son retour fit guerre au Soudan qui

T A B L E.

qui auoit assiegé Constantinoble.	151
Comment Pacolet par son sort deliura Valentin & Orson des prisons de Ferragus, & les mist hors de sa terre avec leur mere Bellissant & Esclarmonde.	162
Comment le Roy Ferragus pour auoir vengeance de Valentin, & de sa sœur Esclarmonde. fit assembler tous ceux de sa terre: & comment il descendit en Aquitaine.	167
Comment Orson voulut essayer la volonté & loyauté de la belle Fezonne, deuant qu'il l'espousast.	176
Comment le Geant Ferragus pour auoir secours manda le Roy Trompart, & l'enchanteur Adramain. Et comment Valentin partit d'Aquitaine pour aller à Constantinoble.	182
Comment l'enchanteur Pacolet deliura Valentin & le Verd cheualier, de la prison du Soudan Noradin, & comment il deçent le Soudan.	192
Comment le Roy Trôpart vint deuant Aquitaine pour secourir le Geant Ferragus, & amena avec luy Adramain l'enchanteur par qui Pacolet fut trahy.	201
Comment Pacolet se vengea de l'enchanteur Adramain lequel l'auoit trahy & desrobé la belle Esclarmonde.	209
Comment les Chrestiens pour auoir des viures sortirent de Constantinoble, & comment Valentin & le Verd cheualier furent prins par les Payens.	215
Comment le Roy Pepin prit congé de l'Empereur pour retourner en France, & de la trahyson d'Auffroy & Henry, a l'encontre d'Orson.	225
Comment Orson quand on le vouloit iuger, mist opposition sur le iugement & demanda champ de bataille contre ses accusateurs, lequel par les douze pers luy fut accordé.	235
Comment Valentin en querant Esclarmonde, arriva en Antioche, & comment il vainquit le serpent.	241
Comment Valentin apres qu'il eut conquis le serpent, fist baptizer le Roy d'Antioche & tous ceux de sa terre, & de	Ro

T A B L E.

Rozemonde, qui de luy fust amoureuse. 250

*Comment le Roy d'Antioche, pour autant qu'il auoit renou-
cé la loy de Mahom, fut par Brandiffer le pere de sa femme
mis à mort. Et comment l'Empereur de Grece, & le Verd che-
ualier, furent prins par Brandiffer deuant Cretophe.* 254

*Comment la belle Esclarmende, apres que l'an fust accom-
ply contrefit la malade, afin que le Roy d'Inde la Maisour ne
l'esponsast. Et du Roy Lucar qui voulut venger la mort du Roy
Crompart son pere, allencontre du Roy d'Inde la Maisour.* 256

*Comment le Roy Lucar espousa la belle & gracieuse Ro-
zemonde, en la cité d'Esclardie.* 260

*Comment le noble cheualier Valentin partit d'Esclardie,
pour s'en aller en la grande & puissante cité d'Inde la Ma-
iour, porter la deffiance du puissant Roy Lucar.* 264

*Comment le noble cheualier Valentin, fist son message au
Roy d'Inde de par le Roy Lucar, & de la responce que donnee
luy fut.* 269

*Comment Valentin retourna en la cité d'Esclardie, & de
la responce qu'il eut du Roy d'Inde la Maisour.* 272

*Comment Rozemonde trouua maniere & façon de soy em-
mener au Roy d'Inde la maisour, lequel elle aymoit parfaisite-
ment.* 278

*Comment le Roy Lucar fist tant que le Roy Brandiffer de-
moura avec luy, & enuoya en Angorie le noble Valentin con-
tre le Roy Pepin son oncle.* 283

*Comment Pacolet fist mettre à mort les Payens par Bran-
differ, & le Roy Lucar.* 286

*Comment Valentin apres la bataille retourna deuant In-
de vers le Roy Brandiffer, & on fu parler mort le Roy Mur-
galant.* 290

*Comment Valentin ouyt nouvelles de son pere, & comment
Pacolet deliura le Roy d'Inde par son fors, & luy lura Bran-
differ à sa volenté.* 295

T A B L E.

Comment Auffroy & Henry trahirent le Roy Pepin leur pere, & les douze pers de France. 298

Comment Auffroy pour sa trahison parfaire, arriva deuant Brandiffer & Lucar, & comment par trahison luy mesme fut deceu. 303

Comment la belle Galazie, apres quelle eut cognen la fausseté & trahison d'Auffroy, le fit mettre en ses prisons moult estroictement. 306

Comment Brandiffer & Lucar prindrent dedans Ierusalem le Roy Pepin, & les douze pers de France. 309

Comment le Roy d'Inde la Maiour, emmena pour sa part des prisonniers, le Roy Pepin: mais pas ne sçauoit qu'il fust Roy de France. 313

Comment le Roy Pepin estant avec le Roy d'Inde, eut connoissance de la belle Esclarmonde. 316

Comment Brandiffer emmena au chasteau fort les douze pers de France, & les fit prisonniers. 318

Comment Brandiffer apres qu'il eut assemblé tous ces gens en Falezie, il monta dessus la mer pour aller en Angorie contre les Chrestiens. 319

Comment Brandiffer sceut que Lucar estoit en Angorie, & manda à Valentin pour faire l'appoinctement de le r'achapter. 321

Comment Milton d'Anglor qui estoit nommé Roy de France, en pensant sauuer Pepin fut deliuré des prisons de Brandiffer en change de Lucar. 324

Comment Valentin & le Duc Milton d'Anglor, saillirent d'Angorie sur l'ost des Payens, & comment les Payens perdirent la bataille & furent desconfits. 327

Comment le Roy Pepin fut rendu par le Roy d'Inde, en change de son mareschal. 330

Comment le Roy Pepin partit d'Angorie, & vint en Frâce pour Arius de Breagne, qui sa femme vouloit espouser. 332

Comment

T A B L E.

<i>Comment Valentin alla en Inde la Maiour, & contrefit le medecin, pour voir la belle Esclarmonde.</i>	333
<i>Comment Valentin print chasteau fort & deliura son pere l'Empereur de Grece, & tous les prisonniers qu'auec luy estoyent.</i>	339
<i>Comment l'Empereur & Orson, & le Verd cheualier demurerent en garnison au chasteau fort, & comment Auffroy & Henry, firent mourir leur pere le Roy Pepin.</i>	342
<i>Cōment apres la mort du Roy Pepin, le Duc Millon d'Angler, voulut faire couronner Roy le petit Charlot.</i>	344
<i>Comment l'Empereur de Grece, Orson, & le Verd cheualier, partirent du chasteau fort pour venir en Angorie les Chrestiens secourir.</i>	347
<i>Comment les Chrestiens saillirent de la cité d'Angorie, & de l'ordonnance de leurs merueilleuses batailles.</i>	348
<i>Comment Valentin tua son pere l'Empereur de Grece pitieusement en bataille.</i>	352
<i>Comment Millon d'Angler retourna en France, & comment Valentin & Orson allerent en Grece.</i>	355
<i>Comment Valentin print congé de la belle Esclarmonde pour aller à Rome son peché confesser.</i>	357
<i>Comment Valentin en grand douleur de son corps parfit sa penitence pour son pere qu'il auoit occis.</i>	358
<i>Comment le Roy Hugon fit demander Esclarmonde pour femme, & comment il trahit Orson & le Verd cheualier.</i>	361
<i>Comment Bellissant & Esclarmonde, sceurent la trahyson du Roy Hugon, & de sa fauce entreprise.</i>	369
<i>Comment Orson & le Verd cheualier furent deliurez des prisons du Roy de Surie, pour l'appointement de la guerre qu'ils firent puis au Roy Hugon.</i>	372
<i>Comment le Roy Hugon & le Verd cheualier se combattirent l'un contre l'autre, hors des murs de la cité d'Angorie.</i>	372
<i>Comment</i>	


T A B L E.

Comment au bout des sept ans, Valentin dedans le palais de Constantinoble fina ses iours, & ecrivit une lettre par laquelle il fut cogueu.

373.

Fin de la Table, & de l'Histoire
de Valentin & Orson.

Bayrische
Staatsbibliothek
München



XXX

VIII. 30

